

宋

元 脱 脱 等撰

中 華 書 局

卷三三至卷四-

七(紀)

册

宋史卷三十三

本紀第三十三

孝宗一

炎元年十月戊寅生帝于秀州青杉牐之官舍,紅光滿室,如日正中。少長,命名伯琮 論,令齡生子偁,是爲秀王。王夫人張氏夢人擁一羊遺之曰:「以此爲識。」已而有娠,以建 旭 少子秦王德芳生英國公惟憲,惟憲生新興侯從郁,從郁生華陰侯世將,世將生慶國公令 孝宗紹統同道冠德昭功哲文神武明聖成孝皇帝,諱眘,字元永,太祖 七世孫也。 初,太

後。 宗言之,高宗大寤。 享之,遭時多艱,零落可憫。 同 及元懿太子薨,高宗未有後,而昭慈聖獻皇后亦自江西還行在,后嘗感異夢,密爲高 知樞 密院 事李回 會右僕射范宗尹亦造膝以請, 日三藝祖不以大位私其子, 朕若不法仁宗,爲天下計,何以慰在天之靈。」於是詔選太祖之 高宗白:「太祖以神武定天下,子孫不得 發於至誠。 陛下爲天下遠慮, 合於藝

六一五

本紀

第三

十 三

孝

宗

『伯』字行內選太祖 高宗曰:「此 旭 「昌陵之後,寂寥 可以昭格 事不難行,朕於『伯』字行中選擇,庶幾昭穆順序。」而上虞丞婁寅亮亦上書言: 天命。」參知政事張守曰:「藝祖諸子,不聞失德,而傳位太宗,過堯、舜遠甚。」 一無聞,僅同民庶。 諸孫有賢德者。」高宗讀之,大感歎。 藝祖在上,莫肯顧歆,此金人所以未悔禍也。 望陛下於

起居 年 五 郎朱震 制制 月 紹 月壬寅, 出閤就 興二年五月,選帝育于禁中。三年二月,除和州防禦使,賜名瑗。壬寅,改貴州。 用左 授保慶軍節度使,封建國公。 棄贊讀,高宗命帝見沖、震皆拜。 |僕射趙鼎議,立書院宮中教之,旣成,遂以爲資善堂。 外第。 十三年九月, 六月己酉, 秀王歿于秀州(三。 十二年正月丁 聽讀資善堂, 酉,加檢校少保, 以徽猷閣待制范沖兼 十四年正月庚辰, 帝讀書彊記,天資特異。 封普安郡王。 用 心翊善, 五.

聽解官行服。 十六年四月乙巳,免喪還舊官。 十-七 年六月戊午,改常德 軍 節 度 使。

之。 大驚。 及檜 + 阴 疾篤 四年,衢州 日 以 問檜 ,其家秘 ||檜謂 盜 不以 起 不足煩聖慮,故不敢 ,秦檜遣殿前 聞 謀 以子 司 將官辛立 帝 聞 ,俟朝夕盜平則 又密啓 將千人捕之,不以聞。 高宗 破 其奸 奏 矣。 檜退, 帝 文 知 侍言之,高宗 爲帝言 忌

河三司, + 進封建王 年二月癸酉, 制 立爲皇子 出,中外大悅。 更名暐。 四月,賜字元瓌 甲戌 詔 下。 丙子 制授寧國軍節度使、開府儀

將,十二月遂扈蹕如金陵。 入爲帝言,太子不宜將兵,乃爲草奏,因中宮以進,請衞從以共子職。 网 淮失守,朝臣多陳退避之計,帝不勝其憤,請率師爲前 三十一年十月壬子,以明堂恩,改鎭南軍節度使。 先是,金人犯邊,高宗下詔 驅。 直講史浩以疾在告, 高宗因亦欲帝徧識 聞之, 親 应 而

稱旨。六月甲戌(三),御筆賜字元永 同音,不可。 而請對,言不宜急遽,故先下建儲之詔,賜名燁。 固辭,會有邊事不果。及歸自金陵,陳康伯求去,高宗復以倦勤諭之。 三十二年五月甲子,立爲皇太子,改名客。 詔別擬進,乃定今名。旣又命學士承旨洪遵爲太子擇字,遵擬四字以進,皆不 初,高宗久有禪位之意, 監察御史周必大密與康伯言,與唐昭宗名 中書舍人唐文若 嘗以諭帝, 帝流 聞 涕

稱賀 退,太上皇帝即駕之德壽宮,帝服袍履,步出祥曦殿門,冒雨掖輦以行,及宮門弗止。 入班殿庭。頃之,內侍掖帝至御榻前,側立不坐,內侍扶掖至七八,乃略就坐。 再三,乃止。於是高宗出御紫宸殿,輔臣奏事畢,高宗還宮。 后。」丙子,遣中使召帝入禁中面諭之,帝又推遜不受,卽趨側殿門,欲還東宮,高宗勉諭 一帝遽 興。 內降御札:「皇太子可卽皇帝位。 輔臣升殿固請,帝愀然曰:「君父之命,出於獨斷。然此大位,懼不克當。」班 **股稱太上皇帝**,退處德壽宮, 。百官移班殿門外, 皇后稱太上 宰相率百 拜詔 畢, 上皇 僚 復 皇

幹辦等官,德壽宮宿衞

依皇城及宮門法

有司 尶 謝 再三, 議太上皇帝 且令左右扶掖以還, 太上皇后尊號以聞, 顧曰:「吾付託得人、吾無憾矣。」 左右 在內諸司日輪官吏應奉德壽宮, 皆呼萬歲。 增置德壽宮提 是 日 點

宗 帶御器械。 亥,詔以太上皇不許五日一朝,自今月四朝。 撫使吳璘 魏國公。 侍從、臺諫條上民間 月奉德壽宮緡錢十萬。 上太上皇帝尊號日光堯壽聖太上皇帝,太上皇后曰壽聖太上皇后。乙未晦,金人屠原州 廟、社稷。 「有 秋七月戊戌,興州 Ţ 1 事于 兼陜 甲辰,以參知政事汪澈 朝德壽宮。 癸未,始御後殿。 庚辰, 詔五日一 太 西 廟、別 河東路宣撫、 利害。 廟。 中軍 戊寅,大赦。 辛卯, 癸 丑, 統制吳挺復鞏州。 壬寅,詔戒飭諸郡守臣。 朝德壽宮。 甲申, 詔罷 招討使。 視師 馬軍司中軍統制趙撙、忠義軍統領皇甫 四川 韶宰相率百官月兩朝德壽宮。 韶中外士庶 湖北、京西。 市馬。 追復岳飛元官,以禮改葬。 以左武大夫龍大淵爲樞密 復除名勒停人胡銓 庚子 壬辰,詔百官日一人入對。 **派陳時政** 遣劉珙等使金告即位。 ,判建康府張浚入見。以雨水、飛蝗,令 癸卯,以張浚爲少傅、江淮宣撫使, 闕 失。 丙戌, 管, 是夜, 己卯,以卽位告于天地、 副都 知饒州。 韶進宰執官二等。 ,地震,大風拔木。 承旨,武翼郎 倜復光州。 癸巳,蝗。 甲午 戊申, 己丑,詔有司 以四川宣 甲寅 曾覿 封

朝獻景靈宮。

詔淮南諸州存恤淮北來歸之民,權免稅役。

丙辰,以少保、保康軍節度使吳

壬 郡 益 戌 王 爲 少傅 璩 以 入 黄 見。 太 祖 尉 舜 庚 兼權 寧武 申 以 參 軍節 御 知 前 政 度使吳蓋 事 軍 器 C 罷 所 仍 諸 爲開府儀同三司。 隸 路 聖 I 節 部 進 字 奉 酉 詔 詔 李 T 後 顯 Ė, 省 忠 看 靇 軍 詳 李 馬 中外 聽 寶措置海 張 上書 後節 有 道 制 口 癸 采 戊 亥 午 者 以 恩平 增 聞 將

+

戰

傷

夕

者

推

恩

格

詔

蠲

四川

積

年

逋

順 生 申 后 日 尊 軍 吳璘 爲 號 八 月 會 己巳 册 敗 慶 寶。 Ž 金 節 # 以翰 人于 丁. 0 朔 亥, 追 北 林 几 册 山 Ш 學 故 班 上 馬 寬 妃 戊子 史 軍 郭氏 恤 浩 統 事 ٠, 爲 制 爲 追 + 參 高 皇 亢 復 師 知 李光 條。 后 政 中 事 與金人戰于摧 資 起 0 政 居 戊 殿 舍 寅 學 Ì 率羣臣 洪 邁、 沙 趙 , 鼎、 詣 知 敗 閣 德 范沖 死 壽宮 門 0 事 並 丙 張淪 ,奉上太上 還 寅 合 吳璘 坐奉 得 恩 與金 使 數 皇帝 辱 命 人 庚 太太 八戰于德 龍 上 以 皇 甲

罷。 堡 從、 内 午 (=) 司 臺 九 諫 進 韓 中 月 各 封 補 軍 甲 慶王 詔 陳 朱 將 午 應 侍 震 ٠, 李 敵 從、 以子 庠 范沖 定 惇 臺 戰 論 爲 愭 諫 死 鎭 子 以 爲 舉 聞 洮 孫 少 1 知 官 軍 保 酉 几 辛 節 Ш 永 詔 度 庚 丑: 利 興 使、 開 戌 害 詔 軍 講 吳璘 開 可 節 諡 日 爲 府 皇 度 召 審 都 儀 使, 后 輔 度 同 郭氏 轉 臣 措 運 進 觀 置 司 使 日 封 講 者。 恭 鄧王; 保 進 懷 全 庚 Ш 封 恭 JII 子 陝 辛亥 愷 蜀 , È 宣 以 爲 0 金 諭 雄 甲 Z 振 使虞 X 武 已 午 來 准 軍 • 索舊 允 東 詔 金 節 義 纂 文 人 度 以 攻 兵 錄 禮 使、 德 及 論 勳 詔 開 歸 邊 順 臣 宰執、 名 事 正 軍 府 次。 儀 不 東 侍 合 Ш 同

本

紀

剱

Ξ:

--

=

孝

宗

六二〇

以 卯 總領 詔虞允文赴吳璘 几 Ш 財 賦 軍 馬錢糧王之望爲戶 軍 議 事 0 辛酉,以吳璘 部 侍 郞 為 川陝宣諭使, 小 師 仍命將調兵同防守興州 JII \Box

兵追襲, 浩 丑 一,安南都護南平王李天祚、闍婆國王悉里地茶蘭 兼權 壬午,官岳飛孫六人。 詔 冬十月丙寅,詔朝臣舉堪監 會慶節權 知樞密院 遂爲所敗。 , 発上 壽。 事 乙酉, 己巳,葉義 戊寅 升建州 甲申 問罷。 ٠, 司、郡守者。 詔張浚、 契丹招討蕭鷓巴來奔。 爲建寧府 詔登聞鼓院毋沮抑進 陳俊卿覆實諸將 戊辰,以 戊子,以資政殿學士張燾同知樞密院事 固 野、占城 岳 陽 金人攻德順城,吳璘擊走之,復遣 軍節度使居廣開府儀同三司 所陳 國王 狀。 功賞。 鄒時巴蘭並加食邑實 庚午 ,以恩平郡王璩爲 改諡皇后郭氏 办 史

四 甫 倜 萬網。 軍帛 一月庚子 五千匹、綿 甲寅,定內侍官額。 以蕭鷓巴爲忠州團練使。乙巳,金人攻水洛城。 萬 兩。 戊申 辛酉 , 韶改明年爲隆興元年。 ,史浩冕權知樞密院事。 辛亥, 裁定文武臣宮觀、嶽廟員數。 免楊存中所獻酒坊逋負錢 丙午, 賜忠義軍統制皇

使 部 內 令江、淮宣撫司增招武勇效用軍。 知州治行臧否以聞。 二月乙丑,詔宰臣 復兼樞密使。 詔棄德順城 , 戊辰、詔侍從、臺諫集議當今弊事 金人攻隴城縣,官軍拒卻之。 徙兵民于秦州以裏屯住。 丁 卯 丙寅 以陳康伯兼樞密 仍命盡率其屬 韶帥臣、監 司

力.

措

置京西營田

司

觀 使 [祭使已上各舉所知三人,三省、樞密院詳 極 言 I無隱。 辛未, 劉珙、張說還自 盱眙 戊寅 議立格以聞 ,蠲四川登極 庚寅,罷建康、鎭江營田官兵。 赦前帶白 契稅錢 丙戌 詔

是歲,諸路斷大辟四十一人。

卯,

廣西賊王宣破藤州,守臣廖顒

棄城

使、都督 丁巳、韶吳璘軍進退可從便宜。 宣 撫 隆 司 奉詔 興 江 完 淮 年春正 班師。 東西路軍馬。 庚子 月壬辰朔,羣臣朝于文德殿。 ,,以史浩爲尙書右僕射、同中書 丙午,誅殿前司後軍謀變者。 | 隣已棄德順,道爲金人所邀,將士 帝朝德壽宮。 門下平章 戊申, 詔禮部貢院試額增一百人。 立武臣薦舉格。 事兼樞密使,張浚進樞密 死者數萬 甲午,四

東歸正 請,悉從之。 有 州 郡者,許以封王 二月壬戌朔,用史浩策,以布衣李信甫爲兵部員外郎,齎蠟書間道往中原,招豪傑之據 一忠義 軍。 戊辰,宰執陳康伯等乞再減奉,止存舊格之半,許之。己卯,振兩准流民及山 癸未,黃祖 一世襲。安慶軍節度使土籛乞減奉賜之半,以助 舜罷。 庚寅,逐秦檜黨人,仍禁輒至行在 軍用。 自是, 諸宗室

中 丞辛次膺同 月 壬: 辰朔, 知 樞 金左 密 院 一副元帥
紀石烈志寧
(三)以書取侵地。 事 ,葉義問落端明殿學士,饒州居住。 癸巳,以張燾爲參 丙申, 雨雹。 T 四 知 政事 ,詔戶部置 , 御

本

紀

第

+

ΞΞ

孝

(政。 甲寅,復以龍大淵知閤門事,曾覿同知閤門事,給事中、中書舍人留黃不行。 同知閤門事。 局,議節浮費 **能龍大淵** 庚申,以久雨,命有司振災傷,察刑禁。 壬寅,陳康伯上欽宗陵名曰永獻。 己亥,楊存中等乞減半奉如宰執例;許之。 庚子,以龍大淵知閤門事 別與差遣。 曾觀復帶御器械。 召張浚。 乙巳, 韶求遺逸。 己酉,張燾罷。 。丁未,詔修太上皇帝聖 。立選人減舉主法。 乙卯,詔飭郡 一,曾觀

師次盱眙。 臺峽議節浮費。 壬申,賜禮部進士木待問以下五百三十八人及第、出身。 乙亥, 王之望罷。 夏四月乙丑,定選人改官歲額。戊辰,張浚入見,議出師渡淮,三省、樞密院不預聞。 。癸未,詔以白金二十五萬兩給江、淮都督府軍費。戊子,張浚命邵宏淵帥 壬午, 韶戶部

戮 承旨洪遵同知樞密院事。督諸路開營田。辛亥,詣德壽宮賀天申節。 甲辰,顯忠及宏淵敗金人于宿州。乙巳,史浩罷。 辛丑,命左右史日更立前殿。 壬寅,張浚渡江視師。 金人拒之。 戊戌,顯忠東趨虹縣。 庚子,復虹縣,金知泗州蒲察徒穆及同知泗州大周仁降。 金兵數千人。 五月壬辰,申嚴鋪翠銷金及神祠僭擬之禁。 己丑,又命李顯忠帥師次定遠。是月,金人拔環州,守臣強霓及其弟震死之。 建康前軍統領官王珙巷戰,死之。丁未,以辛次膺爲參知政事,翰林學士 丁酉,李顯忠復靈壁縣。 追復司馬康右諫議大夫。丙午,復宿州 癸卯,金右翼軍都統蕭琦降于李顯忠。 金紀石烈志寧自惟陽 邵宏淵次虹縣,

劉 宏 殿 忠 卯 訓 寶 淵 兵 涌 前 與 下 等 爲 金 檢 至 國 司 詔 鎭 L 宿 軍 校 統 V 親 少保 江 戰 小 制 琦 征 諸 于 威 統 宿 李 軍 左 率 塞 丙 領 都 州 1 顯 辰 遠 軍 官 統 淵 忠 邵 軍 十二人, 召汪 擊卻 逃 制 節 遣 宏 歸 淵 御 度 澈 之。 T 使 前 不 Ė 癸 以二 忠 以 丑: 壬 招 勇 以 張 子 顯 將 討 軍 蒲 進 浚 忠 副 不 赴 察 李 失 欽 兼 使 叶 都 徒 顯 宗 利 都 督 而 穆、 忠 督 大 金 府 遁 開 是 荆 祥 人 大 府 夜 攻宿 甲 襄 是 周 儀 帝 月 建 寅 軍 同 服 州 馬 康 成 衰 蕭 李 城 中 司 服 都 顯 琦 軍 李 計 地 顯 忠 准 並 統 顯 震 忠 几 爲 南 忠 制 筵 邵 大 節 京 周 敗 邵 宏 畿 度 宏 之。 宏 淵 易 京 使 及 淵 祥 軍 東 邵 殿 服 徒 至 大 河 宏 穆 濠 潰 行 前 北 淵 州 祥 于 一 招 之子 祭禮 田 符 統 計 張 制 使 世 浚 官 以 張 邵 顯 周

膺 大 下 未 兵 請 翟 夫 三刀 [1] [1] 部 涌 李 罪 侍 六 好 職 顯 月 , 皆 근 己 郎 仍 忠 卯 周 庚 舊 不 葵 翟 申 , 李 張 許 軍 朔 浚 爲 顯 詔 職 降 參 忠 楊 丁 日 授 知 責 存 有 卯 特 王 政 授 中 食 申 進 事 以 之。 清 先 7 觀 仍 遠 計 以 汪 文 遣 軍 建 前 太 澈 殿 節 康 樞 內 傅 落 大 措 密 侍 度 資 學 置 使、 趣 副 同 政 土 營砦 使 1 安 殿 江 湯 准 郡 淮 學 筠州 思 東 王 土 東 檢 退 將 楊 西 安置 爲 視 土 台 存 路 醴 沿 功 州 中 宣 泉 江 賞 爲 居 撫 辛 守 觀 御 住 使 Ė, 備 使 癸 營使 官 兼 庚 命 戊寅 侍 屬 午 浙 讀 汪 各 節 ٠, 西 澈 張浚 奪 制 副 詔 戊 罷 殿 都 展 辰 官。 自 前 總 巛 張 盱 司 管 幸 召 邵 俊 胎 軍 宏 虞 李 Ż 7 還 馬 淵 期 寶 允 致 揚 兼 降 仕 州 癸 武 御 辛 酉 以 次 義 且.

本

紀

第

=

+

=

孝

盆

統 兵部尚 制官 書兼湖北、京西宣諭使。 ,措置浙西海道。 甲申, 右諫議大夫王大寶入對, 論移蹕。 戊子,放宮人三十人。以蕭琦爲檢校少保、河北招撫使 以敷文閣學士虞允文爲

門下 省、部、寺、監官吏。戊午,給還岳飛田宅。 從、臺諫、兩省官條上時政闕失。丁未,詔徵李顯忠侵欺官錢金銀,免籍其家。 官貶竄有差。 平章事兼樞密使。 秋 七月庚寅朔,以虞允文爲湖北、京西制置使。 丙申,太白晝見,經天。 李顯忠再責授果州團練副使,潭州安置。 罷江、淮宣撫司便宜行事。 癸巳,以湯思退爲尚書右僕射、同中書 乙巳,以旱蝗、星變,詔侍 乙未,韶宿州棄軍將佐奪 乙卯,裁减

爲災, 仲賢等齎書至金帥府,戒勿許四州,差減歲幣。 及歲幣。 八月丙寅,張浚復都督江、淮軍馬。庚午,以劉寶兼淮東招撫使。 避殿減膳。 癸未,復以龍大淵知閣門事, 罷借諸路職田之令。 戊寅,金紇石烈志寧又以書求海、泗、唐、鄧四州 曾覿同 知閤門事。丙戌,遣淮西安撫司幹辦公事盧 仍命諸將毋遣兵人出境。 丙子,以飛蝗、風水 地

九月已酉,楊存中罷。

夏氏爲皇后。 辛 冬十月戊午朔, 大臣 四 御殿復膳。 丁丑,地震。辛巳,升洪州爲隆興府。 己巳,遣護聖軍戍江南。 [奏金帥書言四事, 帝曰:「四州地、歲幣可與,名分、歸正 丙子, 詔太上皇后教旨改稱聖旨。 立賢妃 詔:「江、淮軍馬調發應援,從都督府取 人不可

旨 餘事悉以聞。」

備 望等為金國 小使者 十一月已丑 信所審議官。 丙 通 午,盧仲賢擅許四州 問 使。 盧仲賢自宿州 辛丑 一,詔侍 從、 以金都元帥僕散忠義遺三省、樞密院書來。 下; 臺 大理寺, 諫 於後 省集議 奪三官。 講 和 召張浚。 、遣使、 禮數、土 癸丑 一,以胡· 貢 四 庚子, · 防、 事 仍 楊 遣王之 由 各 薦 義 口

射,並 是歲,以兩浙大水、旱蝗,江東大水,悉蠲其租 十二月己未,陳康伯 同中書門下平章 事 兼樞 籠。 密 乙丑,張浚入見。丁丑,以湯思退爲尚書左僕射,張浚爲右僕 使。 浚仍都督江、 准東西路 軍馬。 壬午,西南方有白氣

使金通

問

國

散忠義 乙未,及皇后朝德壽宮。 是月,福建諸州 一年春正月辛卯,詔增德壽宮車輦儀衞。 復以書來。 庚戌,申嚴卿監、 地震。 丙申,命虞允文調兵討廣 郎官更出迭入之制。 壬辰, 西諸盗。 御文德殿, 壬子, 振歸正 庚子,罷諸州 册皇后。 招軍。 癸巳, 甲寅, 修三省法。 丙 午, 白 氣瓦 金僕

廣 西 路 二月辛未 都 给轄, 蠲 專 秀州 措置 貧民逋 盜 賊。 租。 丙子 壬 申 , ,容州妖賊李雲作 詔飭將帥減文武官及百司吏郊賜之半。 亂。 癸酉 一,復王 權 武 義 大夫, 罷 兩浙、福 命權

本

紀

第

=

+

Ξ

孝

淙

、江西、湖南、 初, 金帥以防等不許四郡,城繫之,昉等不屈,金主命歸之。 夔州路參議官。 丁丑,雨雹及雪。 獲李雲, 其黨悉平。 胡昉自宿州

備 西賊平,詔減高、藤、雷、容四州雜犯死罪囚,釋杖以下,蠲夏秋稅賦。 郎錢端禮爲淮東宣諭使, 午,王宣等降。詔三衙戍兵歸司,建康、鎭江大軍更番歸砦。 神勁右軍隸鎭江都統司。癸丑,以王彥爲建康諸軍都統制兼准西招撫使。 ,毋先事妄舉。 三月丙戌朔,詔張浚視師于淮。 盧仲賢除名, 械送郴州編管。 吏部侍郎王之望爲淮西宣諭使。 又詔王之望等以幣還。丁亥,詔荆襄、川陝帥臣嚴邊 。壬寅,詔知光州皇甫倜毋招納歸正 詔撫諭兩淮軍民。 庚戌,芝生德壽宮。 以忠勇軍隸步軍司 壬子, 以戶部侍 人。 丙

張浚罷。 忠毅軍 夏四月庚申,召張浚還朝。甲子,以李顯忠侵欺官錢給還諸軍。丁卯,以建康歸正人爲 · ,鎭江爲忠順軍,命<u>蕭琦、蕭鷓</u>巴分領之。 戊辰,罷江、淮都督府。 高麗入貢。 丁丑, 癸未,言者論宰相、執政徇欺之弊,命書置政事堂。

庚戌、罷招神勁效用軍。 **率羣臣詣德壽宮賀天申節**, 舍事宜以聞。 五月壬辰,復置環衞官。 丙申, 詔吳璘毋招納歸正人。 江西總管邵宏淵責授靖州團練副使,南安軍安置,仍徵其盜用庫錢。 辛亥,鬻兩淮所括戶馬。 始用樂。 丁未,蝗。 詔內外贓私不法官吏,尙書省置籍檢勘。 辛丑,詔劉寶量度泗州 乙巳, 重取

六月甲寅 朔,日有食之。 辛酉,以淫雨,詔州縣理滯囚。 戊辰, 太白晝見。 壬申 命處

允文棄唐、鄧,允文不奉詔。 丁丑,振江東、兩准被 水貧 民。

移廣 雹。 以 詔侍從、臺諫、 周 西提刑司于容州 戊申、蠲 漢棄權知樞密院 詔內外文武官年七十不請致仕者,遇郊毋得蔭補。 秋 七月乙酉,召虞允文。以戶部尚書韓仲通 准東內庫坊場錢一年。 卿 監、郎官、 事 遣主管馬軍司公事 館職陳闕失及當今急務。 庚戌,洪遵落端明殿學士。 張守忠以兵詣淮西,措置邊備。庚子,太白經 爲湖北、京西制置使。丁亥,洪瓊罷。 是月,罷內侍押班梁珂爲在外宮觀 乙巳,命海、 癸丑,以江東、浙西 泗州徹戍。 丁未,雨 大水 己丑

殿大學士賀允中爲知樞密院事兼參知政事。 命 江東、浙西守臣措置開決圍田。 月甲寅朔,以災異,避殿減膳。 甲子, 戊午, 南丹州莫延廩爲諸蠻所逐來歸, 秦國大長公主薨。 辛巳,詔振淮東被水州縣。 以久雨決繫囚。 張浚薨。 庚辰, 以資政 詔 補脩武 壬午,遣 郞

魏杞等爲金國通問使。

入貢。 諭 九月甲申,罷內侍李珂 金人犯邊。 丁酉、嚴贓吏法。 以久雨,出內庫白金四十萬兩,糴米賑貧民。 辛丑,以王之望爲參知政事 賜諡。 甲午,詔 江東浙 西監司、 、權刑部侍郎,吳芾爲給事中兼准 守臣講明措置 壬寅二 王彦帥師濟江 田事。 乙未, 交趾 軍昭 西

本紀第

+

=

孝

宗

致仕,

權領殿前司

職

事

吳芾 翮 並 癸卯,命湯思退都督江、 都督府參贊軍 事 罷宣諭 淮東西路軍馬,辭不行。 司 仍易國書以付魏杞。 乙巳,復命楊存中爲同都督 少保、 崇信軍節度使趙密落 錢端禮

糧 道 事,王之望兼 十萬, 所經州縣秋稅之半。 多十月甲寅, | 杞未得進。 同 知樞密院事 魏杞至盱眙,金帥以國書未如式弗受,欲得商、秦地及俘獲人, 1 卯, 以靖海軍節度使李寶爲沿海駐箚御前水軍都統制。 賀允中罷爲資政殿大學士, 庚午,詔輔臣 夕對便殿。 丙子, 致仕。 大風。 己巳,以周葵兼權 庚辰, 蠲京西 辛巳, 且邀歲幣 知 金人分 湖北 樞 密院 運

退、王之望、尹穡,竄其黨洪适、晁公武而用陳康伯、胡銓等, 陷。 王之望督視江、淮 王之望 渡淮 ,未至而卒。 存中都督江、淮軍馬。 丙戌,詔諭沿邊將士。 十一月乙酉, 同都督江、淮 劉寶棄楚州遁 甲午,以黃榜禁太學生伏闕。 軍馬。 知楚州魏勝 軍馬。 戊子,以金 辛卯,湯思退罷,尋以尹穡、晁公武論之,落觀文殿大學士,永州 場思退罷都督。 丁亥,詔魏杞等以所齎禮幣犒軍,杞弗從命,留鎭江俟旨 興金 人戰,死之,州遂陷,濠州 人侵擾,韶郊祀改用明年。 召陳 是日 康伯。 ,太學生張觀等七十二人上書,請 己丑, 以濟大計。 亦陷。 王之望罷 又詔諭歸正官民軍士。 王彦棄昭關遁, 丙申, 遗國信所大 同都督。 庚寅, 斬湯 滁 復 州 思 居 命 命 叉 命

遣 酉 官 諡 密 詔 地 涌 忠壯 使。 知 王 日 擇 事 銎 政 之望勞師 主 歸 H 寶 庚子, 事 至 視 抃 被 、落節鉞,爲武 辛丑 0 都 持 師 俘 周葵書 堂 遣兵部侍郎胡銓 Ţ 入, 未, 戊戌, 江 一議 一,兵部 惟 上。 事 版亡者 以 如金帥 , 有關臺 尚書錢端 以少保、觀文殿大學士 泰 顯 甲辰 護閣直 軍承 不 一; |金 府 諫 ·與 ; 宣 七、右 者 人犯六合縣, 禮 請正 使; 學士 賜出 諫 亦 誓 聽 議大夫尹穡 一皇帝號,爲 沈 目 王彥落龍 會議 身,簽書樞密院事兼提領 介為 大略 與紹興 沿 步 陳康伯爲 以 神神 江制置使。 叔 軍 **| 顯謨閣**| 分詣 司 衞 同。 統制 几 兩浙措置海道 厢 尚書左僕射、 學士 以金 ; 崔皋擊卻之。 都指 命沿江諸州 易歲 虞 人犯准 揮 允文同簽書樞 德壽宮。 貞 使 爲歲幣,減 南 间 鮰 中 調保甲分守渡 乙巳 魏 詔 書門 壬寅 勝 避殿 密院 寧國 + 以 , 下平章 (減膳 萬 詔 錢端 軍節 事 侍從、兩省 割 事 口 禮 癸 度使, T 商 兼 兼 四 權 樞

遣 沈 見 介 金 為兵 恭 閨 之望 帥 愈 月 皆得 來 部 甲寅 翟 迓 尙 使者。 書、 其 丙 陳 子 湖 報 康 書以 北 伯 以 詔 京 入 王 歸。 西 見, 諫、 抃 制 詔 為奉使 侍 置 戊 康伯 從、 使。 午, 金 間 叼 蕭 戊辰,以金 省 國 日一朝,肩 琦 官官 通 卒。 學 楚、 問 或 1 信所 人且 戌 廬、 興至 詔罷 參 滁 退 一殿門,給 議 濠 胡 詔 官 几 銓 督 州 持 府擇 扶 '尹 陳康伯 守 升殿。 穡 臣 利 0 "擊之, 丙 報 丙辰, 寅 書 以行。 王 召韓仲 之望執 周 葵罷。王 T 通。 术 丑: 印 以 抃 金

+ 本 紀 月 甲 第 申 + 靇 = 陝 西 孝 路 轉 運 戊 子. 2 魏 祀始 渡淮 詔 郊 和大禮 遵 至道 典故, 改用來

屯。 州 澶 红 知 時 淵 ۱¦: ۱:ار 軍 政 ,除逃 己酉, 之難,老穉有蕩析之裁 市馬赴行在。己亥, . 盟誓之信,做大遼書題之儀,正皇帝之稱,爲叔姪之國, 事 月 一 日 憐彼此之無辜,約叛亡之不遣,可使歸正之士咸起寧居之心。 禮部尚書王剛中簽書樞密院事 朝獻景靈宮。 遁官吏不赦外, 上辛 辛卯,以錢端禮爲參知政事兼知樞密院事,虞允文同知樞 庚戌, 雨雹。 雜犯 ,丁壯有係累之苦,宜推蕩滌之宥,少慰彫殘之情。 朝饗太廟。 死罪情輕者減一等, 壬寅, 罷三衙、江上、荆襄諸軍招軍。 丙申 - ,制日: 「比遣 餘並放遣。」遣洪适等賀金主生辰 王抃,遠抵潁濱,得其要約 歲幣減十萬之數, 甲辰, 重念數州之民, 遣沿海水軍還 密院事兼權參 應沿邊 地界如紹 被兵 罹 詔 此 興

軍官 賞。 抓 使 編 金 招 乾道 赋 有 壬 計司。 申 勞 一年。 庚 沙,進 申, 元 詔 (年春正月辛亥朔,合祀天地于圜丘,大赦,改元。丁巳,淮西安撫韓璡勒停, 以錢 丙子, 五 兩 甲 浙振 官。 戌 端禮兼德壽宮使。 准西守將孔福以遇敵棄城伏誅; 流民。 庚午 劉寶責果州團 ٠, 西北方有白氣。 以 紹 興流 練 辛酉 民多死, 副 使, 瓊州 召楊存中。 詔 靇 館 安置。 守臣 職 更迭 頓遇奪官, 徐嘉 乙亥, 補 通 及 問 外。 使魏 兩 鼅 縣令。 辛未, 刺面配吉陽軍牢城 兩准招 起至 立. 燕山。 癸酉 兩准 撫 司 及 蠲 守令勸 Ţ 沿 陜 卯 邊殘 西 以王抃 民 泂 東宣 種桑 賀州 破 州

遠 檢 昭 慶 月 浙 車 庚辰 州 節 縣 度 朔 使。 振 朝 河车 德 甲 飢 壽宮 民。 辰 庚寅 以 從 久 太 N 上皇、 雨 避 雹 殿 减 太上皇 癸巳 膳 后幸 蠲 移 兩 濠州 浙 四 災 聖 戍兵 傷 觀 州 于 縣 2 藕 身 四 塘 T 鴽 錢 庚 江 絹 子 淮 決 以 都 繋 楊 督 N 存 府 中 T 遣官 爲 避

陳康伯薨、諡文恭。

掠 辰 E 州 別 白 縣 H 氣 。) 官 月 口 同 甲 知 軍 天。 寅 樞 計 密院 平之。 太白 Ē, 事 書 罷 見。 諸 命 軍 准 己未 額 西 外 湖 制 御 北 領 殿 將 荆 復 佐 襄 膳。 帥 乙亥 臣 庚 措 申 (),太白 置 以 屯 | 虞允 田 經 天 文 復 爲 置 是 參 榷 春 場 知 政 湖 事 南 亥 兼 盗 同 黄 起 知 祖 樞 舜 密 廣 薨 院 東 戊

夏 川 月 庚 今子 , 金 報 問 使 完顏 仲等 入見。 乙巳, 吳璘 入 見

置 措 講 錢 誻 置 宪 路 吳 弊 巾 Ŧi. 遊 鈐 事 月 H 改 轄 以 庚 沿 紃 聞 戌 都 邊 興 監 以 守 完 合廣 隣 臣 府 郴 爲 兼 南 州 太 管 乙亥 東 盗 傅 屯 李 西 田 封 金 路 詔 事 新 等 未 툞 安 復 銓 事 丁 郡 作 試 爲 卯 王 亂 人 , 0 、毋得 一,遣兵 詔 司 丙 吳 辰, 璘 堂 討 措 亥 除 詔 捕 置 有 之。 詔 丙 馬 司 總 子 綗 治 領 皇 遣 水 帥 李若 后 路 漕 家 臣 廟 Ш 壬: 等 諸 申 使金 壬 軍 戌 蠲 都 賀 JU 統 詔 F Ш 制 監 尊 州 並 司 號 縣 兼 虚 提 帥 增 額 領 守

17 本 湀 유근 未 第 = 王 + 岡 __ 中 薎 孝 宗 四 詔 恭 Ŧ 府直 講 王 淮 傾 邪 不 Ė 有 違 禮 六三 經 山 興 外

丙

岳言境內飛,蝗自死,奪一官罷之。 丙申,以兩淮守令勞徠安集無效,下詔戒飭之,仍以詔置 戌 守令治所。 止進橫行三官,令本軍自效。辛卯,以武經郎令德爲安定郡王。 ,以翰林學士洪适簽書樞密院事。 壬寅、蠲廣東殘破郡縣稅賦。甲辰、罷湖北、京西制置司 戊子,步軍司統制官崔皋坐奏功冒濫,奪所遷觀察使 壬辰,以准南轉運 判官姚

注諸道監司、郡守姓名,因命都堂視此書之。甲寅,借職田租二年,以裨經費。 秋七月辛亥,詔知州年七十以上者與宮觀。 己巳,蠲關外四州民今年租賦及湖南賊蹂郡縣夏稅。 癸丑,輔臣晚對選德殿,御坐後有大屏,記

州爲常德府。 親嫌,罷爲資政殿大學士、提舉萬壽觀。戊戌,吏部侍郎章服以論虞允文阿附罷,謫居汀州。 院事兼權參知政事。庚寅,立知州軍、諸路總管鈴轄都監辭見法。 <u>虞允文</u>罷。戊子,大赦。己丑,以洪适爲參知政事兼權知樞密院事,吏部侍郎<u>葉</u>顒簽書樞密 九月乙卯,立廣國夫人錢氏爲皇太子妃。丁巳, 八月己卯,以永豐圩田賜建康都統司。癸未,獲李金。乙酉,詔立子愭爲皇太子。丁亥, 甲戌,以端明殿學士汪澈知樞密院事,洪适兼同知樞密院事。乙亥,置沿淮 申嚴百司官出入局之制。 癸巳,錢端禮以避東宮 丁卯,升鼎

冬十月己卯,遣方滋等使金賀正旦。戊子,增頭子錢。 歸正人右通直郞劉蘊古坐以軍 諸州都巡檢

舉所知宗室一二人。丁酉,金遣高衎等來賀會慶節。 器 法式送北境,伏誅。 壬辰,御大慶殿,册皇太子。 癸巳,詣德壽宮稱謝。 乙巳,淮北紅巾賊踰淮劫掠 乙未, 詔 立 侍從各

屯田 ,督捕盜賊。 十一月辛亥,招收兩准流散忠義人。丙寅,白氣亙天。 辛未,遣龍大淵撫諭兩准,措置

捕之。

已而知楚州胡明遣巡尉擊殺其首蕭榮

院文書依三省式,經中書門下畫黃書讀 廣東提刑司招安李金餘黨。癸未,遣王曮等賀金主生辰。庚寅,以葉顒爲參知政事 樞 人。庚子,罷兩淮諸州權攝官。 密院事。 十二月戊寅,以洪适爲尚書右僕射、同中書門下平章 辛卯、詔侍從、臺諫、兩省舉堪監司、郡守者各一人,三衙、知閻舉材武可守邊者 壬寅, 金遣烏古論忠弼等來賀明年正旦。 事兼樞密使, 汪澈爲樞密使。 癸卯, 詔樞 兼 同 知 命

破郡縣 二年春正月辛酉,省六合戍兵,以所墾田給還復業之民。 辛未,命湖南監司存恤寇盜

二月丁丑,罷盱眙屯田,振兩浙、江東饑。戊寅,幸玉津園宴射,遂幸龍井。

殘

三月乙巳,禁京西 、利州路科役保勝義士。 壬子 詔戒飭刑獄官。 戊午,殿中侍御史王

知 辰 守 伯 ,再 樞 庠 密 潚 增諸 册 院 裁 除 定 事 州 郎 奏 兼 軍 官 權 薦 離 軍 詔 著爲 知 添 政 一省、 差 令。 事 員 臺 闕 Ţ 諫 Ţ 卯 集議 丑: 辛 賜 罷 未 禮 具 和 靇 條 糴 部 |洪 式 進 适 以 - 1 右 蕭 聞 僕 國 射。 梁以 詔 癸 縣 下 四 令非 JU 以 百 給 九 兩 事 + 任 中 有 毋 除監 嚾 人 吏部 、及第、 察御 尙 書 史; 出 魏 身 杷 非 同 戊 任

參

殿 縣 妄 减 雑 膳 犯 夏 死 刀口 罷之。 罪 Ħ 月 申 以 戊 , 寅 下 太 囚 白 以 [書見。 久 等 雨 釋 癸巳, 杖 命 以 侍 下。 從、 御 殿 臺諫 庚辰 復膳。 議 刑 詔 乙未 政 风风 所 浙 · 注 漕 以 臣 澈 聞。 王 龍 炎 减 開 丁 大 平 酉 理 江 以 三衙、 湖、 知 荆 秀 南 臨 置 府 安 H 李 府 0 道 及 辛 憑 浙 Ė, 恃 西 戚 澼 州

議 見 大 經天 夫 五 林 月 安 戊 禁浙 宅 申 同 , 張 西 知 修 燾 樞 築 密 圍 完 薨。 H 事. 兼 己 靇 權 四 修 參 , 建 罷 知 康 權 政 行 借 事 宮 職 田 中 Ţ 書 庚戌, 卯 舍 入 命 、蔣芾 監 葉 司、 顋 簽書 罷。 守 臣 樞 以 預 密 魏 備 院 杷 水 事 爲 旱。 終 癸 知 丑: 政 事, 太 白 右 書 誺

<u>-</u> 嘔 一乾道 州 堂 觀 六 吏遷朝議 察 新 月 使 編 甲 戌 特旨 榮 大夫以五 彧 罷 斷 公 ᄍ 例 浙 挺 路 戊 為 一員為 提 寅 左 舉 , 千 額 詔 市 牛 制 舶 衞 科 Z 司 酉 大 權 將 罷 詔 中嚴 軍 注 諸 疏 路 癸 內 出 監 外牒 未 題 司 , 守臣 詔 帥 式 使 法 臣 相 各察守令臧 監 裁 毋 司 其 奏 亦 額 補 許 文資 解 内 否 送 戌 以 七 聞 皮辰 廢永 ص 補 丙 豐 官 封 子-圩 孫 , 毋 挻 刑 任 戊 部

戌 詔:「改官人實歷知縣一任一方許關升。 著爲定式。」

秋 七月己酉,調泉州 左翼軍二千人屯許浦鎭。 甲寅,以鎭江都統制戚方爲武當 軍節

使。

軍。 參知政事。 年三十得免試參選之令。丁丑,蠲准南放歸萬弩手差役二年。 乙未, 詔吳璘復判興州。 金失實,罷之。丁亥,詔安宅筠州居住。 癸未、降會子、交子于鎭江、建康務場,令江、淮之人對換。 八 月辛未朔,詔兩淮行鐵錢,銅錢毋過江北。 召葉顒。庚寅,少保、新興郡王吳蓋薨。 丙申,升宣州爲寧國府。 温州大水。戊子,以魏杞 罷戶部諸路歲糴 癸酉,以武鋒軍隸步軍司。 甲午, 立中興以來十三處戰功格目 丙戌,林安宅劾葉顒之子受 壬午,詔諸州守臣銀 銀同知樞 年。 密院事 甲戌,罷任 ,蔣芾權 訓 練 禁 子

臣王 鬴 遣 哲宗徽宗三朝帝紀、太上皇聖政。太白晝見。是月,詔舉將帥,置章奏簿。 官 按視 佐坐縱允升去官,奪三官勒停,建昌軍居住。 甲子、詔監司各舉部內知縣、縣令二三人,守臣各舉屬縣一二人。己巳,魏杞等上神宗 九月甲辰,知上元縣李允升犯贓貸死,杖脊刺面,配 温州水災,振貧民,決繫囚。乙卯,詔改造大曆。辛酉,追封子恪爲邵王,諡曰悼 餘失按官吏及薦舉官奪官有差。辛亥, 惠州 牢城,籍其貲。 丙午,

多十月癸酉,上太上皇聖政于德壽宮。乙亥,遣薛良朋等使金賀正旦。 本 紀 第 三 十 Ξ 孝 宗 已卯, 減饒州

歲資金三之一,蠲諸路酒坊逋賦。 二官,鄂州居住。 辛卯,雨雹。 金遣魏子平等來賀會慶節。 戊子, 知峽州呂令問坐縱贓吏知夷陵縣韓贄胄去官,奪

從便。 置使汪應辰,如吳璘不起,收其宣撫使牌印,權行主管職事。 是月,詔汰冗兵。 十一月丙午,楊存中薨。 兩准總領所許自造會子。 己酉,盡出內藏及南庫銀以易會子,官司並以錢銀支遣,民間 鬻諸路營田。 壬子,詔修祥曦殿記注。 甲子,大閱。 乙卯,密韶四川 戊辰,築郢州城。 制

御 詔 同 書左僕射, 已, 韶免進呈欽宗日曆, 爰國史院修纂實錄。 交子利害以聞。 器 監 知 械。 司、守臣 樞密院 十二月庚午朔,白氣亙天。癸酉,詔三省、侍從、臺諫、兩淮漕臣、郡守,條具兩淮鐵錢、 魏杞右僕射, 事兼權參知政事。 舉廉吏。 乙亥,遣梁克家等賀金主生辰。 丙申, ,並同中書門下平章事兼樞密使。 金遣烏古論元忠等來賀明年正旦。 庚寅, 詔宰相領棄制國 壬午,追封楊存中爲和王。 己卯,以資政殿學士葉顒知樞密院事。 用使, 蔣芾參 參 知 以江東兵馬鈴轄王抃爲帶 知政 政 事 同 事,吏部 知 甲申,以葉顋 國用事。 尚書陳俊卿 癸巳, 為尚 宁

是歲,裁定內外軍額。

(二) 十三年九月秀王歿于秀州 「十三年九月」,疑應作「十四年正月」, 參見本書卷三○高宗紀校

勘記(公)。

(三) 六月甲戌 「六月」二字原脫。按紹興三十二年六月丙寅朔,甲戌是六月九日。 繫年要錄卷二

○○從本條以下至「秋七月」各條,所有事迹都繫于六月。 考異卷六七說「史失書六月」,是。 今

補。

甲午金人攻德順軍東山堡 「甲午」二字,與上文重複,疑有舛誤。

즯 四 Щ 登極 赦 前帶白契稅錢 「登」字原置「赦前」下,「極」字原脱。 按李心傳建炎以來朝

記 (以下簡稱朝野雜記) 甲集卷一五載此事說:「自登極赦 前 有帶白契者悉蠲之。」據改。

至 金左 副 元 師 統石烈 志 寧 「左」原作「右」,據金史卷六世宗紀、卷八七統石烈志寧傳改。

(云) 張燾 原作 「張壽」, 按此卽上文隆興元年所載的張燾, 據周益國文忠公集卷六一 張燾神道

改,參見本書卷三八二張燾傳校勘記。

宋史卷三十四

本紀第三十四

孝宗二

房國用司。 三年春正月甲辰, 詔廷尉大理官毋以獄情白宰執, 探刺旨意爲輕重。 初,以國用匱乏,罷江州屯駐軍馬,至是復留之。癸亥,罷銅錢過江之禁。 庚戌,置三省戶

利州西路諸軍額。

統劉源 爲知陳州陳亨祖立廟于光州,賜名愍忠。丙戌,以武經龜鑑、孫子賜鎭江都統成方、建康都 輪年銓試,以其事付制置司。辛巳,以端明殿學士虞允文知樞密院事。癸未,雨雹。 東總管,曾觀爲淮西總管。甲戌,大淵改浙東,觀改福建。乙亥,罷成都、潼川路、己轉運司 二月壬申,詔國用司月上宮禁及百司官吏、三衙將士請給之數。癸酉,出龍大淵爲江 癸巳,措置淮東山水砦。 丙申,從太上皇、太上皇后幸玉津園。 戊戌,直秘閣前廣 甲申

本紀

第

三十

ĮIJ

孝

宗 二

六三九

東提刑石敦義犯贓,刺面配柳州,籍其家。

巳,詔四川宣撫司創招千人,置司所在屯駐。 三月甲辰(三),從太上皇、太上皇后幸聚景園。 。壬戌,伯母秀王夫人張氏薨。 辛亥, 詣德壽宮恭請裁定醫官員額。

丑,合利州東、西路爲一。 戊寅,以吳璘知興元府,充利州路安撫使、四川宣撫使。 夏四月辛未,蠲諸路州軍逋負。癸酉,爲秀王王夫人成服于後苑,百官進名奉慰。

庚申,命四川制置使汪應辰主管宣撫司事,移司利州。修揚州城。壬戌,大減三衙官屬。 五月癸卯,葉顒等上三祖下仙源積慶圖及太宗眞宗玉牒、哲宗寶訓。 甲寅, 吳璘薨。

還之,軍中人及叛亡者不預。戊寅,復以虞允文爲知樞密院事,充宣撫使,帝親書九事戒 戌,以虞允文爲資政殿大學士、四川宣撫使。乙亥,金遣使來取被俘人。 詔實俘在民間者 六月己巳,命汪應辰權節制利州路屯駐御前軍馬。辛未,復分利州東、西路爲二。甲

江都統制戚方、武鋒軍都統制陳敏各上清河口戰守之策。 **参攷理檢院典故。辛卯,皇后夏氏崩。振泉州水災。** 追封吳璘爲信王。丁亥、詔後省

之。罷准西、江東總領所營田,募人耕佃,壯丁各還本屯,癃老存留,減半請給。

甲申,詔鎭

太子薨,諡曰莊文。己酉,東宮醫官杜楫除名,昭州編管,尋改瓊州 秋七月已亥,立薦舉改官額。壬寅,以皇太子疾,減雜犯死罪囚,釋流以下。乙巳,皇

劾 戚 里 月 方 辛 罷 未 癸酉 ٠, 一諸 權 欑 軍 安恭 復 置 皇 副 后 都 于 統 臨 制 安修 文字 吉 寺。 與 都 統 丁 亥 制 連 戚 書 方 落節 軍 馬 鉞 調 發從 信 州 都 居 統 住 制 違 者

安府 軍 獄。 恋 筠 隸 决 壬 州 之。 戌 繋 月 編 囚 T 以 管 癸亥, _0 酉 知 T 方責 內 建 Ě . 侍 詔 康 」, |葉 府 授 給 陳 含 史 顋 果 瑜 IF. 等 州 \subseteq 討 志 請 惠 論 李宗 兼 韻 練 考課 沿 副 不許 江 使 口 舊法。 水 坐 潭州 一交結 軍 蠲 制置使, 光濠 安置 几 戚方 川 早 廬 受略 籍 自鹽官 , 所盜 賜制 州 |瑜 壽 置 庫 除名 至 春 金以 司 哪州 度牒 府 犒 決杖 賦 泗 几 軍 江 百 年。 黥 南 甲 備 北 面 戊午 寅 及沿 振 配 循 以 海 遣 州 官官 + চয় 宗 五 分 州 決 命 口 滯 水 臨 除

九月戊子,太白晝見。

||東 郊 効 輻 俊 祀 冬十 卿 雷 爲 + 於指定州 開 請 葉顋 月丙 月 馧 府 不 Z 儀 魏杷 寅, 末 同 許 軍 朔 _ 合祀 以 並 司 , 官 占城入貢 Ţ 靇 丑 天 庫 庚子 地 酒 命 以 息 陳 于 雷 贍 定 俊 贸 發 之者 內外 卿 丁 丘 非 一,大 爲 凹 時 参 薦舉改官人 , 毋罷 赦。 , 遣 知 詔 唐豫等使金賀 政 臺 其給。 戊辰 事 諫 , 雷。 翰 侍從、 歲 林 乙卯 額 學 己巳, 枫 , 正 金遣 癸 省 劉 旦。 卯 官 珙 詔 蒲 指 同 詔 戊戌 戒 察 陳 歸 知 飭 莎 閼 樞 正 武 , 魯 失。 修眞 借 密 臣 窩等來 院 補 及 辛 州 事 官 百 Ė, 澬 城 官。 賀 甲 詔侍 一會慶 充 戌 以 癸 嗣 樞 酉 節 密 濮 以 MA. 院

省

臺

諫

卿

監

郎官

舉

堪

息

官、

寺監

丞

點司

郡守者。

癸巳,罷川路

馬

船

一月丙 增修六合城。 已亥, 遣王瀹賀金主生辰。 乙 巳, 置豐儲倉。 增印會子。

辛亥,以吳益爲太傅。 庚申,金遣徒單忠衞等來賀明年正旦。

(兩浙水,四川旱,江東西、湖南北路蝗,振之。

題 薨 郊恩蔭補。 几 年春正月戊辰, 癸未,雨雹。甲申,幸天竺寺,遂幸玉津園。 籍荆南義勇民兵, 增給衣甲, 遇農隊日番教。 辛卯,罷吳益郊恩蔭補。壬辰,漢 壬午, 奪秦塤、秦堪

使, 之。 戊戌、置和州鑄錢監。已亥,以蔣芾爲尚書右僕射、同中書門下平章事兼樞密使兼制國用 集四路漕臣,會計財賦所入,對立兵額。丁酉,命湖北安撫司給田募辰、沅、靖三州刀弩手。 觀文殿大學士史浩爲四川制置使,浩辭不行。庚子,詔蔣芾常朝,贊拜不名。 乙巳,賜王炎出身,簽書樞密院事。癸丑,五星皆見。 月甲午朔,罷福建路賣鈔鹽,蠲轉運司歲發鈔鹽錢十五萬緡。 詔四川宣撫使虞允文 乙卯,雪,雨雹。 | 帯解

廟, 賜名忠勇; 三月庚午,以敷文閣待制晁公武爲四川安撫制置使。 宣州觀察使朱勇立廟,賜名忠節。 己丑, 四方霧下若塵。 戊寅、詔贈果州團練使韓崇岳立 庚寅, 蠲楚州壯

丁、社民稅役。

盜陳亨伯日愍節。

郢 丁巳,詔太史局參用新舊曆。 上欽宗帝紀 州 轉般 夏四月乙未 癸卯 、實緣。 置 , 遣使 漢 丙辰,禮部 陽 撫 軍 17、蜀二州 收 戊午,詔販牛過准者, 發馬監。 員 外 , 郎李燾 饑民爲 詔 公吏非犯公罪, 亂者。 上所著續通鑑長編 論如興販軍須之罪。 己 酉 毋得 追封韓世 引用 , 自 併計案 忠為 建隆 至治平一百 是月, 蘄 Ë 問 法。 振綿、漢等 甲寅 八卷。

放 了以<u>饑</u>信二州、<u>建寧府</u>饑民嘯聚,遣官措置振濟。 約發兵攻西番 致饑民擾亂,守貳、縣令降罷追停有差。 五. 一月癸亥,出度牒 千道, 續減 四川科調。 甲申 乙丑 , 諡趙鼎日忠簡 太白 是月, L畫見。 西夏任敬德四遣使至四川宣 以 邛州 丙戌, 安仁縣荒旱,失于蠲 行乾道新曆。 撫 丁

州

饑

喪去位 對 龍 九萬緡 償民間 大淵卒, 六月辛卯朔,太白晝見,經天。 . 預 人借錢。 韶以爲寧武軍節度使致仕。 其秋苗毋得科折。戊戌, 蠲邛、蜀二州夏稅。 甲午, 獨諸路逋負<u>乾道元年二月和市、折帛、雜色錢</u> 丁巳,召興化軍布衣林象赴行在。 五星皆見。 詔罷廣西鈔鹽,復官般官賣法 癸卯, 詔 四川宣撫司增印 歲減 戊午, 蔣芾以母 錢引一 轉運 司 百 辛 鈔錢

秋 - -本 月壬 紀 第 戌, \equiv + 29 以 劉 洪兼參知政事。 孝 宗 召建寧府布衣魏掞之赴行在。 申禁異服異樂。 大四

州 雨、蔬食減膳、憂勤致疾而死,贈直龍圖閣。 ,以備振濟。己丑,以久雨,御延和殿慮囚,減臨安府、三衙死罪以下囚,釋杖以下。是 徽州大水。 。己巳,罷沿江水軍制置司。 辛未,衢州大水。戊寅, 丁亥,以經、總制餘剩錢二十一萬緡椿留邛、蜀 知衢州王悅以盛暑禱

不實,擅興工役,降三官放罷。 庚戌,劉珙罷。 辛亥,陳俊卿請罷政,不許 八月乙未, 班祈雨雪之法于諸路。己亥, 五星皆見。丁未, 主管殿前司公事王琪傳旨 月,西夏遣間使來。

秋,罷關外四州營田官兵,募民耕佃 九月庚申,立內外將佐升差審察法。 庚午,從太上皇幸天竺寺。限品官子孫名田。

是

守,皆有等差。自今職事官及局務官,必任滿方許求外,未歷親民任使,卽未得擬州郡,且 密使兼制國用使。甲辰,大閱。己酉,金遣移剌神獨斡等來賀會慶節。庚戌,大風。 授通判。」詔從之。 下之事,必歷而後知,試而後見。爲縣令者必爲丞簿,爲郡守者必爲通判,爲監司者必爲郡 多十月壬辰,遣鄭聞等使|金賀正旦。甲午,禁歸正人藏匿|金人者。乙未,臣僚言:「天 庚子,蔣芾起復尚書左僕射,陳俊卿右僕射,並同中書門下平章事兼樞

乙亥、詔峽州布衣郭雍赴行在。 十一月壬戌,遣知無爲軍徐子寅措置楚州官田,招集歸正忠義人以耕。甲戌,嚴盜賊 壬申,兩准歸正忠義有田產者,蠲役五年。癸未,岳陽

軍節度使居廣封永陽郡王。

辭起復,許之。 月丙 申,遣胡元質等賀金主生辰。 減兩浙、江東西路明年夏稅、和市之半。 甲辰, 賜魏 掞之同進士 甲寅,金遣完顏仲仁等來賀 田 身, 爲太 、學錄。 明 年 蔣 带

五年春正月甲戌,措置兩淮屯田。

日。

行,給、舍駁正毋連銜同奏。」 戊戌,贈張浚太師,諡忠獻。 是,海州人時旺 王炎參知政事 二月己丑,申嚴太 兼同 聚衆數千來請命,旺尋爲金人所獲,其徒渡淮而南者甚衆,故命滋彈壓之。 知樞密院事。 (廟季 、點法。 壬寅,以給事中梁克家簽書樞密院事。 丙午,雨雹。 乙未,命楚州兵馬鈴轄洋滋專一措置沿淮、 辛亥, 詔:「自今詔令未經兩省書讀者毋 癸卯, 大風。 海洛 甲辰,以 輒 先

以下三百九十有二人及第、出身。 緡。 募民耕佃。 乙亥,以王炎爲四川宣撫使, 三月丁巳朔 詔侍從、監司、帥臣、管軍薦武舉出身人可將佐者。 詔趣修廬、和二 一州城。 仍參知政事。 壬午,賜郭雍 己巳, 蠲成都府路民戶歲輸對糴米脚錢三十 號沖晦 召虞允文赴行在。 處士。 癸未, 丙子, 罷利 賜禮部 州路諸州營田官 進 1-鄭 Ŧi. 萬 僑

本

紀第

生子官給錢米。庚戌,修襄陽府城。辛亥,振恤衢、婆、饒、信四州流民。 夏四月己丑 一,復置將作軍器少監。 壬辰,以梁克家兼參知政事。 辛丑,詔 福建路貧民

五月己巳,帝以射弩弦斷傷目,不視朝。金牒取俘獲人,汪抃議盡遣時旺餘黨, 陳俊卿

持不可,帝然之。

六月庚寅,太白晝見。 戊戌,始視朝。己酉,以虞允文爲樞密使。

秋七月乙丑,召曾覿入見,陳俊卿及虞允文請罷之,不許。 覿至行在, 俊卿、允文復言

其不可留、詔以觀爲浙東總管。

書門下平章事、兼樞密使兼制國用使。辛亥,命淮西路鑄小鐵錢。 八月甲申朔,日有食之。己丑,以陳俊卿爲尚書左僕射,虞允文爲尚書右僕射,並同中

侍從、臺諫集議」欽宗配饗功臣。 九月己未,罷准東屯田官兵,募民耕佃。辛酉,詔准東諸州,農隊敎閱民丁。甲子,詔 壬申, 大風。命准西安撫司參議官許子中措置准西山水

砦,招集歸正忠義人耕墾官田。

遣高德基等來賀會慶節 職,降責有差。戊戌,大風。己亥,命騰、信二州歲各留上供米三萬石,以備振糶。癸卯,金 多十月乙酉,遣汪大猷等使金賀正旦。戊子,振温、台二州被水貧民,以守臣、監司失

見。 牛 辛 衞 + 未, 大 將 月癸丑朔,復置淮東萬弩手,名神勁軍。 `詔侍從、臺諫、兩省官,各舉京朝官以上才堪監司、 軍 以明州 定海縣水軍爲 御前 3水軍 0 庚申,增置廣 丙寅、爲岳飛 郡守者三人。 立 東水軍。 廟于鄂州。 乙 壯 壬申,復成閱慶 ,以孫擴爲右 己巳、太白 書

威 武 軍節度使。 十二月己丑,遣司馬伋等賀金主生辰。 乙巳, 復置成都府廣惠倉。 辛卯 戊申、金遣完顏毅等來賀明年正旦。 , 大風。 丁酉, 置應城縣馬監 復李顯忠

遠

軍

節

度使、鎭江

語軍都統制

以 |炎 撫 Z 備漕 造 卯 司 修楚州 人約 六年 備邊奏。 月乙酉, 沙平蠻歸部,稍捐邊稅與之。 春正月癸丑, 壬 城。 寅, 乙丑, 詔 戶部侍· 詔諭 丁巳,復強盜舊法,其四年十一月指揮勿行。 增築豐儲倉。 大臣:均役法,嚴 雅州沙平蠻寇邊, 郎二人分領諸路財賦。 庚午,以奉國軍承宣使、知廬州郭振爲武泰軍節 限 丙申,廣西路復行鈔鹽法,仍增收通貨錢四 田 焚碉 抑游手 門砦。 丁亥,復置舒州同安監,鑄鐵錢。 ,務農桑。 四 川制置使晁公武調兵討之, 己酉,置應城縣孳生 癸亥, 初降金字牌下四川 十萬 辛 度使。 卯,王 宣 庚

一月癸 丑: 用 三省 兩准 守帥宜久其任,二年後察其能否, 以行 賞罰。 Z 卯,裁減樞 戌

以曾觀爲福

州

觀

影察使。

遣司

農寺丞許子中詣淮

西,措置鐵

錢

本

紀

第

=

+

四

孝

新 己卯, 景園 措置 密院 園 知 成都府史正志爲之。 吏額一百 三衙揀選官兵。 乙: 詔兩准州縣官以繁簡易其任。 甲戌,裁減三省吏額七十人。 ,以晁公武、王炎不協 一十有四人。丁巳,詔步軍司權以三萬五千人爲額。 贈彰國軍節度使大周仁爲太尉。 罷四川制置 復置江、浙、京湖(岳)、淮、廣、福建等路都大發運使,以 戊寅, 以知紹興府史浩爲檢校少傅、保寧軍節度使。 司歸宣撫司。 庚申, 辛未,從太上皇、太上皇后幸聚 從太上皇、太上皇后幸聚景 起復王抃知閤門事,專一

張震 部 尚 書汪 知 夏 成 四 都府, 應辰三上疏論發運司。 月辛巳朔, 充本路安撫使。 罷鑄錢司 歸發運司。 乙未,賜發運使史正志緡錢二百萬爲均輸、和糴之用。 戊戌,以應辰知平江府。 併准東總領所歸准西總領所。 以數文閣直學士 吏

曾造 大 八學士、 一神宗哲宗徽宗欽宗四朝會要、太上皇玉牒。 犯贓 五 月甲寅, 知 ,貸命,南雄州編管,籍其家。 福 州 裁減六部更額百五十人,其餘百司、三衙以是爲差。 罷行在至鎭江征稅所比近者十有三。 戊寅, 詔給舍、臺諫 己巳,陳俊卿以議遣使不合, 甲戌, 言事 韶戒飭百官。 己未, 陳俊卿、虞允文 丁 丑: 罷爲觀文殿 知 潮 州

目 ,季申而歲校之,以爲殿最。 발 月 壬午 - ,詔監司、帥臣舉守令臧否失實,依舉淸要官法定罪。 戊子, 造范成大等使金求陵寢地, 且請更定受書禮。 甲申,印給諸州上供綱 辛卯:

吏部 不 居 親 住 按 侍 癸 郎 行 $\widehat{\mathbb{E}}$ 陳 水 良祐 ()() 增 州 環 郡, 論祈請使不當遣 衞官 降二官。 奉。 以 梁克 甲辰 恐生 家為 辛次 參 邊 膺薨。 釁。 知 政 事 詔 戊 以 兼 申 良祐 同 , 復 知 妄興異論, 置 樞 武 密 院 臣 提 事 刑 ,不忠不 壬 寅 孝 以 ', 放 江 東 罷 漕 送 筠 黄 州

監 黄州 月 齊安監 壬子 中嚴 鑄 鐵錢。 卿 監、 是 郞 官 月,榮國 更迭 補 公挻 外之制。 (**含**) 自 東 壬 宮 申 出 增 居 武 外 學 第 生 高 百 人。 酉 置 蘄 州

守 御 ·.· 前 任 滿 弓 秋 馬 奏 七 月 子 事 弟 癸 訖 未 所 方 調 命 詔 吳挺 以 己 沙 H: 田 兼 , 提 置 蘆 舉 場歲 興 或 賜 收 軍 岳 租 興 豜 稅 或 廟 監 六 + 忠 甲 餘 烈 午 萬 緡 詔 入左 除 郎 藏 官 南 並 庫。 引 對 丙 畢供 戌 職 詔 川 廣 辛 監 丑 司、 復 郡

八 月 庚 戌 虞 允 文 清 蚤 建 太 子 o 癸 丑 一,復 置詳 定 司敕 令所。 丙 寅 置 閣 門舍人十

是月,虞允文上乾道敕令格式。

人 進 迫 九 州 月 城 壬 辰 , 安 撫 賜 蘇 司 諭 献 諡 解 之 日 文忠。 叔傑 尋抵 辛 丑 罪 沅 州 是 月 徭 ? 范成 人相 **警**殺 大 至 守臣 自 金 孫叔 金許 傑出兵 以 遷 奉 、擊之, 及歸 失 欽 廟 利 梓 徭

而

不

易

受

書

禮

本

紀

第

 \equiv

+

几

孝

宗

|潔。 冬 四 + 月己 , 遣 呂 凹 IF. 己 以 等 孫 使 攄 金 爲 賀 左千 正 日。 牛 衞 丁 大 卯 將 軍。 金遣 丙辰, 耶 律 子 詔 敬等來賀 發 運 使置 會 慶節 司 行 在 甲 諡 戌 司 馬 起 居 朴 含人 忠

趙雄請置局議恢復,韶以雌爲中書舍人。

軍 憲天體道太上皇帝、 ,以吳挺爲都統制。 月丁丑朔,復置軍器監一員。 壬午,合祀天地于圜丘,大赦。 壽聖太上皇后尊號日壽聖明慈太上皇后。 召曾觀提舉佑神觀。 丁 酉,加上光堯壽聖太上皇帝尊號 是月, 遣趙雄等賀金主 乙未,復置神武中 日光堯壽 生 聖

金遺 蒲察愿等來賀明年正旦。 十二月戊申,大閱。 甲子 ,置江州廣寧監、臨江軍豐餘監、撫州裕國監,鑄鐵錢。 癸酉 罷發運司。 以史正志奏課不實,責爲楚州團練副使, 壬申

永州安置。

辰,

別

函書請更受書之禮。

置左藏南上庫

是歲,兩浙、江東西、福建水旱。

太子,帝命允文擬詔以 七年 春正月丙子, 進。 **率羣臣奉上太上皇、太上皇后册寶于德壽宮。** 壬寅,命三省旬錄宣諭聖語及時 政記同進。 庚辰, 是月,復鑄錢司。 **虞允文**復請建

九 封 魏 一萬兩以增給官兵之奉。 王。 月癸丑, 詔立子惇為 · J -Ė, 增置皇太子 **急太子** 宮講讀官。 甲子, 」,大 詔寺觀毋免稅役。 赦。 庚申, 以 慶王愷爲雄武、保寧軍節度使, 罷會子 庫,仍賜戶部 丁卯, 太傅大寧郡王吳益薨。 內藏 南 庫緡錢 判 寧國府 二百萬、銀 壬申 進

殿 准 戊寅 秘 論 軍 樞 봡 私 密 種 宰相率百官赴東 齌 都 丞潘慈 書 徙 承旨 月乙亥朔 銅 舍人范成大乞不草詞 侍 錢 丙 衞 明 申 張 下海船法。 馬 並罷 說簽書 御 軍), 趙雄 大慶殿册皇太子。 司 宮賀 戍 樞 **虞允文乞留銓** 至金, 建康 密院 丙 戌,復置將 事。 金 己 拒 戊子 卯 其請。 左司 , 禮部 作監。 ,說罷爲安慶軍 起 員 乃以 復 外 詔訓 侍郎鄭 劉 爲 郎兼侍講張拭言說 殿中侍御史李處全乞遣張說 珙 寶文閣 習水 同 聞 知 軍。 樞 工 節 待 密院 制 部 丙 度使、提舉萬 侍 子 兼 事 侍講 立, 鄓 胡 不宜執政。 以 恭王夫人李氏爲皇太子 銓 明州 樞密院檢詳 壽 觀 觀 按行 察使、 皇太子謝于紫宸 乙酉 庚 寅 邊 知 文字李 遣 戍 閣 江 使 沿 闁 以 息衆 覈 海 事 衡 妃。 兩 州 兼

戌 任 從太上皇、太上 刑 夏四月戊 獄 、錢穀 申,以 及有智略吏能者各二人。 皇后幸聚景園 曾觀爲 安德 軍 承宣使。 甲子 辛 詔 庚申, 未 皇 , 詔 太子 皇太子 詔 判臨安 諸 路增收 領臨安尹 府。 無 己巳 額錢 , 詔 物, 侍 從 並. 輸南 臺 諫 上 庫 兩 省官 壬:

拜 庚 五 寅 月 戊寅, 金 **葬欽宗** 復置 准 于 東 鞏原。 總領 所 T 酉 丁 亥, 詔 廣 劉 西 珙 帥 起 臣措置 復 同 知 南丹州 樞 密 院 市馬 事 `, 爲 荆、襄 是 月 言. 遣 撫 知閣 使, 門 | 珙 辭

本紀第三十四 孝宗

抃

點

閱

荆

襄

軍

馬

六五二

六月丙午,復主管馬軍司公事李顯忠爲太尉。 己巳,賜吳璘諡曰武順。 壬: 土, 申, 詔 兩准

墾田毋創增稅賦。

秋七月庚子,以王炎爲樞密使、四川宣撫使。

八月丙辰,詔 兩淮民丁充民兵者,本名丁錢勿輸。 辛酉,復修襄陽城。

九月壬申朔,以江西、湖南旱,命募民爲兵。 甲申,從太上皇、太上皇后幸東園。

安定郡王令德薨。

日。 知閤門事王抃諭天錫以明日見,天錫沮退。 壬戌,金遣烏林答天錫等來賀會慶節,天錫要帝降榻問 多十月丁未,罷紹興宗正行司,改恩平郡王璩判西外宗正。 癸亥,會慶節,金使隨班入見。 金主起居,虞允文請帝還內,命 己酉,遣莫濛等使金賀正

十一月甲戌,御集英殿策試應賢良方正能直言極諫科李垕。 戊寅,錫垕制科出身。

罷太醫局。 十二月丁未, 遺濯紱等賀金主生辰。 丙寅,金遣完顏宗寧等來賀明年正日。 庚申 ٠, 韶閣門舍人依文臣館閣以次輪對。 癸亥,

是歲,湖南、江東西路旱,振之。

八年春正月庚午朔,班乾道敕令格式。 丁酉,朝獻景靈宮,遂幸天竺寺、玉津園。

身 詔 禮 部 辛 有 部 侍 靇 亥 違 侍 郎王之奇並簽書樞密 王 ,以虞允文爲 戾, 許監 知 希 郎 **月乙巳**, 、政事 呂與遠小監當, 兼 直 察御 [學士院周必大不草答詔, 詔改尚書左右僕射、同中書門下平章事爲左右丞相。 左丞相 t 史 隨事 具實狀 尋詔與宮觀。 院事。 梁克家爲 糾 侍御 劾以 右丞相 史李衡、 聞。 丁巳, 權給事 ''; 並 戊申,遣姚 李衡罷爲起居郎。 右正 兼 中莫濟封還錄黃, 樞密使。 言王希呂交章論說不可爲 憲等使金賀 癸丑, 丙寅, 詔 以安慶軍 上尊號 並與在外宮觀。 丙午,韶六察分隸,事 戶部尚書曾懷賜出 附 節度使張說、吏 請 執 受書之事 政 丙辰, 不

三月戊子, 詔省侍中、中書尙書令員,以左右丞相充其位

之敏 置 兩 准 劾虞允 夏 官 四 田 月庚子 徐子寅等坐授田歸正人逃亡, 文擅權不公, ٠, 賜禮部 允文請罷政, 進士黃定以下三百八十有 許之; 奪官 i有差。 翼 日 1復留, 九人及第、出身。 Z 丑, 出之敏提點江 詔再蠲 兩准 己酉, 東刑獄 二稅一 殿中侍御 年。 甲子 史蕭

五月戊子、福建鹽行鈔法。丙申,立宗室銓試法。

東 巡 六 尉 月 庚子 有 縱 逸歸正 , 以 武 德郎令擅爲金州 戶 , 口 過淮者,奪官有差。 觀察使,封安定郡王。 壬 一子,省監 司 薦舉 壬 寅, 員 蠲 兩准歸正 人撮收課子。

准

秋 七 月 辛 Ė, 靇 准 西 一屯田 「官兵、 募歸正人耕佃。姚憲、 曾觀至自金, 金 人拒 其講。

本

紀

以觀爲武泰軍節度使。壬辰,雨雹。

安軍節度使、四川宣撫使,封雍國公。 九月戊辰,定江西四監鐵錢額。 乙亥,韶王炎赴都堂治事。 己丑,賜允文家廟祭器。 壬辰, 允文入辭, 帝諭以決 戊寅,以虞允文爲少保、武

田。冬十月丁未,遣馮墫等策親征,令允文治兵俟報。

冬十月丁未,遺馮撙等使金賀正旦。 丙辰,金遣夾谷清臣等來賀會慶節。 罷借諸路職

寅, 遊檢校少傅、知福州史浩開府儀同三司。 十一月辛未,遣官鬻江、浙、福建、二廣、湖南八路官田。 辛巳,復四川諸州教授員。

庚

試

武

基

。 司 '提點官二員。 十二月戊戌,蠲兩淮明年租賦。 丙辰, 追封劉光世爲安成郡王。 辛酉 · 金遣曹望之等來賀明年正旦。 甲辰、詔京西招集歸正人、授田如兩淮。 丁巳,遺韓元吉等賀金主生辰。 庚申, 復置鑄錢 甲寅,命四川

是歲,隆興府、江筠州、臨江興國軍大旱,四川水。

以張說同知樞密院事,戶部侍郎沈夏簽書樞密院事。 九年春正月辛未, 王之奇罷爲淮南安撫使,王炎罷爲觀文殿大學士、提舉洞霄宮。 戊寅、遣官鬻兩浙營田及沒官田、

以 次 措 及 江 誾 東、 Mi 西 荆 几 襄 Ш 1 如之。 六事 敕 以 安 刑 撫 部 尚書鄭聞 輔 運 使 督 簽書 誻 州 守 樞 密院 臣 月 事 具 所 Z 行 酉 事 福 奏 建 鹽 仍 復官 審 擇 賣法。 臧 否 以 是月, 議 鵬

杖 以 下 閨 月 戊申 Z 加 以 修 久雨 廬 州 城 命 大理 辛 酉 、三衙、 大 風 臨 幸天竺 安 府及 二寺、 兩 浙 玉 州縣 津 園 决 、繋囚 减 雑 犯 死罪以下 等 釋

陟

死。 月 孫榮 壬 申 國 蠲 公 江 挻 西 薨 早 傷 追 五 州 豫 逋負米。 公。 乙亥, 亥 特贈 青羌 蘇 奴 軾 見結 爲 太 寇安靜 師 砦 黎州 推 官 黎商 老 戰

___ 月 甲 午 禁 北 !界博 易 銀 絹 戊 申 從 太上 皇、 太 上 皇 后 幸 聚 景 園 癸 丑 復以 進 奏

門 1 後 省 丙 辰, 復 分 准 南 安 撫 司 爲 東 西 路

隸

Z

酉

封

國

1

夏 亿 月 丁 丑 裁 定 武 鋒 軍 軍 額 己 丑 皇 太子 解 臨 安 尹 事

五 月 **E** 辰 朔 日 有 食之。 己未 以 迪 功 郞 朱 熹 屢 詔 不 起 , 特 改 宣 教 郞 主 管 台 州 崇道

觀

六 月 FF 戌 禁 兩 淮 荆 襄 DL Ш 諸 州 籍 足戶 馬 己 1 戒 飭 監 司、 守 令 勸 農。

秋 七 月 <u>I:</u> 寅 青 羌 奴 兒 結 降 辛 吐 蕃 彌 羌 畜 列 陷 安 静 砦 引 兵 深 入 黎州 守 臣 誘 邛

部 JII 蠻 擊 卻 这。

本 **%**C 第 Ξ + 四 孝 宗

八月丙子 ,詔興修水利。 癸未,合荆、鄂二軍爲一,以吳挺充都統 制

九月丙申, 梁克家等上中興會要、太上皇及皇帝玉牒。 庚子,命盱眙軍以受書禮移牒

||加州、示||金生辰使、||金使不從。

求去。 張說知樞密院事,鄭聞參知政事,沈夏同知樞密院事。 丁亥,襄等入辭,別函申議受書之禮,仍示虞允文速爲邊備 冬十月甲子, 遣留正等使金賀正旦。 辛未,克家罷爲觀文殿大學士、知建寧府。壬申,矞雲見。 右丞相梁克家與同知樞密院張說議使事不合,乃 庚辰, 金遣完顏襄等來賀會慶節。 甲戌,以曾懷爲右丞相,

合祀天地于圜丘,大赦,改明年爲淳熙元年。 十一月辛卯,詔樞密院,除授及財賦,事關中書、門下省,其邊機軍政更不錄送。 戊戌

保。乙酉,金遣完顏璋等來賀明年正旦,以議受書禮不合,詔俟改日。 鹽,復官般官賣法。 中丞姚憲簽書樞密院事。 是歲,浙東、江東西、湖北旱。 十二月己未朔,戒敕沿邊諸軍,毋輒遣間探、招納叛亡。 丁亥,璋等入見。 甲戌,遣使措置宜州市馬。乙亥,以嗣濮王士輯、永陽郡王居廣並爲 遣韓彥直等賀金主生辰。辛未,交阯入貢。癸酉, 甲子,沈夏罷。 以太上皇有旨,姑聽 乙丑,以 罷廣 西客 御 鈔 史

帥權 攝 淳 熙 官。 元年 丙 午, 春正月乙未,禁淮 禁兩准耕牛 出 境。 西諸 以 關採伐 |交阯 7林木。 貢 , 詔 賜 國 戊戌, 名 罷 安南 坐倉糴 封 米賞。 南 平 王李天祚 庚子 , 翟 爲 兩 安南 淮 將

二月癸酉,虞允文薨。辛巳,爲郭浩立廟于金州

國王

三月戊子朔, 詔寄祿官及選人並去左右字。 丙 申 , 以 鄭 聞爲資 政殿 大 學 几 Щ 宣 撫

使。戊申、幸玉津園。癸丑、金遣梁肅等來計事。

川宣 葉衡簽書樞 撫 夏 四 司 教 月戊辰,從太上皇幸聚景園 閱 密 院 諸 事 州將兵。 戊寅, 遣張子顏等使金報聘。 壬申 , 許 桂 陽軍 谿 己 洞子 卯 ٠, 以姚 弟 入 憲參 州 學 聽 知 讀。 政 事. 乙亥, 戶 部 尙 詔 几

五月壬寅,班鄭興裔所創檢驗格目。

江 軍 六月丙 節 度使。 辰 朔 癸酉、改 詔 禮官 江 陵 討 論 府 爲 别 荆 建 四 南 府。 加 廟, 戊寅 正 太 曾懷罷。 旭 東 、嚮位。 癸未,姚 戊 大午, 憲罷 以 興 州 甲 都統 申 落 制 憲端 吳挺 爲 明 定 殿

字士,罷宮觀。以葉衡參知政事。

秋 七 本 月丁 紀 第 亥, Ξ + 以 갣니 鄭 孝 聞 宗 参 知 政 專 罷 四川 宣 撫 司。 以成都府路 安撫 使薛 六 五 七 良朋 爲 四川

六五八

撫制置使。 戊子, 詔舉廉吏。 壬辰,以曾懷爲右丞相。 己酉,姚憲南康軍居住

八月己未,張說罷爲太尉,提舉隆興府玉隆觀。 以徽猷閣學士楊倓爲昭慶軍節度使,

簽書樞密院事。

九月乙酉朔,以曾觀開府儀同三司。 壬寅,幸玉津園宴射。 乙巳,罷宜州 市馬。

囚。 丙寅,鄭聞薨。 多十月辛酉,立金銀出界罪賞。 壬戌,遺察洸使金賀正旦。 癸亥,以積雨,命中外決繫 乙亥,金遣完顏讓等來賀會慶節。戊寅,占城入貢。 辛巳,再蠲臨安府

民身丁錢三年。壬午,以魏王愷判明州。 蠲郴州、桂陽軍借貸常平米。

知 樞 「密院事。丙午,曾懷罷。戊申,以|葉衡爲右丞相兼樞密使。 十一月甲申朔,日有食之。戊戌,以禮部侍郎龔茂良參知政事。 楊倓罷, 以葉衡兼權

靇 鐵錢,改鑄銅錢。庚午,詔禮官論復魏悼王襲封。 十二月丁巳,以東部尚書李彥穎簽書樞密院事。 場務還軍中。 新四川制置使范成大改管內制置使。 壬申, 葉衡等上眞宗玉牒。 壬戌, 遣吳琚等賀金主生辰。 丙寅 仍命升差從 金遣劉仲

一年春正月癸巳,前宰相梁克家、曾懷坐擅改堂除,克家落觀文殿學士,懷降爲觀文殿

學士。 甲午, 廢同安蘄春監。 丁未,以兩准諸莊歸正人安業,徐子寅等行賞有差。 庚戌,詔

籍諸軍子弟爲背嵬軍。

三月丙申,以太上皇壽七十,詔禮官討論慶壽典禮。 乙巳,詔武舉第一人補秉義郎

除諸軍計議官。

月,茶寇賴文政起湖北,轉入湖南、江西,官軍數爲所敗,命江州都統皇甫倜招之。 夏四月乙卯,賜禮部進士詹騤以下四百二十有六人及第、出身。己巳,幸玉津園

五月辛卯, 諭宰相以朝政闕失, 士民皆得獻言。 庚子, 命鄂州都統李川調兵捕茶寇。

乙巳,韶知縣三年爲任。

廣東 制諸軍,討捕茶寇。丁卯,用左司諫陽邦彥言,落蔣芾、王炎觀文殿大學十,張說落節度使, 不除職。以沈夏同知樞密院事。辛酉,罷四川宣撫司。以倉部郎中辛棄疾爲江西提刑,節 六月庚戌朔,詔自今宰執、侍從以下除外任,非有功績者不除職名,外任人非有勞效亦 戊辰,振濟湖南、江西被寇州縣。是月,茶寇自湖南犯

秋七月辛丑,有星字于西方。

. 月 丙 辰,江西總管賈和仲以捕茶寇失律除名, 賀州編管。 賜安南國王印。

本紀第三十四· 孝宗

卯 蠲 湖南 江 西 [被寇州縣租稅。 丁丑 ,遣左司諫陽邦彥等使金申議

恤 准 充安撫使以治民,武臣一人, 南水旱州縣。乙未,葉衡罷。 九月乙)卯朔 湯邦彦請分揚 廬州 充都 丁未 總管以治兵, 荆南 沈夏罷。 襄 3陽府、 贈 趙鼎爲 三載 金州 視其成以 、興元府、 太傅 還其爵邑,追封豐國 、

與

州 議誅賞。 爲七路 從之。 ,每路文臣 乙酉,振 公。

內職。 是月,辛棄疾誘賴 文政 殺之,茶寇平。

里

月丁巳,以李彦

穎參知政

事,

翰

林學士王

准簽書樞密院事

0

甲子

韶武臣從軍

壽宮 冬十月戊寅朔,賞平茶寇功,湖南、江西、 壽聖 加 上光堯壽 明慈太上皇后尊號 聖憲天體道太上皇帝尊號 日壽聖 齊明廣慈太上皇后。 廣東監帥黜陟有差。 日光堯壽 聖 憲 乙酉, 天體道性 遣謝廓然等使金賀正 庚辰、大風。 仁誠德經武綽文太上 壬午 指德 旦。

戊戌,金遣完顏禧等來賀會慶節。

風 戊午,提點坑冶 十 一 月戊申朔, 王揖 奉上太上皇、太上皇 進羨餘 + 萬緡 ,詔却之。 后册寶丁德壽宮。 庚戌, 麗正門內火。 癸 士,

大

禮,大赦,文武 定強盜贓法。 月辛巳, 官封父母 甲辰,金遣完顏迨等來賀明年正 班淳熙吏部 一,賞諸 軍。 七 司法 議放 天下苗 遣張宗元等賀 旦 稅三之一,大臣言國用不足, 金主生辰。 甲午,朝德壽宮, 迺 11: 丙 申 行慶壽

三年 春正月甲寅, 以常州 旱, 寬其逋負之半。 删犯贓蔭補法。 振准 東饑, 仍 命貨 貧民

種。乙丑,振恤歸正人。

帥 守,聞命之官毋候告敕。 二月壬午,蠲 兩准教閱民兵夏稅。 賜韓世忠諡 日忠武。 癸未,以伯圭爲安德軍節度使。 是月,罷諸路鬻沒官田 甲 申 . ', 詔 四川 監 司、

洋 司。 義 士材武者二人, 遣赴樞密院。 癸亥,幸報恩寺,遂幸聚景園。 三月丙午朔,日有食之,露雲不見。 壬申,立任子參選覆試 己巳,倂左藏四庫爲二。 辛亥,上太上皇 ~~~ 法。 于德壽宮。 辛 未 ٠, 詔 几 Ш 己未,置六部編敕 制 置 司歲擇梁、

討抓 使無狀, 之。 夏四月戊寅,詔侍從、臺諫、兩省官歲舉監司、郡守各五人。 除名, 丁亥,雨雹。 邦彦新州、 己丑,責授葉衡安德軍 雷永州 編管。 己亥, 節 詔 度 諸 副 路 提 使, 刑 郴州 一歲五 安置。 月 辛巳, 理 囚 Ţ 婦州 徭· 酉 湯 邦彦 人寇邊 陳雷 遣 兵

五 月癸丑 合利州 東、 西路為 • 安南國王 李 天祚卒。 戊 午,遣使 吊祭。 壬 申 **-**, 太 白 書

見。

月 乙酉, 减 四 川 酒 課四十七萬餘緡。 甲午, 以朱熹屢詔 不起, 特命為秘書 郎 熹

本紀第三十四 孝宗

就。

六六二

秋七月乙士,禁浙西圍田。

臺綱益振,各進二官。 八月乙亥,以王淮同 庚辰, 太上皇韶立貴妃謝氏爲皇后。 .知樞密院事,禮部尙書趙雄簽書樞密院事。 壬午,以久雨,命中外決繫囚。 詔六祭官糾祭庶務,

戊戌,靖州徭寇平。

九月癸亥,詔:「自今犯公罪至死者,其蔭補具所犯奏裁,著爲令。」

冬十月甲戌,以久雨,命中外決繫囚。 丙子,御文德殿,册皇后。丁丑, 命臨安守臣嚴

禁踰侈。庚辰,詔自今非歉歲不許鬻爵。癸未,遣閻蒼舒等使金賀正日。 壬辰,金遣蒲察

通等來賀會慶節。

十一月癸丑,合祀天地于圜丘,大赦。 庚午, 遺張子正等賀金主生辰。

追封吳玠爲涪王。丁酉,定鑄錢司歲鑄額爲十五萬緡。戊戌,金遣劉珫等來賀明年正 十二月己丑,黎州蠻寇邊,官軍失利,蠻亦遁去。 甲午,詔職事官補外者, 復除 職 如故

且

是歲,京西湖北諸州、興元府、金洋州旱,紹興府、台婺州水,並振之。

四年春正月戊申,詔自今內外諸軍歲一閱試。 庚申, 韶沿江諸軍歲再習水戰。 丙寅,

雨 雹。 丁卯、班 [淳 熙

職。 學 , 弱 戊子,立邊人逃入溪洞及告捕法。 武成王廟。 月乙亥,幸太學,祗謁 監、學官進秩 先聖,退御敦化堂,命國子祭酒林光朝講 一等, 諸 癸巳,立武臣授環衞官法。 生 推 恩賜帛有差。 己卯二 詔諸 戊戌,以新 中庸。 軍 · 姆以 下詔。 知 未 荆 補 南 官 府 遂 人 仟: 幸武

質爲 1/4 ĴЩ 安撫制置使兼 知成都 府

詔李 良等上仁宗玉牒、徽宗實錄、皇帝玉牒。 龍輪襲封安南國王。甲寅,修韶州 三月乙巳,以史浩爲 少保、觀文殿大學士、體泉觀使兼侍讀, 城。 庚戌, 丙寅,幸聚景園。 幸玉津園宴射。 壬子 進封永國公。 ,貸隨、郢二州饑民米。 己酉 」,龔茂

事 龔 茂良以 夏 四 月甲戌,以魏王愷爲荆南、集慶軍節度使,行江陵尹 曾觀從騎不避道,杖之。戊寅,上奏乞罷政,不許。 , 判明州 甲午,給歸正官子孫 如 故。 乙亥, 參 田 屋。 知政

五. 月 庚子朔,幸佑聖觀。 罷 四川 和 糴

六 月 丁丑,龔茂 良罷。 己卯,以王淮 參 知 政 事。 辛巳,班幸學詔。 癸未,升蜀州爲崇慶

府。 甲中,韶自今宰執朝殿得旨,事須覆奏乃行

御 全型 秋 七 奏格 月辛丑,禁江上 乙酉, 靇 諸 臨 軍盜 川 伯 易戰馬。 王 **雱**從 祀。 振襄陽饑民。 癸丑 龔茂良責授寧遠軍 壬寅, 立待補 節 太 度副使, 學試法。 戊 申, 班

本

船

第 Ξ

+

四

孝

宗

校

勘

記

甲寅,申嚴四川入蕃茶禁。甲子,班淳熙重修敕令格式。

八月辛巳,禁耕牛過准。

九月丁酉朔,日有食之。己亥,命修築海潮所壞塘岸。 辛丑,冤宰執以下會慶節進奉。

庚戌,命禮官定開寶、政和祀禮。戊午,閱蹴踘于選德殿。

舉武臣堪知縣者各二人。已卯,詔將士智勇傑出者,躐等升差。丁亥,金遣完顏忠等來賀 會慶節。 冬十月丙子,以久陰,命中外決繫囚。 遣錢良臣等使金賀正旦。 丁丑,詔監司、守臣歲

十一月丁酉,詔兩淮歸正人爲強勇軍。庚子,以趙雄同知樞密院事。壬戌,太白晝見。

癸亥,遣趙思等賀金主生辰。

閱。 辛巳,蠲太平州民貸常平錢米。壬辰,金遣完顏炳等來賀明年正旦。 十二月丁卯,試四川所上義士二人,官而遣之。己巳,詔行薦舉事實格法。乙亥,大

是歲,福州、建寧府、南劍州水,並振之。

校勘記

[1] 潼川路 原作「潼州路」,按宋代無潼州路,而有潼川府路,見宋史卷八九地理志 今據改。

(以下節

本

紀

第

Ξ +

几

校 勘 記

宋史卷三十五

本紀第三十五

孝宗三

五 一年春正月辛丑,侍御史謝廓然乞戒有司,毋以程頤、王安石之說取士。從之。癸卯

特旨免臣僚及寺觀科徭。 庚戌、大風。 己未,詔侍從、臺諫、兩省官集議考課 法

禁解鹽 入京西界。 甲申,雨土。 庚寅,威州蠻寇邊,討降之。

二月已巳,

置州

縣丁

,稅司。

辛未,申嚴武臣呈試法。

詔二廣毋以攝官人治獄。

1

主,

三月丁未,李彦穎罷。 給辰、沅、澧、靖四州刀弩手田。 壬子,以史浩爲右丞相。 丁巳,

幸干津 蒙 己未,以王 准 知樞密院事 趙雄參 知政 事。 是春,黎州蠻出 降

府張津進羨餘四 夏 [h] 月 Z 丑 一朔,詔 + 萬 緡, 葉衡任便居住。 詔 以代民輸和買、身丁之半。 丙寅, 以禮部份書范成大參知政 賜禮部進士姚穎以下四百十有七人 事 辛未, 知 紹 興

本紀第三十五 孝宗三

及 第 出 身。 1 丑: , 雨 土。 己卯,以趙思奉使不如禮,罷起居舍人,仍降二官。 丁亥,命後省

五 月庚子 、置武 學國子員。 丁未,修臨安府城。禁諸路州軍責屬縣進羨餘。 中外所言利病不戾成法者以

聞

緡。 馬 者二人。 負茶出 庚寅 六月 以給 庚午 [境者罪死。 ,蠲大理寺臟錢三萬九千餘緡。 ', 飭 事 ,中錢良臣簽書樞密院事 百 [官及諸監司毋得請托。 甲申 ; 詔 翰林學士、 ٥ 諫議大夫、給事中、中書舍人、 乙亥,范成大罷。 丑, 罷 諸 州私 置稅場。 癸未, 詔 减 京西、湖北商人以牛 侍御 四 川 茶課 史各 舉 + 五 堪 萬 御 餘 史

稲 轉 般 興 州 倉 里 月 都 龔茂 統 丙 申 司 良卒于英州。 "營田官兵,募民耕 贈強霓、強震官 乙巳, 立廟 佃。 以魏王愷爲永興、成德軍節度使、雍州 己亥,復分利州 西 和州 賜名旌忠。 東、 西路爲二。 T ,酉,限 四川總領會子額。 壬: 寅, 牧 置鎭 判 明 江、建康府 州 如故。 戊戌,

秋 -月甲子,太尉、提舉萬壽觀李顯忠薨。 癸未, 禁砂毛錢。 1 亥 ,以歲豐, 命沿江糴

米百六十萬石,以廣邊儲。

庚

戊

蠲

秀州民折

帛錢。

儿 州增募民兵爲忠勇軍。 八 月 甲 午 詔 諸 路監 司 戊午,增銓試爲五場,呈試爲四場 '戒所部' 民稅毋以 重價強折 輸 錢。 復制科舊法。 T 酉, 韶關外

九月 甲子、定 廣 西賣鹽賞罰。 壬 申 一,幸秘 書省。 戊寅,賜 岳 纸 諡 日 武

戊午,以孫右千牛衞 兵擾民,降爲 正 日。 冬十月戊 辛亥,金遣 武寧軍 戌, 張 史浩等上三祖下第六世仙 大將軍擴爲明州 承宣使,罷軍 九思等來賀會慶節。 職, 觀察使,封英國公。 統制以下奪官有差。 乙卯 源類譜、仁宗玉牒。 奉國軍節 度使、殿前都指揮 軍民灌呶者, 庚子, 遣字文价 執送大理 使王 友直 等 寺鞫之。 使 以募 金

亥、以錢良臣參知政 爲宜州觀察使,信州 成 都 府 十一月丙寅,詔 雄 邊軍。 庚辰,復監 居住 事 :軍民喧鬨者,並從 丁 |浩請罷政。 丑,以趙雄爲右丞相,王淮爲樞密使。 司 互察法。 軍法。 甲戌,浩罷爲少傅,還舊節,充醴 史浩言民不宜律以 軍法, 戊寅, 泉 以兩川禁卒千人爲 不 聽。 觀 使 王友 兼 侍 直 讀 再 降

營田 延察等來賀明 官兵,募民耕佃 一月庚寅朔,班新 年正 日 辛业,復同安、蘄春監。 定薦舉式。 辛 卯, 遣錢 丙午,禁兩准銅錢,復行鐵錢。 沖之等賀 金主 生辰。 T 酉, 鼅 丙辰,金遣鳥 興元 都 統

是歲、階、福建 與化軍 水,通泰楚州、 高 郵 軍 田鼠傷禾。 三佛 或

六年 春 正 月 戊辰 振 准 東饑民。 庚午, 復置內侍省合同憑由 司。 手: 申, 蠲 變州 路

六六九

本

紀

第

Ξ

+

五

*

宗

Ξ

金銀。丁丑,雨雹。辛巳,復置光州中渡権場。

特奏名試法。 者毋擬貨。 詔前宰執、侍從有己見利便,聽不時 二月己丑朔,幸佑聖觀,召史浩、曾覿賜酒。 癸丑,命州縣毋撓義役。 以聞。 乙卯,詔自今歸正官親赴部授官,以革冒濫。 辛丑,立武臣關升蔭補法。 壬辰,錢良臣以失舉贓吏,奪三官。 丙午,詔逃軍 丁乚、裁 犯強盜 内中,

道州、桂陽軍諸縣,命湖南帥臣討捕之。置廣西義倉。 丁丑,詔戒勵諸道轉運使。 三月庚申,幸聚景園。 庚辰,幸玉津園 丙寅、錄趙鼎、岳飛子孫, 賜以京秩。 辛未,再振准東饑民。 己巳,郴州賊陳峒等破連 壬申, 雨雹。

夏五月壬戌,裁宗室換官法。庚午,蠲四川鹽課十萬緡。 乙亥,郴寇平。 癸未,給襄陽

歸正忠義人田。

錢之半。辛亥,廣西妖賊李接破鬱林州,守臣李端卿棄城遁,遂圍化州。 六月甲午,建豐儲倉。 丙申,詔特奏名毋授知縣、縣令。 戊戌、蠲郴州運粮丁夫今年役 命經略司討捕之。

端卿除名勒停,梅州編管。

會要。 秋 乙亥、詔諸軍五口以上增給緡錢。癸未、太白書見、經天。 七月癸亥,籍郴州降寇,隸荆、鄂軍。 戊辰,班隆興以來寬恤詔令于諸路。 趙雄等上

八 月 庚寅、罷諸路監司、帥守便宜行事。 壬寅,以知楚州翟畋過淮生事 奪五官 筠州

居住。

九 月 (辛未,合祭天地于明堂,大赦。 癸未,韶福建、二廣賣鹽毋擅增舊額

釋褐 ,與殿試第二人恩例。 多十月乙酉 朔,蠲連州被寇民租稅。 。 庚子, 四川行「當三」大錢。 辛卯, 遣陳峴等使金賀正旦。 再蠲 四川鹽課十七萬餘緡。 丙申, 詔 太學兩優 除

紹 興 、府民逋賦五萬餘緡。 乙巳, 金遣蒲祭鼎壽等來賀會慶節。 戊申,廣西妖賊平。

癸未, 遺傅淇 辛 裁宗子試法。 一月乙卯朔,帝著論數百言,深原用人之弊, 等賀 金主 戊寅,罷金州管內安撫司。 生 辰 壬午,二 因及誅賞之法, 韶宗室有出身人得考試及注教授官。 命宰執示從臣 于 ,都堂。

原 貸者,毋以失入 是歲,温 十二 月丙戌,班重 一台州 、坐獄 水, 官。庚戌, 修淳熙敕令格式。 和 州旱。 金遣耶律慥等來賀明年正旦。 丙申,修百司省記法。己亥,詔:自今鞫贓吏,後雖 辛亥,蠲臨安府征稅一 行。

慕屬 吏 -1 $\widehat{+}$ 年 進 春 官 IF 月甲子, 减 磨勘 减 年 廣 有 差 西 諸州歲賣鹽數。 己 卯 詔 京西州軍並用鐵錢及 乙丑,劉焞以平李接功,擢集英殿修撰,將佐 倉子 ; 民戶 邹 鉈 以 鎭 錢或

本

紀

绵

:=

+

五

會子償之,滿二月不輸官,許告賞。 庚辰,蠲淮東民貸常平錢米。

八十人。封子棟爲宜州觀察使、安定郡王 十萬石,振糶泳、邵、郴三州。甲辰,命利州路守貳、縣令兼領營田。 乙未、詔撥廣西兵校五百人隸提刑司。 二月癸未朔,初置廣南煙瘴諸州醫官。 戊戌,罷瓜洲孳生馬監。己亥,出湖南 丙戌,復置皇太子宮小學教授。 乙巳,限改官貞歲毋過 产卯, 棒積米 魏王愷

使臣行三年喪。 都監高晃以綿、潼大軍三千人與戰敗走,蠻人深入,大掠而去。己酉,命廕補、武舉、宗室、小 減 十五萬緡。辛卯,再免沿邊歸正人請占官田賦役三年。甲辰,黎州五部落犯盤佗砦,兵馬 內外官薦舉員。丁丑,再蠲臨安府民身丁錢三年。詔諸州招補軍籍之闕,自今歲以爲常。 夏四月甲申,幸聚景園。丙戌,趙雄等上仁宗、哲宗玉牒。戊子,除明州積欠諸司錢 三月壬戌,詔舉賢良方正能直言極諫者。庚午,迎太上皇、太上皇后宴翠寒堂。乙亥,

大水,捐其稅。 庚辰,詔特奏名年六十人毋注縣尉 五月戊辰,以吏部尚書周必大參知政事,刑部尚書謝廓然簽書樞密院事。 袁州分宜縣 戊寅、詔舒、蘄二州鑄錢歲以四十五萬貫爲額。己卯,申飭書坊擅刻書籍之

六月丙戌,以特進、觀文殿大學士、判建康府陳俊卿爲少保。 壬辰, 五部落再犯黎州

益 制 兵 置 造 一] 鈐 都 轄 大提 成 光 舉 延 茶 戰 馬 敗 吳 總 官 往 軍 平 死 之。 者 甚 壬 衆, 寅 提 詔 點 試 刑 刑 獄 法 官 權 增 州 試 事 經 折 義 知 常 棄城 遁。 甲 午 制 司

秋 七 月 癸 丑 詔 廣 帥 臣 監 司 察所 部 守 臣 臧 否 以 聞 丁 卯 以 早 決 繁囚 分命 羣

雨 于 Ш Ш 壬 申 移 廣 西 提 刑 一] 于 鬱 林 州

言 去 惡 4 拒 八 月 却 是 之,折 癸 夕 未 雨 禁黎州 知 T 常 酉 重 官 胳 置 蠻 湖 吏 使使 市 南 獗 蕃 之 虎 商 納 軍 物 款 0 戊 甲 戌 申 , 雨 以 禱 甲 雨 辰 未 應 五 部 諭 落 輔 犯 臣 黎州 一欲令職 塞 事 賱 官 州 以 左 軍 上 各 統 頟 實 事

滅 年 恩 九 數, 月癸亥, 身後 詔 \equiv 自 年 一今常 · 者毋 朝 收 毋 使。 稱 丞 丙 相 寅 名。 詔 甲子 知 縣 成 命 資 樞 始 密 聽 使 監 亦 司 如之。 薦 舉 Z 丑 壬 申 詔 宰執 禁 諸 路 使 退 相 給 使

酉 名省記 法爲淳 .熙重 修 百 {司 }法

遺葉 等 宏 冬十 等 · 月丙 使 金 戌 賀 IE 詔 日 限 乙未 田 太寬 黎州 , 民役 五. 部 落 煩 進 重 ,其令臺 馬 乞降 , 諫、 詔 却 給 獻 含同 馬 , 許 戶 部 其 互 長 市 漬 詳 庚 議 子 以 聞 金 遣 戊 子

來

智

會

慶

節

本

紀

第

Ξ

+

五

孝

宗

=

兩 淮 州 +-重 月 稅 癸 11: 年 詔 邊 癸亥 吏 存 黎州 恤 江 戍 西 軍 调 伍 准 進 饑 等 民。 作 ... 丁 折 E, 禁 知 常 准 遁 南 一去,王 諸 司 去惡 州 郡 誘 抑 進 配 等 民 誅 酒 辛 壬 酉 鑑

南 康 軍旱,詔出檢放所餘苗米萬石 充 軍糧。 癸酉,遣蓋經等賀金主生辰。

質不備蕃部,致其猖獗,奪兩官罷之。丙申,嗣濮王士輵薨。戊戌,以新除成都府路提點刑 不允,帝進黃金二千兩爲壽。 辰,金遣徒單守素等來賀明年正旦。是月,詔以太上皇明年七十有五,議行慶壽禮,太上皇 獄祿東之權四川制置司,應黎州邊事,隨宜措置。 十二月庚寅,趙雄等上神宗、哲宗、徽宗、欽宗四朝國史志。壬辰,以四川制置使胡元 癸卯, 韶臨安府承宣旨審奏如故事。 甲

凶、民無流殍。安南入貢。 是歲,江、浙、淮西、湖北旱,蠲租,發廩貸給,趣州縣決獄,募富民振濟補官。 故歲雖

乙亥、詔福建歲撥鹽于邵武軍,市軍糧 八年春正月甲寅,停折知常官,汀州居住。丙辰,詔:內侍見帶兵官並與在京宮觀,著爲

考興利除害等事。戊戌,以保康軍節度使<u>士</u>歌爲嗣濮王 田者。裁童子試法。己丑,禁廣西諸州科賣亭戶食鹽。庚寅,詔三省、樞密、六部置籍, 不堪科役爲亂,統領官劉大年引兵逆擊之,土丁潰去,大年坐誅。戊子,禁浙西民因旱置 二月壬午,詔去歲旱傷郡縣,以義倉米日給貧民,至閏三月半止。黎州土丁張百祥等 _

三月丁未朔,幸佑聖觀。戊午,以潮州賊沈師爲亂,趣帥、憲捕之。 辛未,幸聚景園

廊錢什之三,德壽宮所減,月以南庫錢貼進。 禁潭、道等州官賣鹽。 下三百七十有九人及第、出身。 閨 [月辛巳,命諸路帥臣、監司分州郡臧否爲三等,歲終來上。 庚寅,修<u>揚州城。</u>甲午,幸<u>玉</u>津園。 戊子,賜禮部進士黃由以 甲辰,立宗室命繼法。 壬寅,減在京及諸路房

[軍重役。丁卯,安定郡王子棟薨。癸酉,立郴州宜章、桂陽軍臨武縣學,以敎養峒民子弟。 夏四月癸丑,修湖南諸州城。丙辰,以臨安疫,分命醫官診視軍民。庚申,復以強盜配隸

葺經界簿籍。 五月戊寅,詔監司、守令勸課農桑,以奉行勤怠爲賞罰。 辛卯,以久雨,減京畿及兩浙囚罪一等,釋杖以下,貸貧民稻種錢。 壬午,詔諸路轉運司趣民間補

史浩爲少師

薦薛叔似、楊簡、陸九淵、陳謙、葉適、袁燮、趙善譽等十六人,詔並赴都堂審察。 傷檢放米一百三十七萬石、錢二十六萬緡。辛酉,罷諸路坊場監官,聽民承買。戊辰,史浩 六月己酉,詔放殿前司平江府牧馬草蕩二萬畝,聽民漁採。戊午,除淳熙七年諸路旱

州 修舉荒政者十六人。以不雨決繫囚。壬辰,紹興大水,出秀婺州、平江府米振糶。 水,韶被災之家蠲其和買,三等以上戶減半。辛丑,錄范質後。 七月癸未,復以許浦水軍隸殿前司。永陽郡王居廣薨,追封永王。辛卯,賞監司、守臣 丁酉,嚴

本紀第三十五 孝宗三

絹之類 之。 州 樞 密院 罷諸 戊 八 辰, 事。 月丙午,以旱罷招軍。 ,不以名色,截日並令住催。 路補葺經界簿籍 言者請自今歉歲蠲減,經費有虧,令戶部據實以聞,毋得督趣已蠲閣之數。 丙辰, 更後殿幄次爲延和殿。 庚戌,趙雄罷。 癸丑 ,以王淮爲右丞相兼樞密使。 己未, 壬子,詔紹興府諸縣夏稅、 以觀文殿大學士、新四川制置使趙雄知瀘 甲寅,以謝廓然 和市、折帛、 、身丁錢 同 知

冬十月己酉, 九 月庚辰,命諸路提舉司貸民麥種。 遣施師點等使金賀正旦。辛酉, 辛巳,錢良臣罷。 錄黎州戰歿將士四百三人。 庚寅,以謝廓然兼權參知政事 甲子, 金遣

完顏寔等來賀會慶節。詔災傷州縣諭民振糶。

|中誤 詔 行 臨 在 安 至 斬 + 府爲 鎭 遞卒汪青,落職, 月 江 粥 府 (甲戌,以旱傷罷喜雪宴。 戊寅,蠲富陽、新城、錢塘夏稅。 食 運 後機民。 河。 丁 辛丑 酉,遣燕世良賀金主 仍詔給青家衣粮十五年。 ,以淳熙元 年減半推賞法募民振 一生辰。 辛卯, 已亥, 韶兩省、侍從、臺諫各舉所 振臨安府及嚴州饑民。 糶 庚寅, 前池州守趙粹 庚子, 再 知。 浚

常 平 物。 朱熹振 十 二 甲寅, 月癸 糶 卯朔,以徽、饒二州民流 雨雹。 丁未, 以度僧牒募閩、廣民入米。 禁諸州營造。戊 申,諡劉安世日忠定。 者衆,罷守臣。 丙辰, 詔縣令有能舉荒政者, 官出 南 辛亥,蠲諸路旱傷 庫錢三十萬緡,付新浙東提舉 州 監司、郡守 軍明 年

帝還內,遣王抃往諭旨。己巳,貞吉奉書入見。是月,廣東安撫鞏湘誘潮賊沈師 以名聞。 甲子,下朱熹社倉法于諸路。戊辰,金遣魏貞吉等來賀明年正旦。以爭執進書儀 出降,誅之。

入江北者,命所在振業之。 是歲,江、浙、兩淮、京西、湖北、潼川、夔州等路水旱相繼,發廩蠲租,遣使按視,民有流

承旨。 未,罷樞密都承旨王抃爲在外宮觀,因罷諸軍承受,復密院文書關錄兩省舊法,以文臣爲都 九年春正月甲戌,詔四孟朝獻,分用三日,如在京故事。 戊子,羅廣南米赴行在。 庚寅, 韶江、浙、兩淮旱傷州縣貸民稻種, 計度不足者貸以 丁丑,命兩淮戍兵歲一更。

二月庚戌,遣使訪問二廣鹽法利害。戊辰, 四川制置司言獲敍州賊大波浪

准南、

江、

浙振濟。

甲午,

罷諸路寄招軍兵三年,

就揀軍子弟補其闕 三月辛未朔,幸佑聖觀。 詔振濟忠、萬、恭、涪四州。 癸未,振濟鎭江。 壬辰,遣使按視

提刑,文武臣通置一員。癸亥,帝覽陸贄奏議, 夏四月甲辰,詔自今盜發所在,親臨帥守、監司論罰,平定有勞者議賞。 **諭講讀官曰:「今日之政,恐有如德宗之弊** 乙卯, 韶諸路

本紀第三十五 孝宗三

「卿等條陳來上,無有所隱。」

五月癸酉 ,以孫炳爲右千牛衞大將軍。 丙子,詔輔臣擇監司、郡守,必先才行。

庫酒課二十二萬餘緡。汀、潭二州民爲沈師蹂踐者除其賦。丁巳,給臨安府貧民棺瘞錢。 六月壬寅,詔侍從、臺諫各舉操修端亮、風力彊明、可充監司者一二人。甲寅,蠲犒賞

戊午 - ,謝廓然薨。 庚申,太白晝見。 臨安府蝗,詔守臣亟加焚瘞。 甲子,太白晝見,經天。

糴米百四十萬石,補淳熙八年振濟之數,于沿江屯駐諸州椿管 三十萬緡付浙東提舉朱熹,以備振糶。 秋七月甲戌,以江西常平、義倉及椿管米四十萬石付諸司,預備振糶。 壬辰,以資政殿學士李彥穎參知政事。 辛巳,出南庫錢 詔發所儲和

后 ·內命婦蔭補數,立文武臣遇郊奏薦員,限致仕、遺表恩澤,視舊法捐三之一。 壬子,定諸州官捕蝗之罰。乙卯,復賞修舉荒政監司、守臣。 八月己亥朔,詔紹興民戶去歲已納夏稅應減者三十萬緡,理爲今年之數。 庚子, 減皇 淮東、浙西

瀘州 丙子,以子彤爲客州觀察使,封安定郡王。 ,備振糶。 九月己巳朔,罷諸路科買軍器物料三年。 辛卯,封伯圭爲滎陽郡王。 以旱減恭、合、渠、昌州今年酒課。癸巳,太白晝 辛巳,大享明堂,大赦。 庚午, 以王淮爲左丞相, 乙酉,以錢引十萬緡賜 梁克家爲右丞相。

十月戊戌朔, 遣王藺等使金賀正日。 丙午, 罷軍器所招軍。 辛亥,塞四川沿邊支徑。

乙未、禁蕃舶販易金銀、著爲令。

戊午,金遣完顏宗回等來賀會慶節。 甲子, 蠲諸路早傷州軍淳熙七年八年逋賦, 出縣官緡

錢以償戶部

選等賀金主 十一月戊辰朔,禁臣庶之家婦飾僭擬。 |生辰。戊子,大風 庚午,振夔路飢。 乙酉,進奏院火。 丙戌, 遣賈

十二月已亥,更二廣官賣鹽法,復行客鈔,仍出緡錢四十萬以備漕計之闕。 癸亥,金遣

孛朮魯正等來賀明年正旦。

酉, 人毋得奏子。 命二廣提舉鹽事官互措置 十年春正月丁 己丑 , 丑,以給事中施師點簽書樞密院事。 詔罷 廣 南官 鹽 鬱鹽法。 事 丙戌, 壬辰、罷江東、浙 以施 師 點 兼權參. 命州縣掘蝗。 西寄招鎮江諸軍 知 政 事 丁 甲申 亥, 三年。 一,李彥穎罷。 詔 終身 任宮觀 乙

二月癸卯, 提舉德壽宮陳源有罪,竄 建寧府,尋移郴州 仍籍其家貲 ,進納德壽宮

巳, 免四川和糴三年。 三月戊辰, 李燾上續資治通鑑長編 癸未,幸玉津園。 六百八十七卷。 戊子,詔 四川 類試, 辛未, 自今十六人取一人。 有司 請造第七界會子。 己丑, 除

夏 四 月 闪 中,再蠲 臨安府民丁身錢三年。己亥,命湖南、廣西堙塞溪洞徑路。 75° 71°

詐

稱災傷籍產法。

癸巳,復銓試舊法,罷試

雜文。

木

紀

翰

Ξ

+

Ŧī

孝

=:

聚景園。 II. 月 辛卯, 丙寅、增皇太子宮小學教授一員。甲戌,以潭州飛虎軍隸江陵都 詔疏 襄陽木渠,以渠傍地爲屯田,尋詔民間侵耕者就給之。廢舒州宿松監 統司。 戊寅,幸

六月戊戌,監察御史陳賈請禁僞學。 乙巳,罷昭州歲貢金。己未,詔諸路監司、帥臣歲

舉廉吏。庚申、嚴贓吏禁。

浩爲太保、魏國公,致仕。 庚申,以左藏南庫隸戶部。 丞相王淮等以旱乞罷,不許。丁丑,詔除災傷州縣淳熙八年欠稅。甲申,雨。己丑,御殿復膳。 從、臺諫、兩省、卿監、郎官、館職各陳朝政闕失,分命羣臣禱雨于天地、宗廟、社稷、山川。左 秋七月乙丑,以不雨決繫囚。 八月戊申,以施師點參知政事兼同知樞密院事,御史中丞黃洽參知政事。 丙寅,幸明慶寺禱雨。甲戌,以夏秋旱暵,避殿減膳,令侍 庚戌, 以史

負內藏庫錢六十萬緡。乙酉,遺余端禮等使金賀正旦。丁亥,禁內郡行鐵錢。 九月乙丑,長溪、寧德縣大水。丙寅,嚴盜販解鹽法。 丁丑,幸佑聖觀。壬午, 蠲諸州逋

冬十月乙未,詔兩浙義役從民便。壬子,金遣完顏方等來賀會慶節

閏 十一月壬戌朔,日有食之。乙丑,降會子,收兩淮銅錢。甲戌,幸龍山大閱,遂幸玉津園 月壬寅、詔却安南獻象。丁巳,遣陳居仁等賀金主生辰。

十二月丙子,朝德壽宮、行太上皇后慶壽禮、推恩如太上皇故事。 丁亥,金遣完顏婆盧

火等來賀明年正旦。

是歲,腷、潭、台、信、吉州水,京西、金澧州、 南平荆門興國廣德軍 江陵建康鎮江 一紹興

寧國府旱。

世堅出兵討之,獲光漸。 一年春正月辛卯朔, 丙午,詔江東、西路諸監司,義役、差役從民便。 雨土。 辛丑,安化蠻蒙光漸等犯宜州思立砦, 甲寅,雨 廣西兵馬鈴轄沙

二月甲申,韶:兩准、京西、湖北萬弩手令在家閱習,每州許歲上材武者一二人,試授以

官,如四川義士之制。

密陳出 馧 庚戌,韶御試策有及軍民利害者,考官裒類以聞。 秀州御馬院莊,歸其侵地于民。 三月辛卯,詔刑部、御史臺每季以仲月錄囚徒。 .師進取利害,以備金人。 復<u>金州</u>管內安撫司。 丁未,禁准民招温、處州戶口。除職田、官田八年逋租 辛亥,史浩入謝,賜宴于內殿。 癸巳,命利路三都統吳挺、郭鈞、彭杲 甲午,以上津、洵陽旱,蠲其稅。 辛丑

夏四月甲子, 以興元義勝軍移戍襄陽。戊辰,賜禮部進士衞涇以下三百九十四人及

界、出身。 癸未,重班紹興申明刑統。

五 |月戊子朔,蠲|||德等十六縣小民||淳熙十年欠稅十四萬緡。癸卯,命刑部、大理寺議滅

本紀第三十五 孝宗三

刺 **削** 注。 甲寅 ,出緡錢三十萬犒給四川久戍將士。 乙卯,太白晝見。

舉賢良方正能直言極諫一人。己卯,詔諸州歲買稻種,備農民之闕 尙書、侍郎、兩省諫議大夫以上、御史中丞、學士、待制,在外守臣、監司,不限科舉年分, 六月戊午朔,詔諸道總領舉偏裨可將帥者。 庚申, 以周必大爲樞密使。 壬戌, 詔在內 各

秋七月癸卯,蠲減浙東敗闕坊場酒課。 癸丑,以浙西、江東水,禁諸州遏糴。 甲寅, 築

黎州要衝城。

八月庚申,遣章森使金賀正旦。

九月丁亥,詔諸路添差官自今毋創置。 乙巳,詔殿前軍子弟許權收刺一次。 再

減四川酒課六十八萬餘緡。

歲正旦、生辰人使權止一年。 禁諸州增收稅錢。丙子,金遣張大節等來賀會慶節。 冬十月甲子,初命舉改官人犯贓者,舉主降二官。乙丑,遣王信等賀金主生辰。 壬午,詔諸以忠義立廟者,兩准漕臣繕治之。 盱眙軍言得金人牒,以上京地寒,來 庚午,

十一月壬寅,禁福建民私有兵器。 癸卯,助廣西諸州歲計十萬緡。甲寅,令峽州歲時

存問處上郭雍。

十二月丁二修湖南府城。 己卯、詔戒監司、州縣毋得於常賦外追取於民。

十二年春正月己丑, 禁交阯鹽入省地。 壬辰, 四川制置使留正遣人誘青羌奴兒結殺

戊戌, 日中有黑子。 戊申,賜任伯雨諡曰忠敏。 庚戌,日中復有黑子。

二月辛 ·酉,雨雹。 乙亥,罷諸軍額外制領將佐。 庚辰,置黎州防邊義 勇。

三月乙酉,進孫擴爲安慶軍節度使,封平陽郡王。 辛卯, 禁習渤海樂。 辛亥, 命侍從、

臺諫、兩省、總領、管軍官各舉堪都副統制者一二人。 夏四月甲子,幸聚景園。 戊辰,班淳熙寬恤詔令。 癸丑,除稅場高等累賞法 丙子,

諜言故遼大石林牙假道夏人

以 伐金、密詔吳挺 與留正議之。 己卯,幸玉津園

五 月庚寅 地震。 辛卯,福州 地震。 詔 帥臣趙汝愚察守令、擇兵官、防盜賊。

六月乙卯, 立淮東彊 勇軍效用效士法。 壬戌,除諸軍逋欠營運錢。 Ţ 丑,詔浙東帥

司 不 以 (時上諸) 州 臧 否,奪一官。 戊寅、太白晝見。

秋 七月丁 酉 ,太白晝見,經天。 壬寅 ,<a>詔二廣試攝官如銓試例,取其半。 甲辰,以准西

屯 田 鹵 莽 總 領、軍 帥 漕臣、守臣 奪官有差

水

紀

绑

_:

+

Ŧī.

孝

=

八月 突亥, 詔 太 上皇詩 八十, 令有司議慶壽禮。 乙丑,韶戶部、給舍、臺諫詳議官民戶

役法以聞。

信等使金賀正旦。 九月甲申,復二廣監司以下到罷酬賞法。丙戌,詔恤湖州、台州被水之家。 丁丑,詔諸路總領、軍帥、漕臣、守臣歲上屯田所收之數。 庚寅, 造王

盛烈太上皇帝、太上皇后曰聖壽齊明廣慈備德太上皇后。 命侍從各舉宗室一二人。癸亥,詔諸路臧否以三月終、四川二廣以五月終來上。 冬十月辛亥, 加上太上皇尊號日光堯壽聖憲天體道性仁誠德經武緯文紹業興統明謨 甲寅,蠲施、 黔州經制無額錢。

十一月丁亥,鄂州大火。戊子,雷。壬辰,遣章森等賀金主生辰。 辛丑,合祀天地于圜

丘、大赦。

事。 甲子,以知福州趙汝愚爲四川制置使。丙子,金遣僕散守忠等來賀明年正旦。 十二月庚戌朔,帥羣臣奉上太上皇、太上皇后册寶于德壽宮,推恩如紹興三十二年故

傳、陳俊卿爲少師,嗣濮王士歆爲少保。庚子,以昭慶軍節度使士峴爲開府儀同三司。 貧民丁身錢之半爲一百一十餘萬緡,內外諸軍犒賜共一百六十萬緡。癸巳,以史浩爲太 十三年春正月庚辰朔,率羣臣詣德壽宮行慶壽禮。 大赦, 文武臣僚並理三年磨勘, 冤

一月甲寅,詔強盜兩次以上,雖爲從,論死。 庚申,詔舉歸正、添差、任滿人才藝堪從

三月丁酉 詔職事官改官, 許在歲額八十員之外。 合提舉廣南東、西鹽事司爲 H

辰,幸玉津園

夏四月辛亥,詔吳挺結約夏人。 戊辰,再蠲四川和糴軍粮三年。 辛未,幸聚景園

五月癸未,日 中 ·有黑子。 甲申,詔非泛補官及七色補官人、非曾任在朝侍從者,品秩雖

毋得免役。 丙申,賜冲晦處士郭雍號日 先生,仍遣官就問雍所欲言,備錄來

高

秋 七月壬 一辰,詔 內外諸軍主帥各舉堪統制者二三人。 壬寅,諡胡銓 日忠 簡

里 月丙午朔, 雨雹。 戊申, 以敷 文閣學士留正簽書樞密院事。 己酉 , 施師點乞冤兼同

知樞密院事,許之。己未,五星皆伏。

八月乙亥朔, 日、月、 五星聚于軫。 丙子,以故相曾懷鬻奏補恩,追落觀文殿 大學士。

壬午,新築江陵城成。

九月乙巳,詔僞造會子凡經行用,並處死。 是月,遣李獻等使金賀正 日二二。

多十月甲戌朔,福 州 火。 甲午,金遣完顏老等來賀會慶節。

金主 一生辰。 + 月戊 甲子 午,詔 ,王淮 几 等 川 上仁宗英宗玉牒 制 置 司 通 知 馬 政, 量收木渠民包占荒 神宗哲宗徽宗欽宗四朝國 田 租。 史列傳、 庚申, 遣張叔椿等賀

本

紀

第

 \equiv

+

五

孝

宗

內寅、梁克家罷爲觀文殿大學士、醴泉觀使兼侍讀。 辛未,裁定百司吏額。

甲午,陳俊卿薨。乙未、振臨安府城內外貧乏老疾之民。戊戌,大理寺獄空。 律子元等來賀明年正旦。辛丑,再賜軍士雪寒錢。 十二月丙子,思州田氏獻納所買黔州民省地,詔償其直。辛巳,減汀州鹽價歲萬緡。 己亥,金遣耶

是歲,利州路饑,江西諸州旱。

十四年春正月癸亥,出四川椿積米貸濟金、洋州及關外四州饑民。

二月丁亥,以周必大爲右丞相。 戊子,以施師點知樞密院事

三月甲子,幸玉津園。

夏四月己卯,置籍考諸路上供殿最,以爲賞罰。 戊子,賜禮部進士王容以下四百三十

五人及第、出身。

五月乙巳,成都火。己酉,遣官措置汀州經界。

庚寅,臨安府火。辛卯,太白晝見。癸巳,王淮等以旱求罷,不許。 六月戊寅,以久旱,班畫龍所雨法。 甲申,幸太一宮、明慶寺禱雨。 詔衡州葺炎帝陵廟。 丁亥,梁克家薨。

亥,减雨浙路囚罪一等,釋杖以下。

監 帛 經、 汀 言 看 州 司 總制羅 詳 萬 所 經 秋 羣 條 -1: 八 月 弊 千 臣 本錢 辛 事 封 己 匹 事 丑: 酉 半 辛 鼅 年。 詔 有 酉 監 戶 मि 江 部 丙 司 行 條 辰 上 西 者 一供殿 以聞 湖 命臨 州 南 最。 縣 饑 安府捕 弊 韶省 給給 事 内 度僧牒 午, 部 民 蝗 間 漕臣 詔 募民 疾苦 羣臣 催 輸 陳 理 糴 辛 米 時 \bar{oxdot} 米備 玄, 振 蠲 政 濟 闕 逋 避 振 失及當今急務。 欠 殿 糶 除 者 减 紹 膳徹 令臺: 戊 興 辰 新 樂。 , 雨 科 諫 覺 下 癸 察。 卢 丁未, 命給、 丑 一今年 命 權 含看 以 和 减 檢 루 市 秀 IE 州 都 靇 布

留 正 參 八 月 知 辛 政 事 未 兼 賜 同 度牒 知樞 密 百 院 道、 事 米四 0 丙 萬 戌 Ŧi. 復 千 變路 石 子 備 賞 振 法 紹 興府 餓 甲 戌, 御 殿 復 膳 癸未 以

德壽 宮 九 問 月 疾 癸 加 、太上 乙丑 罷 皇 不豫 增 收 木 渠 乙巳,詣德 民 田 租 0 壽宮問 丙寅, 除官 疾 丙 軍 私 午 遣 負 萬鍾等 使金 賀 正 日 己未

邁 皇 上 社 皇 稷 言 喪 大行 冬十 事 崩 甲 干 徳壽 皇 丙 戌 月辛未,以 帝 子 ,以太上 以 殿 鄏 號 韋 遺 當 誥 太 璞 皇 稱 父等爲 未 太 上 祖, 皇 御 上 常常 皇 金 不 告 豫 詔 膳 后 が, 赦。 哀 改 有 自來 使。 稱 司 集議 皇 壬 日 戊寅 太后 申 不 計 以 視 聞。 以 朝 德 奉 壽宮 滎陽郡王 字 己 皇太后旨 卯, 執 問 奏 詔 疾。 事 尊皇太后。 伯 癸 內殿 以 圭 酉 奉 爲 ,分遣羣 欑 國 乙亥, 宮總護使。 軍 辛巳,詔曰:「大行太上 承 臣禱 宣 詣 使 德 计异主 于 壽宮 翰 天 林 地 侍 管 學 疾 宗 太 太 洪

本

紀

第

Ξ

+

五

孝

宗

Ξ

己丑,金遣田彥皐等來賀會慶節,詔免入見,却其書幣。甲午,詣德壽宮,自是七日皆如之。 顏師魯等言,大行太上皇帝上繼徽宗正統,廟號稱「宗」。乙酉,百官五上表請帝還內聽政。 丙戌,詔俟過小祥,勉從所請。 戊子,帝衰經御素輦還內。以顏師魯等充金國遣留國信使。 皇帝奄棄至養,股當衰服三年,羣臣自遵易月之令,可令有司討論儀制以聞。」甲申,用禮官

奏。己未,詔五日一朝德壽宮。 卯、雷。戊午、詔皇太子參決庶務于議事堂,在內寺監、在外守臣以下,與宰執同除授訖乃 戊申,遣胡晉臣等賀金主生辰。辛亥,冬至,詣德壽宮。甲寅,西南方有赤氣隨日入。乙 庶務,不許。辛丑,詣德壽宮禪祭,百官釋服。甲辰,羣臣三上表請御殿聽政,詔俟過祔廟。 巾袍御延和殿,詣德壽宮,衰絰而杖如初。詔皇太子惇參決庶務。庚子,皇太子三辭參決 十一月戊戌朔,詣德壽宮,自是朔望皆如之。己亥,大行太上皇帝大祥,自是帝以白布

明年正旦,見于垂拱殿之東楹素幄,詔禮物毋入殿,付之有司。 十二月庚午,大理寺獄空。壬午,東北方有赤氣隨日出。癸巳,俭遣完顏崇安等來賀

是歲,兩浙、江西、淮西、福建旱,振之。

十五年春正月丁酉朔,詣德壽宮几筵行禮。戊戌,皇太子初決庶務于議事堂。辛丑,復

置左右補闕、 拾遺。 乙巳,詔冤諸州軍會慶節進奉二年。 韶自今御內殿, 令皇太子侍立。

庚申 施師點罷。 甲子,以黃治知樞密院事,吏部尚書蕭燧 參 知 政 事

二月丁亥,金遣蒲察克忠等來吊祭,行禮于德壽殿,次見帝于東楹之素幄。 癸巳, 遣京

螳等使金報謝

用張浚、岳飛,祕書少監楊萬里乞用浚,皆不報。 節導梓宮。 册寶于德壽殿,又上懿節皇后改諡憲節册寶于別廟本室。丁未, 右丞相周必大攝太傅, 三月庚子, 癸丑,用洪邁議,以呂頤浩、趙鼎、韓世忠、張俊配饗高宗廟庭,吏部侍郎章森乞 王淮等上大行太上皇諡曰聖神武文憲孝皇帝,廟號高宗。 丙寅,權欑高宗于永思陵。 乙巳,上高宗諡

詔減 耐 韶洪邁、楊萬里並予郡。 于太廟, 詔曰:「殷比下令欲衰絰三年, 羣臣屢請御殿易服,故以布素視 再議配享。 廟 臨安、 , 勉從所請, 然稽諸典禮,心實未安, 行之終制, 乃爲近古。宜體至意, 勿復有請。」己丑, 夏四月壬申,帝親行奉迎虞主之禮,自是七虞、八虞、九虞、卒哭、奉辭皆如之。 紹興府囚罪一等,釋杖以下;民緣欑宮役者蠲其賦。 皇太后有旨,車駕一月四詣德壽宮,如舊禮。 甲申,用禮官尤袤請,詔羣臣再集議配享臣僚。 庚寅,用御史冷世光言,罷 事內殿。 丙戌, 附高宗 雖詔俟過 神主

五月己亥,王淮罷。 乙巳,帝旣用薛叔似言,罷王淮,詔諭叔似等曰:「卿等官以拾遺、補

闕爲名,不任糾劾。今所奏乃類彈擊,甚非設官命名之意,宜思自警。」丁巳,詔修高宗實錄。 己未,祁門縣大水。壬戌,始御後殿。詔歲出錢五萬六千餘緡,減廣東十二州折納米價錢。

乞奉祠。太常博士葉適論栗襲王淮、鄭丙、陳賈之說,爲「道學」之目,妄廢正人。詔熹仍赴 度使。癸酉,以新江西提點刑獄朱熹爲兵部郎官,熹以疾未就職。 江西,熹力辭不赴。庚寅,熒惑犯太微。 六月丁卯,雨雹。 戊辰,罷敕令所。 己巳,以伯圭爲少傅,帶御器械夏執中爲奉國軍節 侍郎林栗劾熹慢命,熹

秋七月戊戌,上高宗廟樂日大勳,舞日大德。己未,出兵部侍郎林栗。壬戌,恩平郡王

璩薨,追封信王。

八月甲子朔,日有食之。

九月庚子夜,南方有赤黃氣覆大內。辛丑,大饗明堂,以太祖、太宗配,大赦。癸卯,更

官詣東上閤門拜表起居,免入賀。己丑,再罷諸州科買軍器物料三年。 試補醫官法。己酉,遣鄭僑等使金賀正旦。甲寅,上皇太后宮名慈福 冬十月癸未,金遣王克温等來賀會慶節,見于垂拱殿東楹。甲申,會慶節,詔北使、百

一月庚子,建煥章閣,藏高宗御集。 遣何澹賀金主生辰。甲辰,詔百官輪對,毋過

三奏。

- |-上月 丙寅 追 復襲茂良資政殿 學 1 午 , 命朱 熹主管西太一 宮兼崇政殿 說書 辭

个至。戊子,金遣田彥阜等來賀明年正旦。

是歲,江西、湖北、兩淮、建寧府、徽州水。

大留 部 使 諡 郭 尙 李 以周必 書葛 身 綱 師 十六年春正月癸巳, 是 H 禹 忠定 詔 爲 邲 大爲左丞相,留正 草 保 同 大 知 樞 軍 丙 密院 節 辰, 度使。 罷 事。 金主 拘催 爲 辛亥,罷淮 Z 錢物 雍 殂, 已 右 丞相, 蕭燧 所。 孫 景立。 罷。丙午, 蕭 西 復二 燧 屯田 兼 廣官般官賣鹽法。 甲午, 權 是 皇 知 福密院 日 太后移 封孫 帝始諭 御慈 事 二府,以 禮 福宮。 已未, 部 國 公。 尙 書 戊 更德壽宮爲 旬 王藺 丙 日當 申, 申 以昭慶 一多知 內禪 黄 治 政 ··, 命 重 軍 華宮 周必 承 刑

之重 華 月辛 宮 辛 酉 未 朔, ·, 上 日有 尊 食之。 號 至 尊 壬戌, 壽 皇 下 聖帝 詔傳位 ",皇后 皇太子。 (日壽 成 皇后 是日 , 皇太子卽 皇帝位。 帝 素服駕

慶元 諡 日 哲 紹 文 华 熙 + 市申 五 武 年 月 成 五. 孝 辛 月 皇帝 \pm 丑 皮, 加 壽皇 廟 諡 號 紹 孝宗。 聖帝 統 同 道 不 豫 冠 + 德昭 六月戊 月 功 Z 哲文神武明聖成 卯,權欑 (戌,崩 子 于 永 重 阜陵。 華 殿, 多孝 年六十有八。 月甲戌, 耐于太廟。 + 月 丙 辰

本紀第三十五 孝宗三 校勘記

贊曰:高宗以公天下之心,擇太祖之後而立之,乃得孝宗之賢,聰明英毅,卓然爲南渡

諸帝之稱首,可謂難矣哉。

於前日矣。故世宗每戒羣臣積錢穀,謹邊備,必曰:「吾恐宋人之和,終不可恃。」蓋亦忌帝 之將有爲也。天厭南北之兵,欲休民生,故帝用兵之意弗遂而終焉。 平治,無釁可乘。然易表稱書,改臣稱姪,減去歲幣,以定鄰好,金人易宋之心,至是亦寖異 即位之初,銳志恢復,符離邂逅失利,重違高宗之命,不輕出師,又值金世宗之立,金國

宗之爲「孝」,其無愧焉,其無愧焉! 壽,亦無有及之者。終喪三年,又能却羣臣之請而力行之。宋之廟號,若仁宗之爲「仁」,孝 然自古人君起自外藩,入繼大統,而能盡宮庭之孝,未有若帝;其間父子怡愉,同享高

校勘記

(二) 李獻 當爲「李巘」之誤,金史卷六一変聘表、宋中興學士院題名錄、 南宋館閣續錄卷五都作

李巘。

宋史卷三十六

本紀第三十六

光宗

郭氏。 光宗循道憲仁明功茂德温文順武聖哲慈孝皇帝,諱惇,孝宗第三子也。 紹興十七年九月乙丑,生于藩邸。二十年,賜今名,授右監門衞率府副率,轉榮州 母日成穆皇后 刺

史。 孝宗卽位,拜鎭洮軍節度使、開府儀同三司,封恭王。

太史奏:木、火合宿,主册太子,當有赦。 及莊文太子薨,孝宗以帝英武類己,欲立爲太子,而以其非次,遲之。乾道六年七月, 是時,虞允文相,因請蚤建儲貳。 孝宗曰:「朕久有

此意,事亦素定。但恐儲位旣正,人性易驕,卽自縱逸,不勤於學,浸有失德。

股所以未建

者,更欲其練歷庶務,通知古今,庶無後悔爾。」

本紀第三十六

光宗

七年正月丙子朔,孝宗上兩宮尊號册、寶,禮成。 丞相允文復以請,孝宗曰:「朕旣立太

安,股必戒以留意問學。」 臨安, 究心民政, 命判臨安府,尋領尹事。 慶王愷爲雄武、保寧軍節度使,判寧國府,進封魏王。三月丁酉,受皇太子册。 子,卽令親王出鎭外藩,卿宜討論前代典禮。」允文尋以聞。二月癸丑,乃立帝爲皇太子; 周知情僞。 帝之爲恭王,與講官商較前代,時出意表,講官自以爲不及。 孝宗數稱之,且語丞相趙雄曰:「太子資質甚美,每遣人來問 四月甲子, 逮尹

鞋相見,內外除擢,自館職、部刺史以上乃以聞。 決庶務,以內東門司爲議事堂。」十五年二月戊戌,帝始赴議事堂。自是,間日與輔臣公裳繫 淳熙十四年十月乙亥,高宗崩。十一月己亥,百官大祥畢,孝宗手詔:「皇太子可令參 十一月,丞相周必大乞去,孝宗諭曰:「朕比年病倦,欲傳位太子,卿須少留。」會陳康伯 九月乙巳, 又詔:「每遇朝殿, 令皇太子侍

養,以畢高宗三年之制。因令必大進呈詔草。 家以紹興 意諭參知政事留正。 傳位 |御箚來上,十二月壬申,孝宗遣中使密持賜必大,因令討論典禮,旣又密以 十六年正月辛亥,兩府奏事,孝宗諭以倦勤,欲禪位皇太子,退就休

一月壬戌,孝宗吉服御紫宸殿,行內禪禮,應奉官以次稱賀。 內侍固請帝坐,帝固辭。

凶 . 侍 扶 掖 至 七八,乃微 坐 復 興。 次丞 相 率 百 僚稱賀 禮 畢 ,樞密院官升殿奏事 班

孝宗反喪服

御後殿

帝

侍

立,

尋登輦

同詣

重

華

鎰、孫逢吉、張體仁、馮震武、鄭湜、劉崇之、沈清臣八人上之。 官 四年 丙 時 閤 后。 子 詔 政 百官輪對。 門 , 詔戒敕官吏。 以前 ,訪以得失。 闕 事 甲子,帝率羣臣朝 帝 失, 還內, 庚午, 稅役。 四方獻歌頌者勿受。 刨 己丑, 詔 上尊號 丙寅, 乙亥,詔兩省官詳定內外封章,具要切者以聞。 五日 己卯,詔官吏贓罪顯著者,重罰毋貸。 詔編壽皇聖政。 帝率 一朝重華宮。 重 日 至 華 宮 一尊壽 羣臣詣重華宮, 皇 大赦,百官進秩一 遣羅點等使金告即位。 聖帝, 辛未, 庚寅, 詔中書舍人羅點具可爲臺諫者, 皇后 上 尊皇太后日壽 尊號册、寶。 日 壽成 級,優賞 皇后 癸酉 聖皇太后 辛巳, 以閤門舍人譙熙 諸 壽皇 軍 , 詔戒 聖帝詔 蠲 以生 遣諸葛廷瑞等使金弔祭。 公私逋負及郡 敕 將 壬: 日爲 立帝元 申; 帥 載、姜特 重明節。 詔 點以葉適、 賜前 <u>|</u>| 內外| 妃 李氏 縣 字 臣 淳 立 丁亥, 執、從 爲 僚 並 熙 陳 + 知

師 來告哀。 兩省、臺諫,各舉可任湖廣及四川總領者一人。己亥,子擴進封嘉王。癸卯,金遣王元德等 ,少保士歆 三月壬辰,以周必大爲少保,留正轉正奉大夫。丙申,遣沈揆等使金賀即位。 戊申,以壽皇却五日之朝,詔自今月四 爲 少傅,昭慶軍節度使士峴爲少保。 朝重華宮。 戊午,金遣張萬公等來致遺留物。 甲寅,以史浩爲太師,伯圭爲少 詔侍從、

九

賜嘉王

金

遣徒單鎰等來告卽位。

以權

兵部侍郎

何澹爲

右諫議大夫。丙戌,有事于景靈宮。

以 左 補 闕 薛 叔 似爲將作監,右拾遺許及之爲軍器監。 拾遺、補闕官自此罷。 詔東宮書籍並

酉 姪 夏四 抦進封許國公。 月丙寅, 有事于太廟。丁卯, 乙亥,以兩浙犒賞酒庫隸諸州,歲入六十五萬, 四川應起經、總制錢存留三年, 尋減三十萬。 代輸鹽酒重額。

常 德 府、 五 月 辰沅靖州大水入其郛。 以舊官爲 甲 午,以王藺 體泉觀 知 使。 樞 密院 戊申,以 丁酉, 事 兼 參 和義郡夫人黃氏爲貴妃。 ,韶丞相以下,月一朝重華宮。 知政事。 丙申, 周必大罷爲觀文殿大學士,判潭州 右丞相留正 戊戌、罷 論知閣門事姜 周必大判潭州

特立、罷之。

甚 陵 後 萬 府。 輸 緡 息 閨 到資州 及 月庚 振 庚 午, 本 臨安貧民。 者亦 申 詔罷 朔, 戊寅, 獨之。 賣 韶內侍陳源, 許在外任 浙 己卯 蠲 西常平官田 I 郡 階州 戌 縣第五等戶 了; 以 大水入其郛 趙雄爲 癸酉 身丁錢 寧武 便居住。 詔 軍節度使、開 及 壬 季 臨安第五等戶和買 午,大 秋 有 免郡縣淳熙十四年以前私負,十五年以 事 理 于明堂,以 獄 府儀 空。 同 乙酉 三司,進封 (絹各 高 宗 御後殿 二年, 配。 衞 丙子 慮囚 國公, 仍出 , 仍判 趙 錢二 雄 + 疾 江

六月庚寅 鎭江大水入其郛。 癸卯 詔自 今臣僚奏請事涉改法者 三省、樞密院詳

以聞。

秋 七月辛酉, 儒林郎倪恕等以封事可采,遷官、冤文解有差。 戊辰, 遣謝深甫等賀金主

生辰。庚辰,下詔恤刑。

八月甲午,升恭州爲重慶府。 丙申, 減兩浙月椿等錢歲二十五萬五千緡。

薨。癸丑,金遣温迪罕肅等來賀卽位。

滿到闕,薦所部廉吏一二人。 遣郭德麟等使金賀正旦。 詔侍從各舉公正強敏之士,嘗任守令及職事官、材堪御史者一人。甲戌,詔監司、帥守,秩 執政、侍從、臺諫,毋移書以薦舉、請託。 九月癸亥,金遣完顏守眞等來賀重明節。 南劍州火,降其守臣一官,仍令優加振濟。 減紹興和買絹歲額四萬四千餘匹。 乙丑,戒 戊辰,

冬十月庚子,罷樞密院審察諸軍之制。 壬寅,蠲楚州、高郵盱眙軍民負常平米一萬四

千餘石。甲寅,大閱。

陳源毋得輒入國門。丁丑,滅江、浙月椿錢額十六萬五千餘緡。 十 一 月庚午, 詔改明年爲紹熙元年。 復置嘉王府翊善,以祕書郎黃裳爲之。乙亥,詔

十二月壬子,金遣裴滿餘慶等來賀明年正旦。

后 册、 紹 寶。 熙 壬 元 申 年春正月丙辰朔,帝率羣臣詣重華宮,奉上壽聖皇太后、至尊壽皇聖帝、壽成 - ,再蠲臨安府民身丁錢三年。 壬午,何澹請置紹熙會計錄。 韶何澹同戶 部 皇 長

貳、檢正、都司稽考財賦出入之數以聞。

一月丁 酉,雨雹。 辛亥,殿中侍御史劉光祖言:道學非程氏私言,乞定是非,別邪正。

=

從之。

月丁卯, 詔秀王襲封, 置園廟。 班安僖王諱。 錄趙普後一人。 庚午, 以久雨釋杖以

下四。

旭 以論帶 夏 四月乙酉,詔兩准措置流民。 御器械吳端罷。 戊申, 賜禮部進 己丑,以伯圭爲太保、嗣秀王。丁未,殿中侍御史劉光 士余復以下五百三十有七人及第、出身

五 月 乙卯, |趙|雄 坐所舉以賄 敗,降封 益川郡公, 削食邑一千戶。 己未,出吳端爲浙 西 馬

步軍副總管。丙寅,修楚州城。丙子,太白晝見。

六月丁 亥 遺丘密等賀 金主生辰。 丙 申 , 以 上供等錢償廣州放免身丁 錢數。 甲午, 御

後殿慮囚。

院 事 秋 七月 Z 卯 以留正為左丞相 癸丑,詔 秀王諸孫並授南班。 王藺樞密院使。 甲寅 癸酉 以葛 建秀王祠堂于行在 必多知 政事,給事 中胡晉臣簽書樞密

八月辛卯, 立任子中銓人吏部簾試法。 己亥,帝率羣臣上壽皇聖帝玉牒、 旧曆 于重華

宮。己酉、詔造新曆。

九 月丁巳,金遣王翛等來賀重明節。 己未,升劍州爲隆慶府。 辛酉、雷。 庚午,遣蘇山

等使金賀正旦。

多十月丁酉,詔內外諸軍自今毋置額外制、領以下官。 丙午, 韶內外軍帥各薦所 部有

將才者。庚戌,詔諭郡縣吏奉法愛民。

月甲寅,安南入貢。 壬戌,潼川轉運判官王溉撙節漕計, 代輸井戶 重額錢十六萬

緡,詔獎之。

歲減廣東官賣鹽。 獄豐誼捕之。 戌,罷王藺樞密使。 十二月辛巳朔, 丙午,金遣把德固等來賀明年正旦。 戊子,以葛邲 贈左千牛衛大將軍挺爲保寧軍節度使。 知樞密院事 ,胡晉臣參知政事 戊申; 壬午, 浦城盜張海作亂, 兼同 知樞密院 賜王倫諡 事。 日 節愍。 詔提點 癸卯,詔 丙 刑

合城。 年 辛酉,金主母徒單氏 春正月庚戌朔,命 殂 兩准行義 戊寅,雷電 倉法。 ,雨雹 壬子, 詔尊高宗爲萬世不祧之廟。 庚申,

本紀第三十六 光宗

貧民。 顏宣气一等來告哀。 雷 安 、撫使趙汝愚等以盜發所部,與守臣、監司各降秩一等, 雪交作, 權罷修皇后家廟。 月 庚 令侍從、臺諫、兩省、卿監、郎官、館職, (辰朔,大雨雪。 辛卯,布衣余古上書極諫,帝怒,詔送筠州學聽讀。 壬午,遣宋之瑞等使金弔祭。 各具時政闕失以聞。 縣令追停。 癸未,名新曆曰會元。 乙酉, 詔以陰陽失時 出米五萬石 丁未,金遣完 甲申 脈京城 - ,福建

推鋒 桑果蕩盡。 軍三百人。 丙寅; 三月丙辰,詔監司、郡守互送以贓論。 韶福建提點刑獄陳公亮、知漳州朱熹同措置潭、泉、汀三州經界。 丙子 ,出右司諫鄧尉。 癸酉,建寧府雨雹,大如桃李,壞民居五千餘家。 丁巳, 韶自今邊事令宰相與樞密院議, 温州大風雨, 丁卯, 雷 增廣州 仍同簽 田苗

之臣, 夏 各舉所知嘗任監司、郡守可充郎官、卿監及資歷未深可充諸職事官者, 四月乙 酉, 從壽皇 一聖帝、壽成皇后幸聚景園。 丙申, 韶侍從、兩省、臺諫及在外侍從

#

,徽州火,二日乃滅

准安三軍、興利果合綿漢六州大水。 自 今並 五 月己 不時宣對 酉朔,福州 一、庶廣 ,咨詢,以補治道。 水。 。辛亥,詔六院官許輪對,仍入雜 戊辰: 金州大火。 壓。 己巳,潼川崇慶二府、大安石泉 庚申,詔侍從、經筵、翰苑官

六月戊寅,詔:監司到任半年,條上裕民事,如郡守。 庚辰, 遣趙廱等賀金主

亥,以伯宝判大宗正 事。 癸巳,詔宰臣、執政,自今不時內殿宣引 萘 事

秋七月丁未朔、詔故容州編管人高登追復元官,仍贈承務郎。 己未,出會子百萬緡,收

兩准 私鑄 鐵錢。 乙丑 一,復置太醫局。 己巳,興州大水,漂沒數千家

八月戊 寅 何澹以本生繼 母 喪去官。 甲申,寬 兩浙権鐵之禁。

變。 癸亥,遣黃申等使金賀正 九月壬子,金遣完顏亮等來賀重明節。 马。 乙丑,以久雨,命大理、三衙、臨安府及雨 召知 福 州 趙汝愚爲 吏部 尚書。 浙 壬戌"禁職 決緊囚 杖 折

以下。 己巳,詔侍從於嘗任卿監、 郎官內,選堪斷刑長貳一二人以 聞

復吳端帶御器 冬十月丙子朔, 詔罷經界。 械。 辛卯,詔守令毋征斂病民。 丁丑,築福州 外城。 庚子,下詔撫諭 庚辰,減百官大禮賜物三之一。 四 川 被 水州 軍 甲

丘,以太祖、太宗配,大風 仁憲孝皇帝。 十一月戊申,安定郡王 辛未,有事于 雨,不成禮而 太廟。 子肜薨。 皇后李氏殺黃貴妃曰,以暴卒聞。 己已,册加高宗徽號日受命中興 靇。 帝旣聞貴妃薨,又值此變,震懼感疾,罷稱賀,肆 全功至 壬申,合祭天 德 聖 i神武 地 文昭 于 買

赦 不御樓。 壽皇聖帝及壽成皇后來視疾,帝自是不視朝。

十二月庚辰,築荆 門軍城。 丁亥,帝始對輔臣于內殿。 乙未,增楚州更戍兵一千五百

本

紀

第

Ξ

+

大

光

宗

杖脊,配吉州 資、簡、普、榮四州及富順監旱。 庚子, 復出會子 ; 和州防禦使、內侍省押班黃邁私相朋附,決杖,編管撫州 百萬緒,收兩准鐵錢。 甲辰、詔:慶遠軍承宣使、內侍省都知楊皓懷姦兇态、刺面 辛丑, 金遣完顏宗璧等來賀明年正旦。 尋送皓撫州、 壬寅, 邁

是歲,建寧府、汀州水,階、成、西和、鳳四州及淮東旱,振之。

常州居住

備 酒 凶荒 重額錢九十萬緡。出度僧牒二百,收淮東鐵錢。丁巳,命變路轉運使通融漕計糴米,以 三年春正月乙巳朔,帝有疾,不視朝。 庚戌, 壬戌,罷文州民雜役。 韶輔臣代行恭謝之禮。 蠲秀州上供米四萬四千石。 **歲蠲四川鹽**

二月甲戌朔,復以兩浙犒賞酒庫隸戶部。丁酉,申嚴錢銀過准之禁。

以代民輸激賞等絹錢三十三萬緡,詔進一官,仍令再任。 工戌 盟 月 (詔:州縣未斷之訟,監司毋得移獄,違者許執奏。 甲子,成都府路轉運判官王漑 內午, 禁郡縣新作寺觀。甲寅, 以王藺爲端明殿學士、四川安撫制置使,藺辭不 韶賣郡縣沒官田屋及營川

1|3 能<u></u>州稅場五。築峽州城。 月甲戌,修天長縣城。辛巳: 乙酉一留正乞去位,不許。庚寅,宜州蠻寇邊,改知鬱林州二 帝疾稍愈, 始御延和殿聽政。以子濤爲安定郡王。

沙 之人, 世 堅 知宜州 毋得奏補 以討之。 ,著爲令。 字卯 了,復監 庚 子 、監 司 列 察御 薦 法。 史 郭 德 Ţ 酉 尶 以 龍|廣 察 事 東增收鹽 失體 出 爲 斤 湖 錢。 北 提 己亥, 舉常 詔 平 茶 技 藝 鹽 補

章 閣 直 夏 學士、 四 月癸卯,補童 几 Ш 安 撫 制 子 吳 置 鋼 使。 (国)官。 戊午,帝 甲寅 朝 重 振 華宮。 几 Ш 早傷 T 卯 都 縣。 蠲 臨安民 乙卯 元 以戶 年 部 年 侍 逋 鄓 丘 賦 崈 爲 煥

賦。 仍 五. 以 月,帝有疾 兩 浙犒賞 不 酒 庫 視 朝。 隸 諸 乙未 州 令戶 命 部 漢 鄓 陽 官提 荆門 領 軍 歲以 復 州 兀 行 + 鐵 五萬 錢。 絡 己亥 爲 額 蠲 几 庚 Ш 了. 水 晦 **旱郡** 常 德 縣 府 租

大

水水

入

人其郛

定 師 陳 城 騤 禹 監 爲 同 六 八月辛 少保。 知 樞 壬 子 密 丑: 朔, 院 慮 事 囚 下 0 詔 甲 戊午,以 戒 辰 飭 遣錢之望等賀 風 俗, 伯圭爲 禁民 太師 奢侈 金主 與 甲子 生辰。 士爲文浮 婚 捕 T 獲 酢、 未 私 吏苟 罷 鑄 24 銅錢 Ш 且 飾 諸 賞 僞 軍 格。 歲 者。 起 丙 以 西 寅 權禮 兵 以 太 廢 部 尉 光 尙 郭 州

等 揚 周 州 作 必 亂 城 大 秋 七月己 坐繆舉 殺其 帥臣 良孫 已 」,刺沿 張 孝芳。 降榮 邊 陽 盜 郡 甲 萬 人爲諸 申 公。 軍 省 士卞進、張昌擊 廣 州 禁 西 郡 軍 縣 官。 壬 申 一殺信。 甲 監文 戌 思院常良 台州 增嘉王府講讀官二員。 水 孫 壬 坐 午 贓 , 瀘 配 州 海 騎 外。 射 王: 卒 益 辰, 張 或 修 公

七〇四

八 月甲寅,詔兩淮行鐵錢交子。 戊午,總領四川財賦楊輔奏:已蠲東、西兩川畸零絹錢

儿 十七萬緡、激賞絹六萬六千匹。 詔獎之。自是歲以爲例

九月甲戌,修德安府外城。乙亥,金遣僕散端等來賀重明節。 戊子, 遺鄭汝諧等使金

賀正旦。丙申,勸兩淮民種桑。

多十月壬寅,修大禹陵廟。 丙午,修潭州城。 辛亥, 帝詣重華宮進香。 庚申, 會慶節

丞相率百官詣重華宮拜表稱賀。

姪 宮,吏部尙書趙汝愚亦因面對以請,帝開納。 百官詣重華宮拜表稱賀。兵部尙書羅點、 了可特除閣門宣贊舍人。 蠲湖南北、京西、江西郡縣月椿、經總制錢,歲二十三萬餘緡。 戊戌,詔:李純乃皇后親 十一月壬申,振襄陽府被水貧民。癸酉,減蘄州歲鑄錢二十萬緡。丙戌,日南至,丞相 給事中尤袤、 辛卯,帝朝重華宮,皇后繼至,都人大悅。 中書舍人黃裳皆上疏請帝朝重華

年。 辛亥,以留正爲少保。乙丑,金遣温敦忠等來賀明年正旦。 十二月癸卯,帝率羣臣上壽皇聖帝玉牒、聖政、會要于重華宮。 丙午,蠲歸正人賦役三

是歲,江東、京西、湖北水。

四 年 · 春 正 月己巳朔,帝朝重華宮。 辛 卯, 蠲臨 安府民身丁 錢三年。

一月戊 戌 朔 詔 陳 源 特與在京宮 觀。 丙 寅 貸 准 西 民市 牛錢。 出米七萬 石振 江 陵 饑

民。甲戌,皇孫生。

疏 知 政 上 事 一,趙汝 月丙子, 不不 報 愚 帝朝 辛 同 卯 知 義端罷 樞 重華宮,皇后從。 密院 事 癸巳,帝從壽皇聖帝、 甲申 ,監察御史汪義端奏: 辛巳,以葛邲爲右丞 壽 成 皇后幸聚景園 汝愚 相, 胡晉臣 執 政 非 知樞 祖 宗 乙未,修巢縣城 密院 故 事 事 ,請罷之。 陳騤參

夏四月己酉,罷括賣四川沿邊郡縣官田。

承制 以 丞 進 相 本 + 李 以 留 官 五. 月 總 致 正 僑 仕 領 以 年 丙 論 ,父母皆與初品 財 寅 五 特立 十四四 朔, 賦 楊輔 復永 不行, 乞罷 , 調 權 成 州義保。 安撫使, 都 官 司 戶 相 封 命統制 :,不報。 参軍 己巳, 丙子 ,自以 , 官 賜禮 准 壬 1李世廣 辰 祿 西 部 八太尉 大水。 不及養,乞以一 進士陳亮以下三百九十有 權管其軍 利州 丙戌,紹興 安撫使吳挺卒。 官回 大 水。 贈 父母 召浙 六人及第、 四川 帝嘉: 東總管姜特立 制置使丘密 其志 出身。 特認

疏, 開 著作佐 乞寢姜特立 (月丙 郎 中朔, 李 唐 召 卿 習 命 正 秘書郎 出城待罪。 己亥, 范 遣許及之等賀金主生辰。 黼 彭 振 江 龜 年 浙 · 校書 兩 准、 鄓 荆湖被· 王奭 正 壬寅 水 字蔡幼學、顏棫、 貧 民。 詔市准 戊 戌, 馬充沿江 祕 書省著 吳獵 諸軍 項安 作 郎 世上 沈 有

戊申,胡晉臣薨。 己酉,御後殿慮囚。 癸丑,蠲臨安增民稅錢八萬餘緡。甲寅, 太白晝見。

甲子,雨雹。

癸未,禁邕州左、右兩江販鬻生口。 乙酉,叙州夷賊沒該落無等寇邊,遣兵討平之。 杖以下。壬午,以趙汝愚知樞密院事,吏部尚書余端禮同知樞密院事,陳源爲內侍省押班。 字,待罪于范村。丙子,以不雨命諸路提刑審斷滯獄。 秋七月乙丑朔,太白晝見。丙寅,大雨雹。己巳,留正復論姜特立,繳納出身以來文 戊寅,命臨安府及三衙決繫囚,釋

議振恤郡縣水旱。丁巳,贈吳挺少保;其子曦落階官,起復濠州團練使、帶御器械。戊午, 八月丙申,蠲紹興丁鹽、茶租錢八萬二千餘緡。丁酉,罷郡縣賣沒官田。癸丑,詔三省

振江東、浙西、淮西旱傷貧民。

日。 華宮,不聽。己卯,上壽聖皇太后尊號日壽聖隆慈備福皇太后。 甲申,帝將朝重華宮,皇后止帝,中書舍人陳傅良引裾力諫,不聽。 九月己巳,金遣董師中等來賀重明節。庚午,重明節,百官上壽。 壬午,遣倪思等使金賀正 侍從、兩省請帝朝重 戊子, 著作郎沈有

夜,地又震。壬子,秘書省官請朝重華宮。疏三上,不報。甲寅,雨土。工部尚書趙彥逾等 多十月丙午,內敎三衙諸軍。己酉,朝獻于景靈宮。夜, 地震。庚戌,朝獻于景靈宮。 開、秘書郎彭龜年、禮部侍郎倪思等咸上疏,請朝重華宮。

已令 黜; 上 以謝天下,皆不報 家待罪, 詔不許。 疏 戊午,太學生汪安仁等二百一十八人上書,請朝重華,皆不報。 進 重華宮,乞會慶聖節勿降旨免朝。 庚申,帝將朝重華宮,復以疾不果。丞相以下上疏自劾,請罷政,彭龜年請逐陳源 御前矣。」明日會慶節,帝以疾不果朝,丞相葛邲率百官賀于重華宮。 嘉王府翊善黃裳上疏,請誅內侍楊舜卿; 壽皇曰:「朕自秋凉以來,思與皇帝相 臺諫張叔椿、 己未,丞相以下奏事重 章穎 見,卿等 侍從上章,居 上 疏,乞罷 奏疏,

見, 上皇太后册、寶于慈福宮。 庚辰,正始入朝,復赴都堂視事。 地生毛, 夜有赤雲白氣。 十一月辛未,日中有黑子。 十二月戊戌,帝朝重華宮。 戊寅,帝朝重華宮,都人大悅。遣右司郎官徐誼召留正于城 壬申,侍從、兩省趙彥逾等十一人同班奏事。 壬寅,右司諫章穎以地震請罷葛邲,疏十餘上,不報。 命姜特立還故官。 日中黑子滅。 癸未, 帝率羣臣奉 癸酉,太白晝 甲

鹽合同場舊法。丁巳,振江、浙流民。己未,金遣完顏弼等來賀明年正旦 辰,命沿邊守臣三年爲任。己酉,詔監司、帥守毋獨員薦士。 庚戌, 趙雄薨。 甲寅,復四川

五 年 · 春正 |月癸亥朔,帝御大慶殿,受羣臣朝,遂朝重華宮,次詣慈福宮,行慶壽禮。 推

本

紀

民

租

稅

恩 如 淳熙 + 年 故 事 癸酉 ,壽皇聖帝不豫。 丙子,大理獄空。 癸未, 葛邲罷。 丙戌,寬紹興

月乙未, 趙汝愚、余端禮以奏除西帥不行, 居家待罪。 戊戌, 荆、鄂諸軍都統制張詔

爲 成州 運 |練使、 興州 諸 軍 都統制。 庚戌,禁湖南、 江 西 遏

三月癸亥,合利州 東、西爲 路。 己巳,壽成 皇后生辰,免過宮上壽。

孫逢 卯,雨 充 上 聞 一疏,乞 重 帝 華宮使。 吉等再上 夏 將以癸 士。 朝 []L) 罷 川 獻于景靈宮。 月甲午,帝幸 甲辰,侍從入對, ,居家待罪; 丑日朝。 一疏以 臺諫交章劾內侍陳源、 詩。 玉 至期,丞相以下入宮門以俟, 壬寅, 丁巳,起居郞 津園 職 請朝重華宮。 事官請去待罪者百 以不雨命大理、三衙、 一皇后及後宮皆從。 楊舜卿、林億 棄權中書舍人陳傅良 己四, 7餘人, 太學生程肖說等以帝 年離間 乙未, 日昃, 臨安府及兩浙 詔 不許。 壽皇聖帝幸東園 兩 請以親王、執政 帝復以疾不 宮,請罷逐之。 丙辰, 決緊囚 果出。 未朝, 侍講黃裳、秘 《或近上宗戚 闪 釋杖以下。 移書大臣 侍從、館 申 史浩薨。 書 少監 一學官 ,

陳傅 戊辰、丞相留正等請帝侍疾,正引裾隨帝至福寧殿,久之,乃泣而出。 良 五 繳 月 Ŀ 辛 一告救 酉 朔,辰州徭 出城 待罪。 賊寇邊。 T 卯, 甲子,侍從 以壽皇聖帝疾棘 入對, 未得見。 命丞 相 字執詣 以下分禱 重華宮間 辛未,丞相以下以所 天地、宗廟、 疾, 不 社稷。 皮

龜牛 書京鐘入對,請朝重華宮。 請不從,求退,帝命皆退,於是丞相以下遂出城待罪。 說友入對,請朝重 奏事;詔令上殿,乃請朝重華宮。 追封 奏,乞令嘉王詣重華宮問疾,許之。 史浩爲會稽郡王。 華宮 乙亥,帝將朝重華宮,復不果。 庚辰,丞相以下詣重華宮問疾。 甲申,從官列奏以請,嘉王 王至重華宮,壽皇爲之感動。 知閤門事 戊寅,以壽皇聖帝疾,赦。 府翊善黃裳、講讀官沈有開、 癸未 韓侂胄請宣 起居舍人彭龜 丙戌,權戶部侍郎袁 押入城,許之。 年 權 叩頭 刑 部 彭 尙

瓦天。 華宮, 宮。 趙汝愚、參知政事 夜,白氣亙天。乙巳,尊壽聖隆慈備福皇太后爲太皇太后,壽成皇后爲皇太后。 下請皇太后垂簾聽政,不許;請代行祭奠禮, 拜表,請就喪次成服。 后殿於宮後,以便定省。 己亥,丞相以下上疏、請詣 六月, 遺梁總等賀金主生辰。 皇子嘉王亦泣以請,不聽。 乙卯, 遣林提等使金致 陳騤、 壬寅, 以重華宮錢銀一百萬緡賜內外軍。 同知樞密院事余端禮聞壽皇聖帝大漸,見帝于後殿, 壽皇大斂。 遺留物。 重 華成禮。 戊戌夜,壽皇聖帝崩,遺誥改重華宮爲慈福 至是,丞相正 皇子嘉王復入奏事,詔俟疾愈,過宮行禮。 庚子, 遣薛叔似等使金告哀。 許之。仍有旨: 等聞壽皇聖帝崩,乃率百官聽遺誥 先是, 皇帝 丞相 有疾, 留 辛丑,丞相 Ē 聽就 宫, 力請 知 內中 己酉,白氣 建壽 樞 쬭 帝 丞相以 于 密 ·成服。 院 朝 百 重 成 華

重

本 紀 第

以皇帝疾未能執喪,命皇子嘉王卽皇帝位于重華宮之素幄,尊皇帝爲太上皇帝,皇后爲壽 仁太上皇后,移御泰安宮。 正擬指揮以進,奉御筆:「歷事歲久,念欲退閑。」正得之,大懼,乃謀退焉。 秋七月辛酉,丞相留正稱疾,乞罷政,遂逃歸。 初,正等屢請立嘉王爲皇太子,帝許之。 甲子,太皇太后

年十一月壬申,加諡循道憲仁明功茂德温文順武聖哲慈孝皇帝。 辛卯,崩于壽康宮,年五十有四。十一月丙寅,諡曰憲仁聖哲慈孝皇帝,廟號光宗。嘉泰三 慶元元年十一月戊戌,上尊號曰聖安壽仁太上皇帝。六年八月庚寅,太上皇帝不豫。

業衰焉。 政,宜若可取。及夫宮闈妬悍,內不能制,驚憂致疾。自是政治日昏,孝養日怠,而乾、淳之 贊曰:光宗幼有令聞,嚮用儒雅。逮其卽位,總權綱,屛嬖幸,薄賦緩刑,見於紹熙初

校勘記

(1) 完顏 直 「卣」,原作「亶」,按完顏亶是金熙宗, 金國使者不應與之同名,今據金史卷六二交 記

聘表、卷九章宗紀改。

 Ξ 黄貴妃 「黄」,原作「皇」,據本書卷二四三光宗慈懿李皇后傳、黃貴妃傳改。

3 (M) 吳鋼 鬱林州 原作「鬱州」,據本書卷九〇地理志、宋會要蕃夷五之一〇二補。

| 兩朝綱目卷二、朝野雜記甲集卷一三、宋史全文卷二八上都作「吳綱」。

宋史卷三十七

本紀第三十七

寧宗一

李氏。 邸。 年十月戊午,遷明州觀察使,封英國公。七年二月,初就傅。 五年五月,賜今名。十一月乙丑,授右千牛衞大將軍。七年,光宗爲皇太子。 寧宗法天備道純德茂功仁文哲武聖睿恭孝皇帝,諱擴,光宗第二子也,母曰慈懿皇后 光宗爲恭王,慈懿夢日墜于庭,以手承之,已而有娠。乾道四年十月丙午, 生于王 淳熙五

乃建第東宮之側,以十月甲戌遷焉。 九年正月,始冠。 十年九月己巳,始預朝參。十一年,當出閣,兩宮愛之,不欲令居外,

月 壬 戌,光宗受禪。 十二年三月乙酉,遷安慶軍節度使,封平陽郡王。 = 月己亥,拜少保、武寧軍節度使,進封嘉王。 八月辛酉,納夫人韓氏。 帝自弱齡,拿 師重傅,至 十六年二

本紀第三十七

寧宗

是,始置翊善,以沈清臣爲之。

紹熙元年春,宰相留正請立帝爲儲嗣。

代行祭奠之禮,從之。丁未,宰臣奏云:「皇子」嘉王,仁孝夙成。宜正儲位,以安人心。」越六 日,奏三上,從之。明日,遂擬旨以進。是夕,御批付丞相云:「歷事歲久,念欲退閑。」 五年六月戊戌,孝宗崩,光宗以疾不能出。 壬寅,宰臣請太皇太后垂簾聽政,不許;

請于太皇太后,太皇太后乃悟,令諭侂胄曰:「好爲之!!」侂胄出,告汝愚,命殿帥郭杲夜分 位嘉王之意,請于太皇太后,不獲。遇提舉重華宮關禮,侂胄因其問,告之。禮繼入內,泣 七月辛酉、留正以疾辭去。知樞密院事趙汝愚見正去,乃遣韓侂胄因內侍張宗尹以禪

兵衞南北內口。

后爲太上皇后。」太皇太后覽畢,曰:「甚善。」 筆,卿當奉行。」|汝愚曰:「內禪事重,須議一指揮。」|太皇太后允諾。 |汝愚袖出所擬以進,云: 能執喪,臣等乞立皇子嘉王爲太子,以安人心。」乃奉御批八字以奏。太皇太后曰:「旣有御 「皇帝以疾,未能執喪,曾有御筆,欲自退開,皇子|嘉王|擴可卽皇帝位。 尊皇帝爲太上皇,皇 翌日禪祭,汝愚率百官詣大行柩前,太皇太后垂簾,汝愚率同列再拜,奏:「皇帝疾,不

拜。 今中 諸 請 掖 軍 召 乃 帝詣 還 妆 坐。 留 憂 愚 几筵 車 亂 īF. 出 百 駕 官起 以 萬 一殿 乙丑 五 旨 哭盡哀。 居訖 諭 變 , 生 帝 太皇太后命立崇 朝泰安宮 乃入 置 帝 須 太 固 辭 行 臾 上 禪 皇 立 日 百官月 祭 仗 何 恐負 禮 訖 地 國 。」衆 兩 催 夫人韓氏 不孝名。」 詔 百官 朝。 建泰 扶 入素 班 以 安宮 卽 ,帝衰服 為皇 汝 幄 位告于 披披 ,以奉太 愚 后。 黃 出 袍, 天 丙 地、 上皇 就 寅 子當 方却 重 宗 大 、太上 華 廟、社 以 赦。 立 殿 安 未 東 皇 証 百官 坐, 稷。 廡素 后 稷、 汝 進 幄 定 愚 汝 秩 立 或 愚 率 家 內 級 卽 同 爲 喪 侍 列 孝 賞 次 扶 再

詔

日

湜 秋 仍 申 壬 辰 午 暑 , 使 兼 率 建 | 冑落 「,太上 日 金 T 侍 羣 泰安宮。 告 卯 知 御 臣 階官 樞 禪 皇帝 侍 史章穎 拜 位。 密 御 表 院 爲 史 未 于 乙亥, 己巳 事 汝州 張 等 泰 須 移 劾 安 叔 汝愚 , 以 椿 宮。 御 防 內 以 禦使。 趙汝愚爲 ٠, 侍 趙 劾 解 卽 辛巳 留 林 汝 以 不 億 正 愚 寝殿 拜。 癸未, 一,以 擅 年 兼參 右丞 去 趙 陳 爲 賜前宰 相位 知 汝 泰 源 余端 相 安宮。 政 愚 楊 , , 事 爲 執、 禮辭 詔 參 舜 樞 以 侍從 卿 知 庚 以殿 密 叔 兼 , 政 午 使, 同 椿 詔 詔 事 ٠, 前 |億 保大 爲 知 陳 召 都 訪以 樞 吏 年 騤 祕 指 密院 部 軍節 知 閣 源 揮 得 侍 樞 修 興在 使 失。 事 郎。 撰 度使郭 密 郭杲為 院 外宮觀 知 丙子 甲 戊 事 潭 辰, 申 , 師 武 州 , 余端 禹 朱 康 大 詔 以兵部 爲 舜 熹詣 軍 風 永 攢 卿 禮 節 直 參 宮 在. 戊寅 尚書羅 度 行 京 總 知 使。 護 宮 政 遣 觀 庚 壬

本

紀

第

=

+

七

寧

宗

京宮

觀

,林億年常州

居住

陳源

撫州

居住

樞 密院 誀. 詔 兩省官詳定應詔封事,具要切 者以聞。 戊子 ٠, 韶百官輪對。 罷楊舜卿在

經旨 卯 中少保。 任 制 日 判 爲天祐節。 兼侍講。 知縣者二人。 建 加安南國王李龍翰思忠功臣。 八 救正 康府。 月己 乙巳, 闕 甲午 丑朔,安定郡王子濤薨。 失。 以 已亥, 趙汝愚爲右丞 詔 增置講 進封弟許國公抦爲徐國公。 晚講官坐講。 率羣臣朝泰安宫。 讀官 ,以給事中黃裳、中書舍人陳傅良彭龜年等爲之。 相。 丁未, 詔歲減 丁 辛卯 Ė, 辛丑, 復罷 ٠, 廣 詔侍從、兩省、 初御行宮便殿聽政。 西鹽額十萬 經筵坐講。 韶諸道 癸卯, 加 舉廉吏、糾 嗣濮王 緡。 臺諫各舉通亮公淸、不 命三省議 丙辰 上歌 汚吏。 癸巳, 振恤 少師, 留正 壬寅, 詔經筵官開 以朱熹為煥章閣待 麗, 諸路郡縣 郭 師禹 以觀 植黨與、 少傅 Ţ 水旱。 文殿大 酉 2,夏執 以以 學 曾 生 陳

改 未 天祐節 合祭天地于明堂 九月已已,命趙汝愚朝 爲瑞慶節。 一, 大 赦。 獻景靈宮。 壬 申 , 以 刑部尚書京鐘簽書樞 庚子, 命嗣秀王伯圭 密院事。 朝饗太廟。 甲戌, 是 日 下 詔撫論諸 羅點薨。

泰 安宮爲壽 冬十 · 月已 康宮。 丑: 右 辛卯 諫議 命 大夫張叔椿再刻留 四川 制置 司 銓 量諸州守臣。 正擅去 和位, 癸巳,雷。 詔落正 觀文殿 乙未,詔以陰陽謬盩 大學士。 庚寅, 更

朱熹 本室 洋 電 壬子 兩 大 浙 應 理 非 遣 奏 路 時 沼 是月 封 J 會 令 衙 事 鹽 臺 卻瑞 7,建 臨 復 身丁 諫、 乙巳, 安 使 福 府、 慶節 侍從, 寧殿 錢 |金 一, 上 賀 兩 ___ 賀 大行 年。 IE 各 浙 表。 日。 疏 州 至 朝 雅 縣 庚戌 一尊壽 丙辰 州 政 决 蠻 繁 闕 失以 皇 改 寇 囚 聖帝 上安穆 邊,土丁 孝宗皇帝册寶于 釋杖 聞 諡 以 戊戌, 皇后 日 拒 1哲文 下。 退之,尋 諡 復 辛 神 日 許 丑 成 武 重 武舉 穆皇后 成 出 華殿, 减 孝 降。 兩 人試換文資。 ·皇帝 浙 成穆皇后、成恭皇后 甲 安恭 辰 江 廟 東 以 號 皇后 西 孝宗。 朱 路 庚子, 熹 諡 和 言 市 丙 成恭 折 以 趣 午 帛 册 後 久 錢 皇后。 省 復以 雨 蠲 看 命

| 熹以 以 諫、侍從各舉宗室 滅 -順 盟 疏 月庚 仵 宣 韓 申 侂 以 祖 胄 有文學器 之主。 吏 龍 部 趙 尙 汝 乙丑 書 愚 識 鄭僑等奏請祕僖、宜 力諫 者二 , 遣 人。 林季 , 不 聽 友使金 壬 ; 午, 臺 詔改 諫、 報 三祖 謝。 給舍交章 明年爲慶元 戊辰 正 太祖 請留朱熹 金遣使· 元 東嚮之位, 年 來 弔 亦不 祭。 聽。 尋立 戊 寅 僖 詔 兩省 祖 侍講 別 廟

聞。 州 觀 察 升 -|-使 明 月 州 韓 侂 甲午, 爲 慶元 胄 兼 復 府。 樞密 加 安 乙卯 都 南 承 或 旨。 權 王 欑 李 辛亥, 孝宗 龍幹 皇帝 濟 雨 美 木 功臣。 于永阜陵 冰 韶行 丙午, 孝宗三年 帝 自 重 喪制 華 宮 還大 命 禮官條具 內。 庚 戌 、典禮 以 宜

月 T 已朔 禁民間妄言宮禁事 乙丑,吏部侍 郎彭 龜 年 上疏, 言韓侂

本

紀

第

 \equiv

+

-6

监

污

冑假託

聲勢

年,不聽。 孝宗神主于太廟。丁丑,减臨安、紹興二府死罪以下囚, 戊寅,加郭師禹少師,進封永寧郡王。癸未,金遣使來賀明年正旦。 |秀劾起居舍人|劉光祖,罷之。癸酉,|金遣使來賀登位。 罷。 庚午,以余端禮知樞密院事,京鐘參知政事,鄭僑同知樞密院事。 竊弄威福 御史中丞謝深甫劾陳傅良,罷之。 乞黜之以解天下之疑。 詔罷龜年,進侂胄一官,與在京宮觀。 戊辰,以陳康伯配饗孝宗廟庭。 上孝宗廟樂日大倫之舞。 釋杖以下。 辛未,監察御史劉德 蠲民緣欑宮役者賦。 趙汝愚請留龜 己巳,陳騤 甲戌,祔

是歲,兩浙、淮南、江東西路水旱,振之,仍蠲其賦。

以久雨振給臨安貧民。丙辰,白虹貫日 嚴、湖三州貧民身丁、折帛錢一年。 慶元元年春正月丁巳朔,蠲兩准租稅。 詔兩浙、淮南、江東路荒歉諸州收養遺棄小兒。辛亥, 壬寅, 黎州蠻寇邊,官軍戰卻之。乙巳,蠲台、

政事。 庚辰, 兵部侍郎章穎以黨趙汝愚罷。 戊寅,以右正言李沐言,罷趙汝愚爲觀文殿大學士、知福州。己卯,雨土。以余端禮兼參知 雨釋大理、三衙、、臨安府、、兩浙路杖以下囚。丁卯,詔帥臣、監司歲終考察郡守臧否以聞。 二月丁巳朔,詔兩淮諸州勸民墾闢荒田。 甲申,謝深甫等再劾汝愚,詔與宮觀 壬戌, 韶嗣秀王伯圭贊拜不名。癸亥, 以久

-H: 命侍從、臺諫、兩省集議江南沿江諸州行鐵錢利害。 三月丙戌朔, 日有食之。 庚寅,太白經天。辛亥,詔四川歲發西兵詣 甲寅, 國子祭酒李祥、博士楊簡以 行在 如 舊制。

黨趙汝愚罷。

院事 藥、棺斂費及賜諸軍疫死者家。 各送五百里外編管。中書舍人鄧馹上疏救之,不聽。戊辰,臨安大疫,出內帑錢爲貧民醫 送韶州安置。 己未,以余端禮爲右丞相,京鏜知樞密院事,鄭僑參知政事,謝深甫簽書樞密 夏四月丁巳,太府寺丞呂祖儉坐上疏留趙汝愚及論不當黜朱熹、彭龜 庚申,太學生<u>楊宏中等六人以上書留趙汝愚、章穎、李祥、楊簡,</u>請黜李沐,詔宏中等 年等,件韓侂胄

修胎養令。辛亥,減大理、三衙、臨安府雜犯死罪以下囚,釋杖以下。 五月戊子, 呂祖儉改送吉州安置。 戊戌、詔戒百官朋比。 丙午, 韶諸路提舉司置廣惠

所知二人。癸酉,以韓侂胄爲保寧軍節度使、提舉萬壽觀 己未,遣汪義端賀金主生辰。庚午,詔三衙、江上諸軍主帥、將佐,初除舉自代一人,歲薦 六月丁巳,復留正觀文殿大學士,充醴泉觀使。 右正言劉德秀請考核眞僞,以辨邪正

秋 八月己巳,詔內外諸軍主帥條奏武備邊防之策以聞 (七月壬辰,加周必大少傅。丁酉,落趙汝愚觀文殿大學上,罷宮觀。己亥,太白晝見。

本紀第三十七 寧宗一

九 月 至午朔,蠲臨安府水災貧民賦。 乙酉,以久雨決繫囚。 丙戌,熒惑入太微。

遺黃艾使金賀正旦。己酉,蠲合、嚴、湖三州被災民丁絹。

嘉州爲嘉定府,英州爲英德府。 冬十月己卯,詔三省、樞密院條上合教諸軍例。乙丑,升秀州爲嘉興府,舒州爲安慶府, 戊辰,金遣吳鼎樞來賀瑞慶節。 壬申,封子恭爲安定郡王。

十一月己丑,雨土。庚寅,以弟徐國公抦爲昭慶軍節度使。戊戌,加上壽聖隆慈備福

節度副使,永州安置。丁未,命宰執大閱。 安壽仁太上皇,太上皇后日壽仁太上皇后。 太皇太后尊號日壽聖隆慈備福光佑太皇太后,壽成皇太后日壽成惠慈皇太后,太上皇日聖 丙午,以監察御史胡紘言,責授趙汝愚寧遠軍

正來賀明年正旦。 十二月癸亥,置楚州弩手劾用軍。丙子,命朱熹爲煥章閣待制,辭。 丁丑,金遣紇石烈

,御史中丞何澹同知樞密院事。庚子 二年春正月庚寅,以余端禮爲左丞相,京鏜爲右丞相,鄭僑知樞密院事,謝深甫參知政 · , 趙汝愚卒于永州。 甲辰,右諫議大夫劉德秀劾留

二月辛酉,韶追復趙汝愚官,許歸葬,以中書舍人吳宗旦言,罷之。 辛未,再蠲臨安府 正

|引用僞學之黨,詔落||正觀文殿大學士,罷宮觀

民身丁錢三年。

三月丙 申,命諸軍射鐵簾。 己亥,進封弟炳爲吳興郡王。 丙午,有司上慶元會計

夏四月甲子,余端禮罷。 壬申,以何澹參知政事,吏部尚書葉翥簽書樞密院事。

增置監察御史一員。

酉,申嚴獄囚瘐死之罰。辛卯,賜禮部進士鄒應龍以下四百九十有九人及第、出身。甲午, 五月辛巳,以旱禱于天地、宗廟、社稷。 韶大理、三衙、臨安府、 兩浙州縣決繫囚。

滅諸路和市折帛錢三年。建華文閣,以藏孝宗御集。甲辰,更慈福宮爲壽慈宮

秋 六月庚戌,遣吳宗旦賀金主生辰。乙丑,命監司、帥守臧否縣令,分三等。內子,子悛生。 (七月癸未,饗于太廟。 丙戌,滅諸路死罪囚,釋流以下。 戊子,量徙流人|呂祖儉等于

內郡。 詔檢正、都司考覈諸路守臣便民五事以聞。 戊戌,以韓侂胄爲開府儀同三司、萬壽

觀使。

請,權住進擬僞學之黨。壬戌,子悛薨,追封兗王,諡沖惠 八月癸丑,奉安孝宗皇帝、成穆皇后、成恭皇后神御于景靈宮。 丙辰,以太常少卿胡紘

九月丁亥,復分利州爲東西路。 癸巳,嗣濮王士歆薨,追封韶王。 甲午,流星晝隕。

酉,遣張貴謨使金賀正旦。

本紀第三十七 寧宗

上皇、壽仁太上皇后册寶于慈福、壽康宮。 多十月戊申,率羣臣奉上壽聖隆慈備福光佑太皇太后、壽成惠慈皇太后、聖安壽仁太 辛亥,册皇后。壬戌,金遣張嗣來賀瑞慶節。

戌,大閱。

十一月庚寅,詣壽康宮, 上太上皇帝寬恤詔令。 壬辰, 京鐘等上孝宗皇帝寬恤詔令。

癸卯,賞宜州捕降峒寇功。

閣修撰,罷宮觀。竄處士蔡元定于道州。 十二月辛未,金遣完顏崇道來賀明年正旦。是月,監察御史沈繼祖劾朱熹, 詔落|熹祕

三年春正月壬寅,鄭僑罷。癸卯,以謝深甫兼知樞密院事。

二月己酉,京螳等上神宗玉牒、高宗實錄。 丁巳,以大理司直邵褒然請詔大臣自今權

臣、爲學之黨,勿除在內差遣,詔下其章。

三月乙未,建東華門。庚子,禁浙西州軍圍田。 壬寅,詔:「自今有司奏讞死罪不當者,

論如律。」

六月戊辰、頒淳熙寬恤詔令。 夏四月丙午,雨土。 命不私爲嗣濮王。 壬子,以旱禱于天地、宗廟、社稷。 乙丑,雨雹。

甲午 - , 詔留正分司 閨月甲戌,內出銅器付尙書省毀之,命申嚴私鑄銅器之禁。 西京,邵州 居住。 是夏,廣東提舉茶鹽徐安國遣人捕 乙亥,遣衞涇賀 私 鹽子 大奚山 金主 「島民 生辰。

秋七月庚午,監察御史沈繼祖錄淹囚四百餘條來上,詔進二官。

遂作

亂

八月戊子,復置嚴州 神泉監。 辛卯,知廣州錢之望遣兵入大奚山,盡殺島民。 甲午,均

諸路職田。

否郡守之制。 九月壬寅,以四川旱詔蠲民賦。 是月, 詔監 司、帥守薦舉改官,勿用僞學之人。 辛酉,遣曾炎使金賀正 日。 乙丑, 申嚴帥臣、 監 司臧

多十月癸酉,雷。 丙戌,金遣完顏愈來賀瑞慶節。 丙申,以太皇太后違豫,赦。

吳氏 崩。 十一月辛丑, 壬寅,朝獻于景靈宮。 加孝宗皇帝諡曰紹統同道冠德昭功哲文神武明聖成孝皇帝。 癸卯,朝饗于太廟。 甲辰、祀天地于圜丘、大赦。 太皇太后

爲大行太皇太后服期。丁未,遣趙介使金告哀。

絹。 庚辰,罷文武官納官告綾紙錢。 十二月丙子,始御正殿。 丁丑,以大行太皇太后欑宮,蠲紹興府貧民明 甲申、雷, 雨土。乙未,金遣奧屯忠孝來賀明年正旦。 年 身丁、折帛綿

本紀第三十七 寧宗一

丁酉

一、以知

綿

州

王沇請,詔省部籍僞學姓名。

四年春正月己卯,上欽宗皇后諡曰仁懷皇后。 丙寅,以葉翥同知樞密院事。 丁卯, 詔

有司寬恤兩浙、江淮、荆湖、四川流民。

二月辛未,詔兩省、侍從、臺諫各舉所知一二人,毋薦宰執親黨。 丙子, 上大行太皇太

后諡日憲聖慈烈皇后。

三月甲子,權欑憲聖慈烈皇后于永思陵。乙丑,金遣烏林答天益來弔祭。

夏四月丙戌,祔仁懷皇后、憲聖慈烈皇后神主于太廟。己丑,蠲臨安、紹興二府租稅有

丙申,始御正殿。是月,右諫議大夫張釜請下詔禁僞學。遣陽碩使金報謝。

五月己亥,加韓侂胄少傅,賜玉帶。己酉,詔禁僞學。

六月己巳, 遺<u>楊王休賀金主</u>生辰。 癸酉, 以弟<u>吳興郡王</u>抦爲開府儀同三司。

秋七月辛酉,葉翥罷。

八月丁卯朔,以久雨決繫囚。丙子,以謝深甫知樞密院事兼參知政事,吏部尚書許及

九月壬寅,太白晝見。癸卯,太白經天。丁未,頒慶元重修敕令格式。庚申,遣馬覺使

<u>俭賀正旦。是月</u>,韶造新曆。

冬十月戊子,金遣孫鐸來賀瑞慶節。

十二月丙戌,再蠲臨安府民身丁錢三年。 己丑,金遣楊庭筠來賀明年正

曾三聘等以實其事。中書舍人范仲藝力爭之于韓侂胄,事遂寢。 五年春正月庚子,樞密院直省官察璉訴趙汝愚定策時有異謀, 張釜等復請窮治、詔停龜 詔下大理捕鞫彭龜年、

年、<u>三</u>聘官。 壬戌,建玉堂。

二月癸酉,白氣亙天。 乙酉,張釜劾劉光祖附和僞學,詔房州居住

三月甲午,罷監司臧否郡守之制。

第、出身。 夏五月壬辰朔,新曆成,賜名曰統天。 戊申,以久雨,民多疫,命臨安府振恤之。 戊戌,賜禮部進士會從龍以下四百十有二人及 壬子,詔諸路州學置武士齋,選官按其

武藝。

六月癸亥,遣李大性賀金主生辰。

秋七月甲寅,禁高麗、日本商人博易銅錢。

而還。 八月乙亥,白氣亙天。辛巳,太祖 甲申,以過宮上壽禮成,中外奉表稱賀。 廟楹 生芝, 率羣臣詣壽康宮上壽, 始見太上皇, 丙戌, 詔滅諸路流囚, 釋杖以下, 推恩如慶 成禮

本

壽故事。 丁亥,進京鏜等官一級。戊子,立沿邊諸州武舉取士法

九月庚寅朔,加韓侂胄少師,封平原郡王。 丙辰, 遣朱致知使金賀正旦。

冬十月庚申朔,封郭師禹爲廣陵郡王。 丙子,金遺僕散琦來賀瑞慶節。

十一月己丑朔,詔復右司一員。

夫死不能歸者。

乙亥,奉安仁懷皇后、憲聖慈烈皇后神御于景靈宮。 十二月辛酉,嗣濮王不祛薨。庚午,命廣東水土惡弱諸州建安仁宅、惠濟倉庫,給士大 甲申,金遣范楫來賀

是歲,饒信江撫嚴衢台七州、建昌興國軍、廣東諸州皆水,振之。

明年正旦。

六年春正月己亥,子坦生。

二月戊辰,滅諸路雜犯死罪囚,釋徒以下。己巳,雨土。己卯,率羣臣奉上聖安壽仁太

<u>| 上皇玉牒、聖政、日曆、會要于壽康宮。甲申,封婕妤楊氏爲貴妃。</u>

留正少保、觀文殿大學士致仕。丁未,雨土。辛亥,以殿前副都指揮使吳曦爲昭信軍節度使。 閏月庚寅,以京螳爲左丞相,謝深甫爲右丞相,何澹知樞密院事兼參知政事。乙巳,復 三月甲子,朱熹卒。辛未,從壽成惠慈皇太后幸聚景園。己卯,安定郡王子恭薨。

夏四月已酉,命不璺爲嗣濮王。

政利害。 諫、兩省、卿監、郞官、館職疏陳闕失及當今急務。辛未,以久不雨詔中外陳朝廷過失及時 避 一正殿,减膳。 五月丙辰,以旱決中外繫囚。 壬申、雨。 丙寅,詔大理、三衙、臨安府及諸路闕雨州縣釋杖以下囚。 戊辰,詔侍從、臺 丁丑,詔三省、樞密院擇臣僚封事可行者以聞 除茶鹽賞錢。 有司上慶元寬恤詔令、役法撮要。 癸亥、

遣趙善義賀金主生辰,吳町使金告哀。戊申,許及之以母憂去位。 六月乙酉朔,日有食之。丁亥,以太上皇后違豫,赦。戊子,太上皇后|李氏崩。 壬辰,

秋七月己未,初御後殿。丁卯,以御史中丞陳自強簽書樞密院事。

王, 諡沖温。癸卯, 權攢慈懿皇后于臨安府南山之修吉寺。 中有黑子。 八月庚寅,以太上皇違豫,赦。辛卯,太上皇崩。甲午,遣李寅仲使金告哀。乙未, 丙申,上大行太上皇后諡曰慈懿皇后。丁酉,京鐘薨。壬寅,子|世薨,追封|邪

國信使 午,命嗣濮王不璺朝饗太廟。辛未,合祭天地于明堂。大赦。丙子,遣丁常任爲金國遺留 <u></u>旦,逐陳自強等,以周必大代之。詔杖祖泰,配欽州牢城。己巳,命謝深甫朝獻景靈宮。 九月乙卯,祔慈懿皇后神主于太廟。甲子,婺州布衣呂祖泰上書,請誅韓侂胄、 蘇師

冬十月丙戌,加韓侂胄太傅。 戊子, 遣林桷使金賀正旦。 庚子,復加安南國王李龍翰

保節功臣。辛丑,雨土。

恭淑皇后。

丙 寅,東北地震。 十一月癸丑朔,詔宗子與愿更名職,爲福州觀察使。己未,皇后韓氏崩。 上大行太上皇諡曰憲仁聖哲慈孝皇帝,廟號光宗。 乙亥 上大行皇后諡 癸亥,子增生。

己酉,加吳曦太尉。庚戌,祔恭淑皇后神主于太廟。詔罷四川總領所所增關外四州營田 日中黑子滅。 廣教寺。 哲慈孝皇帝于永崇陵。己亥,金遣烏古論誼來弔祭。 是歲, 十二月癸未朔,子增薨,追封郢王,諡冲英。乙酉, 癸卯,附光宗皇帝神主于太廟。 建寧府、徽嚴衢婆饒信南劍七州水,建康府、常潤楊楚通泰和七州、江陰軍旱,振 蠲臨安、紹興二府民緣攢宮役者賦。 遣虞儔使金報謝。 戊申, 壬寅,權攢恭淑皇后于臨安府南山之 日中有黑子。辛卯,雨土。權攢憲仁聖 金遣紀石烈忠定來賀明年正旦。 韶改明年爲嘉泰元年。 乙巳, 租。

校勘記

之。

分兵衞南北內 「內」字原脫,據本書卷三九二趙汝愚傳、卷四七四韓侂胄傳補。

宋史卷三十八

本紀第三十八

寧宗二

中書,以待選擢。丁卯,命路鈴按閱諸州兵士,毋受饋遺及擅招軍,違者置諸法。庚午,以 <u></u>嘉泰元年春正月戊午,申嚴福建科鹽之禁。 壬戌,謝深甫等薦士三十有五人,詔籍名

葛邲配饗光宗廟庭。 丙子,金遣完顏充來弔祭。

續修吏部七司法。 劾少傅、<u>觀文殿大學士致仕周必大首倡僞學,私植黨與,</u>詔降爲少保。修光宗實錄。乙未, 二月戊子,韶求明曆之士。壬辰,開資善堂。遣愈烈使金報謝。癸巳,監察御史施康年 己亥,初置教官試于四川。 辛丑,雨土。

三月丙寅,雨雹。 戊辰,復雨雹。 頒慶元寬恤詔令、役法撮要。 己巳,雨雹。 戊寅, 臨

安大火,四日乃滅

本紀第三十八 寧宗

用。 之。 法。 衞 班 _J 詔以 直 內 降錢 酉 及 諸 風俗侈靡,災後官軍營造口,務遵法制。 御正殿,復膳。 十六萬緡、米六萬五千餘石,振被災死亡之家。 軍營栅焚燬之數。 戊戌,以潛邸爲開元宮。 癸未,避正殿,減膳。 丙午, 內出銷 甲申,命臨安府察姦民縱火者,治以 韶文武臣無寓居州任釐務官, 金鋪翠, 焚之通 辛卯,龍州蕃部 衢, 寇邊,遣官 禁民無或服 軍 軍

|中官。 亥, 惠民局 釋諸路杖以下囚。 $\exists i$ 丙子,雨。 夏允中請用文彥博故事 月戊午,以旱禱于天地、宗廟、社稷, 丁丑,雨雹 除茶鹽賞錢。 ,以韓侂胄平章軍國 丁卯, 命有司舉行寬恤之政十有六條。 韶大理、三衙、臨安府、 「重事。 韓侂胄上疏請致仕,不許。 兩浙州縣決繫囚。 乙亥,監太平 発|允

爲令。

六月辛巳, 遣陳宗召賀金主生辰。 丙午,太白經天。

釜簽書 府 及諸 秋 路 樞密院 七月乙卯,何澹罷。 闕 閐 事。 州縣杖以下囚。癸亥,雨雹。 丁卯,復振被火貧民。 丁巳,以旱復禱于天地、宗廟、 己巳,以吳曦爲興州都統 甲子, 以陳自強參知 社稷。 政 壬戌,釋大理、三衙、臨安 制 事 兼 兼 知 山 興州 知樞密院事

(月己卯,滅奏薦恩。 甲申,張釜罷,以陳自強兼知樞密院事,給事中張巖參知政事

右諫議大夫程松同知樞密院事。 丙戌,復詔侍從、臺諫、兩省集議沿江八州行鐵錢利

九月辛亥,遣朝臣二人決浙西圍田。 己未,雨土。 辛未,遺李景和使金賀正旦。 甲戌,

令禮官纂集孝宗一朝典禮。

冬十月甲申, 韶冤瑞慶節諸道入貢。 丙戌, 起居郎王容請以韓侂胄定策事迹付史館

從之。甲午,金遣徒單懷忠來賀瑞慶節。甲辰,編光宗御集。

十一月庚申,蠲潭州民舊輸黃河鐵纜錢。丙寅,太白晝見。

十二月已卯,太白經天。 庚寅,復免臨安府民身丁錢三年。 辛丑、雨土。 癸卯,金遣紇

石烈眞來賀明年正旦。

是歲,浙西、江東、兩淮、利州路旱,振之,仍蠲其賦。 眞里富國獻馴象一。

二月甲申,追復趙汝愚資政殿學士。 一年春正月癸亥,以知閤門事蘇師旦兼樞密都承旨。 丁亥,修高宗正史、寶訓。 丁卯,陳自強等上高宗實錄。 戊子,頒治縣十二事以

風厲縣令。癸巳,禁行私史。

三月辛亥,詔宰執各舉可守邊郡者二三人。 己未,初命諸路提刑以五月按部理囚。 己

已,詔諸路帥臣、總領、監司舉任將帥者與本軍主帥列上之。

本紀

第三

十八

夏四月庚寅,雨雹。

五月甲辰朔,日有食之。己已,賜禮部進士傅行簡以下四百九十有七人及第、出身。

六月丙子, 遭趙不 艱賀金主生辰。 己卯,臨安火。壬午,濬浙西運河。辛卯,禁都民以

火說相驚者(三)。庚子,大雨雹。

秋七月辛亥,封子覿爲安定郡王。癸亥,以旱釋諸路杖以下囚。 己巳,命有司舉行寬

恤 之政七條。庚午,禱于天地、宗廟、社稷。復行寬恤四事。

八月丙子,以吏部尚書遠說友同知樞密院事。癸未,建寶謨閣以藏光宗御集。 己丑,

詔作壽慈宮,請太皇太后還內。甲午,謝深甫等上慶元條法事類。

九月己酉,朝壽慈宮。甲寅,修皇帝會要。壬戌,奉安光宗皇帝、慈懿皇后神御于景靈

宮、萬壽觀。 丙寅,嗣秀王伯圭薨,追封崇王,諡曰憲靖。 庚午,臨安府野蠶 成繭。

來質瑞慶節。乙未,遺魯館使金賀正旦。是月,追復朱熹煥章閣待制致仕。 冬十月乙亥,上壽成惠慈太皇太后尊號日壽成惠聖慈祐太皇太后。戊子,金遣完顏瑭

十一月甲辰,始御正殿。乙巳,重修吏部七司法。庚戌,以陳自強知樞密院事,前同知

樞密院事許及之參知政事。丁巳,右文殿楹生芝。

十二月甲戌,日中有黑子。率羣臣奉上壽成惠聖慈祐太皇太后册、寶于壽慈宮。甲申,

立貴妃楊氏爲皇后。加韓侂胄太師。庚寅,大閱

衞 國 公。 閨 月丁未,詔講官有當開釋者,隨事開陳。 丁卯 一、金遣徒單公弼來賀明年正旦。 是月,復周必大少傅、觀文殿大學士。 乙卯,以福 州觀察使職爲威武軍節度使,封 是冬,

子坰生,未踰月薨,追封華王,謚沖穆。

是歲,建寧府、福汀南劍瀘四州水,邵州旱,振之。

討之。 國子祭酒李寅仲講尚書周官篇。 以袁說友 甲午,張巖罷。 年春正月庚辰,謝深甫罷。壬午,置湖南谿洞總首。戊子,龍州蕃部復寇邊,遣官軍 多知政事,權翰林學士、知制誥傅伯壽簽書樞密院事,伯壽辭不拜。 丙申,以陳自強兼參知政事。戊戌,幸太學,謁大成殿,御化原堂, 遂幸武學,謁<u>武成殿。 監學官進秩一級,諸生推恩賜帛有</u> 命

月乙巳,御文德殿册皇后。 以吏部尚書費士寅簽書樞密院事

三月丁丑,以久雨 韶大理、三衙、臨安府決繫囚。 乙酉,幸聚景園

司 收 足間 五 夏 匹 月 鐵錢。 戊 月已亥朔, 寅, 乙卯,陳自強等上徽宗玉牒、孝宗光宗實錄。辛酉,詔宰執、臺諫子孫毋就 以 陳 日有 自 強 食之。壬寅, 爲右丞相, 許及之知樞密院事 福州瑞麥生。丙午,出封椿庫兩淮交子一 仍兼參知政事。 庚辰, 百萬,命轉運 以旱韶大

木

紀

理 、三衙、 以蘇師旦爲定江軍承宣使。 臨安府釋杖以下囚。 癸未,命有司搜訪舊聞,修三朝正史, 以書來上者賞之。

六月壬寅,遣劉甲賀金主生辰。 己酉,減大理、三衙、臨安府囚罪一等, 釋杖以下。

太白經天。

Ы

錢。 白虹貫日。 秋七月辛未,頒慶元條法事類。 癸未,禁江、浙州縣抑納逃賦。乙未,加光宗皇帝諡曰循道憲仁明功茂德 命殿前司 造戦艦。 壬午,權罷同安、漢陽、蘄春三監鑄

温文順武聖哲慈孝皇帝

上皇帝會要。甲子,詔刑部歲終比較諸路瘐死之數,以爲殿最 八月壬寅,增置襄陽騎軍。 戊申,置四川提舉茶馬二員,分治茶馬事。 丙辰,陳自強等

酉,命阬冶鉄冶司毋得毁私錢改鑄〔三。己丑,詔南郊加祀感生帝,太子、庶子星,宋星。 九月庚午,袁說友罷。 壬申,以宗子希堪爲莊文太子嗣,更名曆,授右千牛衞將軍。

張孝曾使金賀正旦。

降。

壬子,金遣完顏奕來賀瑞慶節

知 樞密院 多十月庚子,詔宥呂祖泰。 事。 丙午,命兩准諸州以仲多教閱民兵萬弩手。 癸卯,以費士寅參知政事,華文閣學士、知鎭江府張孝伯同 丁未,大風。 戊申,龍州蕃部出

天地于圜丘,大赦。癸未,大風。 言福 田、居養院、命諸路提舉常平司主之。 十一月壬申,上光宗册、寶于太廟。 己丑,安定郡王子覿薨。 癸酉,朝獻于景靈宮。甲戌,朝饗于太廟。 更定選人薦舉改官法。 庚寅 乙亥 祀

開、蓋自此始。 來賀明年正旦。是冬,金國多難,懼朝廷乘其隙,沿邊聚粮增戍, 十二月丙辰,命四川提舉茶馬通治茶馬事。 辛酉,下詔戒敕將帥掊克。 且禁襄陽権場 金遣獨吉 邊釁之 !思忠

四 「年春正月乙亥,大風。 濬天長縣濠。 癸未, 日中有黑子。 壬辰, 雨雹。 瓊州西浮

逃軍作亂,寇掠文昌縣,遣兵討平之。

二月丁酉,置莊文太子府小學教授。辛亥,命內外諸軍射鐵帖轉資。 壬子, 蠲臨安府

逋負酒稅。 己未,立試刑法避親格。庚申,夜有赤氣亙天。

室。 辛未,詔修太廟。甲戌,下詔罪己。乙亥,詔百官疏陳時政闕失。 三月丁卯,臨安大火,迫太廟,權奉神主于景靈宮。己巳,避正殿。庚午,命臨安府振 庚寅,復御正 殿

恤 江 西水旱州縣。 夏 四月甲午朔,立韓世忠廟于鎭江府。 乙巳,以費士寅兼知樞密院事,張孝伯參知政事 命內外諸軍詳度純隊法。 吏部尚書錢象祖賜出 甲辰,許及之罷。

本 紀 第

Ξ +

鄭 宗 =

身,同知樞密院事。丙辰,詔革選舉之弊。

五月乙亥、詔諸軍主帥各舉部內將材三人、不如所舉者坐之。 癸未,追封岳飛爲鄂王。

侍從、臺諫、兩省集議裁抑濫賞。 六月癸巳, 遺張嗣古賀金主生辰。 壬子 ,,詔諸路監司覈實諸州樁積錢米,沿江、四川軍帥簡 丙申,置諸軍帳前雄効,以軍官子孫補之。 壬寅,詔

練軍實。丁巳,增廬州強勇軍爲千人。

租。 稷。 戊子,命諸路提刑、提舉司措置保伍法。 己巳,命諸路提刑從宜斷疑獄。蠲內外諸軍逋負營運息錢。 秋七月甲子,以旱韶大理、三衙、臨安府、 兩浙及諸路決繫囚。戊辰,薦于天地、宗廟、社 辛未,蠲兩浙闕雨州縣逋

八月己亥,陳自強等上皇帝玉牒。 癸丑,詔自今以恩賞進秩,歲毋過二官。 蠲紹與府

攢宮所在民身丁錢絹綿鹽。 丙辰,除靜江府、昭州折布錢。 戊午,張孝伯罷。

九月乙丑,得四圭,有邸玉一,詔藏于太常。 壬午, 遺鄧友龍使金賀正旦。 丙戌, 戒飭

多十月庚子,以資政殿大學士、淮東安撫使張巖參知政事。 壬寅, 金遣完顏昌來賀瑞

慶節。

兩准州縣遵守寬恤舊法。

月已未朔、詔兩准、荆襄諸州值荒歉奏請不及者,聽先發廩以聞。 庚午,封伯栩爲

安定郡王。壬申,白氣亙天。庚辰,修六合縣城。

韶改明年爲開禧元年。 十二月癸巳,詔總覈內外財賦,以陳自強兼國用使, 壬寅,禁州縣挾私籍沒民產。 甲辰,再蠲臨安府民身丁錢三年。乙 費士寅、張巖同知國用事。 己亥,

開禧元年春正月癸酉,初置澉浦水軍。壬午,雨霾。

卯,金遣烏林答毅來賀明年正旦。

二月癸巳,奪除安國三官。癸卯,詔國用司立考覈財賦之法。 丙午, 蠲臨安府逋負酒

秋.

以淮西安撫司所招軍爲強勇軍。癸未,費士寅罷。 三月庚申,太白晝見。辛未,申嚴民間生子棄殺之禁,仍令有司月給錢米收養。

烈皇后聖德事迹。辛丑,日中有黑子。甲寅,武學生華岳上書,諫朝廷不宜用兵,恐啓邊釁。 辛卯,以江陵副都統李奕爲鎭江都統,皇甫斌爲江陵副都統兼知襄陽府。戊戌,修憲聖慈 夏四月戊子朔,以錢象祖參知政事兼同知樞密院事,吏部尚書劉德秀簽書樞密院事

以忤韓侂胄、送建寧府編管。乙卯,大風。

本紀

第三十

八

寧

宗二

五月己巳, 賜禮部進士|毛自知以下四百三十有三人及第、出身。 復淳熙薦舉改官法

漣

是月

水縣。 詔 以 衞國公巗爲皇子,進封榮王。 金國以邊民侵掠及增邊戍來責渝盟 甲申, 鎮江都統威拱遣忠義人朱裕結弓手李全焚

安、 府 辛 撫 壬子 囚罪 1 司 漢陽、 陳自強 致 閱 六月戊子 准東安撫 一等, 禁軍。 | 蘄春 釋杖以下 及 ,罷廣 侍御史鄧友龍 三監。 鄭挺坐擅納北人牛眞及刧漣水軍事 己亥, 東稅場八十一墟。 己巳, 遣李壁賀金主 等請用本朝故事,以韓侂胄平章軍國事。 熒惑犯太微右執 一生辰。 辛卯, 庚子, 法。 韶內外諸軍密爲行軍之計。 ,敢,奪二官罷。 進程松資政殿大學士, 陳自強等上新修淳熙以後吏部七司法。 壬寅, 減大理、三衙、臨安 天鳴有聲。 戊戌, 爲四川制置使。 命諸路安 復同

制 理 上高宗御 司 、三衙、臨安 學士 增 招 秋 戰兵。 已上及 七月庚 集。 府、 争, 丙寅 內外文武官,各舉將帥 壬 午, 兩浙州縣及諸路決繫囚 詔韓侂胄平章軍國事,立班丞相上,三日一朝,赴都堂治事。 ,以蘇師旦爲安遠 詔諸路 提刑、提舉司措置保甲。 軍節度使領閣門事。丁卯, 邊守一二人。戊辰, 癸未, 贈趙汝愚 以韓侂胄兼國 韶侍從、兩省、臺諫、在 少保。 用使。 己卯, 命興元 韓侂 以 早 詔 冑等 外待 都統 大

乙巳,以殿前副都指揮使郭倪爲鎭江都統兼知揚州。 八月 方 蠲 兩 浙 闕 雨 州 縣 贓賞錢。 丁亥, 命湖北安撫司增招神勁軍。 是月, 贈字文虚中少保, 追封劉光世 癸巳, 雨。

爲鄭王。

閏月戊寅,韓侂胄等上欽宗玉牒、憲聖慈烈皇后聖德事迹

九月丁亥,劉德秀罷。庚子,詔官吏犯贓追還所受,如舊法。 丁未,遣陳景俊使金賀正

旦。庚戌、大風。

冬十月甲子, 江州守臣陳鑄(宮)以歲旱圖獻瑞禾, 詔奪一官。丙寅, 升嘉定府爲嘉慶

軍。 庚午,金遣紇石烈子仁來賀瑞慶節。 復置和州馬監

十一月乙酉,置殿前司神武軍五千人屯揚州。 乙未,申嚴告訐之禁。

刺 馬 軍司弩手。癸酉、詔永除兩浙身丁錢絹。 十二月癸丑朔,修孝宗、光宗御集。 庚午, 戊寅,金遣趙之傑來賀明年正旦,入見,禮甚 韶兩淮京西監司、帥守講行寬恤之政。增

倨。 |韓侂胄請帝還內,詔使人更以正旦朝見。 著作郎|朱質上書請斬|金使,不報

是歲,眞里富國獻瑞象。 江浙、福建、二廣諸州旱,兩淮、京西、湖北諸州水,振之。

金使悖慢,館伴使、副以下奪官有差。乙未,增太學內舍生爲百二十人。辛丑,更名國用司 [國用參計所。己酉,雷,雨雹。辛亥,詔坑戶毁錢爲銅者不赦,仍籍其家,著爲令。是月, 二年春正月癸未朔,蠲兩浙路身丁紬綿。癸巳,再給軍士雪寒錢。 發米振給貧民。 以

士

本紀

第三

十八八

寧

宗二

雅州蠻高吟師寇邊,遣官軍討之。

徹樂。 一月癸丑,壽慈宮火。 丁巳,以久雨韶大理、三衙、臨安府及諸路決繫囚。己卯,復御正殿 甲寅,太皇太后移居大內,車駕月四朝。 乙卯, 以火災避正殿

邦憲入見,請立太子,因以肆赦弭兵,侍御史徐柟劾罷之。 罷,以張巖兼知樞密院事。丙午,以錢象祖懷姦避事,奪二官,信州居住。己酉,知處州徐 詔 諸路監司歲十一月按部理囚,如五月之制。己亥,從太皇太后幸聚景園。乙巳,錢象祖 三月癸巳,以程松爲四川宣撫使,吳曦爲宣撫副使。 甲午,預開禧重修七司法。 丁酉

鎮江都統制陳孝慶復泗州,江州統制許進復新息縣。戊寅,光州忠義人孫成復褒信縣。 撫使,皇甫斌兼京西北路招撫副使。丁丑,吳曦遣其客姚淮源獻關外四州于金,求封蜀王 秦檜王爵,命禮官改諡。乙亥,以郭倪兼山東、京東路招撫使,鄂州都統趙淳兼京西北路招 栗補官之令。戊辰,以吳曦兼陝西、河東路招撫使。己巳,調三衙兵增戍淮東。庚午,追奪 之。甲子,以薛叔似爲兵部尙書、湖北京西宣撫使,鄧友龍爲御史中丞、兩淮宣撫使。 夏四月己未,雅州蠻作亂,焚碉門砦,官軍失利,庚申,四川宣撫司復調御前大軍往討 下納

擅離職守。 五月辛巳朔,陳孝慶復虹縣。 丙戌,<u>江州都統王大節引兵攻</u>察州不克,軍大潰。丁亥,下詔伐金。癸巳.以伐 吳興郡王抦薨,追封沂王,諡曰靖惠。癸未,禁邊郡官吏

卯 軍 亂。 金 告于天 郭倬等還至廝縣,金人追而圍之,倬執馬軍司統制田俊邁以與金人,乃得免 司 甲午,賜宗室希瞿 公事李汝翼會兵攻宿州 、地、宗 廟、 址 稷。 了. ,名均, 皇甫 命為近王 斌 敗績。 引兵 攻 壬寅, | 抦後, 唐州 太白 補 敗 績 千 I 畫見。 牛 興元 衞 將 簡 都統秦世輔 軍 荆襄、 0 以 池 兩准 州 出 副都 田 師至城 卒以備 統 郭 倬 固 戰 縣 主管馬 軍 大

称皇 命 年。 降,官軍殺之。 寅 辛酉,奪皇甫斌三官。甲子,李爽罷。 丘 密 鄧友龍 甫 建康 六月壬子,王大節除名,袁州安置,尋徙 至 斌 |揚州部署諸將,悉三衙||江上軍分守||江、淮 五官,南安軍安置。 副 都統田琳復壽春府。戊辰,雅州蠻復寇 丁巳,減大理、三衙、臨安府囚罪一等,釋杖以下。 以江 南東路安撫使丘崈爲刑部尙書、 丙子,奪鄧友龍三官, 丁卯,时赦 對州。 泗州 要害。 邊。 癸丑 ,減雜犯死 興化軍居住。 兩准宣撫使。 金人封吳曦爲蜀王 甲戌,奪李爽三官, , 建康都統李爽攻壽州 (罪囚,餘皆除之) 蠲共租 戊寅,蘇師 奪郭倬、李汝翼 Z 卯, 雅 汀州 州 日 蠻 三官 居 高 敗 吟師 績 是月, 二宝 再 出 甲

午 租 -, 雅 賦 知 政 秋 州 年。 七 事 蠻 月辛巳,復紹興 一出降。 乙巳, 詔侍從、臺諫、 置沂 庚子 蘇 王府 邊郡賞。 師 兩省、卵監、 小學教授 旦除名, 奪蘇師旦三官,衡州 韶州安置。 郞官、監司、郡守、前宰執侍從,各舉人材二三人。 癸卯,以張嚴知樞密院事 居住, 仍籍其家。 罷早 禮部尚書李壁 傷 州 軍 比 手:

本紀第三十八 寧宗一

八月 (丙寅,有司上開禧刑名斷例。 斯郭倬于鎭江。 戊辰,再奪李爽三官,南雄州安置。

未,詔諸州無證有佐之獄毋奏裁。 壬申,以淮東安撫司所招軍爲御前強勇 軍

九月壬午,金兵攻奪和尚原。 己丑,朝獻于景靈宮。 庚寅,朝饗于太廟。 辛卯,合祭天

地于明堂,大赦。乙巳,賞復泗州功。

丙子,金人自清河口渡准,遂圍楚州。 冬十月戊申朔,詔內外軍帥各舉智勇可將帥者二人。辛酉,以將士暴露,罷瑞慶節宴。

諸路 軍。 州 邊 申, 廟、社稷。 屯皆爲金 招塡禁軍以待調遣。甲辰,金人犯眞州。乙巳,金人破西和州。 辛丑,金人圍襄陽。 乙酉,趙淳焚樊城。戊子,金人犯廬州, 以丘崈簽書樞密院事,督視江、淮軍馬。」金人犯神馬坡,江陵副都統魏友諒突圍趨襄 丁酉,金人犯舊岷州,守將王喜遁去。戊戌,金人圍和州,守將周虎拒之。金人破信陽 十一月庚辰,命主管殿前司公事郭杲領兵駐眞州以援兩淮。辛巳,金人破棗陽軍。 乙未,避正殿,減膳。以湖廣總領陳謙爲湖北、京西宣撫副使。丙申,金人去廬 人所破。 壬寅,金人破隨州。癸丑,太皇太后賜錢一百萬緡犒賞軍士。 田琳拒退之。癸巳,以金人犯准告于天地、宗 是月、濠州、安豐軍及

十二月戊申,金人圍德安府,守將李師尹拒之。 庚戌,金人破成州,守臣辛槱之遁去。

蜀 路 揚 已 Ŧ 安 職 破 寅 興 撫 大 金 罷 州 散 甲 使 河 郭 人攻 中 吳 池 戌 粥 倪 軍 獵 縣 六 以 正 奪 爲 戊 合縣 鎭 將 退 湖 午 二官 李 江 屯 北 , 副 熒 好 靑 郭 京 責 惑 野 都 義 倪 西 授 統 守 原。 拒 遭 宣 果 畢 卻 太 前 撫 州 之。 微 再 卒 軍 使 專 遇 統 (六)。 練 為 戊 制 釋 副 鎭 亥 辰 郭 使 大 江 僎 復 吳曦 魏 理 都 救 凤 南 友 統 之, 浙 康 諒 還 權 圍 軍 遇 興 軍 田 安 Ш 州 潰 于 臨 東京 募 胥 于 安 花 网 金 浦 府 庚 東 淮 泉 橋 杖 午 路 流 自 以 招 走 薛 准 民 下 敗 江 撫 耕 叔 南 囚 陵。 司 倪 種 似 退 公 棄 師 癸 陳 事 T 癸 揚 # 謙 卯 留 四 州 韶 走。 |金 吳曦 金 軍 以 據 去 丁 犯 几 始 荆 濠 E 和 Ш 湖 自 州 州 , 稱 116 金

随 集 辛 流 卯 兼 民。 樞 吳 年 密 曦 甲 午 使 春 招 IE 通 癸 月 吳 判 未 丁 曦 興 丑: 僭 元 朔 金 位 府 人 丘 于 權 破 崈 興 階州 大安 小 罷 軍 甲 事 丁 辰 卯 楊 亥 奪 命 震 池 仲 子 知 州 圻 樞 震 都 生 密 仲 統 院 不 陳 庚 事 屈 孝 寅 張 慶 死 巖 之。 詔 督 官 建 視 康 靇 癸 江 府給 $\hat{\mathbb{E}}$ |淮 命 軍 准 兩 馬 民 准 裝 帥 庚 錢 守 辰 遣 ء 以 司 陳自 招

撫

使

程

松

遁

爵 柳 州 月 安置 壬 子 , 己未 以 金 師 靇 退 程 松 御 几 正 川 殿 宣 撫 復 使 膳 以 甲寅 成 都 府路 削 奪 安撫使楊 稲 建 路 總管 輔 爲 兼 兀 延 Ш 祥 制 水 置 軍 使 統 沿 制 江 商 制 榮 官

首詣 孫 舉 使 福 司 出 葉適 濸 行 建 置 寬恤之政 招 行 車 ',存其 轉運安丙 在、獻于廟 軍 兼 江. 戊辰, . 廟祀,)) 子孫 甲子 推 八條, 制 及興州 子|墲 社 ,振給旱傷州縣 置使。 蠲 ,梟三日 兩准被兵 生。 中軍 庚申 免 庚午, 連坐 , 四 正將李好義、 ; 以 諸 JII 貧民。 早韶 州今年 金人去襄陽。 平。 大理、三衙、 併誅 曦妻子 命諸路提 監 椬 賦。 四 川 辛未, 總 乙亥 刑司 , 領所 臨安府決繫囚。 家屬徙嶺南,奪其父挺官。 釋兩浙 以早禱 從宜斷疑 興州 合江 路 于天 獄。 杖以下 | 倉楊| 地、宗廟 癸亥, 丁卯, 巨源 点。 子 八社稷。 等共誅吳曦 罷江、浙、 四川)圻薨, 宣 遷吳璘 撫 命有 追封 荆 副 順 傳 使 冒

死罪囚 落 興州 詔 程 以 將劉 松 楊 三月丙 輔 賌 釋杖以下 (政殿 昌 爲 子 JU 國 川 朔, 引 大學士,奪六官 宣撫 兵至 ်ဝ 蠲 壬寅,責授程松順昌軍 階州 兩准 使,安丙爲端明殿學士、 被兵 **金** 筠州 人退去。 、州郡役錢。 安置。 癸巳,李好義 節 忠義統 丁丑,斬僞四 度副 四川 領 使 宣 張翼 復 撫 澧州 西 副 川 復 和州。 使, 安置 都轉運使徐景望 鳳州。 起居舍人許奕爲 丁 酉 辛 一, |金 丑,曲赦 人去 于 利州 几 四 成 川 川 州 · 減 宣諭使。 庚子, 壬辰 雜 犯

散關 京 西 被 夏四 兵 己未,奉使金國通謝、國信所參議官方信孺發行在。庚申以兵部尚書宇文紹節 月戊 諸 州 申,以吳獵兼四川 減雑 犯 夕 罪 凶 釋流 宣 兪 以下。 使。 子墲薨,追 蠲 湖北、 京 封申王、諡 西 誻 那 今年租 沖懿。 賦。 癸 1 DL , 赦 Ш 兩准 忠 義 人復 湖北 知江

陵府 卯,召楊輔詣 興州為沔州 權 湖北、 行在 庚午, 京 ,以吳獵爲四川制置 西宣撫使。 贈楊震仲官, 壬戌, 仍官其子一人。癸酉,金人復破大散關。 韶吳獵與宣撫司議, 使。 戊辰,以資政殿學士錢象祖參知政事。 分興州 都統司軍之半屯 甲戌、赦西和 利州。 己巳、改

階、成、鳳四州

日 配 司(き)分治兵民。庚子,復置沔州副都統制,以李好義爲之。辛丑,李好義襲秦州, 崩 兩廣 五月丁丑,賞誅吳曦功。 、及湖南諸州。 四川宣撫副使司參贊軍事楊巨源與金人戰于長橋,敗績。 己丑,以旱禱于天地、宗廟、社稷。 戊寅,用四川宣撫司奏,吳曦黨人張伸之等一十六人除名 辛卯,以太皇太后謝氏有疾,赦,是 戊戌,詔四川宣撫、制置 敗還

使 金告哀,劉彌正賀金主生辰。癸酉,安丙殺其參議官楊巨源 六月甲寅,賞守襄陽功。己未,李好義遇毒死。癸亥,以林拱辰爲金國通謝使,遣富琯

秋七月己卯,命不儔爲嗣濮王。 乙酉,以災傷下詔罪己。

八月己巳,上大行太皇太后諡曰成肅皇后。

欑 坐 成 用 肅 私 九月丁丑,詔諸路帥臣申儆邊備。 觀物擅作大臣饋遺金將,奪三官,臨江軍居住。 皇后于永阜陵云。 丙戌,命淮西轉運司措置雄淮軍。 辛巳, 召張巖詣行在。 甲申,減極邊官吏舉主員。 辛卯,以趙淳爲殿前副都指 壬午, 方信孺以忤韓侂 乙酉

本

紀第

=

+

八

寧宗

揰 使 兼 江 准 制置使。 乙未,張巖能。 辛丑,遣王柟持書赴金國都副元帥府。 壬寅、

皇后神主于太廟。

法。 冬十 乙卯 ·月乙巳, 復珍州 遵義軍。 減臨安、 丙辰, 紹興二府囚罪一等, 詔以 邊事渝軍民。 蠲民緣欑宮役者賦。 丙午, 更殿前司純隊

張巖 郭 御 聞 詔 密 豐 前 学 史 倪 院 部 州 Ħ 4 除 安 公 事 侍 + 官官 置 名 丞 事 郞 李 月甲 **衞涇簽書** 史 梅州 徽州 將 再奪鄧友龍五官 壁 己卯, 彌 土行 兼 戌, 遠等以密旨 安置; 居住。 同 斬之。 賞 詔 幅密院 知 (有差。 :韓侂 樞 郭僎 己亥,以立 密院 詔: 1命權 事 **胄輕啓兵端**,罷平章軍 除名 奪 事。 兼 南雄州安置,尋除名徙循州。 「姦臣竄 陳自強三官, 參 主管殿前司 以誅 皇太 連州 知 政 殛, 韓侂胄詔天下。 安置 事。丁 子 大 當首開言路, ,永州居住。 放 公事 仍籍 亥, 韶立皇子榮王曮爲皇 夏震誅韓侂胄于玉津園 其家。 國事 ; 丁丑 戊寅、 以來忠讜。 奪李壁二官, 陳自強阿附充位 乙酉, 責授蘇師旦武 以 夏震爲福州 置 中外 御 太子,更名懤。 撫州 . 前 忠 臣僚 以錢 罷右丞相。乙亥, 居住 銳 觀察使、 泰軍節度副使, 軍。 象祖 各具所見以 癸巳,奪 丙 主管殿 兼 戌 戊子 知 以 樞

乙巳、太白晝見。 月癸卯 丁未, 以 丘 密爲江、淮制置 罷京西 北路招撫司。 大使。 鼅 己酉,落葉適寶文閣待制。 山東、京東招撫 司。 以許奕爲 蠲 兩准州軍稅一 金國 通 問使。

安置。 年。 贈 參 呂 知 政 祖 庚戌,奪許及之二官,泉州居住。 儉 事 癸 朝奉郎、直 ,吏部尚書林 丑: |金 人復破 祕 閣 隨州 大中簽書樞密院 ,官其子一人。 辛 酉, 以錢象祖爲右丞 奪薛叔似二官, 事 丁卯, 乙丑,以禮部尚書史彌 韶改明年爲嘉定元年。 相 福州居住。 兼樞密使, 再奪皇甫斌五官, 遠同知 衞涇 及給 樞密院 事 中雷 事。 英德 孝友並 丙寅 府

是 金威 ", 浙 西 旱蝗,沿江 諸州水。

校勘記

- 災後官軍 一營造 「官軍 」,兩朝綱 [目卷七、宋史全文卷二九都作「官民」,似以「官民」爲是。
- 3 禁都 民 以 火 説 相 驚 者 「說」, }兩 朝 {綱 }目 卷七、宋史全文卷二九都作 訛
- 命 阬 冶 鉄 冶 司 毋 得 毁 私 錢改鑄 一三也 作「命 「毋得」二字原脫。按 治司 毋得毁私 {兩 朝 錢 爲 綱 月卷八作「命 銅 據 補 坑冶 鉄冶 司毋得毁私
- 錢 爲 鲖 ·續宋 編 年通 鑑 卷 鉞
- YL 州 守 五 陳 鑄 江 州, 、宋會要職官 七 四之一 九、兩 朝 綱 目 卷 凡 都 作「汀 州。
- 31 奪 郭 倬 李 汝 翼三官 「三」,原作「二」,據宋會要職官七四之二一、兩朝 綱 目 卷 九 改。
- (云) 以 荆 湖 北 路 安 撫 使 吳獵 爲湖 北京 (西宣) 撫 使 荆」,原作「京」, 據本書卷三 九七本傳、 兩朝綱目

卷 九 改

本 紀 第 Ξ + 八 校 勘 R

(4) 四川宣撫制置司 「制置司」原作「置制司」。按宋代官制,有「制置司」而無「置制司」。據宋會

要職官四〇之一七、朝野雜記甲集卷一一改。

(六) 永阜陵

「永」字原脫,據本書卷二四三本傳、宋史全文卷二九下、兩朝綱目卷一〇補。

宋史卷三十九

本紀第三十九

寧宗二

于兩准。 巳,下詔求言。 |嘉定元年春正月戊寅,右諫議大夫||葉時等請梟||韓侂胄首于||兩准以謝天下,不報。 戊子,安定郡王伯栩薨。 壬午,王柟還自河南,持金人牒,求韓侂胄首。丙戌, 壬辰,以史彌遠知樞密院事,以許奕爲金國通謝 葉時等復請梟侂胄首 使。

子 ', 詔 二月戊申, 臨安府振給流民。 追復趙汝愚觀文殿大學士, 戊午,責授程松果州團練副便,賓州安置。是月,郴州黑 諡忠定。 韶史官改紹熙以來韓侂胄事迹。 風峒寇羅 **£**

世傳作亂,招降之。

本紀

第三

十九

100

综三

恰王爵、贈諡。 三月癸酉,以毛 己丑,王 自知首論用兵, 奪進士第 | 柟自軍前再還行在,議以韓侂胄函首易准、陝侵地。 一人恩例。 戊子,下詔戒飭內外羣臣。 辛卯,詔梟侂胄 復秦

首于兩准。是春,子垍生。

閣 學士。 夏 四 戊午. 月丙辰,詔後省科別羣臣奏疏可行者以聞。 · ,再責授陳自強復州 團練 副使, 雷州安置,仍籍其家。 贈彭龜年寶謨閣直學士,落李沐寶文

縣决繫囚。 廟、社稷。]酉,以錢象祖兼太子少傅,衞涇、雷孝友、林大中並兼太子賓客。 理 一、三衙、臨安府及諸路闕雨州縣决繫囚,釋杖以下。 閨 月辛 癸巳,減常膳。 未, 丙申,幸太乙宮、明慶寺禱雨。 置拘権安邊錢物所行。 乙未,蠲兩浙闕 壬申. 雨州縣貧民逋賦。 丁酉,以旱韶求言。 小雨雹。 癸未,子垍薨,追封肅王,諡冲靖。 甲申 命大理、三衙、臨安府、兩浙 , 韶自今視事令皇太子侍立。 辛卯,以旱禱于天地、宗 州 詔

1 ,以飛蝗爲災,減常膳。 五月辛酉, 賜禮部進士鄭自成以下四百二十有六人及第、出身。 丁卯 ,詔侍從、臺諫疏 奏闕政,監司、守令條上民間 甲子,太白經天。 利害。

生 辰。 六月庚午,金人歸大散關。 甲申, 林大中薨。 乙酉, 以蝗禱于天地、社 辛未,金人歸濠州。 稷。 乙亥,衞涇罷。 丙戌, 詔侍從、 丙 子,遣鄒應龍賀金主 兩省、臺諫舉沿邊

臣。辛卯,以史彌遠兼參知政事。

災, 詔三省疏奏寬恤未盡之事 秋 七月辛丑,詔 呂祖 泰特補 上州文學。 癸丑,以丘崈同知樞密院事。 壬戌, 以飛蝗為

午,發米二十萬,振糶江、淮流民。 郎許奕、起居舍人曾從龍攷訂監司、守令所陳民間利害,擇可行者以聞,其未上者趣之。 辛巳,以禮部尚書婁機 八月戊辰朔,發米振貧民。 同知樞密院事, 吏部尚書樓鑰簽書樞密院事。 辛未,丘密卒。甲戌,命侍從、臺諫、兩省詳議會子折閱利 丙戌, 詔禮部

事 米振饑民。己未,詔以和議成諭天下。甲子,遣曾從龍使金賀正旦。乙丑,大風。赦沿邊諸州。 ,,數機參知政事,樓鑰同知樞密院事。 冬十月丙子,以錢象祖爲左丞相, 九月辛丑,金使完顏侃、喬宇入見。壬子,出安邊所錢一百萬緡,命江、准制置大使司羅 史彌遠爲右丞相。 己卯,褒錄慶元上書楊宏中等六人。 雷孝友知樞密院事仍兼參知政 庚辰,封伯柷

十一月丙辰,金主璟殂。戊午,史彌遠以母憂去位。

爲安定郡王。辛巳,蔡璉除名,配贛州牢城。癸未,金遣使來賀瑞慶節。

官,信州 十二月戊辰,錢象祖罷。 居住。 戊寅,改命曾從龍使金弔祭。 庚午,四川初行當五大錢。 己卯,黎州蠻畜卜寇邊。己丑,遣宇文紹彭使 升嘉興府爲嘉興軍。 再奪李沐三

准 操刺二萬六千餘人以爲御前定武軍(E)。 是歲 江、淮制置司汰雄淮軍歸農, 准東揀刺八千餘人以補鎭江大軍及武鋒軍之闕, 金賀即位。

辛卯,

蠲兩准州

軍二稅一年。

本

紀

+

九

꺸

 \equiv

緰 遣蕭察知剛來獻遺留物。詔侍從、兩省、臺諫各舉監司、郡守治行尤異者二三人。 | 參知政事, 御史中丞||章良能同知樞密院事, 吏部尚書宇文紹節簽書樞密院事。 二年春正月庚子,詔內外有司疏陳節用之事。辛丑,金遣裴滿正來告哀。丁巳,以樓 庚申;

省以下各疏奏所見。丁亥、罷法科試經義、復六場舊法。戊子、大風。 二月己巳,金遣使來告卽位。庚午,黎州蠻寇邊。壬午,以會子折閱日甚,詔侍從、兩

廢寺田。壬戌,出內庫錢十萬緡爲臨安貧民棺槥費。 官吏私買民旧。 三月丙申,雨雹。己酉,詔:民以減會子之直籍沒家財者,有司立還之。戊午,禁兩淮 庚申,命浙西及沿江諸州給流民病者藥。辛酉, 器潭泉福三州、興化軍賣

甲申 夏四月乙丑,詔諸路監司督州縣捕蝗。戊辰,江、淮制置司言,放廬、濠二州忠義軍歸 - ,賜臨安諸軍死者棺錢。戊子,賜楊震仲謚曰節毅。

訓 卯,釋大理、三衙、臨安府、兩浙州縣杖以下囚。除茶鹽賞錢。己未,以旱詔羣臣上封事。 武 郞 五 初 月丙 (三)羅日愿謀爲變,伏誅。 庚子,詔侍從、兩省、臺諫各舉監司、郡守有政績才望者二 郎官之闕。辛丑,申命州縣捕蝗。癸卯,詔兩淮、荆襄守令以戶口多寡爲殿最。 一,少彌遠起復。丁酉,以旱詔諸路監司决繫囚,劾守令之貪殘者。 戊戌,借補 庚

申 禱 于 天 地、 宗 廟、 社

廟、 辰, 司 社 奉安成· 放 稷。 諸 州新 己 肅 丑 皇后 《朔, 軍 , 命 神 命 忠 江 御 浙 西 于 西 人歸農 景靈 福 諸 建 州 宮。 諭 民種 廣 己 豐稔 Ē, 麻 豆, 遣 諸 州 俞 毋督 應符賀 糴 運 其 以 租 金主 給 臨 韶臺省及諸路監 安, 一生辰。 仍償 Z 其費。 酉 復 司 辛 禱 速 卯 雨 決滯 于 京湖 天 獄 地、 制 戊

募民以 養 ,著爲令。 秋 振 七月癸巳, 饑 冤役。 已亥 蠲 命 信陽、 有司 學行寬 荆 門、 恤之政 漢 陽 軍 民 五條。 賦 乙未, 壬 寅 , 命 韶荒 兩准 歉 轉 州縣七歲以下男女聽異姓收 運 司] 給諸 州 民麥種。 癸

及

義

邊 司 丙 甲 八 戌 戌 月 一發米 甲子 册 皇 , 太 + 聽 萬 子。 网 淮 石 諸州 振 丁 丑: 兩 民行鐵錢于沿江八 准 皇太子 飢民。 謁 于 太廟。 州。 戊 寅 乙丑 詔 皇 以安丙克 太子 更 爲 名 四川制 詢 己 置 卯 一大使, 黎州 罷宣. 蠻

復

紪

增 太 學. 九 內 月己亥, 含生 + 朝 員 獻 于 癸 景 1 靈 , 命 宮 吏 部 庚 子 郎 官劉 Ţ, 朝饗 爚 子 等審 太廟。 定 中 辛 外所 丑: 陳 合祭天 會子 利 地于 害 明堂, 于 大赦 朝 丙 遣

冬 -}-本. 月 紀 第 Γ =: 卯 -命 九 京 湖 寜 制置 宗 \equiv 司 募逃卒及放散忠義以 (補廂、 禁軍 闕 T 七五 丑 Ξ 金遣 使來賀 費

增

使

金

賀

IE

日

己丑,命兩淮轉運司給諸州民稻種。減公私房廊白地錢什之三。

司募飢民修水利。乙未,以歲饑罷雪宴。是月,郴州黑風峒寇李元礪作亂,衆數萬,連破 十一月辛卯朔,沔州統制張林等謀作亂,事覺,貸死除名,廣南羈管。 甲午,三 詔浙西監

諸州毋糴職田租。丙戌,金遣使來賀明年正旦。 十二月甲子,四川制置大使司調官軍討黎州蠻,敗績。 己巳,賜朱熹諡曰文。乙亥,詔

是歲,諸路旱蝗,揚楚衡郴吉五州、南安軍盜起。

三年春正月甲辰,下詔招諭羣盜。 又韶戒飭監司、郡守。丙午,雨土。

二月辛酉,黎州蠻復寇邊。庚午,詔楚州武鋒軍歲給累重錢,如大軍例。 壬午,以工部

侍郎王居安知隆興府,督捕峒寇。

峒寇。庚子,賜彭龜年諡曰忠肅。甲寅,誅楚州渠賊胡海。丙辰,以久雨釋兩浙州縣繫囚。 三月丁酉,蠲都城及荒歉諸州民間逋負。己亥,以湖南轉運判官曹彥約知潭州,督捕

司、守臣安集康、吉二州民經賊蹂踐者。戊辰,出內庫錢二十三萬緡賜臨安軍民。己巳,詔 夏四月癸亥,李元礪犯南雄州,官軍大敗。乙丑,決臨安繫囚,釋杖以下。 丙寅,詔監

臨安府給細民病死者棺儭。

可行 御前忠勇軍。 者以聞。 五. 月乙未,淮東賊悉平,詔寬恤殘破州 癸丑,以久雨發米振貧民。 乙巳,命沿海諸州督捕海寇。 縣。 戊申, 甲辰,以去歲旱蝗百官應詔封事 經理兩准屯田。 庚戌,以江陵忠勇軍爲 , 命兩省擇

生辰。 以贓論。 六月丁巳朔,日有食之。 己卯,加楊次山少保,封永陽郡王。 是月,池州副都統許俊、江州副都統劉元鼎與李元礪戰于江西,皆不利; 壬戌,命有司舉行寬恤之政十有九條。 韶三衙、江上、四川諸軍主帥核實軍籍, 癸亥, 遣黃中賀金主 欺冒者 知

曹彥約又與賊戰,亦爲所敗,賊勢愈熾。 秋七月辛卯,申嚴圍田增廣之禁。癸卯,定南班爲三十員

八月乙亥,大風拔木。是月,臨安府蝗。

九月丙戌朔,詔三衙、江上諸軍,升差將校必以材藝年勞; 其徇私者,臺諫及制置

領劾之。癸丑、遣錢仲彪使金賀正旦。

冬十月壬申,雷。 金遣使來賀瑞慶節。 丁丑,推南雄州戰歿將士恩

十一月癸巳,賞楚州平賊功。乙巳,遣朝臣二人往兩浙路與提舉官議收浮鹽。 是月,

李元礪迫贛州、南安軍、詔以重賞募人討之。

本

紀

第

三十九

寧宗

 \equiv

七五六

李元礪以降,峒寇悉平。 + 月丙 詔江、淮諸司嚴飭守令安集流民。 辛巳,金遣使來賀明年正旦。 戊午, 婁機罷。 黎州蠻請降。 丙寅, 湖南賊羅世傳縛

是歲, 臨安紹興二府、嚴衢二州大水、振之、仍蠲其賦。

四 年春正月己丑,敍州蠻攻嘉定府利店砦, 陷之。 甲辰, 以四川鹽擔錢對減激賞絹

年。 丙午,詔: 湖南、江 酉 . 諸州經賊蹂踐者,監司、守臣攷縣令安集之實,第其能 否以聞

月乙卯 了,李元 礪伏誅。 壬戌、羅世傳補官 ,尋復叛。 辛巳,罷廣西諸州 牛稅

里 月丁 未,大風。 辛亥,詔:諸路帥臣、監司、守令格 頭廷振恤之令及盜發不卽捕者,重

罪之。

月己未,臨安府振給病民,死者賜棺錢。 丙子, 沔州將劉世雄等謀據仙 人原作亂

誅。

秋 一安邊 稅。 五 夏 四月甲申, 月乙亥,賜禮部 丙 司 午, 以 經制量 賜黑 風 禁兩浙、 事 峒名曰 丁, 命 進 土趙建大以下四百六十有五人及第、出 成 一效忠。 福建州縣科折鹽酒。 都 路 提 刑 戊 申 李塵、潼川路安撫許奕共領之。 , 出 內 庫錢瘞疫死 己丑,以吳曦沒官田租代輸關外四州旱傷 者 ·貧民。 是月 匹 川 制置 大使司

六月丁亥, 遺余嶸賀金主生辰, 會金國有難, 不至而還。 減京畿囚罪一等, 釋杖以下。

辛丑,更定四川諸軍軍額。

秋七月壬戌,太白晝見。 丙寅,詔四川官吏嘗受僞命者自今毋得敍用。 丁丑,詔:軍興

以來爵賞冒濫者聽自陳,除其罪。

九月辛酉,敍州蠻寇邊。乙亥,羅世傳爲其黨所殺。 丁丑,遣程卓使金賀正旦。 詔:附

會開邊得罪之人,自今毋得敍用。

多十月甲辰,以金國有難,命江淮、京湖、四川制置司謹邊備。

十一月己酉朔,日有食之。癸丑,賞平峒寇功。 甲戌,申嚴諸軍升差之制。

十二月辛巳,奉議郎張鎡坐扇搖國本除名,象州羈管。 癸未,以會子折閱不行,遣官體

是歲,金國有難,賀生辰使不至。 訪江、浙諸州。 乙巳,金遣使來賀明年正旦。

五 一年春正月己巳,詔諸路通行兩浙倍役法,著爲令。 壬申,賜李好義諡曰忠壯。

二月壬午,罷兩淮軍興以來借補官。

三月庚戌, 四 JIJ 制 置 司遣兵分道討敍州蠻,其酋米在請降。 戊辰,以久雨韶大理、三

本紀第三十九 寧宗三

衙、臨安府、兩浙州縣決繫囚。甲戌,以廣東、湖南、京西盜平,監司、帥臣進職有差。

夏五月癸酉,安南國王李龍翰卒,以其子昊旵爲安南國王。 詔:州縣見役人毋納免役

錢,役滿復輸。

六月癸未, 遣傳藏賀金主生辰。 乙酉, 禁銅錢過江。

秋七月庚申,賞降敍州蠻功。戊辰,以雷雨毀太廟屋,避正殿減膳。

八月甲戌朔,御後殿,復膳。

九月丙午,太白晝見。己酉,有司上續編中興禮書。 庚戌, 遵義砦夷楊煥來獻馬。

未, 能沿海諸州海船錢。 遣應武使金賀正旦。

多十月辛巳,詔諸路總領官歲舉堪將帥者二三人,安撫、 提刑舉可備將材者各二人。

戊子,金遣使來賀瑞慶節。戊戌,雷。遣使弔祭安南。

十一月庚申,朝獻于景靈宮。辛酉,朝饗于太廟。 壬戌,祀天地于圜丘,大赦。

十二月丁丑,再蠲濠州租稅一年。壬午,詔蠲州縣橫增稅額。己亥,金遣使來賀明年

正旦。

六年春正月庚申,宇文紹節卒。 詔侍從、臺諫、兩省官、帥守、監司各舉實才二三人。

二月丁丑,太白晝見。 丙戌, 有司上嘉定編修吏部條法總類。 乙未, 詔宗室毋與胥吏

通烟 著爲令。

三月癸亥,樓鑰罷。

夏四月丙 子,以章良能參知政事。甲午,復法科試經義法,雜流進納人不預

五 月丁卯,以旱命大理、三衙、 臨安府決繫囚。 戊辰,修慶元六年以來 寬恤詔令。

賀 金主 六 生辰,會金國 月乙亥,韶刑 [亂,不至而還。 部歲終上諸州 、未決之獄于尙書省,擇其最久者罪之。 丁亥,復監司臧否守令及監司、郡守舉廉吏所 丁丑 知法。 遣董居誼 丙

申 詔三衙、江上諸軍主帥各舉堪將帥者二三人。

八 (月己巳朔,詔諸路監 司 帥臣舉所部官吏之才行卓絕、績用章著者。 庚午, 知思州 田

宗範謀作亂 ,夔州路安撫 司遣兵討平之。 是月,金人弑其主允濟。

九月甲辰 ,蠲京、湖諸州逋負二十八萬餘緡

星 月戊辰朔 ,韶御史臺置考課監司 簿。 丙戌,以金主新立,命四川謹邊備。 七世仙源類譜、高宗寶訓 己丑 湖

帝玉 會要。 乙未,大雷。 丙 申 以雷 發 非時 下罪己詔

北監

司

守令振

恤旱傷。

癸巳,

雷。

甲午,

史彌遠等上三祖下

十月丁 本 紀 第 酉朔,申嚴互送之禁。 \equiv 九 迎 宗 Ξ 戊申,遣眞德秀賀金主卽位,會金國亂,不至而還。 七五九

庚

+

戌, 遗李 重使金賀正旦, 亦不至而還。甲子, 金遣使來告卽位。

十一月癸未,虚恨蠻寇嘉定府之中鎭砦。

十二月壬寅,蠲瓊州丁鹽錢。癸亥,金遣使來賀明年正旦。

是歲,兩浙諸州大水,振之。

七年春正月丁卯朔, 四川制置司遣提舉皂郊博馬務何九齡率諸將及金人戰于秦州城

下,敗還。丁丑,章良能薨。壬午,沔州都統王大才斬何九齡,梟首境上,以其事聞。

三月丁卯,以安丙同知樞密院事,成都府路安撫使董居誼爲四川制置使。庚辰,金國

來督二年歲幣。戊子,金人來止賀正且使。

夏四月癸卯,蠲福建沿海諸州貧民納鹽。

五月丁丑,太白經天。乙酉,賜禮部進士袁甫以下五百四人及第、出身。

六月辛丑,以旱命諸路州軍禱雨。甲辰,詔諸路監司、守臣速決滯訟。丙午,蠲兩浙路

參議官。乙亥,金人來告遷于南京。庚寅,以起居舍人眞德秀奏,罷金國歲幣。是月,夏人以 諸州臟賞錢。壬子,釋大理、三衙及兩游路杖以下囚。丁巳,置嘉定府邊丁二千人以備蠻。 秋七月甲子朔,以左諫議大夫鄭昭先簽書樞密院事兼權參知政事。戊辰,詔省吏毋授

書來四川,議夾攻金人,不報。

置博士、渝各一人,弟子員百人。 八月癸巳朔、罷關外四州所增方田 金國復來督歲幣。 稅 乙未,罷四川宣制司所補官。 乙巳,太白經天。 禁州縣沮壞義役。戊 癸卯,復建宗學,

前 司 兵增戍天長縣。 九月壬戌朔,日有食之,太白晝見。乙丑,史爾遠等上高宗中興經武要略。 丙戌,以久雨釋大理、三衙、臨安府杖以下囚。 庚寅,釋兩浙路杖以下 戊寅,調殿

申,詔以安丙爲觀文殿學士、知潭州

囚。除茶鹽賞錢。

多十月壬辰朔,出內帑錢振臨安府貧民。

十一月辛酉朔,遺聶子述使金賀正旦,刑部侍郞劉爚(四等及太學諸生上章言其不可

不報。 丙戌,命浙東監司發常平米振災傷州縣。 罷四川制置大使司所開鹽井。

是歲,黎州蠻畜卜始降。 十二月甲午,復罷同安監鑄錢。 丁巳,金遣使來賀明年正旦。

八 (年春正月辛未) 戊子 ,中嚴 銷 命師禹嗣秀王。 金鋪翠之禁。 詔侍從、兩省、臺諫各舉將材三人。己卯,遣丁焴賀

本紀第三十九 寧宗三

七六

二月丙午,雷孝友罷。 壬子,獨平江等五郡逋負米,釋其繫囚。己未,雨土。

惑衆聽,配廣州牢城。癸未,安定郡王伯柷薨。丙戌,釋江、准闕雨州郡杖以下囚。 安府茶鹽賞錢。 三月辛酉,詔大郡歲舉廉吏二人,小郡一人。乙亥,以旱命諸路州縣禱雨。 釋兩浙諸州繫囚。辛巳,應賢良方正能直言極諫科何致,坐妄造事端、營 丙子, 蠲臨

社稷。癸卯,詔中外臣民直言時政得失。乙巳,減臨安及諸路雜犯死罪以下囚,釋杖以下。 夏四月乙未,幸太一宮、明慶寺禱雨。 。辛丑,避正殿,减膳。壬寅,禱雨于天地、宗廟

司禱雨。甲申,詔贓吏毋得減年參選,著爲令。乙酉,發米振糶臨安府貧民。

五月辛未,雨。己卯,命利州路安撫司招刺忠義人。辛巳,御正殿,復膳。癸未,復命有

六月丙辰,詔兩浙、江、淮路諭民雜種粟麥麻豆,有司毋收其賦,田主步責其租

巨源廟,名曰褒忠。戊辰,獨兩准諸州今年秋稅倂極邊五州明年夏稅。癸酉,蠲臨安、紹興 秋七月辛酉,以鄭昭先參知政事,禮部尚書曾從龍簽書樞密院事。壬戌,詔四川立楊

二府貧民夏稅。丙子,發米三十萬石振糶江東飢民。庚辰,詔弟搢更名思正,姪均更名貴

和。 甲申,詔職田蠲放如民田,違者坐之。

己酉,禁州縣遏雜。是月,蘭州盜程彥暉求內附,四川制置使董居誼卻之。 八月己丑,賜張栻諡曰宣。庚子,申嚴宗子訓名法。丁未,權罷旱傷州縣比較賞罰

九月己巳,朝獻于景靈宮。 庚午,朝墾于太廟。 辛未, 合祭天地于明堂, 大赦。

申嚴 兩浙 圍田之禁。 甲申 ・,罷四川 法 科試

多十月乙未,命六部各類赦書寬恤事,下諸路監司推行。 壬寅,金遣使來賀瑞慶節

十一月丙辰朔,封伯澤爲安定郡王。 癸亥,遣施累使金賀正旦。

十二月己丑,詔楊巨源、李好義子孫各進一官。辛亥,金遣使來賀明年正旦。

是歲,兩浙、江東西路旱蝗。

九年春正月乙丑,賜呂祖謙諡曰成。 置馬軍司 水軍。 乙亥,遣留筠賀金主生辰。丙子,

命諸州招塡軍籍。

辛巳,罷諸路旱蝗州縣和糴及四川關外科糴

二月甲申朔,日有食之。辛亥,東西兩川地大震。

三月乙卯,又震。甲子,又震,馬湖夷界山崩八十里,江水不通。

丁卯,

又震。

壬申,又

震。 丁丑,詔侍從、臺諫、兩省舉堪監司者各二人。

夏四月戊戌,秦州人唐進與其徒何進等引衆十萬來歸,四川制置使董居誼拒卻之。

五月癸酉,太白晝見。

六月辛卯, 本 紀 第 Ξ 西川地震。 + 九 璵 宗 壬辰, \equiv 校 又震。 勘 記 乙未,又震, 黎州山崩。 戊申, 七六三 振恤 浙西被水州

縣,寬其租稅。

秋七月戊辰,詔邊縣擇才不拘常法,其餘並遵三年之制(三)。

九月甲申,詔兩浙、江東監司覈州縣被水最甚者,蠲其租

冬十月癸亥,西川地震。甲子,又震。丙寅,金遣使來賀瑞慶節。

十一月庚寅,遣陳伯震使金賀正旦。 癸卯,以程彦暉攻圍鞏州,迫及川界,命利州副都

統劉昌祖移駐西和州以備之。

十二月丁巳,再給諸軍雪寒錢。 乙亥,金遣使來賀明年正旦。

校勘記

拘権安邊錢物所 按朝野雜記乙集卷一三作「拘催安邊錢物所」, 其官屬有 拘催官兩名;本書

卷四一五黃鳴若傳、 後村先生大全集卷一四二黃公神道碑記置安邊所事, 又有黃疇若和 沈洗

「條具合節省、拘催者」之文,疑「拘權」爲「拘催」之誤。

定武軍 「丘宗卿 創淮西武定軍」條、岳珂愧郯錄卷一三「武定軍」條都作「武定軍 本書卷一九二兵志、兩朝綱目卷一一同。本書卷三九八丘密傳、朝野雜記乙集卷一七

訓武郎 原作「武訓郎」,按本書卷一六九職官志,有訓武郎而無武訓郎,據兩朝綱目卷一二、宋 記

劉爚 原作「劉鑰」,據本書卷四〇一本傳、兩朝綱目卷一 四改。

容。

(至) 邊縣擇才不拘常法其餘並遵三年之制 按兩朝綱目卷一 Ŧī, 此事係「邊縣官許起復」一韶的內

七六五

宋史卷四十

本紀第四十

寧宗四

十年春正月癸巳,雨土。 乙未,大風。 庚子,遣錢撫賀金主生辰。

二月庚申,地震。

珏、京湖制置使<u>趙方措置調</u>遺,仍聽便宜行事。 行 州 事。 江陵府副都統王守中引兵拒之,金人遂分兵圍棗陽、光化軍。 夏四月丁未朔,金人犯光州中渡鎮 辛酉,廬州鈴轄王辛敗金人于光山縣之安昌砦,殺其統軍完顏掩。 執権場官盛允升殺之,遂分兵犯樊城。 丁巳,命四川制置使董居誼酌量緩急,便宜 丙辰, 韶江淮制置使李 壬戌,金兵遁去, 戊申,

五月辛巳,以久雨釋大理、三衙、臨安府杖以下囚,蠲茶鹽賞錢。 本 祁己 第 四 + 濟 宗 70 甲申, 賜禮部進士吳 隨州、光化皆以捷聞(1)。丁卯,詔出戍官兵全給其家。

潛以下五百二十有三人及第、出身。 癸卯,趙方請下詔伐金,遂傳檄招諭中原官吏軍民。

六月庚戌,太白晝見。 戊午,詔厲將士,募京西忠義人進討。 辛未,東川大水。癸酉

太白經天。

遣兵討之。丁亥,嗣濮王不儔薨。 秋七月丙子朔, 日有食之。戊寅, 以旱釋諸路杖以下囚。甲申, 庚子,詔諸軍將佐有罪者送屯駐州鞫之,罷軍士淫 雅州蠻寇邊,焚碉門

八月乙丑,詔監司、郡守各舉威勇才略可將帥者二人。

冬十月乙巳朔,以久雨釋大理、三衙、臨安府及兩浙諸州杖以下囚。 癸酉、蠲三衙、江

上 一諸軍公私逋負錢。

十一月丁丑、大風。 庚辰,太白晝見。甲申,詔浙東提舉司發米十萬石振給貧民。戊

戌,太白經天。

軍完顏贇以步騎萬人犯四川。戊辰,迫湫池堡。己巳,破天水軍,守臣黃炎孫遁。金人攻 [環堡],破之。 庚午,迫黃牛堡,統制劉雄棄大散關遁,途人據之。 十二月戊申,以軍興募民納粟補官。乙卯,詔武舉人毋復應文舉。癸亥, |金鳳翔副統

追 郊 堡。 年 王 春 辰 正月壬 利州 將麻 午 京東路 仲 率忠 忠義 義 人 (焚秦州 李全率衆 永寧砦。 來歸, 韶以全為京東路 乙未,以 度 僧牒千給四 心總管。 川 軍 T_o 金 人圍

沼 几 Ш 忠 義 X 、 立 功 賞 覦 官 軍。 金人犯隔芽關 興元 都統李貴遁),官軍 大 潰

皂郊 臣 都 統 應謙之棄城走。 沈鐸遣兵助之。 ,死者五萬人。 月甲辰,金人焚大 内辰, 丁未 散關 白虹貫日。 金人破湫 而 去。 池堡。 乙 巳 楚州鈴轄梁昭祖焚金人糧舟于大清 戊申,金人圍隨州、 沔州 都統王大才馬蹶 棗 》,死于 陽 軍 ,游騎至 河池 河 漢 丙 京東 上, 午, 忠 均州 金 副 守 破

州 郊。 制 義 顏 灣、 彭 人, 軍大潰。 惟 辛卯 三月丁丑,金人焚湫池 包長壽遁去, 誠等敗于泗州 忠義 癸巳,包長 入十 沔州 ·萬餘出攻秦州,官軍繼進,至赤谷口 丙申, 軍士郭雄追斬贇首 壽合長安、 堡 劉昌祖焚西 而去。 戊子 鳳翔之衆,復攻皂郊, 和州遁,守臣楊克家棄城去。 , 利 , 州 長壽僅以身免。 統制王逸等率 王逸傳昌祖之命退師 西和州 己 忠 丑 義 人復皂郊, 沔州都統劉 戊戌,· 是日,鎭 金人破 金副 昌 江 H. 忠 放 統 旭 散 軍院 Pi 義 至 忠 皂 利 統

|]]] 增 即 焽 錢 [/L] 5 H 甲辰 五. TÎ 萬 劉昌祖 以給軍 焚成 費 州 階州守臣侯頤棄城去。 遁,守臣羅仲甲棄城去。 是日,金人去成州 是 一日,人 金 人去西 和 戊午,金人復犯 戊 申 命 炟

水紅

773

FI

- -

淵

宗

24

七七〇

大散關,守將王立遁。 己未,金人犯黃牛堡,興元都統吳政拒退之。 癸亥,政至大散關 執

王立斬之。

五月乙亥,命四川制置司招集忠義人。癸未,蚩尤旗見,其長竟天。 丁亥, 詔侍從、臺

諫、兩省官集議平戎、禦戎、和戎三策。 壬辰,申嚴試法官七等之制

六月辛酉,詔湖州振恤被水貧民。

秋七月癸酉,奪知天水軍黃炎孫三官,辰州居住。 乙酉,修孝宗寶訓。 辛卯、蠲 四川關

外諸州稅役。甲午,蠲光州民兵戰死之家稅役。

九月己卯,朝獻于景靈宮。庚辰,朝饗于太廟。 辛巳,合祭天地于明堂,大赦。 辛卯,

安定郡王伯澤薨。 丙申, 興元都統吳政、利州副都統張威各進三官。 劉昌祖奪五官,韶州

安置。

多十月丙午,羅仲甲、楊克家、侯頤並奪三官,仲甲常德府、克家道州、頤撫州居住。 戊

午,大風。壬戌,修盱眙軍城。

十一月壬申,金人攻安豐軍之黃口灘。 是月,陝西人張羽來歸。

十二年春正月戊辰朔, 召董居誼詣行在。 以新利州路安撫使聶子述爲四川制置 使。

庚 城 安 曹 岩 犯 池 辰 安 京 成 車 金 州 未 豐 及 入 西 光州 , 軍 興元 諸 犯 沔 將 州 湫 建 都 引 攻 康 都 池 統 光 統 堡 都 兵 一,守將 吳政 化 張 統 拒 之。 許 威 軍 自 俊 及 石 破 金 遣將却之。 辛 四 宣 鄖 和 人 卯,金人犯 Ш 拒 八戰于黃 州 退之。 縣, 退守 進 仙人原 牛 金 逼 甲 西 均州 人焚成州 堡 和州 申 于,死之。 ٠, 金 , 守 庚 人 甲 寅 攻 臣 金 犯 白 , 趙彦吶設 金 人乘勝攻武 破 泂 一環堡, 池 鳳州 ,守將張 隨 , 守將 守 伏 州 臣 以 休 董 楽陽 雷 待之,殲 斌 阔 炤 雲棄城去, 金人 遁 拒 去。 軍 退之。 , 其衆 又破 癸巳,金 信陽軍 乃 戊 還 子 夷 圍 金

州 密 制 使 克 元 벩 安 府 扈 防 甲 方 宜辽 事 事 再 州 遣 捍 趙 興 月 破。 希 救 戊 江 統 辛 被 之,不 戌 昔 制 面 壬 朔 棄城 o 扈 去 金 獲 , 再 庚 克進 裘 人破 金 戊 去 〕 睡 几 陽 人 等 將 JII 破 大安軍 而 車 以 巴土 丁 引 制 還 光 曾從 未 置 兵 Ш Z 魯 , 使 縣 癸 王: 金 龍 一萬 守臣 安 董 卯 人破興元 同 夏 餘 居 太白 |金 ું , 知 人人復 金 誼 李 文子 樞 人破武 出 自 遂 畫 密院 以 攻 利 見。 去 府。 書 棄城 唐 州 興 事 休關 來 遁 壬寅, 完 戊 兼江 加川 鄧 去 申 府。 沔 , 准 興元 州 金 金 金 議 内 人 都 宣 人 人 夾 辰 都 隨 統 犯 攻棗陽軍 圍 撫 文金 洋州 統李貴遁 楽陽軍 州 張 使, 金 忠義 威 遣 權 去 守臣 吏部 統 利 統 洋 ົວ , 還 京湖 州 領 制 州 己 | 蔡晉 尙 石宣 劉 酉 利 書任 制置 安 世 丁 卿 州 等邀 撫 興等 遣 遣兵拒之,不 路 希 一般 使 _[提 趙 焴 京 夷簽書 前 引 刑 湖 方 兵 許 司 遣 權 攻 制 軍 唐 樞 統 興

本

紀

第

四

部

갣니

乙亥, 月 E, 興元 以 軍 鄭 權 昭先 興等作亂, 知樞密院事 犯 巴州 , 曾從龍參知 守臣秦季槱棄城去。 、政事。 癸酉, 鄂州統制 金人復入洋州 劉 世榮會兵 焚其城而 〈攻唐

丁亥,

太白

書

見。

權

興

八等降。

癸巳,子

雨土。

甲午,

金人自

肝胎

退

師

州。 楊 安 進。 去 軍 諭 反 林 揚州 滁 |全 渡 金 川 里 濠光三州。 官軍 追 人 月已未,追 建康 遂 擊; 之天長、 一、忠義 分兵自光州犯黃州之麻城 敗之于 大震。 人。 雷雲三官 眞州之六合。 江 曹家莊, 京東 癸亥, 准制置使李珏命池州 總管李全自 梅州 興元 獲其貴 淮南流 **三安置。** 軍士張福 將 楚州 , 自濠州 民 辛酉, 渡江 莫簡 忠義 都統 贈吳政爲右武 避 犯和州之石磧, 總轄 等作 武 亂 師道、 季先自連水軍各引兵 諸 亂 城 忠義 以 悉閉。 紅 大夫、 軍統 巾爲 自 金 盱 忠州 號。 制 人游 胎 陳孝忠救之, 軍 是春, 刺 犯滌 騎 來援, 史。 數 百 州之全椒、來 金 壬 至 人圍 金 戌, 東采石、 皆不 上人乃解 安 詔 豐 克 撫

闄 司 州 萬 夏 壽 J' 四 觀 月 使 庚午,張 安丙 掠 果州 爲 儿 福 Л 癸巳 入 利州 宣 撫 會從 使。 几 川 龍 董 龍。 制 居 置 誼 使轟 以 落 鄭 職 昭 子述遁, ,奪三官。 先 兼 參 殺總領 知 政 事 ,崇信 財賦楊九鼎。 軍節度 使、開 丁 ∄, 府 張福 儀 同 掠

城 遁 五 月 T 凹)未朔, 减 兩准 召 聶 荆 子 述詣 湖北、 行 在 利州路沿 張 福 薄遂 邊諸州雜犯死罪囚 寧府, 潼川 府 路 轉運判 釋流以下, 官、 權 仍蠲 府 事 今年租稅 程 遇孫棄

,焚其城 太學 生 何 處恬等伏闕上書, 甲 寅 四 川 宣 撫 司 以工 命 沔 州 一部尚書胡榘欲和 都統 張 威 引兵 捕 金人, 福 戊 請誅之以謝天下。 午, 福 入普州 , 守臣 張 張 幅

城 遁。 癸亥, 詔 侍 從、 兩省、臺諫各舉文武 可用之才二三人。

六 月 戊辰, 張福 屯普州 之茗山。 庚午 1, 張 威引兵至。 丙 子 , 太白 1 書見。 字 已, 西川 地

震 國 招 諭 太白 李全等 書. 見。 不聽。 癸未 張 辛 剪, 福 請降,乙 太白 [經天。 酉,張威執之, 癸巳,丁焴 歸于 復以書約 宣 撫 司。 夏國 丁亥 攻金 嗣濮 Ë 一不嫖 金

秋 七 莫簡 月 丙 自 申, 殺 張福 紅紅 巾 伏 賊悉 誅。 平。 復 了 奪 董 居 誼 二 官, 癸亥, 李全引 兵 永州 至 齊州 居住。 知 州王 庚子 贇 ٠, 張 以 威 城 捕賊衆一 千三百餘

八月戊辰,復合利州東、西路爲一。

使 淮 九 南 月 轉 內 運 午 剉 官 罷 趙 江 善 准 湘 制置 爲 主 司 管 置 准 沼 西 制 江 置 准 司 東 公事 西 制 , 淮 置 東提 司。 以實 刑 買 涉 文閣待制李 爲 主管准 大東爲沿江 東 制 置 司 制 事

節制京東、河北路軍馬。

十一月辛亥,進封楊次山爲會稽郡王。

雅 州 蠻 -入 盧 月 王: Π 縣 申 京 東 IJIJ 節 四 制 Ш 司 宣 言 復 撫 京 司 遺兵取 東 河 北 洮州 二府 九 召 州 諸 將議 四 一十縣。 出 師 乙亥, 招 諭 築 中 原 興元 豪 傑 府 城 学 Ė J^ 蠻

七七

焚碉 京湖制置司遣統制扈再興等引兵六萬人,分三道出境。 門砦,邊丁大敗。 乙酉,金人犯鳳州之長橋。 丁亥,四川宣撫司命罷洮州之師 庚寅,賞茗山捕賊功。 己 <u>别</u>:

遂攻樊城,趙方督諸將拒退之。己亥,雅州蠻復掠盧山縣,遣兵討之。己酉,命不凌爲嗣濮 十三年春正月丁酉,扈再興引兵攻鄧州,鄂州都統許國攻唐州,不克而還。金人追之,

一。戊午,夏人復以書來四川,議夾攻金人。

三月辛卯朔,雨土。丁巳,黎州土丁叛,遣兵討之。

夏四月庚申朔,淮東制置賈涉招諭山東、兩河豪傑。

五月庚寅朔、雅州蠻降。戊戌、史彌遠等上玉牒及三祖下第七世宗藩慶系錄。

李全爲左武衞大將軍。壬午,以季先爲果州團練使、漣水軍忠義副都統,命赴樞密院議事,

六月癸酉, 賜禮部進士劉渭以下四百七十有五人及第、出身。 加安丙少保。丙子,以

未至,殺之。

丙午,以任希夷兼參知政事。丙辰,四川宣撫司招黎人土丁,降之。 秋七月戊戌,以京康、河北諸州守臣空名官告付京康、河北節制司,以待豪傑之來歸

八月癸亥,皇太子詢薨,諡曰景獻。 壬申,安丙遺夏人書, 定議夾攻金人。 癸未,四

Ш 申 宣 復 撫 海 司 州 命 |利 州 以 將 統 作監 制 王仕 丞 徐 信 晞稷 引 兵 赴 知 州 事 鞏州 盱胎 會夏 將 石 井 叛 遂 傳 漣 檄 水 招 軍 諭 |||灰 西 詔 以 Ħ. 路官 玤 為 漣 吏 水 軍 忠義 民。 甲

統轄

犯皂郊堡,沔州統制 俊等擊破之。乙巳,程信、王仕信引兵 威 辰,夏人自安遠砦退 質俊等克來遠鎮。 前 几 都 出 Ш 統 宣 天 九 水 出 月辛卯,夏人引兵圍鞏州, 撫 子午谷, 司 利州 統制 副 質俊、 都統 金州 辛丑,王仕信克鹽川鎭 董炤等與戰大敗。 師 程信出長道 副 李寔引兵發下城。 都 統陳昱 且來趣 出上津。 興元副 (與夏 壬子 師。 戊戌 人會于 都統 , 壬寅二 己亥, 甲午, 程信及夏人攻鞏州不克, 陳 四 鞏州 質俊等自來遠鎮 張威 立 川 太白書見。 出 宣. 城下。 大 下令所部諸將毋得擅進兵。 撫 散 司命 暑 丁未 王仕信 諸將分道 興元 ,攻城不克。 進攻定邊城 統 引 信引兵 制 進兵 兵發岩昌 田 胃 沔州 爲言 趨秦州 庚戌, 金 人來救 都 撫 庚子 乙未 統 金人 司] 帳 账

戊寅,程信以四川宣 多十月丁巳朔,程信邀 撫 司 之命 夏 人共攻秦州 ,斬王仕信于 西 夏 人不從, 和 州 几 信遂 川 宣 自 撫 伏羌 司 以張威不進兵 城 引 軍 湿, 諸 麗其軍 將 皆 韶 还

- 一月庚戌,大風。 壬子,臨安府火。

本

紀

第

四

+

遾

宗

匹

月戊午 **-**,大 風 壬申 連水忠義軍統轄 石珪叛。 癸未 鎭江 副 都 統 翟 朝宗以「皇帝

恭膺天命之寶」來獻。

十四年春正月丙戌朔,以雪寒釋大理、三衙、臨安、 兩浙諸州杖以下囚。

以李全還自山東,賜緡錢六萬。庚子,立四川運米賞格。

接准西,沿江制置司防守江面,權殿前司職事馮榯將兵駐鄂州,京東忠義都統李全將兵救 州,分兵破諸縣,又遣別將犯漢陽軍。丁丑,李全棄泗州遁還。 二月戊辰,金人圍光州。己巳,金人犯五關。 壬申,金人治舟于團風,弗克濟, 甲申,韶淮東、京湖諸路應 遂闡黃

蘄、黃,榯不果行。

午,太白晝見。乙未,詔京湖制置司趣援廝、黃。己亥,金人陷廝州,知州事李誠之及其家 人、官屬皆死之。癸丑,金人退師,扈再興邀擊,敗之于天長鎭,甲寅晦,又敗之。 大節棄城遁死。庚寅,長星見。李全自楚州引兵援淮西。癸巳,扈再興引所部趨蘄州。 三月丙戌朔,鄂州副都統扈再興引兵攻唐州。丁亥,金人破黃州,淮西提刑、 知州事何 甲

夏四月乙卯,復置諸王宮大小學教授。乙丑,命任子簾試于御史臺。戊辰,金人渡淮

而北,李全遣兵追擊,敗之。

五月甲申朔,日有食之。壬辰,史彌遠等上孝宗寶訓、皇帝會要。丙申,西川地震。乙

已,頒慶元寬恤詔令。

義郎。 名竑,進封祁國公。丁卯,以立皇子告于天地、宗廟、社稷。 六月甲寅朔,初置沿江制置副使司于鄂州。 丙子,減京畿囚罪一等,釋杖以下。 辛巳,大風 丙寅, 詔以姪 乙亥,以太祖十世孫與萬補秉 福州觀察使貴和爲皇子 更

秋七月辛丑,以趙方爲京湖制置大使,賈涉爲淮東制置使兼京東、河北路節制使。

未,修光宗寶訓。

|浩爲||越王,改諡||忠定,配享||孝宗廟庭。戊寅,以姪右監門衞大將軍貴誠爲果州 俞應符簽書樞密院事。甲子,以秉義郎與莒爲右監門衞大將軍, 八月乙卯,賜史彌遠家廟。 任希夷罷。 壬戌,以兵部尚書宣繒同 賜名貴誠。 知樞密院事, 團練 乙丑,追 給 封史 事 中

九月癸未,立貴誠爲沂靖惠王後。己丑,朝獻于景靈宮。 庚寅,朝饗于太廟。 辛卯,合

祭天地于明堂,大赦。

復以齊州爲濟南府,兗州爲襲慶府。 冬十月癸丑,京東、河北節制司言復滄州, 丙寅,夏人復以書來四川趣會兵。 韶以趙澤爲河北東路鈴轄、 庚午、雷 知 州事。

十一月己亥,安丙薨。是月,京東安撫張林叛

十二月庚申,鄭昭先罷。

七七八

閏月辛巳朔,以宣繒兼參知政事, 俞應符兼權參知政事。 戊申, 以殿前司同正將華岳

等謀爲變,殺之。

是歲,浙東、江西、福建諸路旱,沔、成、階、利四州水,振之。

十五年春正月庚戌朔,御大慶殿,受恭膺天命之寶。癸丑,立李誠之廟于蘄州。 甲寅,

寶大赦,文武官各進、秩一級,大犒諸軍。 褒贈歐州死事官吏,錄其子孫有差。丁巳,詔撫諭山東河北軍民、將帥、官吏。 己未,以受

二月庚子,罷御史臺簾試任子法。

三月丁巳,詔江西提舉司振恤旱傷州縣。

夏四月壬午,詔蠲蘄州今年租賦。

IE 月庚戌,太白晝見。甲寅,詔監司慮囚,察州縣匿囚者劾之。丁巳,進封子祁國公竑

州,林遁去。己巳,修孝宗經武要略。 爲濟國公。己未,以姪果州團練使貴誠爲邵州防禦使。 壬戌,知濟南府种饗等攻張林于青

六月辛卯,俞應符薨。

秋七月甲子,詔江淮、荆襄、四川制置監司條畫營田來上。

八月己卯,命戶部詳議義役。 九月辛亥,以宣繒參知政事,給事中程卓同知樞密院事 辛卯、韶文武官毋得歸宗、著爲令。甲午,有彗星出于氐。 ,吏部尚書薛極 賜出身,簽書樞

密院 事。 癸丑、雷、大雨雹。 丁巳,復以隨州三關隸德安府,置關使。 壬戌, 彗星没。 辛未

太白晝見。

冬十月丙子,以收復京東州軍,犒賞忠義有差。

十一月戊午,赦京東、河北路。

十二月乙亥朔、發米振給臨安府貧民。 丙子,以雪寒釋京畿及兩浙諸州杖以下囚。

亥,以李全爲保寧軍節度使、右金吾衞上將軍、京東路鎭撫副 使。

十六年春正月戊申,詔命官犯贓毋免約法。 己酉,子坻生。 辛酉, 命准東制置司振給

山東流民。

二月戊子,雨土。 己川,嗣秀王師禹薨,追封和王。 戊戌,子城薨,追封邳王,諡 沖美。

三月戊申,張林所部邢德來歸,詔進二官,復以爲京東東路副總管。 丁, 以道州民

饑、詔發米振之。

夏五月甲辰,詔右選試注官如左選之制。 戊申、賜禮部進士蔣重珍以下五百四十有九

本紀第四十 寧宗四

人及第、出身。戊辰,詔復潭州稅酒法。

六月丁酉,程卓薨。

秋八月辛巳,韶州縣經界毋增紹興稅額。 癸未,申嚴舶船銅錢之禁。

九月庚子朔,日有食之。 乙巳、詔江、准諸司振恤被水貧民。 乙卯,雷。

多十一月辛亥,以太平州大水,詔振恤之。

十二月辛巳,命淮東、西總領及沿江被水州募江西、湖南民入米補官。 癸未,嗣濮王不

凌薨。壬辰、雷。

十七年春正月戊戌朔,詔補先聖裔孔元用爲通直郎,錄程頤後。 癸亥,命准東西、湖北

路轉運司提督營屯田。

二月癸巳,蠲台州逋賦十萬餘緡。 甲午,命臨安府振糶貧民。

三月癸丑,雪。是月,金人迫西和州,尋引兵還。

夏四月辛卯,詔廬州振糶饑民。乙未,賜李全、彭義斌錢三十萬緡爲犒賞戰士費。

五月戊戌、詔覈實兩淮、京湖、四川、江上諸軍之數。

六月丁卯朔,太白經天,晝見。 癸酉,知西和州尚震午坐金兵至謀遁(三),奪三官,岳州

居 壬辰,大名府 蘇椿等舉城來歸,詔悉補官 了,即以 其州授之。

秋 七月丁 , 酉朔, 命 福 建路 監 司 振 恤 被水貧民。 辛亥,命師嵒嗣 秀王

八月乙亥、罷通州天賜鹽場。丙戌、帝不豫

彌 遠 傳遺詔 閨 八月乙未朔,申嚴 、立姪貴 誠 爲皇子 兩浙 ,更名盷,即皇帝位。 諸州輸苗 過取之禁。 尊皇后爲皇太后, 丁 酉, 皇帝崩于福寧殿, 垂簾 、聽政。 年五 十七。 進 封 史

陵。 寶 三年九月,加諡法天備道純德茂 慶 元年正月己丑, 諡曰仁文哲武恭孝皇帝 功仁文哲武聖睿恭孝皇帝。 廟號寧宗。 三月癸酉, 葬于會稽之永茂

金,國體 蓄 以舊學輔導之功,召用宿儒 至 廢立之私 寧宗,亦 「羣姦,至指正 贊曰:宋世內禪者四,寧宗之禪,獨當事勢之難,能不失禮節 虧 一,他 矣。 几 傳 可 旣而 人爲邪,正學爲僞,外挑強鄰,流毒准 而 知 也。 享 彌 國 九 雖然,宋東都至于仁宗,四傳 遠擅權,幸帝耄荒,竊弄威福 十有八年,是亦豈偶然哉。 ,引拔善類,一時守文繼體之政, 而享國百 情乎神器授受之際,寧、理之視仁、英, 甸。 至於皇儲 頻歲兵敗,乃函侂胄之首,行 燁然 年, 國統, 邵雍 焉, 可 觀。 斯 乘機 稱 미 爲 中更侂胄用 謂 前代 何間, 亦得 善 處矣。 所無 事 逐 其 成 南渡 初 內 年

本

紀

第

PU

+

盥

宗

四

校

勘

記

七八一

其跡雖同,其情相去遠矣。

校勘記

(二) 隨州光化皆以捷聞 「隨州」,原作「徐州」,據兩朝綱目卷一五、宋史全文卷三〇改。

2 知西和州尚震午坐金兵至謀遁 爲金人至而遁」,即指此事。 本書卷六三五行志:「四月丁卯,西和州焚軍壘及居民二千餘家,人火之也,守臣尚震午誤以 兩朝綱目注說:「前所謂金人迫西和州者,蓋卽震午掩飾之詞, 「西」字原脫,據兩朝綱目卷一六、續宋編年通鑑卷一五補。 史 按

官承而書之,未經刊削耳。」

宋史卷四十

本紀第四十一

理宗一

子薨,寧宗以國本未立,選太祖十世孫年十五以上者教育,如高宗擇普安、恩平故事, 靖惠王薨,無嗣,以宗室希瞿子賜名均爲

浙王後,尋改賜名貴和。 王, 子,授右監門衞大將軍,賜名貴誠。 十四年六月丙寅立貴和爲皇子,改賜名竑,而以帝嗣沂王。六月乙亥,補秉義郎。八月甲 日,家人聞戶外車馬聲,亟出,無所睹。幼嘗晝寢,人忽見身隱隱如龍鱗。 紫衣金帽 家于紹興府山陰縣,母全氏。以開禧元年正月癸亥生于邑中虹橋里第。 理宗 建道備德大功復興烈文仁武聖明安孝皇帝,諱昀,太祖十世孫。 (人來謁,比寤,夜漏未盡十刻,室中五采爛然,赤光屬天,如日正中。 十五年五月丁巳,以竑爲檢校少保,進封濟國公。 嘉定十三年八月,景獻太 是時,寧宗弟沂 父希瓐,追 前一夕,榮王 旣誕三 遂以 封榮

本紀

第

四十

理宗

屬意於帝而未遂。

殿庭,矩度有常 未 ·, 以 帝爲邵州 防禦使。 見者斂容。 帝性凝重寡言,潔修好學,每朝參待漏,或多笑語,帝獨儼然。 會濟國公竑與丞相史彌遠有違言,彌遠 日謀媒蘗其失於寧宗 出

十七年八月丙戌,寧宗違豫,自是不視朝。 壬辰,疾篤, 爾遠稱韶以貴誠爲皇 **字**, 改賜

名昀、授武泰軍節度使、封成國公。

宮; 司、簿、尉;以禮部侍郎程珌、吏部侍郎朱蓍、 封許國夫人。 子城開府儀同三司,進封濟陽郡王,判寧國府, 后,同聽政。 柴中行敍復元職,授右文殿修撰,主管南京鴻慶宮。 九月乙亥,詔褒表老儒,以傅伯成爲顯謨閣學士,楊簡寶謨閣直學士,並提舉南京 閏月丙 申,寧宗疾甚,丁酉, 封述爲濟王,賜第湖州,以醴泉觀使就第。 己卯、皇太后、皇帝御便殿 崩于福寧殿。 垂簾。 中書舍人眞德秀兼侍讀 命子昀嗣皇帝位。 爾遠使楊谷、楊石入白楊皇后, 詔以先聖四十九代孫行可爲 癸亥,詔宮中自服三年 戊寅,詔兄濟王妻衞國 大赦。 工部 尊楊皇后日皇太 迪 侍 功郎 喪。 稱遺旨以 郞 夫人吳氏 葛 ",授判、 洪、 鴻 起 皇

卯,祀明堂,大赦。

居

即喬

行簡、宗正

少卿陳貴誼、軍器監王壁兼侍講。

壬午,葛洪權工部尚書,升兼侍讀。

冬 ,十月戊戌,詔諸路提點刑獄以十一月按理囚徒。 己亥, 嗣秀王師嵒薨。 千:子,

官奉按月給。

開 寶慶元年。 畏天、悅親、講學、仁民。上嘉納焉。癸未,以五月十六日爲皇太后壽慶節。丁亥,詔改 經 筵,詔輔臣觀 十二月甲午,雪 十一月甲子 戊子,以葛洪爲端明殿學士、同簽書樞密院事(5)。己丑,詔以生日爲天基節 ,右正言麋凓 (己請承順東朝,繼志述事,壹以<u>孝宗爲法,而新政之切</u> 講。 寒,免京城官私房賃地、門稅等錢。 韶太后所居殿號日慈明。 辛酉,請大行皇帝諡號于南郊, 自是祥慶、災異、寒暑皆免。 諡曰仁文 明年為 癸丑 者,

哲武恭孝皇帝,

廟號日寧宗。

春告 治 變, 全以精兵二十萬 城 匿水竇 八后弟 疾 手 ,朝而 慶 諭 奉 元年春正月壬戌朔,詔舉賢良。庚午, 中、盜得: 旨逼 國 軍 竑 兵 節度使楊谷、保寧節度楊石並開府儀同三司。 助 妃 誅 討 之,擁至州治,以黃袍 賊。 史彌遠擅廢立之罪,比明視之,皆太湖漁人及巡尉兵卒,站 尋 詔 彌 貶爲巴陵郡公。 遠奏遣殿司將彭任討之, 加其身,守臣 辛未, 湖州盜潘壬、潘丙、潘甫謀立濟王站 詔保寧軍節 謝周卿率官屬入賀。 至 一則盜平, 度使師 丙戌, 又遣其客秦天錫託 爾爲 濟王竑 檢校 初, 計 少保。 | - 聞 乃造 等偽稱 宣 王 詔 元 以

本

紀

第

74

+

理

七八六

朝。己丑,上寧宗諡册、寶。

嗣 秀王。 月甲午, 丙辰, 楚州火。 詔故 太師、武勝定國軍節度使、鄂王岳飛諡 戊午, 一發廩振 在京細民、給犒馬步軍、皇城司守衛軍有差。 虚忠武。 丙申, 沼師彌檢校少師、

三月癸酉,葬寧宗于會稽永茂陵。

等繳 奏命 夏四月辛卯朔,寧宗祔廟。 逐寢。 丁酉,皇太后 手書:「多病, 自今冤垂簾聽政。」 一壬寅, 帝兩 請皇太后 垂簾,

不允。辛亥,發廩振在京細民。

五 月甲子,韶:「內外文武大小之臣,於國政有所見聞, 封章來上,毋或有隱。」丙寅, 詔

不熄爲保康軍承宣使、嗣濮王。

六月辛卯,太白晝見。 丁未,詔史彌遠爲太師,依前右丞相兼樞密使,進封魏國公。 彌

遠辭冤太師。

秋 七月丁 丑,滁州大水,詔振恤之。 乙酉,詔行大宋元寶錢。

秘 閣 福建提點 月壬寅,以司農丞姚 刑 獄 ,以旌 廉吏。 子才封 丙 事 午 切直,詔 ', 詔 侍從、 進 給諫、卿監、 秩);授 秘書郎。 郎官, 癸卯,詔 井 在 外前 知 執 袁州 政 、侍從, 趙銨夫直 帥

臣

L、 監司

各舉廉吏三人。 戊申,

詔侍從、兩省、臺諫、三衙、

知閣、

御帶

環衛官

在外前執

本紀第四十一 理宗一

|秀 張 政、侍從, 九成贈太師,追封崇國公,諡文忠。 論 綱常,簡節上語,曲爲濟王地。 帥臣、監司、都副都統制及屯戍主將,其各舉堪充將帥三人。 詔德秀煥章閣待制、提舉玉隆萬壽宮。 甲寅,以程頤四世孫 源爲籍田令。 己酉 乙卯,莫澤言眞 地震。 丁巳、沼戒貪 千子 德

九 月 丙寅,著作佐郎陶崇上保業、愼獨、謹微、持久四事,帝嘉納之。

多十月癸巳(ē),有流星大如太白。 甲寅, 詔: 會稽欑宮所在,稅賦盡冤折科, 陰縣

戍之家倍之。 藩 可升爲寶慶府。 十一月癸亥,宣繒兼同知樞密院事,薛極參知政事, 詔魏了翁落職,奪三秩, 自是祥慶、災異、霪雨、雪寒咸給。 筠州 與御名音相近, 靖州居住, 改爲瑞州。」壬午,雪寒, 眞德秀落職罷祠 甲申,朱端常言魏了翁封章謗訕 葛洪簽書樞密院事。 在京諸軍給緡錢 詔:「仰州潛 有差, 眞德秀 出

十二月甲辰,詔删修敕令。

百七十萬四千一 是歲,兩浙 路 戸 , 一 百 百八十六,口三百五十五萬三千七十九。 九十七 萬 五千九百九十六,口二百八十二萬二千三十二。 福建路

七八八

斌、陸九淵子孫官各有差。 一年春正月癸亥,詔贈沈煥、陸九齡官,煥諡端憲,九齡諡文達。 癸酉,召布衣李心傳赴闕。 戊寅、熒惑入氐。 錄張九成、呂祖謙 壬午,太白、歲星、 張

二月辛卯,監察御史梁成大言眞德秀有大惡五,僅褫職罷祠,罰輕。 韶削二秩。 塡星合于女。

已決者,一切勿徵,毋錮留妻子。 三月癸酉, 以久雨韶大理寺、三衙、兩浙運司、臨安府諸屬縣権酒 自是霖潦、寒暑皆免。 戊寅、詔太常寺建功臣閣,以「昭勳 所, 凡贓賞等錢, 罪

崇德」爲名。己卯,蘄州火。

夏四月己丑,詔輔臣奉薄,其以隆興格爲制。 辛亥,有流星大如太白。

六月丙申,御後殿,賜進士王會龍以下九百八十九人及第、出身有差。 壬寅,詔以孔子

五十二代孫萬春襲封衍聖公。

秋七月戊辰,雷電 八月乙巳,濟王竑追降巴陵縣公。 雨,晝晦,大風。 辛亥,衞涇薨。 **遂安、休寧兩縣界山裂,洪水壞公宇、民居、田疇。**

九月庚申、雷。

惑、歲星、塡星合于女,熒惑犯塡星。 冬十月甲申, 詔寧宗御集閣以「寶章」爲名,仍置學士、待制員。 改湖州爲安吉州 辛丑, 又雷。 **辛**亥, 熒

一月甲寅,修祚德廟,以嚴程嬰、公孫杵臼之祀。 内辰,始御紫宸殿。 辛酉, 熒惑犯

歲星。丙子,日南至,上詣慈明殿。

十二月癸卯,親享太廟。

以楊谷、楊石 補治道。股勵志講學,緬懷典刑,可特贈熹太師,追封信國公。」 此 ,卿其爲殷撫定之。」己巳,詔:「殷觀<u>朱</u>熹集註<u>大學、論語、孟子、</u>中庸, 三年春正月辛亥朔,上壽明皇太后尊號册、寶于慈明殿。 並爲少傅。 知楚州姚翀朝辭,奏准楚忠義軍事,上曰:「南北皆吾赤子,何分彼 壬子,史爾遠進二秩。 發揮聖賢 蘊奥,有 辛酉,

要,上曰:「先卿中庸序言之甚詳,朕讀之不釋手,恨不與同時。」辛亥,以皇太后尊號册、寶 三月庚戌朔,詔郡縣長東勸農桑,抑末作,戒苛擾。 工部侍郎朱在進對,奏人主學問之

夏 |四月戊戌,宣引前丞相|謝深|| 蔣女||謝氏詣|| 慈明殿進見。 禮成,姪孫楊鳳孫以下推恩有差。

五. 月壬子,詔岳珂戶部侍郎,依前淮東總領兼制置使。

里 月己卯朔,詔:郡縣繫囚不實書曆(四),未經結錄,守臣輒行特判,憲司其詳覆所部獄

案,歲月淹延者重置于憲。

本紀第四十一 理宗

六月戊· 申朔 日有食之。

秋 七月乙 酉, 太陰犯心。 丁酉,詔振贍被水郡縣,其竹木等稅勿徵。 丙午,史彌遠乞歸

田 里,詔不允。

八月庚戌,詔謝氏特封通義郡夫人。 癸亥, 詔:凡試邑兩經罷黜, 更勿授知縣、縣令。

甲戌,太白、熒惑合于翼。 丙子,城太平州,詔知州綦奎進中奉大夫,餘推恩有差。

九月癸未,故觀文殿大學士、魏國公、贈太師留正諡忠宣。 丙午,追上寧宗徽號日法天

備道 純德茂功仁文哲武聖睿恭孝皇帝。

軍 孟杓改 多十月甲子,右監門衛大將軍與奭改賜名貴謙,授宜州 賜名乃裕 授和州 防禦使,繼景獻太子後。 甲戌,趙范江東提刑 觀察使, 繼沂王後。 兼知池州 右千牛衛 制

防 江 水步 軍、池州 都統 司軍馬。 將

--- |-二月 月戊寅, 己酉 奉上寧宗徽號册、寶于太廟。辛巳,日南至,郊,大赦。改明年爲紹定元年。 日 旁有氣 如珥。 壬申, 發廩振贍京城細民。 大元兵破關外諸隘, 四川制

置鄭損棄三關。

紹定元年春正月丙子朔, 上壽明慈睿皇太后尊號册、寶于慈明殿。 楊谷、 楊石並升少

師。

六月壬寅朔,日有食之。己酉,流星晝隕。

秋七月戊戌,熒惑犯南斗。

冬十月戊申,熒惑犯壁壘陣星。 丁巳,熒惑、塡星合于危。 甲子,熒惑犯塡星。

十一月癸酉,熒惑入羽林。 庚辰、雷。 丁酉,詔申嚴皇城司給符之制,照闌入法。

十二月辛亥,以薛極知樞密院事兼參知政事,葛洪參知政事,袁韶同知樞密院事,鄭清

之端明殿學士、簽書樞密院事。

二年吞正月庚辰,大理司直張衍上檢驗、推鞠四事。 詔: 刑獄人命所關,其令有司宪行

丁亥、熒惑、歳星合于婁。

二月庚戌, 詔:歲舉康吏或犯姦贓,保任同坐,監司守臣其申嚴覺祭。

三月辛卯、詔:郡縣繫囚多瘐死獄中、憲司其具獄官姓名以聞、黜罷之。

夏四月庚申,詔:郡縣官闕,毋令藝術人、豪民、罷吏借補權攝

已,賜進上黃朴以下五百五十七人及第、出身有差。 $\mathcal{F}_{\mathbf{L}}$ 芦, 詔: 成都、潼川路歲旱民歉,制司、監司其亟振恤,仍祭郡縣奉令勤惰以聞。 詔:戶絕者許立嗣,毋妄籍沒。

宗一

理

本紀

第四

六月丁巳 詔 通義郡夫人謝氏進封美人。

九月 了卯 台州 大水。 壬辰,有流星大如太白。

冬十月壬戌,詔:台州水災,除民田 租及茶、鹽、酒酤諸雜稅,郡縣抑納者監司察之。

十一月已丑,熒惑入氐。

三年春正月甲申,詔故皇子緝贈保信、奉國軍節度使,開府儀同三司, 追封永王, 諡|沖

安。 壬辰,知棗陽軍史嵩之創置屯田 ,以勞賞官兩轉。

節制本州 戌,韶趙范起復, 月丙申, 屯 成軍 日 馬。 依前 有背氣。 壬子, 韶:故皇子繹賜忠正、保寧軍節度使, 開府儀 知鎭江府、節制防江水步幷本州在砦軍馬;趙葵起復,依前 戊戌、詔:汀、贛、吉、建昌蠻膫竊發, 經擾郡縣復賦稅一 同三司, 追 知滁州、 封昭王, 年。 庚

諡 沖純

閏 月癸酉,逃卒穆椿夜竊入皇城,燒毀甲仗,衞士捕得之,詔磔于市。 乙酉,太白、歲星

合于畢。

三月丁酉,雨土。 戊申、奉國軍節度使不慘薨、贈少傅、追封樂平郡王。

夏四月己 卯, 漳州、連城盜起,知龍嚴縣莊夢詵、 尉鍾自強不能效死守上, 詔各削二秩

五 月甲寅,檢校少保李全授彰化保康軍節度使,開府儀同三司、京東鎭撫使,依舊京東

忠義 (諸軍都統制(重)。戊午,李全左右金吾衞上將軍,職任仍舊。

六月乙酉,歲星入井。

秋七月丁酉,汀州寧化縣曾氏寡婦晏給軍糧禦潭寇有功,又全活鄉民數萬人,詔封恭

人,賜冠帔,官其子承信郎。

九月辛丑,祀明堂,大赦。 丙午,美人謝氏進封貴妃。

冬十月己巳,熒惑、塡星合于室。

十一月丁酉,有星孛于天市垣。丁未,流星晝圓。

制臣 之,贈右武大夫、蘄州防禦使。甲子,詔:「逆賊李全,反形日著,今乃肆爲不道,已敕江、淮 [率兵進討,有能擒斬全以降者,加以不次之賞。]乙丑,詔免明年元會禮。以鄭淸之參 十二月庚申,詔錄用孔子四十九代孫燦補官。李全叛。壬戌,淮東官兵王靑力戰,死

殿出 知政 體向安,朕未欲勞以朝謁,可十日一赴都堂治事。」丁卯,册命貴妃謝氏爲皇后。 [緒 錢 百 事 兼簽書樞密院事,喬行簡端明殿學士、同簽書樞密院事。詔:「史彌遠敷奏精敏, 五 一十萬犒諸軍,振贍在京細民。癸未,上壽明仁福慈睿皇太后尊號册、寶 己卯,慈明 氣

差。 賜李心 [][] 年春 Ī 傳 月戊子 司 進 士: ,,皇太后年七十有五, 出身。 千寅,趙范、趙葵等誅李全於新 上指慈明殿 行慶壽禮, 塘 詔 大赦, 各進 兩秩,餘 史爾遠以下進 推恩有差。 一秩有

月戊午朔, 詔: 雄邊 軍統制、總轄范勝谷汝礪等誅逆著勞, 各官 Ŧi. 轉, 將上立功者

趣 具等第、姓名來上。 丙子, 詔起復 孟珙從義 愈、京西路分,棗陽軍駐箚

使、右聽衛大將軍「台、准東提刑、 安 同 人無使 知 樞 夏 密院 四 趙范權兵部 月戊辰 事 ; 喬行簡簽書樞密院 趙范、趙葵並進 诗郎、 淮東安 知滁州 中 撫 事 大夫、右文殿修撰,賜紫章服、金帶。 副 使、 兼 趙善湘兵部尚書、 大使 知揚 司參議官。 州 兼 江淮 江淮制置 制 ы] 參謀官 一大使、 丁丑,以鄭淸之兼 趙葵換福州 知建康 府 觀 依 舊

五. 月丙 午, 宗室 司 正生檢校 少傅、安德軍節度使、天水郡公, 加食邑五 百戶; 貴謙 承

宣使;乃裕觀察使。

六月已未, 詔魏了翁、 眞徳秀、尤焴 尤爚 並敍 復元官職 洞 祿

七 月己丑 日 生 承 氣。 1. 酉, 賈浩 女侍後宮, 詔封文安郡 夫人。 庚戌 葛洪資政殿 壆

士、知紹興府。有流星大如太白。

八月己未,大元兵破武休,入興元,攻仙人關。 字.酉, 洪咨襲敍復元官祠禄。 辛未, 文

安郡夫人賈氏封才人。

服 視 朝 九 月 減膳徹樂。 内 戌 夜, 臨安火,延及太廟, 庚子 ,建昌軍火。 統制徐儀、統領 甲辰,流星書隕 馬 振 遠坐救焚不力, 貶削有差。

使、知 災 浙 戊 寅 異 西 安 冬十 興元府、利路安撫使,安癸仲戶部郎中、總領 宜舉行之。 以李 漁 使。 月 戊午, 爲焕章閣直 癸酉, 詔兩: 太常少卿度正、國 大元兵破蜀 省、侍從、臺諫集議以聞。 學士、 四川制置使、 口諸郡,御前 史院編修官李心傳各疏言:宗廟之制,未合於古, 知 中 成都府, ·軍統制張宣戰青野原有功, 甲子, 70 川 財賦 趙彦 以余天錫爲戶部侍郎銀知臨安 **吶直龍圖閣**、 |四 |川 沼授 安撫制置副 沔州 都 茲緣 府

+-月乙 月乙亥,以史嵩之爲大理少卿)酉,詔: 忠義 總管田遂力戰而殁,贈武 兼京湖制置 副 節大夫、忠州刺史,加封立廟。 使。

駡 提 鄭 賊 刑 京 而 司 五 湖 檢 年 死 安撫 者 法 春 吳澄等 正月已 海 制 陵 置 簿 使、 吳 出 丑,以孟珙爲京西路兵馬鈴轄 泰州 嚞 知 襄 , 特 (陽府。 城謁 贈朝 賊 奉 壬 郎, 各追 寅 官其 新作太廟成。 官勒 停。 子 將 楽陽軍 其 仕 不 郎。 出 壬辰 見賊者高 駐箚 史嵩之進 庚寅 夢 月、 ,韶:「李全 大 劉 理 賓 卿、 雲 之叛 循 權 升 刑 /、 推東 部侍

二月癸丑,帝謁太廟。

三月乙酉,詔京城內外冤征商三月。 丁酉,日生抱氣、承氣

罹殃,反以捷聞,詔褫職罷祠。 夏四月癸亥,以寶章閣直學士桂如淵頃帥蜀日,北兵攻城,不能合謀死守而遁,致軍民 丁卯,起魏了翁,以集英殿修撰知遂寧府。

豈不上干陰陽之和?」詔都大坑冶魏峴罷職。癸巳,太白經天,晝見。戊戌,詔:「今後齊民 其女繼之,弟大聲因赴愬死于道路,杰知不免,毒其二子一妾,舉火自經而死。 有罪,監司、守臣毋輒籍沒其家,必具聞俟命。」 有致咎之徵。比聞蘄州進士馮杰,本儒家,都大坑冶司抑爲鑪戶,誅求日增, 杰妻以憂死 成,神御妥安,薛極、鄭淸之、喬行簡並復元官。」辛卯,臣僚言:「積陰霖霪,歷夏徂秋,疑必 五月己丑,詔:「昨鬱攸爲災,延及太室,罪在股躬,而二三執政,引咎去職。 民冤至此 今宗廟崇

六月乙丑,熒惑、塡星合于婁,熒惑順行犯塡星。 丙子,韶諸獄官不理他務。

難,詔贈宣敎郎,官一子文林郎。 太府少卿、總領淮西財賦,陳貴誼端明殿學士、同簽書樞密院事 居民,諭叛將,以全闔郡,以功特轉官三資。」太白入井。丙戌,監楚州 秋七月甲申,詔:「近歲北兵再入利、閬,迫近順慶,承奉郎胡元琰攝郡事,能收散卒,定 張煥同時被創,害及其家,詔轉官一資。 大軍倉富起宗軍變死 丁酉,以吳潛爲

泗 自 橋 遏金 十三人及第、出身有差。 八 月 兵。 乙卯, 己未, 起真 《德秀爲徽猷閣待制、知泉州 魏了翁以寶章閣待制、 壬 申 , 太白、歲星合于張。 潼 川 安撫 丁巳, 使 甲戌,新作玉牒殿, 知 泗 瀘 州 州。 路分劉 乙 <u>北</u> 虎、 賜 副都統董琳焚斷 奉 進 安 上 徐 累朝玉 元杰等四 一牒。 盱

九月乙巳,雨雹,雷。

里 月己 四 1,有流 星大 如 (太白。 庚戌,彗星出 于角。 戊辰 史爾遠乞歸田 里, 詔不允。

多十月戊子 以 星 變 大赦。 金將 以盱眙軍來降, 赦盱眙 改爲招信軍。

十一月己巳,喬行簡累疏乞歸田,詔不允。

合 圳 園 汴京, **奉**臣 凡 月丙 金主 七 表 子 、請聽政,從之。 奔歸德府, 朔 進封 才人賈氏 尋弈蔡州 韶:外朝大典, 爲貴妃。 , 大元再遣使議攻金, 辛巳, 不敢輕改, 皇太后 宮中 不豫。 史嵩之以鄒 自 服 \pm **三年** 午,大赦。 伸之報 喪。 時宋 謝 皇太后崩。 與大元兵

江 准 制 六 伴 置 存 大 使 IF]-[兼 己酉, 知 建 康府、行宮留守, 以少 傅、保寧軍節 加 食 度使、嗣 邑 几 百 秀王 戸 0 師 戊 彌 辰, 判 史彌遠 大宗 正 加 事, 食 邑千 趙 善湘光禄

公 趙葵祕 月 T 丑: 書 監 兼 大 徐侍講 行皇太后 余 天 錫 諡 禮 日 恭 部 聖仁 侍 郎 兼 烈 侍 皇 后。 讀 以 癸 趙 卯,熒惑犯 范爲工部 東 侍郎 兼 1 1 - 書門下省檢正

本紀第四十一 理宗一

三月丙辰,大雨雹。

夏四月壬寅,葬恭聖仁烈皇后于永茂陵。

五月庚戌,太白、熒惑合于柳。 鄧州移刺以城來降。

六 八月丁 酉,史嵩之刑部侍郎、 兼京湖安撫制置使兼 知襄陽府。

秋七月,敗武仙于浙江云。

八月,拔唐州。

九月壬寅朔, 日有食之。 辛亥, 祀明堂,大赦。 辛酉,經筵官請以御制敬 天、 法祖、事

親、齊家四十八條及緝熙殿榜、殿記宣付史館。

醴泉觀 旨 鄭清之光祿大夫、右丞相 解. 樞 少監,並賜同 密院 政, 長孫同卿直寶章閣,次孫紹卿、 冬十月,江海 宜 使 事 加 陳貴誼 ,進封會稽郡 優禮。 進士 領襄 出 參 長子 身。 知政事 主 軍從大元兵合圍金主於蔡州。 ,宅之權戶部侍郞 ,仍奉朝請, 兼樞密使, 丙戌, 兼簽書樞密院事 史爾遠進太師、左丞 良卿 加食邑一千戶。 加食邑封。 會卿、 兼崇政殿 o 晉卿並承 詔:「史彌 以薛極為 相兼樞密使、魯國公, 丁亥, 甲申, 事郎 次子字之直華文閣 遠有定策大功, 勤勞王室, 樞密使,喬行簡參知政 史彌遠保寧、昭信軍節度使,充 史宅之太府少卿, 女夫趙汝謀軍器少監 加食邑一千戶 、樞密院副 史字之將作 事釈 今以 孫 间 都 疾 承 知

秀 夫 兼 艄 崇 福 建 榟 官 安 撫 使。 乙未 丑: , 史 詔 彌 催 遠 與之、 薨 鮰 李重、鄭性 中 書 万, | 之赴 追 封 衞王 闕 庚寅, 諡 忠 戲 以 顯 詔 護閣 戒 貪 待制、 吏。 知 福 州 眞

淫 使 子 大 E 不 恥 忮 洞 以 賜 趙 退 害 祿 十 葵 復 金 小 帝 帶 中原 韶 入 人, 月 丙 之。 見 午, 納 Z 癸亥, 帝 如 Ē, 之。 眞 丙 詔 問 寅, 給 、德秀、 改 以金 進 丁 事 明年爲端平元 趙葵兵 權 卯 中 丁. 事 魏了 · 莫澤等言 詔 部 ,對曰:「今國家兵 趙 部 尙 翁當 葵 侍 書 任 郎、淮 |趙范言:「宣 聚之于 年。 責 差提 (防禦。 東 舉千 朝 、制置使 未 力未 ٠, 戊 ·秋 和 帝 以 辰 鴻 海 是 贍 兼 魏 禧觀 上 其言 禮部 了翁 了, 姑 知 之盟, 揚州 梁成 從 爲 郎 和議 命 華文閣 ò 中 厥 大 咨 甲子 洪 初 暴狠 變泊 「た」 甚 咨 變進 堅 , 待 , 貪 臺 王遂 俟 制 (梦, 苟 臣 迄以 根 数: 同 劾 本 知 為監 刑 旣 今 廬 取 賤 部 壯 H 福 州 無 察 尙 急 恥 御 書 淹 其 務 莫澤]]] 事 詔 史 帝 進 不 安 奪 凞 \Box 君 μJ 貪 成

蜀 袁 府 士 漢 韶 知 奪 戊 紹 申 職 興 月 馧 府 洪 罪 戊 师 兼 狀 寅 祿 浙 顯 夔 著 言 東 史宅之繳 壬 安撫 資 辰 詔 趙 臺 政 使 善湘 殿 臣 納 學 甲 賜 土 申 有 第 討 趙 , , 提 吳 李 詔 善 舉 潛 全 給 湘 洞 太 賜 功 霄宮 陳 府 本 特 咳 卿 家 袁 寢 , 鄭 韶 免 仍 仍 損 , 准 奉 納 仇 陳暖 西 家 路 視 總 廟 彌 善 興 領 遠 類 加 財 庚 赋, 諂 怙 辰 鄭 附 勢 損 暫 以 肆 溯 落 兼 喜辛 遠 姦 沿 職 極 與祠 江 失 險 爲 制 觀 江 忮 置 文殿 准 傾 危 知 荆 建 大 康

本

紀

第

74

+

理

詣 州 死, Ŧŀ; 鍾震、陳公益、李性傳、張處並兼侍讀。 守令者各二人,三衙、統帥、 均 責防禦。 華文閣待制,仍知隆興府、江西安撫使。 樞密院言,詔:「京西忠順統制江海、棗陽同統制郭勝, 二秩勒停。 三代,曾祖子奭贈太師、吳國公,祖伯旿贈太師、益國公,父師意贈太師、越國公。」戊辰,以 拘管。遇赦還軍前自効有功,並敍復元受軍職。」史嵩之露布告金亡,謹遣郭春按循故壤, 奉先縣汛掃祖宗諸陵。 並益兵飭備、經理唐、鄧屯田 承麟爲亂兵所殺,執其參知政事張天綱。 趙范依前沿江制置副使,權移司知黃州,史嵩之權京湖安撫制置使兼知襄陽府,陳韡 端平元年春正月庚子朔, 太白、熒惑合在斗。戊申,金主完顏守緒傳位于宗室承麟。 乙巳,賜故少傅、權參知政事任希夷諡宣憲。 還師屯信陽。命王旻守隨州,王安國守棗陽,蔣成守光化,楊恢守 知閣、 韶求直言; 、御帶、環衞官, 徐清叟、黃朴、李大同、葉味道並兼崇政殿說書。辛 韶:德安三關使彭哲,去年十月北兵至,棄關遁,削 侍從、卿監、郎官,在外執政、從官, 丙寅、詔:「太師、中書令榮王已進王爵,宜封 在外總管、軍帥, 向因所部兵行級,坐不發覺除名,廣 丙午,詔趙范兼淮西制置副使,任 舉堪爲將帥者各二人。 己酉,城破,守緒自經 舉堪爲監司、

一月辛未,監察御史洪咨襲言:「上親政之始,斥逐李知孝、梁成大,其諂事權姦 黨私

Ш 图 安撫制置 上 一,倡 淫 、贖貨 使銀 知興元府。 罪大罰輕。」詔李知孝削一 Ţ 亥, 詔 端 平元年正 秩, 靇 洞 月以前 ; 梁成大削兩秩。 諸命官貶竄物故者 壬申,以趙彦吶爲四 ,許令歸 葬

陽省 1謁八 = 月己酉 陵 ,以賈涉子似道爲籍田令。辛酉,詔遣太常寺主簿朱揚祖、閤門祗候林拓詣洛

憂。」不 賞 王遂 國 家 司 其 益嚴守備猶恐不逮,豈可動色相賀,渙然解體, 臣 審 言:「史嵩之本不知兵, 金 丙戌,以滅金獲其主完顏守緒遺骨告太廟,其玉寶、法物丼俘囚張天綱、完顏 睦族之意 (弟潛 .僚言:「江淮、荆襄 降 實以聞。 月辛未, 人夾谷奴婢 達道 戊寅,歲星守太微垣上相星。 韶遣朱復之詣八陵,相度修奉。 庚寅 大宗正 譽 改姓同 任 韶授孟珙帶御器械,京、 用 諸路 司、南外西外宗正 非 名鼎, 矜功自侈, 類 都大提 詔 王 吳淵落右文殿修撰,吳曆落祕閣 點坑冶 聞顯、呼延實、來伯友、石天瑞、白華各授官有差。 謀身 一司,其 壬午, 吳淵, 7詭祕, 襄部押官屬 ,申嚴州郡,以時贍給,違者有刑。」監 監察御史洪咨夔言:「今殘金雖滅 丁 丑: 恃才貪虐,籍 以重方來之憂?」上嘉 欺君 , 詔:「比年宗親貧窶,或致 识國, 陳一薦、 留之襄陽一 人家貲以 修撰 江海官兩 、數百 納 並 日 放 甲申 萬計 轉,餘論功行 則有 罷 失所 好海等命 隣國 掩爲己 察御 日 日之 甚 生 史 方 T 非

|武、 傳 恤 西京嵩山崇福宮, 辰 居 、陳宓、樓昉、徐宣 住 ,以趙范爲兩准制置使、節制軍馬兼沿江制置副使。 麻沙、長平。 仍各錄用其子,以旌忠義。 梁成 大潮州居住 陳韡權工部尚書、知隆興府、江西安撫使。 胡夢昱皆阨於權姦, ,莫澤南康軍居住, 戴生,其復元資,以勵士風。」建陽縣盜發,衆數千人,焚刼邵 而各行其志,沒齒無怨,其賜諡、復官、優贈、存 並再降授官, 壬戌,以崔與之爲端明殿學士、提舉 尋盡 丙寅, 詔:「黃幹、李燔、 追爵秩。 詔魏了翁赴闕。 李道 丙

婁拱、統領楊辛討捕建陽縣盜。 御 兼 銘 山。 史兼 同 之進 知 六月戊辰朔,鄭淸之等進奏選德殿柱有金書六字曰:「毋不敬,思無邪。」上曰:「此坐右 作自 徐侍講。 庚午 樞 忠宣(10)。 三兵部 密院事。 請爲尼,特賜慧淨法空大師,紹興府月給衣資緡錢。」詔殿司選精銳千人,命統制 - , 熒惑、塡星合于胃。 尙 戊寅,以喬行簡知樞密院事 書。 熒惑犯塡星。 己卯,詔:「故巴陵縣公竑可盡復本身官爵 禁毀銅錢作器用 辛巳, 丙戌, 壬申、詔蠲潭、泉、興化三州丁米錢。丙子,以李鳴復爲侍 井貿易下 詔故端明殿學士、開府儀同三司 有流 ,曾從龍參知政事,鄭性之簽書樞密院事 星大如太白。 戊子 有司其檢視墓域,以 日晕不匝,生格氣。 史綱遠贈資政殿大 ず,陳貴誼 時致祭。

秋 -一月乙巳,韶嘉興縣王臨年百二歲,補迪功郎致仕。

|范言:「趙葵、全子才輕遣偏師復西京, 趙楷、 府、西京留守。 陵 歸 詔:進士何霆編類朱熹解注文字,有補經筵,授上文學。 詔范用吉降武翼郎,徐敏子削三秩放罷,楊義削四秩,勒停自效。己酉,眞德秀言:權臣罔 燈、趙楷並削三秩放罷。又言:「楊義一軍之敗,皆由徐敏子、范用吉怠於赴援,致不能支。」 詔:趙葵削一秩,措置河南、京東營田邊備; 知開封府、東京留守,趙葵京河制置使、知應天府、南京留守, 上,講筵官亦傅會其言,今承其弊,有當慮者五事,丼及|泉障寇盜、鹽法之弊。 相去幾何及陵前澗水新復,楊祖悉以對,上忍涕太息。乙亥,以趙范爲原河關陝宣撫使、 附 軍民,仍榜論開封、應天、 冬十月己卯, 眞德秀進大學衍義。 九月庚子,趙范依舊京西、湖北安撫制置 八月癸酉,詔:「河南新復郡縣,久廢播種, 十一月壬子,原、湖制司創鎭北軍,詔以襄陽府駐箚御前忠衞軍爲名。 甲午,權邵武軍王埜以平建陽寇有功,官兩轉,餘推賞有差。 河南三京。」甲戌,朱揚祖、林拓朝謁八陵回,以圖進, 辛卯,陳貴誼薨,贈少保。 全子才削一秩,措置唐、鄧、恩營田邊備 大使,知襄陽府。 劉子澄參贊失計,師退無律, 民甚艱食,江、淮制司其發米麥百萬石 辛丑, 熒惑入井。 全子才關陝制置使、知河南 致後陣敗覆。 壬戌, 太白經 帝嘉納之。 壬寅, 上問 往

趙

月己卯,大元遣王檝來。 戊子,王檝辭于後殿。 辛卯,遣鄒伸之、李復禮、喬仕安、

校勘記

劉溥

報謝,各進二秩。

- 原作「麋漂」,據宋史全文卷三一、陸心源宋史翼卷二二本傳改。
- 以葛洪爲端明殿學士同簽書樞密院事 「密」字原脫,據本書卷四一五本傳補。
- 冬十月癸巳 「十」下原有「一」字。按此處「十一月」重出,而癸巳、甲寅兩日都應在十月,「一」字
- 郡縣繫囚不實書曆 「不」原作「干」,據宋史全文卷三一改。

當行,今刪

- 公宝し 依舊京東忠義諸軍都統制 會以李全爲京東忠義軍都統制,此處所謂依舊者當即指此,不應重出「舊」字,今刪。 「依舊」下原重出「舊」字。 按周密齊東野語卷九, 嘉定十一年宋朝
- (<u>冷</u>) 趙葵換福 七本傳作「左驍衞上將軍」。 州 觀察使右聽衛大將軍 「驍」下原衍「騎」字, 據本書卷一六六職官志刪。 本書卷四
- (七) 宗室司正 本名希堪,因寧宗命爲太子後賜名搢,後改思正。 按本書卷四五理宗紀、卷二四六莊文太子傳都載有思正,卒于理宗景定元年。 「司正」疑爲「思正」之誤。 思正

記

完 敗武仙于浙江 縣 境。 又金史卷一一八武仙傳載有「分軍新野、 按本書卷四一二孟珙傳載擊敗武仙的地點, 順陽、 淅川 馬蹬山、石穴山、鮎魚砦都在淅川 「徙淅川之石穴」等語。 此處「浙

江」當爲「淅川」之誤。

、 た し 趙葵入見帝問以金事對曰今國家兵力未瞻姑從和議 「帝問以金事」疑誤、 按宋史全文卷三二

作「上曰:金韃交爭,和好如何?」續通鑑卷一六七考異說:「趙葵所言暫與之和,指蒙古而言。宋

, 史作『帝問以金事』而葵對以和, 轉似與金和矣。 此時宋方助蒙古攻途,何故反欲議和耶?宋史

係刪削之誤。」

.00 史彌遠贈資政殿大學士諡忠宣 考異卷六七說,「此別是一人」。 袁朔延祐四明志卷五史彌堅傳說, 按上文,史彌遠已于紹定六年諡忠獻,本書卷四一四史彌遠傳 史彌堅爲資政殿學士諡

。鄭眞四明文獻卷上同。「史彌遠」當爲「史彌堅」之誤。

宋史卷四十一

本紀第四十二

理宗二

司馬 爲大元通好使,從義郎王全副之,尋以武功郎杜顯爲添差通好副使。 孟珙黃州駐箚,措置邊防。 光、蘇軾、張載、 端平二年正月丁酉, 程顥、程頤等十人從祀孔子廟庭,升孔伋 太陰行犯太白。 丁巳,孟珙入見。 甲寅, 辛酉,以御前寧淮軍統制、借和州防禦使程芾 韶議胡瑗、孫明復、 + 哲。 邵 丙辰,詔主管侍衞 雍、 歐陽脩、 周 敦頤、 馬軍

二月甲子朔,日當虧不虧。 癸酉,歲星守氐。 壬午,太白、塡星合于胃。

楊谷、楊石並升太師,尋辭免。 三月乙未,詔:太學生陳均編宋長編綱目, 乙巳,曾從龍兼同知樞密院事,眞德秀參知政事 進士陳文蔚著尚書解, 並補 迪功郎。 丁, 兼給 丁酉 事 中、

本紀第四十二 理宗二

兼侍讀陳卓(1)同簽書樞密院事。

瓿 居温州 夏 四 ,簿錄其家。」丁卯,都城火。 丁亥,太白晝見。 月甲子,詔:|前四川制置鄭損,城池失守,且盜陝西五路府庫財鉅萬, 戊子,大閱。 有流星大如太白。 削官二秩,

制 雹。 Ħ. 月 甲辰,眞德秀薨,贈銀青光祿大夫,諡文忠。 庚戌,以喬行簡兼參知政事 乙未,雨雹。 軍民交関,御前諸軍都統制趙勝削三秩,罷,命韓昱代之。 丙申,大

旧 事 曾從龍知樞密院事兼參知政事,崔與之參知政事,鄭性之同知樞密院事,陳卓簽書樞密院 夫、右丞相兼樞密使。 己卯, 葛洪 資政殿大學士, 予祠祿。 更削兩秩, 竄南劍州 賜進士吳叔告以下四百五十四人及第、出身有差。 六月壬 申 太陰入氐。戊寅,以鄭淸之爲特進、左丞相兼樞密使, 己丑, 熒惑入太微垣。 庚辰,流星晝隕。祈雨。 壬午,以 喬行簡金紫光祿大 庚寅, 詔鄭

扩。 秋 庚申,禮部尚書<u>魏了</u>翁上十事,不報。 -1 月丁酉,有流 星大如太白。戊戌, 太白經天。 辛丑,流星晝隕。 丙午,太白入東

飾 平 子才、劉子澄坐唐州之役棄兵宵遁,子才削二秩,謫居衡州,子澄削二秩,謫居瑞州。 、特進、銀青光祿大夫趙方諡忠肅。 閨 2 劉當 七月戊寅、詔錄開禧圖難死事之臣,大安知軍楊震仲孫忠孫補下州文學; 丙戌,故保寧軍節度使魯國公安丙諡忠定。 乙酉,賜少 利州路常 丁亥,全

八月癸巳,歲星入氐。乙卯, 以太師趙汝愚配享寧宗廟庭, 仍圖像于昭勳崇德之閣。

丁巳,太白犯太微垣右執法。

九月癸未,崇國公主薨。

冬十月辛 卯,有流 星大如太白。 己未,塡星犯畢,歲星、太白合于心。

為隨 軍 馬,鄭性之兼權參知政事。戊辰,詔兩督府各給金千兩、銀五萬兩、度牒千、緡錢五 軍資。 十一月乙丑,以會從龍爲樞密使、督視江淮軍馬,魏了緣同簽書樞密院事、督視京湖 臺臣李鳴復論曾從龍、魏了翁督府事,不允。 戊子,安南國貢方物。

密使。 議官。 翁 亥,塡星守天街星。 陛解, + 甲辰 以魏了翁兼督視江淮軍馬。 二月庚寅, 詔事 干機速, 曾從龍薨, 曾從龍六疏乞寢樞密使命,依舊知樞密院事、督視 庚子, 許便宜行之。 贈少師。 詔官告院製修武郞以下告身給督視府。 余嵥同簽書樞密院事。 癸巳, 吳潛樞密都承旨、督府參謀官, 四川制置 司遣將斬叛軍 庚戌, 故參知政事 首 太陰入井。 趙善瀚、 賊蒲世興於萬州。 江淮軍馬。 馬光祖 李壁諡文懿。 壬寅, 詔許辭樞 督 i府參

年 本 春正 紀 第 月已未朔, 四 + 理 以星行失度,雷發非時,罷天基節宴。 宗 詔勸農桑。 八〇九 賜安南 國王封

爵、襲衣、金帶。 丁卯,塡星犯畢。 壬申,大元兵連攻洪山,張順、翁大成等以兵捍禦之。

蜀、京、襄捍禦十事,不報。 詔魏了翁依舊端明殿學士、簽書樞密院事,其速赴闕。 之淮西制置使兼副使。辛亥,日暈周匝。甲寅,左曹郎官趙以夫上備邊十策。 卒,趣具姓名來上。 壬寅,詔侍從、臺諫、給舍條具邊防事宜。 甲辰,起居郎吳泳上疏論准 二月甲午,詔以大元兵攻江陵,統制李復明奮勇戰沒,其贈三秩,仍官其二子,死傷士 韶史嵩

虎乘火縱掠,襄陽爲空。 癸丑,詔悔開邊,責己,其京湖、興沔州軍縣鎭見繫囚情理輕者釋之。 學士,姑仍制置職任。階、岷、疊、宕十八族降。 官民兵四萬七千有奇,其財粟三十萬、軍器二十四庫皆亡,金銀鹽鈔不與焉。 三月乙亥,吳潛赴闕。是月,襄陽北軍主將王旻、李伯淵焚城郭倉庫,相繼降北。時城中 夏四月丙申,太陰入太微垣。己酉,魏了翁乞歸田里,詔不允,以資政殿學士知潭州。 制置使趙范坐失撫御,致南北軍交爭造亂,詔削官三秩,落龍圖閣 有諜者以檄招曹友聞軍降,友聞斬之以聞。 南軍主將李

入畢。 五月戊寅,提舉萬壽觀洪咨夔依舊兼侍讀。己卯,有流星出心,大如太白。辛巳,太陰 甲申,趙葵華文閣直學士、淮東安撫制置使兼知 揚州

塡星合于畢。丙午,熒惑犯塡星。庚戌,大雨雹。 六月丁亥,流星夕隕。 己亥,洪咨夔卒,詔與執政恩例,贈二秩,諡忠文。 癸卯, 熒惑

改 節 知 授 政 鄓 範 事 秋 太常 李 庚 -1: 月 申 鳴 小 丁 復 以 卿 Ė 後 簽書 趙 昌裔 范 祈 樞 晴 失 太常 密 襄 院 城 詔 卿。 事 罪 權 徐 重 庚午 戊辰 罰 州 國 輕 熒 監察 [安用 詔 、惑入井。 靇 力戦 御 職 史杜範、 奉祠 而 戊寅 歿 吳昌 已 辛 太 酉 贈 裔 陰 順 入東 太 以言 昌 陰 軍 并 入 節 事 氐 度 不 使 報 甲 丁 申 仍 卯 上 Ë 雨 疏 其子 以 血 乞 鄭 罷 性之 或 官 興 承

禦自 效 . 月 丙 癸 . | |皮 卯 言語 詔 趙范 前 龍 更削 圖 閣 學 兩 土 秩 調 光 居建 祿 大 寧府 大、贈 開府 李 虎 儀同 削 三司 秩 落 傅伯 刺 史, 成 靇 諡 忠簡 御 器 楲 各 令任 責 捍

諸 諡 學 樞 毅 軍 密 統 使 節 九 醴泉 鄭清之 月 制 立 曹友 庚 廟 觀 申 使 日 聞 龍 ٠, 太白 褒忠,官其二子承務郎 兼侍讀 與大元 爲觀文殿 、歲星合于尾。 兵大戰丁大安軍 以崔 大學士、 與之爲 醴 庚 石丞 泉 午, 觀 陽 雷 相 使 平 兼 兼 關 侍 辛 樞 , 讀 未 密 兵 使。 敗 右 祀 明 丞 死 壬 堂 相 之, 午 兼 ٠, 大赦。 詔 樞密 驍 贈 衞 龍 使 雷 大 圖 將 喬 雨。 閣學 行 軍 乙亥, 簡 共 利 罷 州 爲 大中 左 駐 觀 文 箚 丞 殿 相 御 前

寅 制 廟 置 賜 大元兵 冬十日 使 額 陳 宗室 · 月乙 韡 破 應 固 援 酉 師 始 一,詔 准 檟 縣, 東 死 一殿前 准西將呂文信 尤溪之戰 授准 西 司 將 制 贈 胡斌 置 使 武 杜林率潰兵數萬叛,六安、 兼 節 , 囊死 沿 郞 官官 江 邵 制 其 武 置 之寇,贈 一子 副 使 進義 史嵩之應 武 校尉 節 大 夫, 霍丘皆爲羣盜所據。 援 立 廟 江 有 陵 林嶺。 司 峽 爲 州 丌 甲 江 後 午 面 授 F 官 流。」壬 丙午, 沿 因 舊

本

紀

第

74

+

理

宗

_

成

都

安南 兵離 或 貢 方物,詔 ,大元兵破文州 授 金紫光祿大夫、靜海 ,守臣劉銳、通判趙汝曏死之。 軍節度、 觀察等使, 賜襲衣、 金銀帶。 大元太子闊

依舊資政殿學士,知紹興府、浙東安撫使,吳潛、袁甫、徐淸叟赴 卿監、宰掾、樞屬、郎官、鈴轄,各陳防邊方略。 太元 + 月戊午,詔嗣 兵圍光州, 詔史嵩之援光,趙葵援合肥,陳韡遏和州 秀王 師彌授少師。 丙寅,以喬行簡爲特進、左丞相兼樞密使,封 甲戌,太陰入太微垣。 , 爲淮西聲援。 闕。 壬申,詔侍從、 戊寅,復成都府。 "戊辰, 兩省、臺 魏了 肅 國

宮。 轉左武大夫,其餘立功將士,具等第、姓名推賞。 癸卯 十二月戊戌,以吳淵戶部侍郎、淮東總領 未 ,宣繒薨,以定策功,赠太師,諡忠靖。 鄭清之辭冤觀文殿大學士、 體泉觀 酸使兼侍 財賦兼知鎭江府。 甲寅, 讀 池州都統趙邦永以接滁州功 詔仍舊觀文殿大學士、提舉 壬寅, 詔改明年爲嘉熙元 詔 洞霄

江 以 駐 名 州縣,間有招集振卹,尙慮恩惠不周,流離失所。江陰、鎭江、建寧、三、太平、池、江、興國 箚 程 上。辛酉、以李重 嘉 再暹官三轉 熈 元 年春正月乙卯,以魏了翁知福州 帶行閣門宣贊舍人、京西鈴轄兼 同知樞密院事、四川宣撫使。 兼福建安撫使。 甲子,詔:「兩淮、荆襄之民,避地江南, 知隨州 丁巳, 賞其洪山 韶京西兵馬都監、隨州 戰功,餘有功將 趣

豐 江 陵 境 內流民, 其計 口給米,期 十日竣事以聞。」癸酉, 熒惑守鬼宿。 壬 午,流星大如

太白。

宗 卯 申 勉 詔 ii 以 一簽書 月癸 朱 忠 | 熹通 . 義 未朔 樞 選 密院 鑑 鋒 ()以鄭 綱目 張順、 事 性之知 下 屈伸等, 李鳴 · 國 子 復罷 福密院· 監 以 以以 丼) 舟師 進經筵。 資 事兼參知政 (政殿 戰公安縣之巴芒有功, 學士 己酉, 知 事,鄒應龍端明殿學士、簽書樞密院事 紹 太白 與府。 1畫見, Z 日暈 各官一 酉 葛洪薨。 周 轉, 匝 餘 壬 推 寅 恩有差。 雨 雹。 丙

賜 諡 文靖 月癸亥 以 孟 H 珙 爲 忠 州 生背氣。 團 己巳,詔 練使、知江 陳韡、史嵩之、趙葵各官 陵府、 京西 湖北 安撫副使, 兩 轉。 別之傑寶章閣待制、 Z 支, 魏了翁薨,贈 少師 知太

平州。

雷 敵 壓 進 度 境 使 各 掛 而 開 鮰 夏 忠 几 武 國 棄官 節 奉 子。 月 翼 朝 口 壬 大 尙 遁 請, 夫 午朔,以李重 丙 申 特 進 夔 餘 與官 封 路 贈 詔 天水 鈐 官 轄、 兩 有 郡 轉 差 同知 淮 開國 知 策 恩州 |庚子 應 樞密院 侯, 軍 田 ', 熒 戰 加 興 宣 事、 食 惑 隆 化 邑; 四川 犯 獨 權 兩 與芮武康 自大安德勝堡 星。 軍 宣 撫 殺 使、知 丙 傷 午 相 軍 當, 節 詔 成 都府。 度 至潼 陣 亡將 使、 沔 州 $\overline{\Pi}$ 提舉 校 諸 壬 辰, 逆 李 鎭 萬 仙 戰 將 .壽 弟貴謙保 數 帥 王 觀 合 , 昨 海 仍 雖 以 奉 李 兵寡不 大元兵 康 雄 朝 軍節 廖

五月丙辰,袁韶薨。太陰犯熒惑。壬申,京城大火。丙子,熒惑犯將星。

提刑李壽朋,被命三月,不即便途之官,遂還私舍,詔削三秩,送建昌軍居住。詔建內小學, 辰,祈雨。丙午,以吳潛爲工部侍郎、知慶元府兼沿海制置使。知黃州兼淮西安撫使、本路 癸巳,以鄒應龍爲資政殿學士、知慶元府、沿海制置使。乙未,太白、塡星合于井。甲 六月壬辰, 詔賞斯州都統制萬文勝、知州徐稟守城之功, 將士在行間者, 論功補官有

擇宗子十歲以下資質美者二三人,置師敎之。

等十一人各官一轉。辛酉,太陰犯歲星、塡星入井。庚午,歲星守建星。壬申,日生背氣。 癸酉,太陰入井。 光州、信陽抵合肥,制司參議官李曾伯、廬州守臣趙勝、都統王福戰守,俱有勞效。」詔曾伯 秋七月壬子,湖北提舉董槐朝辭,奏楮幣物價重輕之弊。己未,樞密院言:「大元兵自

李宗勉簽書樞密院事。甲辰,詔:圖雞冠隘都統王宣戰歿,其總管吳桂棄所守走,又縱部 八月甲申,太師、秦國公汝愚追封福王。乙酉,塡星犯井。癸巳,以李鳴復參知政事,

伍剽劫,削三官勒停。 冬十月戊戌,有流星大如桃。 九月壬子,塡星留于井。癸丑,有流星出七公西星,至濁沒。丁巳,雷。

辛 + 太 史言十二月 月戊 辰, 詔 朔 陳驊、史嵩之、趙葵於沿江、淮、 F 食將既 日 與金、木、水、 火四星俱纏于斗。 漢州軍, 備舟師戰具, 防遏衝要堡隘。 韶損膳避朝,庶圖消

十二月戊寅朔,日有食之。

弭,

令有

司

一檢會故實以

聞

州召 趙葵 詔 宣使 **亟具名以** 二人,三衙、 陸直 刑 赴 華文閣 依 一年春 部 闕。 舊 尚書 聞 帶 諸 正月戊申朔,詔令侍從、臺諫、卿監、郞官、帥臣、監司、前宰執侍從舉曉暢兵財各 甲子 御 知知 光州、 軍 制置 器 統 建 械。 兩浙 制舉將材二人。己未,詔史嵩之、趙葵應援黃州、安豐,其立功將 寧府。 並 信陽二城,共圖克復。 如舊 史嵩 轉運 之端明殿學士,依舊京湖安撫 逆判官王 余玠. 知招信軍兼淮 辛酉, 面 還, 東制置 詔: 進 史嵩之進端明 對, 一司參議官,進三秩, 劾吳潛 制置使 知平 **兼沿江制** 殿學士,視執 江府 置副 不法 孟. 珙 厲民數 使、 寧遠 政 士等第, 兼 恩 数; 知豐 軍 承

稱、歲 京 西 例 荆 月 湖 宜 甲 南 申 有 北路、江 成 大 、說。」又 理 少卿朱揚 四 奏:「裕 軍 馬, 置 祖充押件使,借章服、 財之道 司 鄂州。),莫急於去贓吏,藝祖治贓 癸巳,大宗正 金魚。 丞 買 庚寅, 似道 吏 奏言:「北 詔 史嵩之以 杖殺朝堂 使 參 將 孝宗眞决刺 知 至 一,地界、 政 事 督視 名

本

紀

第

四

+

理

宗

宜施蕩宥之澤。淮西被兵,恩澤亦如之。 丑, 檝還, 以朱揚祖充送件使。 癸卯, 以孟珙爲京湖安撫制置副使, 置司松滋縣。 面,今日行之,則財自裕。」戊戌,詔:「近覽李悳奏,知蜀漸次收復,然創殘之餘, 其降德音,諭朕軫恤之意。」大元再遣王檝來。 綏撫爲急,

百萬。下都督參政行府犒師。乙亥,詔四川被兵州、軍、府、縣、鎮井轉輸勞役之所,見禁囚 事。庚申,詔史嵩之兼督視光、蘄、黃、巙、施州軍馬。戊辰,發行都會子二百萬、幷湖廣九 高宗、孝宗、光宗、寧宗四朝國史、實錄。癸丑,以高定子爲中書舍人、京湖江西督視參贊軍 人情理輕者釋之。詔四川帥臣招集流民復業,給種與牛,優與振贍。 三月己丑,命將作監周次說爲大元通好使。壬子,以李心傳爲秘書少監、史館修撰,修

夏四月癸未,以李廛同簽書樞密院事,督視江淮、京湖軍馬。己酉,雨土。太陰入太微

閏 门月丁未,太陰入井。甲子,有流星大如太白。

垣

二人及第、出身有差。 壬申,賜禮部進士周坦以下四百二十

酌行之」。韶允所請。韶:嚴州布衣錢時、成忠郎吳如愚以隱居著書,並選爲祕閣校勘。 丙戌 事。 五月辛巳,太白晝見。癸未,以李鳴復知樞密院事,李宗勉參知政事,余天錫簽書樞密 甲申,喬行簡請「以兵事委李鳴復,財用委李宗勉,楮幣委余天錫,當會議者,臣則參

詔崔與之提舉洞霄宮,任便居住,李鳴復復參知政事 0 壬寅,歲星犯壁壘陣

六月甲辰朔,流星晝隕。 戊申, 吳淵知太平州 措置采石江防。 以吳潛爲淮東總領 財

賦、知鎭江府。丙寅,李重薨,特贈資政殿大學士。

秋七月壬午,以霖雨不止, 烈風大作, 韶避殿、減膳、徹樂, 令中外之臣極言闕 辛

卯,有流星大如太白。壬寅,熒惑犯鬼,積尸氣。

八月辛酉,太白晝見經天。癸亥,流星晝隕。

九月壬午,熒惑犯權星。 子雕生。 甲申,封宮人謝氏爲永寧郡夫人。 乙未,有流星大

如太白。

七砦。 子。 畝, 賣之以贍流民,以佐砦兵。」從之。熒惑入太微垣。 辛未,復光州 冬十月庚戌,雷。 其強壯二萬可籍爲兵,近調五百援合肥,宜補時順官。 丁卯,吳潛言:「宗子趙時睡集眞、滁、豐、濠四郡流民十餘萬, 戊辰,太白入于氏。 又沙上蘆 場田 己巳, 可得二 團結. 十餘萬 日生黑

十一月甲申,子維薨,追封祁王,諡沖昭。

額, 自明年始更减免三年,其四路合發總所綱運者亦免。 十二月丙午,光州守臣董垚臣伏誅,司戶 柳 臣 舉 ·配雷 戊辰,詔: 州 乙卯、詔 諸路和糴給時直,平槪 四川諸州縣鹽 酒 榷

本紀

量 **好科抑**, 申嚴收租苛取之禁。 己已,出祠牒、會子共七百萬紙,給四川 制司爲三年生券。

密使; 史嵩 年春正月癸酉,以喬行簡爲少傅、平章軍國重事 之右丞 相 | 銀幅 密使, 督視 兩准、 四 川 京湖 軍 , 封益國公; 馬; 余天錫 多知政 李宗勉為左丞相兼樞 事 ; 游 佀 同簽

軍馬。 二月丙午, 己己, 韶史嵩之依舊兼都督江西、湖南軍馬。 進兵。 丁卯, 又命嵩之都督江淮、京湖、四

書樞

密院

事

督 部]]]] 行 尚書,依舊沿江制置安撫 府參謀官。 三月辛未朔, **窟**趙邦永, 流星晝隕。 以吳潛爲數文閣直學士、沿海制置使兼知慶元府。 坐救滁不 使兼都督行府參贊 辛卯 ায় 士。 軍 事 , 李曾伯兼都督行 府參議官 甲戌, 以別之傑權兵

孟 珙

兼都

夏四月壬 寅,祈 雨。 癸 入卯,以 吳淵 權工 部尚書、沿江制置 副使、 知江州。

五 月辛未 熒惑犯 太微 垣 一執法星。 戊寅, 以吳潛爲兵部尚書、 浙 西 制置使、知鎮江府。

辛 卯 喬 行簡 五 疏乞罷機政,詔不 允。

秋 八月戊戌朔 七月庚午, 以董槐 以浙江潮思, 知江州 告天地、宗廟、社稷。 兼 都 督 行府參議官。 以游侣參知政 甲申,以吳淵兼都督行府參贊 事 許應龍簽書樞密院 軍 事

事 ,林略同簽書樞密院事。 己亥,熒惑入氐。 辛丑、太陰入氐。 有流星大如太白。

惑犯房宿。

九月辛巳,祀明堂,大赦。 壬午, 淮西敢勇將官陸旺、李威特與官三轉, 同出戰二百人

官兩轉,以賞廬州磨店北之功,其陣沒者優與撫恤。

冬十月丁未,故太師魯王謝深甫賜諡惠正。 己未,出祠牒百給濟處州。 秉義郎李良守

癸亥,熒惑、太白合于斗。

乙丑、虹見。

十一月丙子,以范鍾簽書樞密院事。

鄂州長壽縣,沒於戰陣,詔贈官三轉。

十二月已未,觀文殿大學士崔與之薨,贈少師,諡淸獻。 辛酉、太白書見。 甲子,復變

州、錄荆鄂都統張順、孟璋等將士戰功。

四年春正月辛未,彗星出營室。 庚辰,以星變下詔罪己。 辛巳,有流星大如太白。

午,彗星犯王良第二星。

一月丙申朔, 日生背氣。 戊戌,· 大赦。 辛丑,流星晝隕。白虹貫日。 丁未,太白晝見。

癸丑 以孟珙爲四川 宣撫使兼 知夔州 節制歸、峽、鼎、澧州 軍 馬。 丙 .辰,白氣 亘天。

三月辛未, 詔四四 川 安撫制置 副使彭大雅削三秩。 彗星消伏。 乙酉,流星晝隕

本紀第四十二 理宗一

宜見錄用。」上嘉納之。乙巳,詔史嵩之進三秩,依前右丞相爺樞密使,即日徹都督局。 東南能助之,則變足以自立。」又言:「張祥有保全趙彥吶、楊恢兩制置之功,敵人憚其果毅 卒爲亂,趙彥吶忌忠勇不救,彭大雅險譎變詐,殊費關防。 夏四月壬寅,前潼川運判吳申進對,因論蜀事,爲上言:「鄭損棄邊郡不守,桂如淵啓潰 宜進孟珙於變門。 夔事力固乏,

五月庚午,太陰入太微垣,歲星、太白合于婁。 甲戌,太陰入氐。 乙亥,子壽國公薨。

戊子,命吳曆兼侍讀,李性傳兼侍講。

亥,追赠儒林郎|王鞏爲通直郎,官其一子爲文學,以丙申閩破, 鞏闔門死於兵。癸丑,太白 犯天關星。戊午,有流星大如太白。 廳陳承己妻彭氏爲恭人,賜廟閬州,以強寇入奉國縣市,承己爲賊所創,彭爲賊死之。辛 六月甲午朔,江、浙、福建大旱,蝗。乙未,祈雨。己亥,太白犯畢。辛丑, 迫封閬州簽

毋隱。」又詔有司振災恤刑。太白入井。甲戌,太白、熒惑合于井。已丑,熒惑、太白合于鬼。 秋七月乙丑,詔:「今夏六月恒陽,飛蝗爲孽,朕德未修,民瘼尤甚,中外臣僚其直言闕失

八月己酉,熒惑、塡星合于柳,太白犯權星大星。 癸丑,熒惑犯塡星。

溯淮入河抵汴,所向有功,全師而還。至是,論功定賞,是役將士趣以名上所司議推恩。 九月乙丑,詔余玠進三秩,直華文閣、淮東提刑、節制招信軍屯戍軍馬。以玠咋帥舟師

多十月癸巳,詔改明年爲淳祐元年。 丁巳,命余玠兼節制應天府、泗、宿、永、海、

徐、漣水屯戍軍馬。

|鄂都統制張順,以私錢招襄、漢潰卒,創忠義、虎翼兩軍及援安慶、池州有功,特與官兩轉。 十一月甲子,熒惑入太微垣。己巳,熒惑犯太微垣左執法星。 癸酉、韶:武功大夫、荆

丙子,與芮妻錢氏封安康郡夫人。 辛巳,熒惑犯太微上相垣

十二月甲辰,奉國軍節度使、提舉萬壽觀多謨薨。 丙辰,地震。 已未, 韶求直言。

中半,其會半以十八界直納,半以十七界紐納。戊寅,以吳潛爲福建安撫使,史宅之爲浙東 知政事,徐榮叟簽書樞密院事。 閏十二月丙寅,李宗勉薨,贈少師,賜諡文淸。以游侣知樞密院事兼參知政事,范鍾參 庚午, 詔繫囚情理輕者釋之。乙亥, 詔民間賦輸仍用錢會

安撫使。

興以 不得其傳,至我朝周惇頤、張載、程顥、程頤,眞見實踐,深探聖域,千載絕學,始有指歸。 來,又得朱熹精思明辨,表裏混融,使大學、論、孟、中庸之書,本末洞徹,孔子之道,益以 淳祐元年春正月庚寅朔,詔舉文武才。庚子,雷。 股每觀五臣論著, 啓沃良多, 今視學有日, 其令學官列諸從祀, 以示崇獎之意。」 甲辰,詔:「朕惟孔子之道,自孟軻後 中

本紀

第四十

理

宗二

宋 史 卷 四 + <u>.</u>

黜之。丙午,封周惇頤爲汝南伯 尋以王安石謂「天命不足畏,祖宗不足法,人言不足恤」,爲萬世罪人,豈宜從祀孔子廟庭, ,張載郿伯,程顥河南伯,程頤伊陽伯。 丁未,太陰入氐。戊

帛有差。 製道統十三贊,就賜國子監宣示諸生。 申,幸太學謁孔子

,

遂御崇化堂,

,命祭酒曹觱講禮記大學篇,監學官各進一秩,諸生推恩錫

二月戊寅,日生晕。 壬午,喬行簡薨,諡文惠。

夏四月丁丑, 詔以 與芮爲開府儀同三司、萬壽觀使、嗣榮王, 貴謙開府儀同三司、嗣沂

王。 辛巳,以賈似道爲太府少卿、湖廣總領 以財賦。

使、充萬壽觀使師貢爲少師。己亥,詔沿江淮西制置使別之傑任責邊防。 五月庚寅,以少師、保寧軍節度使、判大宗正事、嗣秀王師彌爲太子少保, 戊申,賜禮部進士 奉國軍節 度

徐儼夫以下三百六十七人及第、出身有差。

六月庚申, 太白晝見。 螟。 癸酉, 有流星大如太白。 己卯,流星晝隕。 丙戌, 熒惑入

氐。

秋七月壬 一辰, 祈 雨。

八月辛巳,楊石薨,贈太師。

多十月庚辰 太白入氐。

月戊戌,太白晝見。 己亥,淮東提刑余玠以舟師解安豐之圍。 己巳,太白經天晝

見。

銜 忽,罪重罰輕,乞更竄責。 十二月丁卯,余天錫薨,贈太師,賜諡忠惠。丁丑,侍御史金淵言:彭大雅貪黷殘忍,蜀 韶除名,贛州居住

二年春正月甲申朔,詔作新東治。戊戌,右丞相史嵩之等進玉牒及中興四朝國史、孝宗

經武要略、寧宗玉牒日曆會要實錄。

參 知 政事,徐榮叟參知政事,趙葵賜進士出身、同知樞密院事,別之傑簽書樞密院事。 二月甲戌,以游侣知紹興府、浙東安撫使,請祠祿,詔提舉洞霄宮。 范鍾知樞密院事兼

三月戊子,詔 和州、無爲軍、安慶府,並聽沿江制置司節制。 詔今後州縣官有罪, 諸帥

司毋輒加杖責。

夏四月甲寅,白氣亘天。壬申,雨雹。

五 |月己亥,|淮東制置副使|余玠 進對。 戊申,臺臣言知建寧府吳潛有三罪,詔奪職,罷

新任。己酉,以趙葵爲湖南安撫使、知潭州

本紀

第四十

理宗

六月壬 子朔,徐榮叟乞歸田 里,從之。 丁巳,詔以余玠爲四川宣諭使,事干機速, 許同

制

;臣共議措置,先行後奏,仍給金字符、黃榜各十,以備招撫。 丙寅, 以別之傑同知樞密院

事 兼權參知政事,高定子簽書樞密院事,杜範同簽書樞密院事。 是月盛夏積雨,浙右大水。

丁丑,歲星犯井。

秋七月辛巳朔,常、潤、建康大水,兩准尤甚。

八月丁卯、韶:淮東先鋒馬軍鄧淳、李海等揚州撻扒店之戰,宣勞居多,各官兩轉,餘推

恩有差。

保義郎,更官其一子承信郎,厚賜其家。餘人恤典有差。」 王温等二十四人戰天長縣東,衆寡不敵,皆沒於陣。 贈温武翼大夫、吉州刺史,其子興國補 九月庚辰朔,日有食之。己丑,雷。辛卯,祀明堂,大赦。癸巳,詔:「淮東忠勇軍統領

多十月甲寅,史嵩之進封永國公。乙丑,大元兵大入通州。

後功。己亥,日南至,雷電交作,詔避殿減膳,求直言。癸卯,詔決中外繫囚 十一月辛卯,詔諭兩准節制李曾伯,毋以通州被兵之故,不安厥職,其督勵諸將,

連攻愈州,帳前都統楊大全等水陸並進,自卯至午戰十數合,歿于行伍。詔贈武節大夫、眉 雖已奪三秩,厥罰猶輕。其追毀出身以來文字,竄南雄州。」壬戌,太白晝見。癸亥,大元兵 十二月己未,詔:「通州守臣杜霆,兵至棄城弗守,載其私帑渡江以遁,遂致民被屠戮,

州 大使、變路策 防禦使,官其二子承節郎。 應 大使,余玠權資政殿學士、湖南安撫大使兼知潭州 丙寅,以 孟珙爲檢校少保,依舊 寧武軍節 \subseteq ,趙葵資政殿 度使、京湖 安 大學士、 摭 制置

福建安撫使、知福州。

閣 功臣號,特增「守義」二字(四)。 祕 閣 待 修撰,依舊沿江 制,依舊准 三年春正月戊寅朔,以高定子兼參知政 東西 制置 制置使、知揚州; 一副使、 知江州、主管江西安撫司 杜杲敷文閣學士,依舊沿江 事。 庚辰, 熒惑入氐。 事。 辛丑,詔安南 制置使、 乙未, 以李 或 知 于 建 陳 曾伯為 康 府 日 煚 元賜 董槐 華

陲。 庚午,以郢州 二月乙丑,以呂文德爲 推官黃從龍 福 州觀察使、 死節,詔贈通直郎,一子補下州文學。 侍衞 馬 軍 副 都指 揮使, 總統 兩准出戰 軍馬, 樂邊

三月丁丑朔,日有食之。

守臣 江 東 程 與之進所著周禮 路鈴李季實 夏四月癸 立之固守,詔官一轉。 丑: 一,左武 往馬 訂 帥王鑑 衛中郎將、濠州措置捍禦王烈,閤門宣贊、准 議,補下州文學。 丙辰 軍 一前議事 安豐軍 ,遇大元兵戰死,赠官,仍各官其二子。 統領陳友直以王家坳戰功,與官兩轉。 西路鈴王杰, 乙卯 出門 **T**: 市 祗候、 嘉定 有

八二六

五月 庚子 , 詔施州創築郡城及關隘六十餘所, 本州將士及忠州戍卒執役三年者, 各補

轉一官。

六月甲戌,有流星大如太白出于氐。

郎, 「官其子進勇副尉。 秋七月丁亥, 詔海州 太白入井。 屯駐借補保義郎申政, 壬辰,四川 制 司言:大元兵破大安軍 密州之役先登陷陣,後以戰沒, 一、忠義 副總管楊 特贈保義 世 威

氣。己亥,太白經天晝見。

堅守魚孔隘,孤

壘不降,

有特立之操,可任責邊防。

韶以世威就知大安軍

甲

牛,

日生格

八月乙卯,流星晝隕。 癸亥,韶福州延祥、荻蘆兩砦, 倂置武濟水軍, 摘本州廂禁習水

者充,千五百人爲額。

各官三轉,餘轉官有差; 閏月丁丑,四 川總領余玠言,知巴州向佺、鈴轄譚淵,白土坪等戰有功。 其中創人各給緡錢百,陣沒者趣上姓名,贈恤其家。 韶怪等十八人 太白犯權星。

壬寅,太白塡星合于翼。

九月壬申,詔蠲高郵民耕荒田租。

冬十月丙戌,太白入于氐。

十二月己丑,史嵩之五請祠,不允。

校勘記

- (1) 兼給事中兼侍讀陳卓 按宋史全文卷三二作「守吏部尚書兼給事中兼侍讀陳卓」。
- \exists 建建寧 這句列舉沿江州縣,但是建寧并不沿江,疑是「建康」之誤。
- (三) 佘玠權資政殿學士湖南安撫大使兼知潭州 部侍郎、四川安撫制置使棄知重慶府」,「別之傑爲資政殿大學士、湖南安撫大使棄知潭州」。本 此處史有脫文。按宋史全文卷三三說:「余玠權兵

書卷四一六本傳,卷二一四字輔表淳励二年十二月丙寅條、卷四一九別之傑傳,與宋史全文同, 據此,「權」下疑脫「兵部侍郎四川安撫制置使兼知重慶府別之傑爲」之文。

(国) 特增守義二字 「增」,原作「贈」,據本書卷四八八交趾傳改。

水

本紀第四十三

理宗三

刑二銘 戰,多有勞效,宜第功行賞。|詔|)政趣上立功將士姓名等第,卽與推恩。 依舊淮東安撫制置使、知揚州兼淮西制置使。戊午,樞密院言:「四川帥臣余玠,大小三十六 **蚧華文閣待制** 几 年 春正月壬寅朔,詔邊將母擅興暴掠,虐殺無辜,以慰中原遺黎之望。 戒飭中外。以李鳴復參知政事; 依舊四川安撫制置使、知重慶府銀四川總領財賦,李曾伯寶章閣直學士, 杜範同知樞密院事; 劉伯正簽書樞密院事; 庚申,以余玠兼四川 帝製訓廉

一月癸酉,出封椿庫緡錢各十萬,命兩淮、京湖、四川制司收瘞頻年交兵遺骸, 立爲義

塚。

屯田使。

夏 [几] 月 子 丑: ,有流星大如太白,出于尾。 癸未,塡星守太微垣。 乙未, 祈 雨

吐渾將 鄒 瘁 詔 致 神 應 背 赴 大帶行 韶价 龍薨,贈少保、監察御史。 樞密院禀議,發緡錢百 Ш 五. 魔候鄭蔡,捍禦壽春,俱有勞效,詔各官資兩轉, 月 , 諸城工役, 次第就緒。 轉右武大夫、文州刺史。 庚 遙郡刺 戌 ,余玠言:「利閬 史。 丁巳、武功大夫、雄威軍都統制楊价世守南邊、連年調戍播 萬,詣兩淮制司犒師。庚申,守闕進勇副尉桂虎、進義副尉 城大獲山、蓬州城營山 胡清獻劾淮 神臂山城 戊午,大元兵圍壽春府, 成,知瀘州曹致大厥功可嘉,乞推賞以勵其 西提刑徐敏子三罪,詔削 ~, 渠州 給緡錢千。 呂文德節制水陸諸 城大良平 乙丑, - , 嘉定城舊治 , 兩秩,送江州 前簽書樞密院事 軍 解 州 居住 臣 \ 徐。 」 詔 瀘州 **捍禦勤** 楚富 有功 城

功將 資 任便居住 士留夢炎以下四百二十四人及第、出身有差。 有差。 上皆補 六 月庚午朔,呂文德依舊侍衞馬軍副都指揮使兼淮西招撫使、知濠州。 詔 壽春一 轉有差。 軍先涉大海,擣山 乙未,有流星大如太白出于畢。 東膠、密諸州有 壬午, 韶:安豐軍策應解壽春圍將 功,今大元兵圍城,能守城不隳 丙申, 吳潛提舉隆興府玉隆 乙亥,賜禮 上補 萬壽宮 漢,其立 部 轉官 淮

永州 東安縣、飛虎軍正將吳龍、統制鄭存等討捕有功、詔補轉官資有差。 秋 -6 月己亥朔 派 祈 雨。 乙卯,招收沿淮 失業壯丁爲武勝軍 ·,以五 千人為 甲子,詔:「故直龍 額。 辛 酉 一、盗發

圖 閣 項安世 正學直節,先朝名儒, 可特贈集英殿修撰。」

八月壬辰,太白晝見。

于軫。 臣言嚴州 去,帝曰:「經筵賴卿規益,何事 官推賞有差。 卒 贈少師, 九月癸卯,右丞 甲寅, 及紹興、蕭 封鄭 京湖制司言,諸將李福等破 己未,將作監徐元杰上疏論史嵩之起復, 國 П 公, 相史嵩之以父病謁告,許之, 等縣,征商煩苛,詔 賜謚文靖。 引去耶?」癸亥,太白犯斗宿距星。 韶史嵩之起復右丞相 申州、 | 極罷之。 蔡州 韶范鍾、 西平縣 宜許其舉執政自 劉伯 兼 城 樞 壁及馬家等砦, 密 正 暫 使。 乙丑,雷 領 癸 相 代。 丑: 事 熒惑、 帝 甲 丁卯、雷 韶將士 不允, 辰 塡 史 遂求 各 星合 彌 補 忠

冬十 月甲戌, 詔慶元府守臣敦諭史嵩之赴闕,嵩之控辭,不允。 壬辰, 杜範、游侣 提

萬壽觀兼侍讀江。

月辛丑、詔趣游侣、杜範 赴闕。 戊申 雷。 庚戌、詔陳韡、 李性 傳 赴 阙

密院 伯正 參 知政 月庚午,以范鍾爲左丞相 乙亥,鄭清之授少保,依舊觀文殿大學士、醴泉觀使兼侍讀, 事 ,兼簽書樞密院事 0 詔 兼樞密使,杜範爲右丞 戒飭百官。 許右丞相史嵩之終喪。 相 兼樞密使,游 仍奉朝請, 甲戌,以趙葵同 佀 知樞密院事 進 封 德 知 返

本紀第四十三

理

宗三

公。

五 年春正月丁酉朔,詔更新庶政,綏撫中原遺民。 丙午,杜範辭免右丞相,不允。

酉、雷。 乙卯,以李性傳簽書樞密院事 兼權參知政事

其陣沒人,具姓名贈恤。 壬辰,太白晝見經天 二月丙寅朔 ",雨土。 丁丑,范鍾等上玉牒、日曆及孝宗光宗御集、經武要略、寧宗實錄。

三月庚子,詔嚴贓吏法,仍命有司舉行彭大雅、程以升、吳淇、 徐敏子納賄之罪。 準|淳

戰。」詔:「王雲贈三秩,仍官其二子爲承信郎,王寬、王立、田秀、董亮、董玉各加贈 震之守城死於兵, 平縣靈山 夏四月甲申,塡星犯上相星。丙戌,杜範薨,贈少傅,諡清獻。 戰順陽鐵撅峪,皆有勞效,野戰數十合,雲等六人被重創死, 詔進贈官三秩,一子與下州文學。|京湖制司言:「鈴轄王雲等襲 戊子,余玠言權巴州 路鈴于江一 恤 鄧州 |于江 軍 鎭 何

官,並因其任。 等各轉一官資。」詔李曾伯、余玠、董槐、孟珙、王鑑職事修舉,曾伯、玠升閣職,槐、珙、鑑 轉

五月丁酉,呂文福、夏貴上戰功,詔貴官兩轉,文福帶行閣職。丁未,詔三沿江、湖南、江

禦。 西 湖 戊 廣 申 , 兩渐制帥漕司及許浦水軍司, 日 生 一赤黄 行氣。 辛亥, 詔董槐赴闕。 共造 輕捷戰船 7 已,准東制置使李曾伯辭免焕章閣學士 千艘, 置遊擊軍壯士三萬人, 分備

六 月 甲申 ·,所雨。 丙戌 ,工部侍郎徐元杰暴卒, 贈四 一秩。 置詔獄 從之。

李山 德 湖 流 民 制 屯 等 디 秋 駐諸 言 四 甲 -1: 辰 總 月 十七七 軍戰守將 一,祈 癸巳朔, 制 人官 元 國 雨。 用 土,推 日 Z 轉。 師衆戰裕 有 卯, 食之。 恩有 呂 詔給徐元杰、劉漢弼官田 文德言與大元兵 差。 州 旱。 拐 河三 辛 <u>i</u>: 一、戦黑 鎭江、常州亢旱, 戦 五 Ш 河险 戰 五 大 百畝 口 神 , Ш 兴緡 又戰于濠州 詔監 皆 錢 有 五 司、守臣及沿江諸郡安集 干, 勞効。 恤 大元兵還。 其家 詔 國 用官 丁 E, 兩 轉, 京 文

月庚 辰 范鍾 再乞歸 田 一,不允

太宗、 山山 倉 了, 又 庫、 九 寧宗 力 糗 月甲 戰 糧 並 、 器 有 辰 侑 功。」 甲 京湖 大 詔 路 赦 整 將 制 官 武 置 兩 勝 司 轉 等 言:「劉整等率精銳以 几 同 人死之; 行察貴等二百二十人各官一轉。 略 廣陽 焚列 雲梯四 屯 面 岩栅、 廬 登鎮 平縣城, 辛亥, 舍凡二十 人城 祀 明堂 ·餘所; 老戦 奉太 焚城 還 抵 靈 中

本 紀 月乙 第 29 未 -= 鄭 清 理 之乞歸田 宗 Ξ 一, 不 允。丙申,詔: 師彌典司屬籍,職 事 修舉 授太傅 加

廟, 瞻恤其家。 關貴、白傅才各贈承節郎, 官其一子進勇副尉。 領關貴、統制白傳才率衆復洋州,還遇大元兵交戰,將士百五十三人皆陣沒,已耐饗閔忠 都縣楊兌、權資州劉永、權潼川府魏靄死于官守,其各贈官三轉,仍官其一子。 邑,依前判大宗正事、嗣秀王。 壬子, 詔:大元兵入蜀, 權成都府馮有碩、權漢州王驤、權成 癸丑,詔:將

趙葵知樞密院事兼參知政事,李性傳同知樞密院事,陳韓兼參知政事。壬午,太史奏來歲正 節度使、開府儀同三司、萬壽觀使,仍奉朝請,弟嗣沂王貴謙、嗣榮王與芮並加授少保。以 旦日當食,詔以是月二十一日避殿減膳,命百司講行闕政,凡可以消弭災變者,直言毋隱。 奉國軍節度使,依前醴泉觀使兼侍讀,仍奉朝請,賜玉帶及賜第行在。兄與懽換授安德軍 十一人各官三轉,劉用等補轉官資有差。己卯,以游侶爲右丞相兼樞密使,鄭凊之爲少師、 十二月甲戌,詔壽春守臣劉雄飛等以大元兵圍城捍禦有功,雄飛及呂文福、林子密等

六年春正月辛卯朔,日有食之。 置國用所,命趙與篙爲提領官。

再辭,詔提舉洞霄宮,任便居住。 一月戊辰,范鍾再乞歸田里,詔官三轉,觀文殿大學士、體泉觀使兼侍讀。 庚午,以劉雄飛知壽春府,節制屯田軍馬。 己巳,范鍾

三月癸巳,日暈周匝,珥氣。

蘄 黄屯田 夏四月辛酉,太白晝見。 副使。 丁丑,日暈周匝。 壬戌,太陰犯太白。 戊寅、詔:「朱熹門人胡安之、呂燾、蔡模並迪 甲戌,以丘岳兼兩淮 屯田 副使、賈似 功郎,本州 道兼

州學教授。給札錄其著述,并條具所欲言者以聞。」

暈五. 江德 兩准 轉官資以 安豐軍,所至數戰,將士陣亡者衆。」詔:「倪政贈官三轉,官一子承信郎;許通、夏珪、孫才、 ,統制汪懷忠等逆戰趙家園,拔還俘獲人民,路鈴夏貴,知州王成、倪政等, 仙各贈官兩轉,官其一子下班祗應,給緡錢恤其家;餘立功將士恩賞有差。」辛丑,月 閨四月辛卯,李曾伯以臺諫論,詔落職予祠,尋罷祠祿。 聞。 癸卯,余玠言:北兵分四道入蜀,將士捍禦有功者,輒以便宜推賞, 具立功等第補 韶從之。 戊戌,呂文德言:「今春 帥 北兵攻 舟 師援

置馬,帥臣其務獎激將士,以嚴邊防 五月庚申,詔賈似道措置淮西山砦城築。 壬戌,太白犯權星。 己卯,詔諸鎭募兵、造舟

乙卯,臺臣言李鳴復、劉伯正進則害善類,退則蠧州里。 六月甲午,保信軍節度使希丞薨。丙午,祈雨。壬子,以陳韡參知政事 韶鳴復落職罷宮觀,伯正削一 兼同知樞密院事

所全活甚衆,詔補 秋 七月壬戌,泉州歲饑,其民謝應瑞非因有司勸分,自出 進義校尉。 丁卯,太陰犯斗。己巳,呂文德言:「北兵圍壽春城,州師至黃 私錢四 十餘萬糴米以振 鄉井,

本

籼

第四

家穴 先等二十二人,傷者四百三十七人,贈恤恩賞有差。 ,總管孫琦、呂文信、夏貴等戰龍堽, 有功。」詔文德官 癸酉,有流 二轉, 星出自室,大如太白 餘依等第轉補; 其陣沒董

子肖翁被俘逃歸。」詔叔丁等贈官恤後有差 叔 實錄院檢討官。 Ĵ 、簽書判官楊仁舉,淳祐元年冬北兵攻城 八月辛卯,太陰犯房。 壬子,太白晝見。癸丑,以劉克莊兼崇政殿說書。 己酉,賜文士劉克莊 兩家二十餘人死于難, 進士出身 ,以爲 秘書少監兼國 樞密院言:「前知普州 叔丁孫嗣祖、仁舉幼 史院編修官、 何

知 江陵 九月甲子,有流星出 府 棄變路策應使。 宇斗, 太白 書見。 大如 太白。 癸酉,孟珙薨,贈 戊辰,以買似道爲敷文閣直學士、京湖制置使、 少師

冬十月己丑,少保、嗣榮王與芮之子賜名孟啓,授貴州刺史。 乙未,塡星、歲星、熒惑合

于亢。己酉,太白入氐。

蜀 깘 廟。 ,前四川制置使陳隆之闔家數百 十一月癸亥,歲星入氐。 死 事 史季儉、楊戡子各賜官 甲戌,右丞相游侣 兩 口 轉,官一子。」 罹害,死不易節 五請歸田里,詔不允。 ,其特賜徽猷閣待制 辛巳, 官其二子, 詔:「北兵 賜諡

論 史嵩之無父無君,醜聲穢行,律以無將之法,罪有餘誅,乞寢宮祠,削官遠竄 +-二月乙未,詔史嵩之依所乞守金紫光祿大夫、觀文殿大學士、永國 公致仕言 臺諫

大臣 + 年 春 其 Ē 月乙卯 乃心 務 朔, 舉 詔 實 政 間 以 者 組 輯 逐非 寧 我 才 邦 ,收 家 召衆 若 辭 IE 浮 于 史嵩之已令致 實 玩 惕 嵗 月 事 肸 示 不 何 復 賴 用 爾

郎 優 與升 一月庚 擢 寅 。」已亥 詔 「淮安主 貴 妃 賈氏薨。 簿 周子 鎔 戊 , 久俘 申 , 日 子北 暈 周 數遣 匝 蠟書課報 壬 亨 , 詔 改 邊 潛 事 邸 爲 今遂 龍 翔宮 生 還 口 改 朝

授孟

啓宜

州

觀

察

使

就

内

小

學。

三月庚午,祈雨。

部 使、 趙 讀 以 希 銀 鄭 知 淸 墍 趙 五. 夏 潭 葵爲 禮 之爲 千 DU 州 萬 部 月 지정 尙 太 -j-樞 甲辰 書 密 亥 傅 付 使 督 督 塡 右 兼 趙 視 視 星 參 丞 葵 犯 行 行 相 知 兼 元。 府 府 政 兼 知 趙 參 事 樞 建 攢 庚子 葵 密 康 督 調 軍 府、 使 以以 用 事 視 ٥ 江 行 封 王 准 庚 宮 伯 越 戌 留 大簽書 京 或 守、 出 西 公 緡 江 湖 錢 游 樞 東 出出 密 千 佀 安 軍 院 萬、 罷 撫 馬 爲 事 使, 銀 觀文殿 陳 + 吳潛回簽書樞 應 韡 五 軍 萬 知 行 大 樞 兩 學 調 密 土 祠 度 院 牒 並 密院 事 千、 聽 醴 泉 便 湖 絹 事. 宜 南 觀 萬 行 安 使 空 井 事 撫 兼 ; 大 侍

緡 錢 五 五 千 月 給 甲 其 寅 寧 准 祈 軍 雨 統 制 壬 申 張 忠 以 吳潛 Ш 兼 一,手 權 參 搏 北 知 政 將 事 俱 o 溺 乙亥,御 水 死 集英殿 贈 武 略 策 大 夫, 官 詔 求 子 直 言 承 弭 信 旱。 郞

本

紀

第

匹

+

=

理

宗

=

詔中外臣僚士民直陳過失,毋有所諱。戊申,詔:「旱勢未釋,兩准、襄、蜀及江、閩內 六月癸巳,賜禮部進士張淵微以下五百二十七人及第、出身有差。 丙申,以旱避殿減

地,曾經兵州縣,遺骼暴露,感傷和氣,所屬有司收瘞之。」 秋七月己未,太陰犯心。乙丑,吳潛罷。丁卯,以別之傑參知政事,鄭寀同簽書樞密院

己卯,吳潛依舊端明殿學士、知福州、福建安撫使。

薨,赠少保。丙午,蔡抗進其父沈尚書解。 子下州文學。壬寅,詔監司、守臣議荒政以振乏絕,租稅合蠲減者具實來上。甲辰,高定子 八月甲申,鄭宋罷。辛卯,雨。 辛丑,前彭州守臣宇文景訥死事,詔贈官、進三秩,官一

九月丙辰,有流星出于室。癸酉,雷。

冬十月辛巳,太白晝見。己酉,臺臣言添差、抽差、攝局、須入、奏辟、改任、薦舉、借補

曠職、匿過十弊(冒)。

十一月丁巳,詔:「茶陵知縣事黃端卿爲郴寇所害,進官三秩,官一子將仕郎,立廟衡

ß 1

十二月辛巳,李鳴復卒。 壬辰,詔:「太學生程九萬自北脫身來歸,且條上邊事,賜迪功

戰渦 歲 陰 師。 河 圖之戰,父子俱死於兵,贈智潤修武郎,子承節郎, 時 生 河、龜 詔 存 黄 八白暈。 問,以厚風化。 趣上立功將士等第、姓名推賞。乙丑, 年春二月丁亥,趙葵言呂文德洎諸將解泗州之圍有功, 山有勞,聞其步兵多山東人, 癸巳,雨雹。 辛丑,趙葵表:「招、泗斷橋,將上用命, 乙未,福州福安縣民羅母年過百歲,特封孺人, **遂調史用政等襲膠州** 雨雹。 更官其一子承信郎 甲戌, 詔三先鋒軍統制田智潤泗州 , 兵退。 復襲高密縣,以牽制侵准之 詔補轉推賞 陳奕、譚涓玉、王成 , 給緡錢五千恤其 (有差。 復其家, 戊子 敕有 , 潮 司

亥 (,贈朝奉郞]程克己妻王氏同沒王事,進贈安人。 夏 四 月庚辰,韶淮東制置司於泗州立廟, 祠夏皋及張忠、田智潤父子,賜額以旌忠節。

五月癸亥,趙葵進三秩。

六月乙酉, 日生赤黃暈 周 而 0 戊戌,以徐鹿卿爲樞密使兼參知政事兼侍講(語)。

有流星出河鼓,大如太白。

密 院 事 秋 七月戊 史宅之同簽書 申、太白 [入井。 樞密院事,趙與灪資政殿學士,依舊知臨安府、浙西 辛亥,以王伯大參知政事,應繇同知樞密院事,謝方叔簽書樞 安撫使。

八三九

土伯大罷爲資政殿學士、知建寧府。

九月辛酉、祀明堂、大赦。雷。

告身付之。 金 叔 並兼參. 銀器二百兩、銀三百兩、緡錢一萬,餘將士依等第轉官,給金銀符、錢帛有差。」詔命詞、給 多十月甲戌朔,別之傑三疏乞歸田里,詔以資政殿大學士知紹興府。 知 政 事。 己卯,余玠言:「都統制張實等以戰功,承制 便宜與官三轉,給 乙亥、應繇、謝方 刺史象符、

詔 置 制 補 以官 一藥局 帥 承 務郎 嚴 九年春正月乙巳,孟啓授慶遠軍節度使,進封益國公。 勸論覺察。」癸亥,詔給官田 H 療貧民疾病。 三百畝給表 ,襲封崇義公。 忠觀,旌錢氏 乙丑,雨雹。 辛酉、詔:「兩准、京湖沿江曠土,軍民從便耕種,秋成日官不分收, 功德,仍禁樵採。 丁卯,許應龍薨。 五百畝 ,命臨安府創慈幼局,收養道路遺棄初生嬰兒,仍 己巳,范鍾薨,贈少保,諡 庚申, 韶周世宗八世孫柴彥穎 文肅。

使; 應繇、 閨二 三月癸未,以賈似道爲寳文閣學士、京湖安撫制置大使。 月甲辰, 謝方叔 並參知政 以鄭清之爲太師、左丞相兼 事; 少宅之同知樞密院事。 樞密使, 進封魏國公; 乙卯; 鄭清之五辭冤太師,許之。 乙酉、程元鳳江、淮等路都大 趙葵爲右丞相兼樞密

提點 坑冶鑄錢公事 棄 知饒州。 丁亥,詔以四月朔日食,自二十一 日 避殿減膳 微樂

夏四 月 壬 一寅朔: 日有食之。 庚戌,趙葵四辭免右丞 相 · 兼樞密 使 ,詔不允。

五月己丑,趙葵乞歸田里,又不允。甲午,鄭宋薨。

六月壬 戌晝,南方有星,急流至濁沒,大如太白。 丙寅, 韶邊郡各立廟一 賜額

忠 ,凡沒于王事 忠節顯著者,並祠焉,守臣春秋致 祀

秋七月壬辰,韶知 吉州李義 山 更削三秩,監臟錢銀納安邊所。 癸酉,太白犯進 賢

八月已酉 ,以吳潛爲資政殿學士、知紹興府、浙東安撫使。 辛亥, 詔趣趙葵治事 丁, 命吳

淵宣諭赴闕。

九月丙子,詔趙與隱提領戶 部 財用,置新倉,積貯百二十萬,名淳祐倉, 許辟官四

乙未,册命婉容閻氏爲貴妃。

冬十月辛丑,太白入氐。 丁卯,諫臣周坦言:知建寧府楊棟任成都制幕時 、盡載激賞庫

珍寶先遁,陷丁黼于死,致全圈生靈 一塗炭。 詔褫棟! 閣 職 ,罷新任

用、浙西安撫使。 十一月辛未,太白入氐。壬申,有流星出自織 癸未,應緣乞歸田里,詔以資政殿學士 女星。 一知平江 丙子,趙與懲資政殿學士、 府 提領 國

十二月己亥,以董槐兼侍讀。 乙巳,以吳潛同知樞密院事 兼参知 政事 徐清叟簽書樞

密院事。戊申,太白晝見。戊午,史宅之薨,贈少師。

十年春正月甲午,應綴三乞歸田里,與祠祿。

二月乙卯,雨土。

爲端明殿學士、兩淮制置大使、淮東安撫使、知揚州;余玠龍圖閣學士,職任依舊;李會伯 三月癸未,趙葵辭,以爲觀文殿大學士、醴泉觀使兼侍讀,奉朝請。 庚寅,以賈似道

徽猷閣學士、京湖安撫制置使、知江陵府。丙申,有流星夕隕。

夏四月己酉,幸龍翔宮。

五月丙寅朔,以福州觀察使、提舉佑神觀善班爲保康軍節度使、提舉萬壽觀、嗣濮王;

官選人,減舉主三員。 吳淵資政殿學士,依舊職任,與執政恩數。癸未,賈似道言王登浚築江陵城濠有勞,詔登初

八月甲寅,台州大水。

九月甲子朔, <u>賈似道兼淮西安撫使。己巳,賜禮部進士|方夢魁以下五百一十三人及</u>

第、出身有差。 甲戌,進士第一名方夢魁改賜名逢辰。 戊寅,以嚴州水,復民田租

多十月丁酉,詔郡邑間有水患,其被災細民,隨處發義倉振之。辛酉,詔諸主兵官,今

後行罰,毋杖脊以傷人命。

未,以雷震非時,自二十四日避殿減膳。詔:「公卿大夫百執事各揚乃職,裨股不逮。」參知 政事謝方叔吳潛、簽書樞密院事徐淸叟並乞解機政,詔不允。 十一月壬申,趙葵授特進,依舊觀文殿大學士、判潭州、湖南安撫大使。 壬午,雷。

十二月壬辰朔,鄭淸之乞歸田里,詔不允。戊戌,太白、歲星合于危。丁巳,虹見。

犯昴。乙卯,太白晝見。 酉,詔淸之等各進秩有差。庚子,游侣乞致仕,詔依舊觀文殿大學士,進二秩。甲寅,太白 海沿江州郡,申嚴水軍之制。監察御史程元鳳言,資善堂宜選用重厚篤實之士,上嘉納之。 二月乙未,左丞相鄭清之等上玉牒、日曆、會要及光宗寧宗寶訓、寧宗經武要略。丁 十一年春正月丁卯,詔孟啓改賜名政,依前慶遠軍節度使,進封建安郡王。己丑,詔沿

茂、黎、雅邊防。 詔移一軍戍守,李庭芝進一秩,將士推恩有差。 俞興升成都安撫副使、知嘉定府,任責威 戊寅,以謝方叔知樞密院、參知政事,吳潛參知政事,徐淸叟同知樞密院事。辛巳,城寶應, 三月丁卯,少保、保寧軍節度使、嗣濮王不擅薨,贈少師,追封新興郡王。乙亥,雨土。

表其門。丁未,進淳施條法事類凡四百三十篇,鄭淸之等各進二秩。 夏四月戊戌,潭州民林符三世孝行,一門義居,福州陳氏,笄年守志,壽逾九袠,詔皆旌

史、權知襄陽府、管內安撫,節制屯戍軍馬。乙巳,詔求遺書丼山林之士有著述者,許上進。 六月甲午,四川余玠奏進北馬五百,詔立功將士趣上姓名推恩。丙申,高達帶行遙郡刺

秋七月癸亥,太白晝見。丙寅,太陰入氐。壬申,太白入井。丁丑,有流星出于畢,大

如太白。庚辰,前簽書樞密院事陳卓薨,贈少師。

書,付史館謄寫,昉追贈龍圖閣待制。辛亥,詔:「比覽林光世易範,明易推星配象演義,有 御前諸軍都統制。 庚戌,詔以故直<u>龍圖閣樓昉所著中興小傳百篇、宋</u>十朝綱目幷撮要二 八月己丑朔,流星夕隕。癸巳,太陰入氐。丁酉,熒惑入井。丁未,命呂文福廬州駐箚

九月辛未,祀明堂,大赦。」,以禮津遣赴闕。」

閏十月癸亥,太白入氐。癸酉,吳潛五疏乞罷機政,不允。

觀使,封齊國公,仍奉朝請。己酉,詔:承信郎陳思獻書籍,賜官一轉。 庚戌,太師鄭淸之薨, 轉,以緡錢三百五十萬犒師。甲辰,鄭淸之乞解機政,詔依前太傅、保寧軍節度使充體泉 十一月丙申,京湖制司表都統高達等復襄、樊,詔立功將士三萬二千七百有二人各官

搜參 聞 尚 知 書令,追封魏郡王,諡 八政事 銀一 同 知樞密院事,董槐端明殿學士、簽書樞密院 忠定。 甲寅,以謝方叔爲左丞相, 事 吳潛爲右丞相。 乙卯 一,以 徐清

定軍制、結人心。 十二月戊辰 ,韶以八事訓飭在 己卯,游侣薨,贈少師,諡淸獻 廷,日肅 紀綱、用正人、救楮幣、固邊陲、淸吏道、淑士氣、

置遊擊軍,水步各半。 以孝行卓異,詔表其門,以其事宣付史館。 十二年春正月癸巳,武功大夫王堅以復興元功, 癸丑,詔宰執議立方田,開溝澮, 轉遙郡團練使。 辛丑, 自近 太學錄 近圻始。 楊 懋卿 創

講。 馬榮率將士戰嚴竇山。 壬午、詔襄、郢新復州縣、賦稅復三年。 二月乙卯朔,日有食之。 癸未,再戰銅冶坪。 己未,詔陳顯伯資善堂翊善,蔡抗資善堂贊讀,翁甫 大元兵數萬攻隨、野、安、復,京西馬步軍 資善堂直 副總管

蓄,斷其浮梁 祗候,賜金帶。 三月丁亥,又戰子陵大脊山。 諸將王成、楊進各官兩轉升遷,餘推恩有差。丁未,守三汉口諸將焚北 韶:際兵不滿千,能禦大難,賞官兩 轉 ,進州 给,帶行 屯積 閣門

夏四月庚 本 紀 第 申,有流 四 + = 星出自角、亢,大如太白。 理 宗 Ξ 戊辰、韶襄、郢新復州郡,耕屯爲急, 八四 以緡

八四六

錢百萬,命京閩措置,給種與牛。 壬申, 熒惑犯權星。乙亥, 蔡抗兼侍立修注官。 丙子,置

池州遊擊水軍。

五月甲申朔,祈雨。 壬辰,詔申儆江防,每歲以葺戰艦、練舟師勤惰爲殿最賞罰。

巳,盗起信州玉山縣。罷諸郡經界。 戊申,太陰犯畢。

六月癸亥、發米三萬石振衢、信飢。 玉山寇平。 丙寅、嚴、衢、婺、台、處、上饒、建寧、南

秋七月庚寅,太白、熒惑合于軫。

邵武大水,遣使分行振恤存問,除今年田租。

|劍|

己巳,詔以緡錢四十萬振恤在京軍民。丁丑,詔行會天曆。辛巳,詔改明年爲實祐元 八月己未, 韶來年省試仍舊用二月一日, 殿試用四月十五日以前, 庶免滯留遠方士

合于箕。丙午,太白犯斗。 九月丁亥,少師、保康軍節度使、嗣沂王貴謙薨,贈太傅,追封申王。戊戌,太白、塡星

寧郡王。 戊午,濮安懿王長孫善<u>奐授福州觀察使、提舉佑神觀、嗣濮王。</u> 壬申,詔襄、 樊已 冬十月癸丑,以徐淸叟參知政事,董槐同知樞密院事。 嗣濮王善琬薨,贈少師、追封咸

復,其務措置屯田,修渠堰。

+-一月庚寅 ,吳潛罷。 丙申夜,臨安火; 丁酉夜, 火乃熄。 戊戌, 詔避殿減膳。 壬寅

韶求直言。

渝州 功,復承議 十二月乙卯,以吳潛爲觀文殿大學士、提舉江州太平興國宮。己未,詔追錄彭大雅 壬申,太陰入氐。 郎,官其子。 丁丑、立春、雷。 癸亥, 詔 海神 爲大祀, 春秋遣從臣奉命往 洞 奉常其條 具 、典禮 創 城

大元兵 改賜 寶祐 名禮,授崇慶軍節度使,進封永嘉郡王。 (渡漢江 元年春正月庚寅朔,詔以藝祖嫡系十一世孫嗣榮王與芮之子建安 屯萬州, 入西柳關。 高達 調將士扼河關, 製資善堂記賜皇子。 山大戰,至繁坑、 戊戌, 日生 和王 戴 石 碑港 | 孜 爲 氣 癸卯, 皇子 而還

韶高達、程大元、李和各官兩轉,餘恩賞有差。

三月戊子 二月己酉朔,日有食之。 ,與芮授少師, 戊辰,陳塚貪贓 加食邑七百戶; 希邏檢校少傅,加食邑五 不法、竄潮州。 辛未,罷尙書省 百 戶 ; 創 興 懽 置 授少保 부 白房。

加食邑七 百戶 ; 乃裕保康軍 節度使, 加食邑五百戶。 丙申, 別之傑薨,贈少師

夏四月丁巳,有流星大如太白。

Ŧī. 月 甲 午 , 韶余玠 赴闕。 乙未, 詔侍從、臺諫、給舍、制司各舉帥才二人。 丁酉, **熒惑**

本紀第四十三 理宗三

歲星合在昴。 己亥、賜禮部進士姚勉以下及第、出身有差。

恩數。 **農卿、四川宣諭使。** 六月戊申朔,江、湖、閩、廣旱。 辛亥,以賈似道爲資政殿大學士,李曾伯端明殿學士,職任依舊。 祈雨 庚戌,四川制司言余玠疾革, 韶玠資政殿學士, 與執政 庚申,以余晦爲司

參知政事。 州都統,務撫存之,仍各給良田,制司濟以錢粟。甲午,余玠卒,贈官五轉。 處三郡大水,詔發豐儲倉米幷各州義廩振之。癸巳,詔余玠以興元歸附之兵,分隸本路諸 秋七月壬午,王伯大薨。丙戌,蔡抗兼資善堂翊善,施退翁兼資善堂直講。庚寅,温、台、 癸卯,詔撫諭四川官吏軍民。 庚子,以董槐銀

乙丑,行皇宋元寶錢。 已請祠,遂予郡。丙辰,以余晦權刑部侍郎、四川安撫制置使、知重慶府銀四川總領財賦。 先是,起居舍人牢子才與泰來並除,子才四疏辭,極陳泰來姦險汙穢,耻與爲伍,泰來不得 八月丁未朔,以馬光祖爲司農卿、淮西總領財賦。甲寅, 起居郎蕭泰來出知隆興府。

冬十月丙午朔,韶出緡錢二百萬,振恤京城軍民。 九月壬午,程元鳳升兼侍讀,牟子才升兼侍講。 壬辰,城夔門。 太陰入畢。

十一月丙子朔,詔獎諭襄陽守臣高達。己丑,賈似道獻所獲良馬,賜詔褒嘉,其將士增

秩賞賚有差。

十二月乙卯,册瑞國公主。 庚申, 劉伯正薨,贈五秩。

校勘記

(1) 杜範游侶提舉萬壽觀兼侍讀 「侍讀」,原作「侍講」,據本書卷二一 四字輔表、卷四一 七游侣傳

改。

 Ξ 總制亢國 用 師衆戰裕州拐河 師 疑「帥」字之誤。

詔史嵩之依所乞守金紫光祿大夫觀文殿大學士永國公致仕 四年,本書卷四四也在實施四年載「詔史嵩之觀文殿大學士」。後村先生大全集卷六一 史嵩之「守本官致仕」,本書卷四一四本傳、宋季三朝政要卷二都說當之除觀文殿大學 按本書卷二一四字輔表 史嵩之守 只記此 士在 寶祐 時

臺臣言添差抽差攝局須入奏辟改任薦舉借補曠職匿過十弊 金紫光祿大夫永國公致仕制也沒有「觀文殿大學士」六字。 此六字當是衍文。 「抽差」二字原脫, 據本書卷一五

至 以徐鹿卿 事 ,勞格讀書 爲樞 雜 密使兼參知政事兼侍講 一一說:「徐淸正公年譜: 按本書卷二一四字輔表、 六月戊戌,自權禮部侍郎除兼侍講。 卷四二 四本傳都 『樞密使』以 不載徐麥

政

八選舉志補

本

紀 第 四

+

 \equiv

校 勘 記

宋史卷四十四

本紀第四十四

理宗四

二年春正月乙亥朔,大元城利州、閬州。韶湘潭縣民陳克良孝行,表其門。

利州統制呂達戰沒,贈官四轉,官一子承信郎,一子下班祗應。己酉,余晦兼四川屯田使。

二月甲辰朔, 詔太常釐正秦檜諡, 因諭輔臣曰: 「諡『繆狠』可也。」 熒惑犯權星。 乙巳,

辰,故直華文閣李燔,先儒朱熹門人,賜諡文定。 庚申,詔:饒州布衣饒魯,不事科舉,一意經學,補迪功郎、饒州教授。辛酉,日暈周匝。戊

元、李和以下將士六千六百一十三人補轉官資有差。 **襄城功,高達帶行環衞官、遙郡團練使,職任依舊;王登行軍器監丞、制司參議官;程大** 三月壬午,王元善使大元,留七年來歸。戊子,雪。 甲午,城東海,賈似道以圖來上。 詔鐲江、准今年二稅。已丑,詔錄

本紀第四

十四四

理宗四

夏 四]月辛 亥,詔:邊兵貧困可閔,閒田甚多,擇其近便者分給耕種,制司守臣治之。 乙

1 ,以徐淸叟知樞密院兼參知政事,董槐參知政 事

依舊節 秩; 退。 已,以賈似道同知樞密院事,職任依舊。 庚午,詔余晦赴闕 罔 曹 世 . 利 七罪, 雄等戰禦有功。 炳孫贈朝奉郎、直秘閣,仍訪其子官以文資。王伯大乞致仕,詔進一秩,允所請。 初,隆慶教授鄭炳孫不從南永忠降,先縊殺其妻女,亦朝服自縊。 六月壬寅朔,罷臨安府臨平鎮稅場。 制四川。) 外死, 丙辰, 利州王佐堅守孤壘, 降將南永忠以兵薄城下, 佐駡之, 永忠流涕而 其子如孫盡竊帑庾之積以歸。 詔堅官兩轉,餘各補轉官資。 甲辰, 四川制司言:合州、廣安軍北兵入境,王堅、 詔簿錄所家財。以李曾伯爲資政殿學上, 甲寅,侍御史吳燧等論故蜀帥余玠聚斂 詔獎諭: 佐進官 T

日:「士大夫以 땕 六月壬申, 事 ,功自勉者鮮,卿請帥圖,足見忠壯; **董槐疏:蜀事孔棘,願假臣宣撫之名,置司夔門,以通荆、蜀。上優詔答** 然經理西事,當在廟堂,宜竭謀餓,

以

西 興、元用等夜開關力戰而 副 一刑狱, |委任。」||詔蒲擇之暫權四川制置司事。 甲戌,錄嘉定戰功。 先是,大元兵圍 招捕 荻浦鹽寇。 運解。 乙亥,台州海寇積年, 詔俞興等十六人各官五轉,將士補轉有差。 民罹 其害, 路分董楠泊進士 周自中等擒獲, |城五旬, 以包恢提點浙 ,帥守偷

詔

楠了一轉,

餘推賞有差。

壬午,以李曾伯爲四川宣撫使兼京湖制置大使,

進司變路,

賜 曾 伯 同 進 士 山 身。 裮 江 灣 浮 鹽 局 戊 戌 大元 使 離 揚 州 北 歸

帶 光 文 蜀 各 麻 釜 財 那 火 官 秋 犒 夫 七 间 月己 賈 轉 李 振 性 涉 民 餘 傳 iin 14 推 赴 忠 思。 並 詔 脯 闕 邊 前 以 詔 諸 王 買 王 蜀 郡 戌 堅 似 田 帥 復 爲 道 租 余 興 開 安 玠 其 元 西 闆 復 鎭 堡。 都 以 ___ 撫 統 樞 年 無 己 兼 狀 密 E 知 行 詔 合州 兵 荻浦 府 苦 思 爲 於 名 播 海 征 寇 兩 成 平 庚 州 戌 民 包 連 困 恢 有 年 於徵 進 流 护 直 星 禦 求 龍 大 其守 如 圖 茲 閣 太 俾其 白 臣 劉 田 家 達 甲 應 輸 授 寅 庚 横 所 楊 故 取

稲 方 叔 檖 務 八 徐 月 清 詔 乙亥 叟、 不 允。 董 言語 槐 以 癸巳 等各 前 知 進 謝 慢 秩 方 州 叔 兼 戊 等 利 戌 上 西 籍 玉牒 安 王 撫 惟 王 日 忠家 惟]曆 忠 會要 付 財 大 反 理 1 獄 朝 尋命 經武 臺 要略 臣監 簡。 {中 {興 辛巳, {四 朝 徐清叟乞 志 傳 ,

丙 寅 九月辛 詔 戒 外 亥 戚 祀 册 阴 千 堂, 請 大 詔 赦 Ш 辛 陰 酉 蕭 詔 Ш; 計品 諸 西 暨、 太 會稽 宮 爲 JU 縣 國 水 祈 祥, 其 除 起 今 居 年 郎 牟 田 租 子 才 再 疏 卯 諫 而 白 止 書

午 斬 冬十 惟 月 忠 庚 于 4 都 朔 市 謝 方 酉 叔 , 等 追 削 進 余 寶 就 玠 資 編 政 {使 部 殿 學 七 司 續 奪. 降 余 `徐 晦 令 刑 部 癸 侍 凸 郞 告 皇 身 子 谌 進 封 戊 忠王 戌 段元 甲

本紀第四十四 理宗四

鑑

隆慶

堡

戦

功

見。

月壬寅,日南至。忠王冠。丁未,大元城光化舊治。

立廟。 城人普賞一資行了,復租賦五年。一余玠男如孫徵所認錢三千萬將足,詔如孫削三秩,勒停。 獲歸北,密約段元鑑入隘解圍,事覺就禽,不屈而死,馬徽、白端戰歿。 詔四川宣撫司爲之 十二月庚午,排保甲,行自實法。癸未,雷。四川苦竹隘捷至。甲午,隆慶部兵周榮被 安西堡受攻五月,將士力戰解圍,居民以資糧助軍實。詔四川宣撫司具名推恩,在

甫之下。 張燈侈靡,倡優下賤,奇技獻笑,媟汙淸禁,上累聖德。今因震霆示威,臣願聖明覺悟,天意 可问。」帝納其言。壬戌,詔宗正寺所擬宗子名,以用、宜、季、次、紹五字,續大、由、友、嗣、 三年春正月己未,迅雷。巴州捷至。庚申,城均州龍山。起居郎牟子才上疏言:「元夜

上。壬午,韶發緡錢二百萬,給四川調度。乙酉,韶以告身、祠牒、新會、香、鹽,命臨安府守 乞賽二人之命,罷其祠祿,以爲喪師誤國之戒。」從之。己卯,復廣陵堡城,賈似道以圖來 子才、劉子澄輩,輕而無謀,遂致隻輪不返。全子才誕妄慘毒,今乃援劉子澄例,自陳改正, 言:「國家與大元本無深仇,而兵連禍結,皆原於入洛之師輕啟兵端。二三狂妄如趙楷、全 二月乙亥,詔右千牛衞上將軍乃猷授蘄州防禦使,奉沂靖惠王祠事。兼給事中王埜

臣馬光祖收換兩界舊敝會子。

武 寇 平。癸丑, 月已酉 ·韶·沿邊耕屯,課入登羨,管屯田官推賞,荆襄、兩淮及山砦如之。 詔自實法宜寬期限,監司守臣其嚴戢吏姦,毋煩擾民。以吳淵爲觀文殿學士、 庚戌,邵

京湖制置使、知江陵府。己未,雨土。

夏四月乙酉,以江萬里知福州、福建安撫使

五. 月,久雨。 丁未,以監司、州郡辟書冗濫,韶申嚴禁止。 己酉,李性傳薨。 辛酉、太陰

入畢。嘉定大雨雹,與啟南同日地震,浙西大水。

敗之 報, 竞去, 六月辛未,大風。甲戌,太陰入氐。丙戌,李全子松壽葺舊海城, 救書獎論, 趣上立功等第、姓名推賞。 戊子, 洪天錫劾內官盧允叔 (三、董宋臣 詔遷太常少卿。 辛卯,王埜以御史胡大昌言罷給事中, 依舊端明殿學士、提舉洞 窺海道, 賈似道調兵 疏

有宜

鳳輪 方叔 、徐清叟以御 日 秋 判 -6 事 月辛丑,太陰入氐。癸丑,以呂文德知鄂州,節制鼎、澧、辰、沅、靖五 ,取旨。 史朱應元言罷。 壬戌,以謝方叔爲觀文殿大學士、提舉臨安府洞 辛酉, 有流 星大如太白。 韶三省樞 :霄宮。 府機政,令董槐、程元 州。 丙辰,謝

八 月 Ź 丑 朔 以董槐 爲右丞相兼樞密使, 程元鳳簽書樞密院事、權參 知政事,蔡抗爲端

本

紀

第

四

+

ஶ

理

宗

깯

明殿學士、同簽書樞密院事,徐淸叟資政殿學士(四)、提舉玉隆萬壽宮,任便居住。丁 星、熒惑在柳。己巳,太陰在氐。馬光祖兼節制和州、無爲、安慶三郡屯田使。 丙子,鄭性之 '卯,歲

庚寅,福建安撫江萬里,以臺臣李衢言罷新命,提舉武夷山沖佑觀。 辛卯,應櫾薨。

九月

甲午朔,雷。

決,北兵方入唐州界,子澄巳率先遁逃,一敗塗地,二十年來,爲國家患者,皆原於此, 翊善,皮龍榮銀資善堂贊讀。 壬戌,權中書舍人陳大方言:「劉子澄端平入洛之師 丙午,以徐淸叟爲資政殿學士、提舉洞霄宮。 丙辰,陳顯伯兼資善堂 ,賈勇贊 宜 投

冬十月甲戌,太白晝見。 丁丑,有流星出自畢。 之四裔。」詔罷子澄祠祿

月丁巳,熒惑犯太微垣 一、上相星。

十二月乙丑,嗣濮王善奐薨。 丙子,少傅、節度使興懽薨,贈少師,追封奉化郡王

奏捷。 陰犯熒惑。 儿 辛酉、詔史嵩之觀文殿大學士,依前金紫光祿大夫、永國公致 年春正月乙未,詔謝方叔奪職罷祠,謝脩削三秩勒停。 辛亥,以吳淵爲京湖制置使兼變路策應使,軍馬急切, 乙巳,太陰犯歲星。 便宜行事。 仕 庚申, 己酉、太 闔

一月戊辰,雨雹。 丙子, 詔襲封衍聖公孫孔洙添差通判吉州, 不釐務。

三月 壬寅,以少師、嗣榮王與芮爲太傅。 乙卯, 日暈周匝 丙辰, 帝製字民訓 賜改秩

親民官。

制置 政 事 |使、判慶元府;馬光祖煥章閣直學士,職任依 ,職任依舊,李曾伯資政殿大學士、福建安撫使, 夏四 月庚午,月暈周匝。 癸未,以程元鳳參知政事 舊。 吳淵進二秩,職任依舊 蔡抗 同知樞密院事; 賈似道參知

仍褫執政恩數。丁未,太白晝見。 銀萬兩,使思、播結約羅鬼爲援。徐淸叟奪資政殿大學士罷 鄓 士文天祥以下六百一人及第、出身有差。 ,授初品官。 五. 一月甲午, 甲辰,羅氏鬼國遣報思、播言:大元兵屯大理國,取道西南,將大入邊。 孫夢觀兼資善堂贊讀,章鑑兼資善堂直 韶申嚴老鼠隘防戍。 襄、樊閩臣奏捷。 一講。 | 祠祿,王埜奪端明殿學士罷祠 先聖五十代孫孔元龍賜 甲寅,賜禮部進 迪 韶以 功

可輪 駭; 三學生屢上書以爲言,詔以槐爲觀文殿大學士、提舉臨安府洞霄宮。 日判 ,董槐罷。 六月甲戌,朱禩孫太府寺簿、知瀘州兼潼川路安撫,任責瀘、敍、長寧邊防。 事 丁軍國 臺臣丁大全旣累疏擊之,辭極詆毀, 重務取旨。 丁亥,太白入井。 且以臺牒役隅兵夜半迫槐出關, 詔程元鳳 浙江 物論殊 堤炭成。

秋 七月 甲寅,知敍州 史俊調舟師與大元兵戰,凡十三合,詔俊官三轉,仍帶閤門行宣贊

本

紀

合人。 ,以程元鳳爲右丞相兼樞密使, 蔡抗參知政事,張磻端明殿學士、簽書樞密院

八月甲子,程元鳳上疏言正心、待臣、進賢、愛民、備邊(三)、守法、謹微、審令八事。

官吏增而調度日廣,景德、慶曆時以三百二十餘郡之財賦,供一萬餘員之奉祿,今日以一 百餘郡之事力,贈二萬四千餘員之冗官,邊郡則有科降支移,內地則欠經常納解。欲寬民 丙申,知邕州程芾,以貪暴詔削二秩,罷之。甲寅,監察御史朱熠言:「境土蹙而賦斂日繁, 力,必汰冗員。」帝納焉。 九月壬辰,西南蕃呂告蠻目寧名天兄弟慕義與烏蘇蠻合力爲國禦難,詔各補承信郎。

冬十月壬戌,太陰犯斗。

學武學生劉黻等八人不率,詔拘管江西、湖南州軍,宗學生與伽等七人並削籍,拘管外宗正 今四川制司戒飭屬郡,違者罪無赦,御史臺其嚴覺察。」乙巳,以監察御史吳衍、翁應弼劾太 罹兵革,吾民重困,所當勞來撫摩,使之樂業。比聞官吏乃肆誅求,殊失培植邦本之意。 自 同簽書樞密院事**。** 癸丑,以張磻同知樞密院事,丁大全端明殿學士、簽書樞密院事,馬天驥端明殿學士、 十一月戊子朔,荆、襄閫臣以功狀來上,詔推賞將士。戊戌,京湖繼上戰功。詔:「蜀 韶戒羣臣洗心飭行,毋縱于貨賄,其或不悛,舉行淳熙成法。 又開國以

來勳臣之裔,有能世濟其美而不世其祿者, 所在州郡以 聞。 參知政事蔡抗 | 輒擅 去 國, 勉留

不返,詔授職予祠,尋以林存言,寢其命。

論荆闆吳淵,其有功將士,趣上姓名、等第推賞。 十二月戊午朔,熒惑犯塡星。 庚申,大元城棗陽。 乙丑,以張磻兼參知政事。 甲戌, 獎

等失覺察者坐罪。辛亥,吳淵薨,贈少師,諡莊敏 撫 大使,進封衞國公;賈似道進知樞密院事、職任依舊; 使兼 五年春正月丁亥朔,以趙葵爲少保、寧遠軍節度使、京湖宣撫使、判江陵府 知潭州;吳潛、趙與懲各官一轉。 乙巳,雷。 丙午,禁姦民作白衣會, 吳淵參知政事 ; 李曾伯荆湖 監 兼變路 司 郡縣官 南 策 路 應 安

余晦准 二月戊午,四川嘉定上戰功。以賈似道爲兩淮安撫使。 西 總領財賦。 壬戌,築思州三隘。 丁丑,布衣余一飛、高起陳襄陽備禦策,詔命趙葵 辛酉,命趙葵兼湖廣總領 财 賦

督 「戰官一轉,升直 夏 四 月丁卯,詔襄陽安撫高達以白河戰功,轉行右武大夫帶遙郡防禦使; 一秘閣 ,並職任依舊。 己卯,大元兵攻苦竹隘,詔京湖調兵 應 王登以沮 泂

里 ĮŪ 月己丑,程元鳳等進玉牒、日曆、會要、經武要略及中興四朝志傳。 甲午, 詔徐敏

本

子嚴防邕、宜。 己酉,以呂文德知靖州,職任依舊。 nf 雨

江 海 五 道,嚴備舟師防遏。 月 庚申,雨。 丁卯,城荆山, 辛巳,復劍門壘,賞蒲擇之官兩轉,朱禩孫、蒲黼、楊大淵、韓勇各 置懷遠軍荆山縣。 詔賈似道官兩轉。 戊寅、詔京湖、沿

官 远轉。 六 月丙戌 壬午 ,太白、歲星合于翼。 ,夏貴正任吉州刺史、帶御器械、鎭江駐箚都統制、知懷遠軍 辛卯,太陰入氐。 丁酉, 祈雨。 馬天驥以臺臣言罷,詔

依 舊端明殿 秋 七月 丙辰,祈雨。戊午,雨。己未,太白晝見。丁卯,有流星大如桃。 學士、提舉臨安洞霄宮。 丙子,太陰入井。

京。 甲午, 八 月丙 給事 戌 ,光化軍奏捷。 中邵澤等言謝方叔罪狀, 台州火。癸巳,詔謝方叔仍舊職,蔡抗以資政殿學士並領祠在 詔寢祠命。 丙申, 京城火。庚子 以張磻參知政

事, 丁大全同知樞密院事 兼權參知政事。 己酉, 史嵩之薨,贈少師,諡莊肅

冬十月庚寅, 九月壬子 朔,詔今後臺臣遷他職 張磻 薨,贈少師。 (,輒出關,以違制論,仍著爲令。 癸巳,雷。 甲午, 虹見。 丁酉,以林存簽書樞密院事。 辛酉, `祀明堂、大赦。

庚子 詔皇子忠王

詔京湖帥臣, 月 丙 辰,李曾伯兼節制廣南 黃平、清浪、平溪分置屯戍。 ,任責邊防。 庚辰, 詔三邊郡縣官毋擅離職守, 諸制帥臣 乙丑, 獎諭安南國,賜金器幣、香茗。 Z

其嚴糾察。

十二月壬午,李曾伯依舊資政殿學士、 湖南安撫使兼廣南制置使,移司靜江府。

熒惑入氐。

屬。 要緩急事宜,具工役以聞。 詔 出 癸酉, 封 六年: 甲戌、詔樞密院編修官呂逢年詣蜀閫, 椿 庫銀萬 春正月辛亥朔,以丁大全參知政事 罷李曾伯廣西經略,以廣南制置大使兼知靜江府, 兩付蜀閫。 戊寅,雷 辛未, 韶授成穆皇后弟太師郭師 趣辨關隘、 兼同. 知樞密院事, 屯栅、糧餉, 禹孫善庸承務郎 其經略司官屬, 林存兼權參 相度黃平、思、播諸處險 知 政 改充 事。 仍 **発** 制 癸亥, 司官 注

月辛巳朔,以馬光祖爲端明殿學士、京湖制置使、 知江陵府, 兼變路策應、 湖廣總領

財賦

井屯田事。

壬辰、雨土。

庚午,熒惑退入氐。 辟 制 司準備差使等官, 三月辛亥朔, 祈雨 甲戌、詔湖北提點刑獄文復之移司江陵、兼京湖 韶光祖開閩之初, 丙辰,馬光祖請以呂文德、王鑑、王登、汪立信等充制司參議官及 姑從所請。戊辰,以馬光祖 制司參議 兼荆湖北路安撫 官。

夏四月庚辰朔,詔:自冬徂春,天久不雨,民失東作,自四月一日始,避殿減膳, 仰答譴

本

後兩年減其租之半, 轉右武大夫,並依舊任。丁巳,李曾伯言:「廣西多荒田,民懼增賦不耕,乞許耕者復三年租, 嘉尙,其亟議行賞激。」癸丑,詔懷遠、漣水相繼奏功, 福州 熠勃沿江 之。 全爲右丞相兼樞密使,林存同知樞密院事兼權參知政事,朱熠端明殿學士、簽書樞密院事。 丁 酉 ,尋提舉洞霄宮。 癸未,程元鳳等以久旱乞解機務,詔不允。 五月庚戌朔,詔:「襄、樊解圍,高達、程大元應援,李和城守,皆有勞績,將士用命,深可 制置副使呂好問,黃州之役貪酷誤事 沼田田 應己思州駐箚御前忠勝軍副都統制, 守令勸墾闢多者賞之。」奏可。 丙午,趙葵三辭冤福建安撫使,詔授醴泉觀使兼侍讀。丁未,以丁大 ,詔褫職。乙巳,程元鳳罷,以觀文殿學士判 甲申,大雨。 丙寅, 夏貴官兩轉, 往播州共築關隘防禦。 命嗣榮王與芮判大宗正事。丁 丙申, 兼河南招撫使(云),毛興 羣臣三表請御正殿, 己亥,臺臣朱 從、

六月癸巳。臺臣戴慶炣劾淮東總領趙與旨,奪職鐫秩。

卯,嗣秀王師彌薨。

恩賞。 熒惑犯房宿。戊午,趙葵四辭免醴泉觀使兼侍讀,乞外祠,從之。戊辰,蜀郡 任,追冒支官錢。 秋七月庚戌,城凌霄山,詔朱禩孫進一秩,易士英帶行閤門宣贊,餘轉官有差。 癸酉,知平江府余晦,以臺臣戴慶炣言,囊敗績于蜀,誤國欺君,詔奪寶章閣 甲戌,詔前福建漕臣高斯得已奪職鐫官,其贓百餘萬嚴限徵償,以懲貪 劉整 上捷、韶推 待制, 癸丑; 罷

吏。乙亥,呂文德入播州,詔京湖給銀萬兩。

八月癸未, 太陰行犯熒惑。 戊戌,詔上流鎖江防禦。 癸卯,詔申嚴倭船入界之禁。

甲寅,詔安南情狀叵測

申飭邊防。

戊辰,安豐上

戰功。有流星透霞。

九月

壬子,詔蜀、廣、海道申嚴防遏。

雄飛官三轉,部兵將校官兩轉。 條 禮守安西堡有功,官兩轉。 具 、以聞。」丁丑,以俞興爲四川制置副使、知嘉定府兼成都安撫副使。 冬十月丙 子朔, 記:「蜀· 中將帥雖未克復成都,而暴露日久,戰功亦多, 戊子,大元兵攻通、泰州 辛卯、詔常州、江陰、鎭江發米振瞻准民。 庚寅, 廣南劉雄飛奏橫山 乙酉, 宜與序升 韶知隆慶 一之功 其 府 应

依舊 引咎 厲 樞 給 密 事 中張鎭 院 職 韶追復余玠官職。 部令以 事 知 、隆興府。 月己酉,林存罷,以資政殿學士知建寧府。] 贾 言:徐敏子囊帥廣右,嗜殺黷貨,流毒桂府。 功自 似道 樞密使、兩准宣 贖,特與放罪。 壬戌,以朱熠同知樞密院 甲寅、 築黃平,賜名鎭遠州, 撫使。 甲戌,淮東帥臣奏大元 甲子 事 , 太陰 兼 權參 呂逢年進一秩。 犯權 癸丑,潁州上戰功, 知政事 兵退。 星。 詔 仍舊羈管隆 _l_ , 卯 饒 塡星、熒惑在 詔撫! 虎臣端明殿學士、同簽書 東海 興府。 諭沿邊將十。 失守, 詔 亟推賞,以示激 危 丁巳,葉夢鼎 賈似道抗章 丙辰

十二月戊寅, 韶改來年爲開慶元年。 庚辰, 大元兵渡 馬湖 入蜀 詔 馬光祖時暫移司

本

第

四

+

四

理

宗

ρū

州 峒 网 以募壯士,遂有房州之功。 Γ 向士璧不俟朝命 六 申嚴防遏。 郡 鎭 撫 向 土 塡星、太白、熒惑合于室。 屋移 進 師歸州 司 紹慶府, 詔士璧、 捐貲百萬以 以 便策應。 光祖各進一秩。 供供 軍 癸未, ·費 ; 房州 馬光祖 辛丑, 詔李曾伯 上戰功。 不待奏請招兵萬 丙戌, 城築關隘, 詔置横 捐 Ш 訓練民 奉銀 屯。 兵 萬 ĺ.

賓州 秩,其子脩竄 臣 亥, 克己各奪兩官。丙 輒逃歸者從軍令。」癸丑,詔:呂文德城黃平 文殿學士。 劉 韶:「戊蜀將土,頻年戰禦,暴露 四川 清卿 呂 開 振 慶元年春正月乙巳朔, 大元兵破利州、 設隘 宣 龍 己酉, ,知象州奚必勝,兵至聞 撫 廣南。 大使、都大提舉兩准兵 堅守,與官一 寅,印應飛依舊職 大元兵攻忠、涪,漸 癸亥,左司諫沈炎言余晦壞閩, 隆慶、順慶諸郡,閬、蓬、 轉。」壬戌, 詔飭 中外奉公法 可 閔。 知野州 風 甲、 薄變境,詔 先遁,兵退乃返,並追 監察御史章士元言謝方叔 湖廣 今申命蒲擇之從優犒師 兼 深入蠻地,撫輯有方,與官三轉。 湖北轉運使。丁卯, 總 領 蒲揖之、馬光祖, 圖實政。 廣安守將相繼納降 知江 幕屬李卓、王克己濟惡斂怨 陵 馬光祖與執政 府。 一毁出身文字, 蜀帥蒲擇之以 買似道以樞密使爲京西湖 戰守 帥蜀 春 又造浮梁于涪州之藺 誤國, 調 防 恩數。 畢日 遣, 竄遠郡。 便宜 詔 卽 庚申. 重兵攻 方叔 李曾伯 與更戍, 詔晦、卓 行 横州 更與鐫 沼 事。 /成都 進 其 守 知 辛

戊 反 以李庭 芝權 知揚 州

守。 仍 H Ŧ 租 萬 己 二月乙亥朔, 丑: 助 乙未,發 邊用。 詔蠲 | 平糶倉米三萬,減直 建康、太平、寧國 丙戌 詔:「京西 八以馬 光祖爲資政殿學士、沿江 提 刑王登提兵援蜀 池州、廣德等處沙 振在京民。 辛丑 功未及成,齎志 , 涪州報大元兵退 制置使、江 派制置 田租 0 使 (兼知 壬辰, 詔蠲 東安撫、 以 揚州 一歿, 贈 連水軍 官五轉,致仕 知建 Z 四 康 出內 制 府 司 所收屯 行 庫 思 宮 網錢 留

副 詔 使兼 蜀 三月庚戌,韶 死節臣、 知 重慶 雲頂 府 印應雷、黃夢桂 庚申,馬光祖奏大元兵自鳥江還北。 山諸處將士,咸褒錄其後。 赴都堂禀議。 丁巳, 命有司 以呂文德爲保康軍節度使、 ·縣重賞募將士, 毁藺市浮 辛酉 , 雨土。 梁。 匹 川 癸 制

官 蜀 |歸 侯 列 峽、施、珍、 办. 轉。 (城之冠, 詔 夏 廟賜 VU 乙未 月甲 額 南平 致仕 ·戌朔,以<mark>段元鑑、楊禮堅守城壁,歿于王事</mark> 賞 詔 (典加 賜 軍、 恩外, 夏貴 厚。 紹慶府鎮 溧陽 更官 乙酉; 田 二子 三十頃 狐使。 知施 成 思郎。 州 甲申, 謝昌元 丙 申 丁丑, 詔:守合州 ,以呂文德銀四川 自備 以向 緡 錢 王 士 百萬 一堅嬰城 詔各贈奉國 屋爲 ,米麥千石 湖 總領 北安撫 固 守, 財 軍節度使, 賦 百 が副使、 築郡 戰 彌 城 厲 知 封「二字」 有 峽 節 州 功 義 棄

Ŧi 月 本 甲 紀 辰 第 说朔,城 20 --四 金州 理 宗 開 24 州 辛亥, 雨雹。 乙卯, 達州上呂文德等 戰 功, 詔 遷補有功將

更弊,務令惠及細民。乙丑,行開慶通寶錢。辛未,賜禮部進士周震炎至以下四百四十二 丁巳,詔 一湖北諸郡,去年旱潦飢疫,令江陵、常、澧、岳、壽諸州,發義倉米振糶,仍嚴戢

人及第、出身有差。婺州大水,發義倉米振之。

朱熠參知政事,饒虎臣同知樞密院事。 遐,有能效順來歸,悉當宥過加卹。 韶獎諭賈似道。 六月甲戌,呂文德兵入重慶。 壬寅,以李庭芝直寶謨閣、湖北安撫副使兼知峽州。 詔諭四川軍民共奮忠勇, 效死勿去, 有功行賞, 仍獎呂文德斷橋通道之功,命兼領馬軍行司。 丙戌,南平來報戰功。戊戌,韶申嚴海道防禦。己亥, 太白晝見。 辛巳,以 靡間

秋七月辛亥,太白入井。 癸亥,蔡抗薨,贈少保,諡文肅。以知播州楊文、知思州 田應

庚守禦勤勞,詔各官一轉。

觀文殿大學士、判寧國府、特進、崇國公。 酉,降人來言:大元憲宗皇帝崩于軍中。 星、熒惑。 八月甲申,以廖州統制張斌柘塘之戰,歿于王事,贈官三轉,仍與一子下班祗應。 戊子,韶吳潛開閫海道,勤勞三年,屢疏求退,依舊 辛卯,命呂文德兼湖北安撫使。 庚子, 太白犯權 Z

庚申,以吳潛兼侍讀、奉朝請,戴慶炣端明殿學士、簽書樞密院事。 九月壬子, 賈似道表言大元兵自黃州沙武口渡江,中外震動。 下詔責己,勉諭諸閫進 己未, 嗣濮王善騰薨。

都統制 匹給 爲 膳 殿 進三 使 江 再 兵。 ,改封 徹 出 流 ,牧守之臣, 江 制 大 庚辰 進 秩、 東宣撫使,馬光 樂。 學 內 沿 司 壬 冬十月辛未 封 戌 兼 庚午,合州 庫緡錢五百 士 江 吳潛爲 權 相 以 知合州, 副 刑 備 國 封 詔 可 **公** 軍賞。 衞 出 部 合州 三: 犒 輕 侍 慶國公。 內府 國 朔, 徭 師 賈 解圍 公, 郞 節 圍 萬 者 薄 礼祖移司 緡錢千 各 似 制 戊辰,太白 解, 丁大全罷 蜀 判慶元府、沿海 賦 詔 道為 言語 軍 銀二萬兩、 1賜金幣 道 : 已命御 宣 馬 丁 一意 王堅 ·稍寧,然干戈之餘, 閫 石丞相 萬 丑 , 江 進 制 撫 州 ,以觀文殿 一寧遠 犯 封清水縣開國 銀 臣 詔給還浙 深摩, 恤 應援鄂州 史 泛惑。 將佐以下, 帛二萬 五 及二三大將之功,宜 陳寅趣 兼 萬 軍節度使,依 制 樞密使, 兩、 軍勞民, 置 己巳, 匹給 太大學士 淮東 西 帛五 使 , 史巖之沿 提 進 伯 瘡 舉常 進 兩准制司 一萬 紹賈 庶底興復。其被兵百 命侍御史沈炎往沿江 調 一秩、 洟 封 判 匹給宣 兵 前左領 未復、 賜金 茂 鎭 平 似道 五 國公,宣撫大使等如舊。 江 江 言 萬 加 制置 府。 , 有差。 **|歳收上** 兼節 軍衞上將軍、興元府駐箚 應 司, 流離蕩析 緡錢 優賞。 網錢 援 副 壬 制江 二百萬 使移司 一亭戶沙 E 申 詔 呂文德授 流 五 ٠, 自 西、 姓 以吳潛爲左丞 百 生聚何資。 |今月 制置 壽昌 萬、 遷 二廣人 癸亥,趙葵特進、觀文 銀 地 + 萬 租 副 入城 檢 銀 軍 兩 校 司 應援鄂 馬 百萬, 日 癸酉, 趣兵援 少師 郭 萬 帛 咨 兩 通融應 御前 相 萬 無 爾 以 避 李遇 永 命趙 帛三 兼 州 匹 旬 郭渚。 殿 一給沿 自 宣 勿 樞 諸 援 乏 復 萬 减 軍 丙

本.

名

置 Ŧi. 者 司 秩 三省 建康 鼠 南 下 ,任責捍禦。 各 郡 雄 州 以 癸未 財 粟振之。」壬午,御史陳寅言: 癸巳, ,丁大全落職,罷新任。 向士璧權兵部侍 郎、 Z 酉、雷。 知 湖南安撫使 江州 丙戌 袁 玠貪贓不悛 兼 ,以趙葵爲沿江 知潭州 任責廣 残賊 州 江東宣撫 西邊 邑。 韶削玠 防 使,

千人,安豐、 便 進 申 郡 宜 封 防禦使、 詔 行事 益國公, + -認求直 月壬寅,以朱熠權 言。 河南 濠州 以緡錢五百萬 其饒、信、遠、臨、撫、吉、 辛亥,舟師戰滸黃洲 招撫使、 各千五 自 知准安軍 人,赴京 、銀五萬兩 知樞密院事 聽調遣。 給其用。 詔追 隆興官軍 乙卯,詔趙葵授少保、觀文殿大學士、 ,饒虎臣、戴慶 過 要 衰 玠 庚申,夏貴 丙辰, 韶選精銳招信、 民兵, 出身以 並 炯 入見,帝撫勞 來文字, 聽節制調遣 並 權 參 知 除名不 政 港至 泗州 一、諮訪、 事。 敍,移萬安軍。 癸卯 千人,揚州 翟 江東西宣撫使, 行、黜陟皆得 ,呂文福 拱 衞 帶 戊

資善堂 文德 第四 文 餘 通 職 仍舊 甲出 檢 轉 閨 校 武 + 郊 善。 身。 少傅、京西湖北 功 賜金帶。 大 月甲戌, 、夫,賜銀 丙申 庚寅 賈似道表 己卯,熒惑入氐。 詔出 陶 有差。 林 安撫 奏沼 內帑緡錢五 使 甲申 Ш 大戰數合皆有功。 兼 [寺戦 . 以 制置使、 功。 千萬犒內外 印 癸未 應 癸巳,向 ,諸將陶林、 雷爲軍器監 知鄂 州 諸軍。 兼 侍 璧連以功狀來上。 文通 / 淮西 衞 丁 馬 丑 進兵 軍 I總領 一,以向 都 有功,詔 指 財 揮 賦 士 使。 一壁為 兼 乙未, 林 江 己 湖南 東 帶 11: 轉 行 韶降周震 制 遙 運 皮龍榮 判官 置 郡 刺 副 呂 兼

韶改來年爲景定元年。 十二月己亥朔,賈似道言鄂州圍解,詔論功行賞。 壬子,改封吳曆為許國公,賈似道為肅國公。 丁卡,熒惑犯房宿、鈎鈴星。

校勘記

(1) 奪余晦刑部侍郞告身 寺丞, 見本書卷四一六本傳, 余晦渐東人, 曾任四川制置使, 「余晦」,原作「其子晦」。按余玠蘄州人,有子名如孫,改名師忠, 見宋季三朝政要卷二。此處「其 歷大理

子」二字當誤,據宋史全文卷三五改。

(11) 在城人普賞一資 「一資」,宋史全文卷三五作「一次」。

(三) 盧允叔 本書卷四二四洪天錫傳、宋季三朝政要卷二都作「盧允升」。

(日) 資政殿學士 條也說「徐清叟奪資政殿大學士」,此處和九月丙午條的「資政殿學士」都脫「大」字。 本書卷二一四字輔表、宋史全文卷三五都作「資政殿大學士」,下文四年五月甲辰

一備邊 原作「備選」,據本書卷四一八程元鳳傳、宋史全文卷三五改。

兼河南招撫使 「招」,原作「安」,據宋史全文卷三五、新元史卷一七七夏貴傳改。

(4) 周震炎 原作「周應炎」,據下文閏十一月乙未條、宋季三朝政要卷三、宋史全文卷三六改。

宋史卷四十五

本紀第四十五

理宗五

|竣,聚糧不運餉兵士,遂爲北有,已削一秩,罰輕,再削兩秩。」乙未,潼川城仙 言:「高達守哪州城,凡三月,大元師北還。」 景定元年春正月丙子,詔獎賈似道功。 庚辰,歲星、熒惑合在尾。 壬辰,詔:「知涪州趙 侶 山 買 似

路策應使, 賜緡錢三千萬;王鑑、孫虎臣、 使、右金吾衞上將軍,賜緡錢五十萬,呂文德賜緡錢百萬,浙西良田 興國壽昌、洪撫全永衡諸郡民皆被兵,存者奔竄它所。 二月丙午,詔賈似道以緡錢三千萬犒師,丼示賞功之典。己酉,以高達爲寧江軍承宣 陳奕、 阮思聰並正 任防禦使。 蘇劉義等各官十轉。 江西、 湖南 高達遷湖北安撫 帥司言: 甲寅、韶:「臨江守臣陳元桂死節,官 大元兵破 百頃; 副使、 瑞 鄂州戰守將士 州 知江陵府 臨 江軍

本

紀

第四

 $\pm i$

理宗五

劉錫 寅 衆。 以緡錢三萬給其家。 孫虎 節 雨雹。辛 Fi 繭 鄮進帶行 大元軍過分等、武寧二縣,河湖砦都監權巡檢張興宗死之,詔贈武 趣 詔雄飛 瑞州 臣 和 召赴 贈 酉、大元遣偏 寶章: 州 守 國。 升保康 ·臣陳昌世治郡雖 防禦使, 復州 閣待 向 團 軍承宣 制 土 練使,各賜銀絹,旌其守禦之功。 張世傑以下十三人各官五 湖南 壁遷兵部侍郎,職任依舊。 師自大理由廣南抵衡州, 與一子京官 諸將温 一使,餘轉官、賜銀錢。 有善政 和轉左武 ,兵至民擁 一子選人恩澤; 一大夫、帶行遙郡刺史, 向士壁會合劉雄飛遊戰 之以逃 ·轉 ; 賈似道賜金器千兩、幣千 呂文德、高達、陳奕等各賜金、 立功將士並 給緡錢 ,以棄城失守,削三秩 十萬治 補 李虎官三轉、 兩官 葬 翼郎 于 資 立 ·匹,命 道 官官 廟 勒停。」乙卯 ,俘民獲還者甚 賜銀絹 死所 一子承信郎, 幣 帶行閤門宣 國子監主 有差。 諡 庚申 簿 丙

開 效節 大夫、環衛官、黃州武定諸軍都統制、 錢萬恤 慶元年以前 韶:全、岳、永、衡、柳、象、瑞、 多死行 三月戊辰朔,日有食之。庚午,命夏貴兼黃、壽策應使, 其家。 陣, 甲戌,賞夏貴鴻宿州、白鹿磯戰功, 稅盡除之。 總管張世雄、沈彦雄、陳喜、秦安、李孝信、鄭俊、李安國各贈十官資, 癸未 興國、南康 賈似道奏蘱草坪大戰, 張世傑環衛官、職任依舊。 、隆興、江州、 遷福州 臨江 觀 進至黃州。 察使, 總舟師。 潭州 鄂州統制張勝, 職 諸縣經兵、農民失業, 任仍 癸酉, 乙酉,詔范文虎 舊。 以横 將 山之戰將 士推賞。 死于漢陽 轉左 賜 武 緡 Z

戰 陣 , 触 官五 轉, 官其子煥進 武 校尉。 丙 戌, 賈 (似道 言, 自 野趨黃 與北朝 回 貮 相 迦, 誻 將 用

命捍禦。詔孫虎臣、范文虎、張世傑以下各賜金帛。

器幣、 策應使。 似道 政 州 鹿磯、皆 詔 對 夏貴爲保 朱熠 事 館 兼 少師 潼 職策,乞爲濟邸 夏 溧陽 川 戴 兀 身自督戰有 戴慶炣 安撫 慶 ,依前右丞 月戊 丙寅,命馬光 康 田三十 軍 炣 副 承宣 同 戌朔,侍御 輪 知 使。 頃。 使、 日 樞 。 己酉,揚州 相 功。詔 立後, 判 密院 旭 兼樞 壬戌,進馬光祖資政殿大學士,職任依舊。 事 左金吾衞上將 兼准西 .史沈炎疏吳潛過失,以「忠王之立,人心所屬, • 赴闕。 潛樂聞其論,授汝鈞正字,奸謀回 事 大政則 密使,進封 兼參 總領 大火。 庚子,以王堅爲侍衞 知 以共議以 政 財 吳潛以 軍 事 衞 賦 國公; ; 聞。 知准 皮 人龍榮端 観文殿 己亥,賈似道 安州 朱熠 知樞 大 兼 明 步 准 殿 學士提舉 軍 密院 東安 學 剖 士簽書 測。 都指 表言夏貴等戰 撫副 事 臨 兼 請速韶賈似道 揮 使、 樞密 安 參 一使。 癸亥, 府 知 京東 潛獨 院 政 洞 戊 以呂文德兼變路 零宮。 事 事 申 新 招 $\frac{1}{2}$ 不然。 ٠, 生洲 以 饒 撫 F 癸丑,進 虎 劉 位 使 臣 整 鼎 章 進 賜金 知瀘 至白 汝 軸 買 以 知 鈞

備禦 知建寧府 五 一月 戊 辰 岩之坐 鄂州 一朔, 饒虎 韶趙葵依舊少保、兩准宣撫使、 車 臣 解 龍。 大元兵已渡江北還,然後出兵,又命程芾任事,以致 壬申,李曾伯、史岩之並落職 判 湯州, 解官 進封 魯國公; 曾伯 坐嶺南閉 徐淸叟觀 敗績。 城自守 文殿 不能 大學

本

紀

第

29

+

五

理

宗

五

端 兼 待 臣 庚辰,戴慶炣卒 使 詔 知揚州 制 以 明殿 鮰 , 錄 資政殿學士提舉臨安府洞霄宮, 呂文信 知 其 學士、同簽書樞密院事; 白 慶元府兼沿海制置使。 鹿磯 寧遠 死事。 ·,贈資政殿大學士。 軍承宣使,立廟賜額,子師憲帶行閤職 乙亥,詔李虎馭軍 馬堃 乙未 壬午, 熒惑 鄂州都統 任便居住。 韶李庭芝起復祕閣修撰、 一無律 L,貨命 犯斗。 制,駐箚江陵府。 楊棟 追 奪、竀鬱 癸未,以皮龍榮 召 更與兩子承信 赴 闕。 林州 主管兩准安 甲申,祈 壬 一辰,以姚 丁肚 兼權參 郎 雨。 賜賈 人撫制 希得為 知政事; 輔 戊子, 韶 周 似道玉帶。 置 和州 敷 口 沈炎 公事 文閣 一饒虎 防禦

陳韡 前 皇 太子 諸 進 軍 六 都統 ,賜字 、 月 丁 秩,福 一酉朔 制 長源 問,賜田 建安 夏貴奏淮安戰功。 無使 三十頃。 戊 申 知 王 福 **| 埜卒。** 州 詔 升巢縣爲鎭 徐淸叟觀文殿 壬子 庚子 ,賜李 , 竄丁大全于南康軍。 巢 遇龍 軍 學 士、知 金帶。 甲寅 泉州 楊棟、 陳奕帶御器 葉夢 壬寅, 鼎 並 械 韶立皇子忠王祺爲 太子詹事 ,依舊鎮 江 駐箚御 列

和 如 吳潛 出 太白。 秋 彼 七 謀 欺岩無君之罪。 月丁 丁亥,命皇太子昕朝侍立。戊子 豈容 卯朔,皇太子入東宮 切輕 1何? 庚寅,賈似道兼太子少師,朱熠、皮龍榮、沈炎並兼賓客。 倘以 交鄰 行册禮 國之道 , 一大赦。 上 謂 來 宰 當令入見。」 執曰:「北朝 壬 中 貴妃 使來 己丑; 閻氏薨, 事 侍 ,體當議。」賈似道 御 賜諡 史何 惠昭。 夢然刻丁大 辛卯 東南有 奏:

丁 大全削三秩,謫居南安軍 吳潛奪觀文殿大學士,罷祠 ."削二秩, 謫居建昌軍 癸巳

舉孝康。

簋薨,贈少師,諡忠憲。 ,賈似道、朱熠、皮龍榮、沈炎各進一秩,東宮官吏諸軍兵等官一轉,餘皆推恩。壬子,與 八月壬寅,以程元鳳爲准、浙發運使、判平江府。 太白犯房。壬戌,李曾伯、史岩之各削二秩、甲子,饒虎臣削二秩, 己酉,太陰犯塡星。 詔:皇太子受册

安。 官一員,報行軍機密文字,奏可。辛巳,祀明堂,大赦。丙戌,熒惑犯壁。戊子,李松壽犯准 九月癸酉,守瀘州劉整以功來上。丁丑,知漳州節制屯戍軍馬洪天錫言, 援例創辟幹

奪資政殿學士,罷祠。

指,凡爲似道所惡者無賢否皆斥,帝弗悟其奸,爲下是詔。 調兵毀之。壬子,破李松壽兵于漣水城下, 置于罪,以爲同惡相濟者之戒。」時似道專政,臺諫何夢然、孫附鳳、桂錫孫、劉應龍承順 壬 多十月乙未朔,韶申嚴邊防。甲辰,詔:「黨丁大全、吳潛者,臺諫其嚴覺察舉劾以聞,當 夷南城舊址。乙卯,有星自東北急流向太陰。 戊申,李松壽修南城, 詔趣准閩 風

十一月丙寅,詔內侍何時修削二秩,永罷不敍。 本 紀 第 四 + 五 理 宗 五 洪燾知臨安府兼浙西安撫使。 八七五 壬午、

以 中軍統 制、 知簡州馬千權興州都統兼知合州。 戊子,熒惑與塡星順行, 太陰 犯房。

陵 建 郡。 郡 陽縣嘉禾生,一本十五穗,詔改建陽爲嘉禾縣。 王 十二月甲午朔,詔:華亭奉宸莊, 一思正 庚申,以監察御史桂錫孫言,追寢全子才敘復之命。 薨,諡簡惠。 印應雷 直徽猷閣、知江州、主管江西安撫司公事,節制蘄、黃、興國 其隸外廷助軍餉。 甲寅, 呂文德上夔路戰功。 包恢敍復元官職 知常州 乙卯,少師、廬 辛丑

守臣 剉 拜 殿 定罰。 孔子于太學。 腷 州 助 監 、福建安撫使。 年春正月癸亥朔, 司 有治狀廉聲者,摭實以聞。」乙丑, ·所不及,以一歲爲殿最,定賞罰。本路、州 己卯、福建 乙酉,韶封張栻爲華陽伯,呂祖 韶:「監司率半歲具劾去贓吏之數來上,視多寡爲殿最,行賞罰。 安撫使陳韡累疏請老, 城安慶。 詔進 .無所劾,而臺諫論列,則監司守臣皆以 韶馬光祖進二秩。丁丑, 謙 一秩,守觀文殿學士致仕。 開封伯,從祀孔 子 ,廟庭 命皇太子謁 以 董槐

二月丙 申 孫虎臣戰邳州,全師而歸。 癸卯,詔諸路監 司申嚴僞 會賞罰之令。 甲寅,進

封周國公主。

子 節度使 月壬 忠進贈復州團練、除恩澤外、各更官一子承信郎、賜緡錢二萬。戊寅 一戌朔, 日有食之。 乙亥,故寧遠軍承宣使張祥、都統制閻忠進,以援蜀 賈似道等上 之功,祥

日曆、會要、經武要略及孝宗、光宗、寧宗實錄,詔似道、皮龍榮、朱熠 沈炎各進

撰、樞密都承旨、兩准安撫制置 使。 |炎 兼 頟 撫 同 知 財 副 賦。 使。 廬州,官一 丙申,呂文德超授太尉、京湖安撫制置屯田使、慶路策應 知樞密院事 夏四月 乙巳, 癸巳朔,余思忠追毀出 轉。 馬天驥資政殿學士、 兼權參 追削二秩。丁巳,楊鎭授左領軍衞將軍、駙馬都尉 戊申,馬光祖 知政事,何夢然簽書樞密院事, 副 進 使、知揚州。己亥, .身文字,除名勒停,竄新州。乙未,以皮龍 觀文殿學士, 知福州、福建安撫使,呂文福帶御 職任依舊 詔 申嚴江防。 俞興保康軍承宣使、 使 乙 兼 卯,竄吳潛 知鄂州, 壬寅, , 器 高達知廬州 械 呂文 李庭 榮參 于 四 准 循州 之艺右 西安 德 Ш 知 安 兼 政 淮西安 撫副 文殿 湖 撫 丙辰 廣 制 修 使 總 沈

雄 统 知夔州、夔路 五 月癸亥, 賈似 安 人無使。 道 請 洞 禄,詔 乙酉,王堅遷左金吾衞上將軍、湖北安撫使兼 不允。 庚午,謝方叔敍復觀文殿 大學士 知江陵 致仕。 府 戊寅

辛亥,以范文虎爲左 六月乙未, 詔霖 領 雨爲沴 軍衞大將軍,主管侍衞步軍司 ',避殿减膳徹樂。乙巳,詔近畿水災, 兼馬 軍司 安吉為甚 **亟講行荒** 政

討 整 秋 辛未 七月甲子,蜀 制置使蒲擇之坐密通蠟書叛賊羅顯,詔竄萬安軍 帥愈 興 奏守瀘州劉整率所部兵北 降, 由興構 隙 太陰犯斗。 致 變 也。 乙亥, 至 以厲文 興移檄

本

紀第

24

+

1

理

宗

Ŧī.

翁 大全責授新州 爲資 (政殿學士、沿海制置使、知慶元府。 戊寅,王惟忠家訟冤,詔奪謝方叔合得恩數。 丁 團練使,貴州安置(三)。 臺臣吳燧奪職罷祠,陳大方、胡大昌皆鐫官。 壬午,

白 陳韡卒,贈少師,諡忠肅。 之、杜庶皆責徴償。 侵盜掩匿之罪。時以兵退,遣官會計邊費,似道忌功,欲以汙衊一時閫臣,士璧及趙葵、史岩 [鹿磯之功賞七官,以五官轉行遙郡防禦使,餘官給憑。 八 月壬辰,命韓宣兼常德、辰、沅、澧、靖五郡鎭撫使, 信州謝枋得,以趙葵傲給錢聚募民兵守禦一至是,自償萬緡。壬寅, 丙戌,吳潛責授化州團練使,循州安置。 丁酉, 呂文德兼四川宣撫使,范文虎以 詔奪向士璧從官恩數,窮竟

經入見。 在野時 已遁 九月辛酉,詔湖、秀二郡水災,守令其亟勸分,監司申嚴荒政。 大元使郝經久留眞州,帝趣與錫賚。 値我 (世祖皇帝歸正大位撤兵,似道自詭有再造之功,諱言歲幣及講和之事, 經之留,謀出 賈似道, 帝惑其言不悟。 乙亥, 李庭芝言李松壽 蓋似 故不使 道

周

國公主館于安濟橋。乙巳,以江

|萬里爲端明殿學士、同簽書樞密院事,依執政恩數。

戌 丑: 程元鳳授特進、觀文殿大學士、體泉觀使兼侍讀。 冬十 ·月癸巳, 甲申, 詔申獎賈似道鄂州之功。 呂文德言已復瀘州 外堡,擬即對江壘石爲城,以示持久之計,從之。戊 丙午,以何夢然同知 甲寅, 皇太子擇配,帝詔其母族全昭 樞密院事 兼參知 政 事。

孫之女擇日入見。 爲議,大全敗,故有是命。丙辰,沈炎資政殿學士,提舉臨安府洞霄宮,任便居住。 可念,准、湖百姓尤可念。」上曰:「卽此語可母天下。」迨開慶丁大全用事,以京尹顧嵒女 寶祐中,昭孫沒于王事,全氏見上,上曰:「爾父死可念。」對曰:「臣妾父

浙 使。 川總領、變路轉運使。庚申,周國公主館成,詔董宋臣、李忠輔各官一轉。甲戌,資政殿學士 進封有差。」癸未,封全氏永嘉郡夫人。 致仕汝騰卒,贈官四轉,諡忠淸。 西安撫使。下嫁周國公主于楊鎭。 詔:「駙馬都尉楊鎭家合有賞典,楊蕃孫官兩轉,楊鐸、楊鑑官一轉,並直祕閣,餘轉官 十一月己未朔,劉雄飛和州防禦使、樞密副都承旨、四川安撫制置副使兼知重慶府、 安南國貢象二。丁丑,馬光祖提領戶部財用兼知臨安府、 己卯,以鎭爲宜州觀察使,賜玉帶,尋升慶遠軍承宣 几

舊端明殿學士、提舉臨安府洞霄宮,任便居住。 癸卯,册永嘉郡夫人全氏爲皇太子妃。 子賓客,馬光祖同知樞密院事兼太子賓客、知臨安府。己亥,太陰犯五車。 請宣付史館、永爲世程法。」從之。甲午,以皮龍榮兼權知樞密院事,何夢然參知政事兼太 道,王化之基,男女正位,天地大義。平日所講修身齊家之道,當眞履實踐,勿爲口耳之學。』 十二月庚寅,改竄蒲擇之于南康軍。辛卯,宰臣奏:「太子語臣等言:『近奉聖訓,夫婦之 壬寅、江萬里依

詔:「陳塏等耆年奉祠,宜示崇獎:陳塏端明殿學士,林彬之寶章閣待制 甲戌、詔權知梁山軍李鑑守城有功,帶行閤門宣贊舍人,就知梁山軍。 戊辰,周國公主進封周、漢國公主。 丑, 丁仁直寶謨閣,仍並予祠祿。」甲子, + ,呂文德進開府儀同三司。 詔諭西蜀郡縣等官,已授遇闕, 年 Ī 月戊子 朔,韶申飭百官盡言。 庚午,賜賈似道第宅于集芳園,給緡錢百萬,就建家廟。 福建路安撫使馬天驥進資政殿大學士, 毋遙受虛批月日,違期不赴。 詔量移丁大全、吳潛黨人,並永不 丁卯, 復瀘州, 改爲江安 史季 以善諮嗣濮王。 職任依舊。 温直華文閣 錄 用。 壬 戌,

|州 其立功參贊將士,進秩、升職、犒給有差。乃裕授檢校少保。以皮龍榮爲資政殿大學士、知潭 李璮以漣、海三城叛大元來歸,獻山東郡縣。 視京東河北等路軍馬、齊郡王,復其父李全官爵。璮卽松壽 、湖南安撫使。乙巳,太陰入氐。戊申,詔省試中選士人覆試于御史臺, 二月丁亥朔,臨安、安吉、嘉興屬邑水,民溺死者衆,詔守臣給槥瘞之。 詔改漣水爲安東州,授璮保信寧武軍節度使、 爲定制。庚戌 詔獎諭制置

縣爲 軍馬。 東海 三月乙丑,以孫附鳳爲端明殿學士、簽書樞密院事兼太子賓客。 軍 庚辰, 呂文福依舊職差知濠州兼淮西招撫使。 丁丑、汪立信升直華文閣、知江州、主管江西安撫司公事,節制蘄、黄、興國三 辛未,一 詔升海州

夏 四 月 庚 寅, 太白 畫 見。 庚 子 熒惑 與歲星合在 危。 甲辰 有 流 星大 如 杯

以 欽 病 宜 請 五. 月 融 丽 王 柳 詔 戌 知 象 腷 熒 潯 惑 孙 諸 兼 犯 州 福 歷 守 壘 建 臣 安撫 陣 任 責 使。 丙 (措置 寅 丁 雨 丑 經 雹 咯 賜 己巳 禮 安 部 撫 進 以 詔 課 士 方山 殿最 廣 西 京以 靜 仍條 江 下 屯 具 六百 來 田 上。 三十七人 小 辛 試 有 未 效 及第 馬光 其邕 出出 旭

身。 庚 辰 夏 貴 上 蘄 縣 戦 功

州 孫 歸 國 校 兵 太 附 葬 安安 南 詔 師 歸 鳳 六 一南 許 月 兼 國 安 諭 歸 戊子 權 王 南 制 葬。 參 置 國 劾 知 已亥 詔 王 司 忠 政 別劾之。 李 事 順 加 董 化 食 璮 槐 楊 受圍 功 邑, 己 棟 乞 臣 酉 端 致 一,給 男威晃 仍 有有 仕 明 賜 一,詔 殿 銀 流 金帶 五 學 授 星 授特 萬 土 靜 大 兩 器 海 如 同簽書 進。 幣 熒 軍 下 惑 益 節 戊 鞍 都府稿 申 度 樞 馬 觀 庚 7 密院 詔 戌 察處置 癸 青陽 師 事 安 丑: 兼 遺靑陽 南 2 夢 使、 太子 詔 或 炎援李璮 應謫 檢 王 賓客。 校 夢 日 臣 炎 煚 太 僚 率 尉 上 , 不 終於 壬 表 師 兼 辰 俟 援 御 乞 貶所 之。 史 世 解 吳潛 大 襲 童 夫、 庚寅 沒 詔 輒 許 授 提 E 柱 援 循 檢

蜀 董 槐 託 薨 秋 疾 七 贈 惲 月 少 行 丙 師 辰, 詔 諡 奪二 詔 文 州 清。 秩 縣 官廩 庚 押往 今午 祿 京湖制司 周 不 時 漢 給 國 者 自效。 公 主 御 薨 史 戊寅, 臺覺察, 賜 諡 端 侍御 孝 或以 史范純父言:「前 壬 他 申 物 江 折 州 支 都 計 統 贓 几 聶 論 川 世 罪 制置使俞 興 調 壬 遣 戌

本

紀

第

四

-+-

I

理

宗

五

癸未, 詔申嚴諸路郡縣苛取苗米之禁。 甲申, 夜有白氣亘天。 興,妬功啓戎,罷任鐫秩,罰輕,乞更褫奪,以紓衆怒。」奏可。 辛巳,詔重修吏部七司條法。

戌,李璮兵敗爲大元所誅,事聞,詔沿邊諸郡嚴邊防。 汪立信升直數文閣、主管沿江制置司 學士,職任依舊。 公事、知江州、主管江西安撫司公事。癸卯,太陰犯昴。 丁酉,築蘇州城。知州王益落階官,正任高州刺史,制置使汪立信上新城圖,詔獎論。戊 八月甲午,海州石湫堰成,詔知州張漢英帶行遙郡刺史、馬步軍副總管、帶行環衞官。 乙巳,沿江制置使姚希得進寶章閣

書安貧,不事科舉,今已百四歲,詔補迪功郎致仕,本郡給奉。 九月壬申,召陳奕赴樞密院禀議。丙子,有流星大如太白。 丁丑,温州布衣李元老,讀

經赦,毋注緊、望闕,著爲令。戊申,詔:「紹興府火,給貸居民錢,今及二載,民貧可憫,悉除 卿,歲終無評事可舉,即舉在京三獄官。 庚子,有流星大如太白。 丙午,詔應知縣罪罷,雖 閏九月甲申朔,太白晝見。 丙戌,流星透霞,大如太白。 戊戌,詔刑部長貳、大理卿、少

密院事、兼權參知政事兼太子賓客,葉夢鼎端明殿學士、同簽書樞密院事兼太子賓客。丁 冬十月乙卯,詔蠲四川制總、州縣鹽酒権額。 己未,太陰犯歲星。 甲子,以楊棟簽書樞

岑從毅納土輸賦,獻丁壯爲王臣。 卯,呂文德言遣將校禦敵,多逗遛不進,且奏功失實,具姓名上聞。 削 网络 秩 ()馬堃、王甫削一秩, 餘貶降有差。 詔改歸化爲來安州,從毅進秩修武郎、知州事,令世襲。 太陰犯五車星。 庚午,太白入氐。 甲戌,歸化州 詔: 呂文煥、王達、 趙眞

丙子, 韶安豐六安縣升軍使。

撫副 申, 賜姓王, 大全貴州團練使,移置新州 徐淸叟薨,贈少師,諡忠簡。 使。 十一月壬辰,丁大全竀貴州 名永堅, 丁未,皇孫容州觀察使封資國公焯薨,贈保靜軍節度使、廣國公。熒惑、塡星合在 補武翼大夫、夔路副總管,重慶府駐箚。戊戌,以夏貴知廬州 癸巳,馬光祖乞祠祿,詔提舉臨安府洞霄宮,任便居住 丁酉,資陽砦主萬戶小哥及其子衆家奴叛來降, 招游手, 立將校, 置弓矢舟楫, 縱僕隸淫虐軍民, 准 詔 西 小 詔 安 哥 丙

十二月辛巳,呂文德累疏辭兼四川宣撫,詔仍兼四川策應使。

父澤,奉親不仕。 限 ,不如所 四年 ·春正月壬午朔,詔侍從、臺諫、給舍、卿監、郞官以上及制總、監司各舉所知,不拘 舉,行連坐法。 詔林亦之、陳藻贈迪功郎,林公遇元官上進贈一官。 戊子,林希逸言蒲陽布衣林亦之、陳藻有道之士,林公遇 詔董宋臣同提舉奉 幼承

本

紀

第

四十

五

理宗

Ŧī.

 安符 寶所 ,仍奉祠祿。 己亥、嚴州火。 丙午,詔革詞訴改送之弊。

領 溺 守臣韓宣轉遙郡承宣使,蘇劉義吉州 死 藤州 陳貴爲檢閱。戊午, 二月 、癸丑,詔:吳潛、丁大全黨人遷謫已久,遠者量移,近者還本貫, 詔許歸葬。 詔俞興往歲失陷瀘城, 日暈周匝。 刺史。 乙亥, 呂文德浚築鄂州、常、澧城池訖事(三), 更削一秩。 丁巳, 置官田所, 並不復用。 以劉良貴爲提 詔獎之, 丁大全

朱禩 府趙 安撫 制 福 置 州 使兼 使, 孫 觀察使。 汝棋推行經界,不擾而辦,職事修舉,升直華文閣, 三月丁亥,以呂文德爲寧武、保康軍節度使,職任依舊, 太府卿 呂思望 知重 三慶府、 ,汪立信太府少卿,並依舊任。 三知濠州 四川總領財賦、變路 兼准 西 招撫使。 庚子,以何夢然兼權 轉運使。 壬辰,太陽赤黃暈。丁酉,以王堅知和州兼管內 加授姚希得刑部尚書,李庭芝兵部侍郎 依舊任。 知樞密院事 劉雄飛樞密都承旨、四川安撫 戊申, 忠州防禦使貴傑授 0 丁未, 詔 知 寧國

遵元 制 夏四月乙卯,太陰犯權星。 詔罷之。 戊辰,太陽赤黃暈,不匝 丙寅,官田所言,知嘉興縣段浚、 知宜興縣葉哲佐買公旧不

迪功郎 五 月庚寅,太陰入氐。 何基婺州教授兼麗澤書院山長 丁 酒,婺州 布衣何基,建寧府布衣徐幾,皆得理學之傳。 徐幾建寧府教授兼建安書院山長。 戊戌, 四川制 詔各補

二月 (甲寅, 大元兵攻嘉定城, 馬 堃 出 戰禦之。 詔 馬堃 援變遷延削 秩, 令以所轉 四官

理作敍復。流星出自角宿距星。

{錄 開 申 有 湖 詔 六 賈似道 平江 江 T 月 西 卯 壬 諸 流流 子 以 下 道 江 ,, 仍 陰、 星 官 出 雨 安吉、 舊和 自 兩 河 轉 乙卯,京 嘉 興、 丙 庚午 常州 寅 城 火。 - ,宰執進玉牒 詔 鎭江 公田 丙辰, 六 竣 事 郡 韶饒虎臣敍復元官 已買 劉 {日 良貴官 曆、 公田 會要、 三百五 兩轉,陳貴、 經武要略及徽宗長編 ,依舊提舉 十餘萬畝 廖 邦 太平 傑泊六郡 今秋 興 成 國宮。 在 寧宗 官 瀬 進 , 秩 其 庚

秋 七月 **£** 辰, 敕令 所 進 寧宗以來寬恤 詔令。 戊戌 以董 宋臣爲 入內內侍省 押 班

月 甲 寅 董 宋臣 以 病 乞收 回 恩命, 請 祠 詔 賜 告 五 月。 Z 卯 流 星 出 自 天 倉

知 樞 九 密 月 院 甲 事 申 兼 詔 參 趙 知政 汝 楳 事 爲 , 楊 太 府 棟 同 小 卿 知 淮 樞 密院 東 總領 事 兼 財 權 賦 参 知 辛 政 卯 事 祀 葉夢 明 鼎 簽書 大 赦 樞 密 甲 院 午 事 以 |何

然

冬 + 月己 未 詔 一發網 錢 百 几 + 萬 命 浙 西六郡置 公 田 莊 甲子 , 命 張 迅 興元 府 駐 箚 御

前諸軍都統制兼知合州。

十一月己亥,福州火。

本

紀

第

74

+

五

理

宗

ŦĒ

月 T 未 朔 詔 皇 太子宮講 官詹 事以下、 日 輪一員, 辰入酉出 專講 讀 (), 備 洛問 以稱

八五

白、歲星順行。

輔導之實。 己未, 詔:在京置窠栅、私繫囚丼非法獄具, 臺憲其嚴禁戢, 違者有刑。 辛未,太

易,助收幣楮。 五年春正月丁丑朔,詔崇經術,考德行。 庚子,太子右爺德湯漢三乞休致,授祕閣修撰、知福州、福建安撫使。 癸巳,出奉宸庫珠、香、象、犀等貨下務場貨

二月壬戌,流星出自畢。 甲子,太陰犯房。丁卯,太陰犯斗。 辛未,雨土。

安撫使、行宮留守。 三月辛巳,王堅卒,賜諡忠壯。 己丑,日暈周匝 馬光祖依舊觀文殿學士、沿江制置使、知建康府、 江東

以臺臣 軍將領余元友等提兵防護春耕有功,補轉兩官資。 府、四川總領、變路轉運使。 乏,特賜緡錢三十萬。 制置使。 夏四月丙午,詔:管景模妻孥陷沒,效忠愈堅,平時所得奉入,率以撫恤將士,遂至空 刻罷。 庚午,太白、歲星合于婁。 己巳,江萬里以資政殿學士知建寧府, 尋賜金帶。 辛亥,詔郡邑行鄉飲酒禮。 丁未,以夏貴爲樞密都承旨、四川安撫制置使,兼知 戊午,太白晝見。 李曾伯以觀文殿學士知慶元府、沿海 癸丑,太陰入太微垣。 乙丑,何夢然、馬天驥 乙卯, 信陽 重

五 月庚辰,何夢然以資政殿大學士知建寧府。 辛卯,以楊棟參知政事,葉夢鼎同知樞

密 院 自河 事兼 鼓, 權參知政 大如太白。 事,姚希得端明殿學士、同簽書樞密院事,馬天驥提舉洞睿宮。 乙未,安南國奉表謝恩,進方物,詔却之,仍賜金帛以獎恭順。 甲午 流流

亥,太白經天晝見

午, 祈 **花**行。 停。 旨、沿江制置 州詹沔之變,乃謝墍任都吏徐信苛取激之,堅罪重罰 直學士,依舊任,朱禩孫右文殿修撰、知靜江府、廣西經略使,汪立信祕閣修撰、樞密 丁未、詔饒虎臣敍復資政殿學士,依前通奉人夫,差遣如故。 六月甲辰朔,知衢州謝堅,因寇焚掠常山縣,弃城遁,詔削三秩,褫職不敍。 雨 己巳,太白、太陰並行入井。 太白犯天關星。乙丑,命董宋臣兼主管御前馬院、御前酒庫。戊辰,熒惑、歲星 副 使兼知江州、江西安撫使。 庚午,太陽赤黃暈 韶呂文德職事 輕。 修舉,與官一 詔斬信, 甲寅,加授李庭芝寶章 籍其家, 一轉。 太陰犯心。 堅再削 臺臣言衢 副都 网 秩 戊 閣 勒

像; 保,追封臨海郡王,諡莊憲。 子時楙削一 出 自右攝提星,彗星退于鬼。 又順 秋七月甲戌,彗星出柳。 化人楊嗣光等奉太宗、眞宗、仁宗、英宗、神宗像來歸,令櫝藏府中天慶觀。」詔本 秩,罷新任。丙申, 甲午,塡星守畢。乙未,馬天驥以臺臣劾其貪贓,奪職 辛巳,彗星退于井。 丁丑,詔避殿減膳,應中外臣僚許直言朝政闕 知嘉定府洪濤言:「新繁縣御容殿前枯木再榮,殿有畫太祖 甲戌,京城大火。癸巳,謝奕昌卒,贈 失。 己卯 龍 流星 祠,其 少

本

府選差武臣迎奉赴行在所,嗣光補武階兩資。祈雨。 臺臣言太子賓客楊棟指彗爲蚩尤旗,

欺天罔君,詔棟罷職予祠。戊戌,**彗星退于**參。

見于參。辛未,彗星化爲霞氣。 八月壬寅朔,熒惑興塡星合。丙午,以楊棟知建寧府。戊午,彗星消伏。甲子,彗星復

開劾其怨望騰謗,大不敬,竄興國軍。 寧府教授謝枋得校文宣城及建康漕闈,發策十餘問,言權奸誤國,趙氏必亡。左司諫舒有 九月己丑,日生格氣。癸巳,內侍李忠輔以臺臣劾其貪肆欺罔,削兩秩放罷。乙未,建

赦。丁卯,帝崩。遺詔皇太子禮卽皇帝位。咸淳元年三月甲申,葬于會稽之永穆陵。二年 十二月丙戌,諡曰建道備德大功復興烈文仁武聖明安孝皇帝,廟號理宗。 丑,詔行關子銅錢法,每百作七十七文足,以一準十八界會之三。帝有疾不視朝。丙寅,大 多十月丙午,太陰犯斗。辛亥,詔十七界會浸輕,並以十八界會易之,限一月止。乙

崔與之、吳潛之賢,皆弗宪于用;而史彌遠、丁大全、賈似道竊弄威福,與相始終。治效之 **贊曰:「理宗享國久長,與仁宗同。然仁宗之世,賢相相繼,理宗四十年之間,若李宗勉、**

不及慶曆、嘉祐、宜也。

來使,似道諱言其納幣請和,蒙磁抑塞,拘留不報,自速滅亡,吁,可惜哉! 會稽之恥,復齊襄之讐矣; 蔡州之役,幸依大朝以定夾攻之策,及函守緒遺骨,俘宰臣天綱, 顧乃貪地棄盟,入洛之師,事釁隨起,兵連 一禍結,境上日蹙。 歸獻廟社, 由其中年嗜 亦可 以嗣 郝經

多,怠於政

事,權移奸臣,經筵性命之講,徒資虛談,固無益也。

儒,表章朱熹四書,丕變士習,視前朝奸黨之碑、僞學之禁,豈不大有徑庭也哉! 其殆庶乎 弗獲大效,後世有以理學復古帝王之治者,考論匡直輔翼之功,實自帝始焉。 雖然,宋嘉定以來,正邪貿亂,國是靡定,自帝繼統, 首黜王安石 孔廟從祀, 廟號日「理」 升濂、 身當季運, 洛九

校勘記

(二) 皮龍榮端明殿學士簽書樞密院事 「事」,原作「使」,據本書卷二一四字輔表、宋史全文卷三六

新州 ·,宋史全文卷三六同,惟所責授的官職是_{貴州}團練 副 使

按此處上下文和本書卷四七四本傳,

大全先責貴州,

(三) 丁大全責授新州團練使貴州安置

3 呂文德浚築鄂州常澧城池 本 紀 第 120 + Ŧi 校 勘 記 按宋史全文卷三六:「呂文德浚築鄂、岳、常德、澧州城池」,

宋史卷四十六

本紀第四十六

度宗

神器焉 及生、室有赤光。 榮王夫人錢氏夢日光照東室,是夕,齊國夫人黃氏亦夢神人采衣擁一龍納懷中,已而有娠。 四月九日生于紹興府榮邸。初,榮文恭王夫人全氏夢神言:「帝命汝孫,然非汝家所有。」嗣 度宗端文明武景孝皇帝、諱禥、太祖十一世孫。 **資識內慧,七歲始言,言必合度,理宗奇之。 及在位歲久,無子,乃屬意託** 父嗣榮王與芮,理宗母弟也。嘉熙四年

觀察使,就王邸訓習。 名孜、進封建安郡王。 淳帖六年十月己丑,賜名孟啓,以皇姪授貴州刺史,入內小學。 九年正月乙巳,授慶遠軍節度使,封益國公。十一年正月壬戌,改賜 寶祐元年正月庚辰,韶立爲皇子 [1],改賜今名。癸未,授崇慶軍節 七年正月乙卯,授宜州

本紀

第

四 十

六

度宗

度使 理宗製堂記,書以賜王。 開府儀 同三司,進封永嘉郡王。 十月癸酉,進封忠王。 二年七月,以宗正少卿蔡抗兼翊善。 十一月壬寅,加元服,賜字邦壽 時資善堂初建, 五年十月

,,授鎭南、遂安軍節度使。

講 全氏爲皇太子 問 庶 太子入東宮; 今日 事 景定元年六月壬寅,立爲皇太子,賜字長源,命楊棟、葉夢鼎爲太子詹事。 年 講 退入講 Ė 何 月 經 妃 堂,講官講經,次講史,終日手不釋卷。 癸未,行册 T ,答之是,則賜坐賜茶;否則爲之反覆剖析;又不通,則繼以 ,丑,謁 孔子于太學,請以張斌、呂祖謙列從祀。 禮。 時理宗家教甚嚴, 鷄初 鳴問安 將晡 再 復至榻前起居, 鳴 十二月癸卯,册永嘉 回宮,三鳴往會議所參决 |怒,明日 率爲常。 七月丁卯, 郡 須 更覆 理宗 夫人

崇節 五 年 十月 庚 午 - , 宰執 丁 卯,理宗崩,受遺韶,太子卽皇帝位。 八文武 百官詣祥曦殿 表 請聽政,不允。 戊辰, 尊皇后 辛未,大 赦。 謝氏日皇太后,生日爲

里 詔 殿 求 王爚、洪天錫、湯漢等赴闕。 命馬廷 直言 十 一 月 鸞、留夢炎兼侍 叉詔 <u>I</u>: 申,宰執以下日表請視朝,不允。 先朝舊臣趙葵、謝方叔、程元鳳、馬光祖 讀 李伯玉 詔躬行三年喪。 、陳宗禮、 范東叟 丁丑,凡七表始 復濟王站元贈少師、節度使一追封鎭王 兼 、李曾伯各上言以匡不逮。 侍 講 從。 何基、 丙 徐幾 .戌, 帝初聽政, 無崇政殿 召江萬 說書。 御後 諡

本

紀

第

79

-|-

六

度宗

昭 詔 無勞邊防將士。 肅 ,有司討論墳制增修之。 監察御史劾宦官李忠輔、何舜卿等贓罪, 加封嗣榮王與芮武康、寧江軍節度使 並竄遠方。 依前太師、判宗正 戊戌,詔儒臣日侍 4

經筵,輔臣觀講。

乙未,命洪天錫以侍御史兼侍讀。

大學衍義序, 陳心法之要。 絕 貢羨餘。 十二月辛丑,詔改明年爲咸淳元年,行銅錢關子,率貫以七百七十文足。 甲辰,韶以生日爲乾會節。 初開經筵,講殿以熙明爲名。 禮部尚書馬廷鸞進讀 壬寅,戒贓吏

萬 .六千九百八十九,口一千三百二萬六千五百三十二。 大理寺奏大辟三十三人。 是歲, 兩浙、江 1東西、湖南北、廣東西、福建、成都、京西、潼川、 夔、 利路戶五百六十九

癸酉 咸淳元年春正月辛未朔,日有食之。 直學士院留夢炎疏留似道。 甲戌, 諫議 丞相賈似道請爲總護山陵使,不允, 大夫朱貔孫等亦請改命,不報。 尋下詔獎諭。 詔臨安免征

二月庚申 置籍 中書、記諫官、 御 (史言) 事 ,歲終以考成績。

商三月。

丙子

京湖制置使呂文德辭免,不允。

月癸酉 似道 乞解機政,不允。 壬午,京湖制司 創招鎭邊軍。 甲申, 葬理宗于永穆

陵。

市、沙平之戰獲功,轉官兩資;將士效力者,上其名推賞。 臨安官私房僦地錢。 戊午,賈似道特授太師。己未,幸景靈宮,發米八萬石贍京城民。 夏四月壬寅,賞四川都統昝萬壽雲頂山、金堂峽之功,及其將士。 戊申,乾會節,如上免徵,再免在京征商三月。自是祥慶、災異、寒暑皆 夔路都統王勝,以李 丁未,壽崇節, 免徴

五月己巳,追命史彌遠爲公忠翊運定策元勳

總管張順歿于王事,詔特贈官五轉,其子與八官恩澤。 明殿學士、簽書樞密院事。丁巳,以錢三十萬命臨安府通變平物賈。丁卯,故成都馬步軍 遇霪雨雪寒,咸賜如上數。以江萬里參知政事,王爚同知樞密院事、權參知政事,馬廷鸞端 二十萬贍在京小民,錢二十萬賜殿、步、馬司軍人,錢二萬三千賜宿衞。 自是行慶、恤災、或 閏月乙巳,久雨,京城減直糶米三萬石。 自是米價高卽發廪平糶,以爲常。 。丁未,發錢

使葉夢鼎三辭免,不允。己丑,名理宗原廟殿曰章熙。 六月乙酉,名理宗御製之閣曰顯文,置學士、直學士、待制、直閣等官。 戊子,沿海制置

壬戌、督州縣嚴錢法,禁民間用牌帖。癸亥,以諒陰,命宰執類試、阮登炳以下,依廷試例出 寅,參知政事江萬里乞歸田里,不允。戊申,夔路安撫徐宗武城開、達石城,乞推恩,從之。 秋七月丁酉,太白晝見。初命迪功郎鄧道爲韶州相江書院山長,主祀先儒周惇頤。

身。禁在京置窠栅,私繫囚。

勝、統領張林、正將高興、副將孟興逆戰,沒于陣,詔勝等各官其一子進勇副尉。 無藝,監司其嚴禁戢,違者有刑。」甲午,大元元帥阿朮帥大軍至廬州及安慶,諸路統制范 八月庚辰,命陳奕沿江按閱軍防,賜錢二十萬給用。 丁亥,詔:「有司收民田租 或掊克

稅錢什四。 庚申,吏部侍郎李常上七事,日崇廉恥、嚴鄉舉、擇守令、黜貪汚、藏疑獄、任儒師、修役法。 者能者,各上其名錄用。癸丑,呂文德言京湖制、帥、策應三司官屬,乞推恩,詔各進一秩。 多十月壬申,減四川州縣鹽酒課,始自景定四年正月一日,再免徵三年。乙亥,減田契 九月己酉,以洪天錫爲工部侍郎兼侍讀。壬子,命宰執訪司馬光、蘇軾、朱熹後人,賢 庚辰,江安州、潼川安撫司以攻懷、簡小富砦戰圖來上,詔優答以賞

十一月乙未,兄少保、保寧軍節度使致仕乃裕薨,贈少傅,追封臨川郡王。

二年春正月癸丑,江萬里四請歸田、乞祠祿,不允,以爲湖南安撫使兼知潭州

二月乙巳,侍講范東叟奏正心之要有三:日進德,日立政,日事天。上嘉納焉。

詔 · 免湖南漕司積年運上峽米耗折逋直。辛卯,詔左、右史循舊制立侍御坐前

三月庚子,賞變路總管張喜等防護開、達軍功,將士進官有差。 乙巳、詔郡守兩年爲

紀

第四

六

度宗

任,方別授官。戊申,賜敕書獎諭呂文德。

清心,日寡欲,日崇儉,皆致壽之原。」上嘉納之。丁亥,授信州布衣徐直方史館編校。 史程元岳上言:「帝王致壽之道在修德,後世忧邪說以求之,往轍可鑒。 修德之目有三,日 夏四月乙丑,洪天錫三請祠不允,以顯文閣待制、知潭州兼湖南安撫使。 甲申,侍御

五月癸丑,詔諸節制將帥討軍實:節浮費,毋占役兵士,致妨訓練

六月丁丑,給羅鬼國化州印。壬午,以衢州饑,命守、令勸分諸藩邸發廪助之。

養,不貴速成,請罷童子科,息奔競,以保幼稚良心。」詔自咸淳三年爲始罷之。 秋七月壬辰,祈雨。詔以來年正月一日郊。壬寅,禮部侍郎李伯玉言:「人材貴乎善

八月甲申,安南國遣使賀登位,獻方物。

九月丙辰,浙西安撫使李芾以臺臣黃萬石等言,削兩秩免。

勞之。乙卯,少師致仕趙葵薨,贈太傅,賜諡忠靖。丁巳,利東安撫使、知合州張珏調統制 冬十一月辛丑,兩淮制置使李庭芝立城,屯駐武銳一軍,以工役費用及圖來上。 詔獎

請于南郊,上謚曰建道備德大功復興烈文仁武聖明安孝皇帝,廟號理宗。大理寺奏歲終大 十二月丁丑,申嚴戢貪之令。甲申,以請先帝諡祭告天地、宗廟、社稷。丙戌,奉册、寶 史炤、監軍王世昌等復廣安大梁城,詔推爵賞有差。

寶禮 卯,壽和太后親屬謝奕脩、郭自中、黃興在等二十八人各升補 子學、宗正寺官若醫官、監書庫、門、庖等,各進一 進 顓 **册命妃全氏爲皇后。** 讀 孫 (中庸。 成, 師 三年春正月己丑朔,郊,大赦。 升十哲,邵雍、司馬光升列從祀,雍封新安伯。 謝堂等二十七人各進 己酉,執經官宗禮、講經官宜中各進一秩,宜中賜紫章服。 戊申, 帝詣太學謁孔子, 一秩, 丁酉,奉皇太后寳,上尊號日壽和。 高平郡夫人謝氏等二十二人各進 行舍菜禮,以顏淵、曾參、孔伋、 秩,諸齋長諭及起居學生, 禮部尚書陳宗禮、 一秩。 之 封 特 封 國子祭酒 太學、武學、宗學、國 辛丑,壽 推恩有差。 有差。 陳宜 和太后 孟軻 中三 癸 配

路 道 安撫徐宗武 太師、平章軍國重事 二月己未,克復廣安軍,詔改爲寧西軍。 創立 臥龍山堡囿,詔宗武帶行遙郡團練使,以旌其勞。 ,一月三赴經筵,三日一朝, 庚申,馬光祖再乞致仕,不允。 治事都堂。 丙子,樞密院言:知 乙丑, 夔州 詔賈似

月癸卯,知房州 李鑑 及將校杜汝隆、夏喜以戰龍光砦有功,優與旌 賞

族 姪 孫 夏 謝 四 月庚 鏞 等十四人, 申 壽和 各錫銀十兩、帛十疋。 詔:太中大夫全淸夫儒 太后兩次册、寶,族兄弟謝奕實等十 五人、族姪謝在達 科 發 身, 等匹 懇 陳換班 + -1

退 可尙, 特授清遠軍承宣使、提舉佑神觀、仍奉朝請。 乙酉、張珏護合州春耕、戰款龍溪、以

狀言功,詔趣上立功將士姓名。

親,仍聞過期弗子,是東奉吾命不虔也,諸路監司其嚴糾劾。」 五月丁亥朔,日有食之。戊申,詔曰:「比嘗命有司按月給百官奉,惟官愈卑, 去民愈

淑妃。 册 推恩,弟全清夫以下十五人官一轉,全必槱以下十七人補承信郎。 六月壬戌,加授呂文德少傅,馬光祖參知政事,李庭芝兵部尚書,並職任仍舊。皇后受 戊寅、詔榮王族姻與萊等三十四人各轉官有差。 癸酉,美人楊氏進封

武 詔 ,大夫權,鄂州都統,汪政,鄂城戰禦,又焚,光化城外積聚,及攻眞陽城,皆有功,該轉十二官。」 轉橫行遙郡。 ,權黎州張午招諭大青羌主歸義,乞用兩林西蕃瑜林例,賜予加優,從之。 秋七月丁亥,張珏授正任團練使、帶行左領軍衞大將軍,賜金帶。 壬辰,樞密院言:「右 甲午,四川都統昝萬壽調統制趙寶、楊立等率舟師護糧達渠城,以功推賞。

申,久雨,命在京三獄、赤縣、直司、簽廳擇官審决獄訟,毋滯。 遏。 乙丑、太師、武康寧江軍節度使、判大宗正事嗣榮王 八月辛酉,遣步帥陳奕率馬軍舟師巡邏江防。壬戌,邊報警急,詔諭呂文德等申嚴防 與芮進封福王, 主榮王祀事。

九月乙未,詔郡縣折收民田租,毋厚直取贏,違者論罪。癸卯,知邕州總統譚淵、李旺、

米、器 周 勝 等繇 甲、廬舍。 特磨行· 大理界 師還論功 率兵 ,各轉官三資, 攻建水州 軍校補轉有差。 禽 其知州阿孱以下三百餘人, 獲馬二百餘

冬十月庚申,復開州 賜四川策應司錢百 萬勞軍。 甲戌,大雷 電

+ 月丙申, 故左丞相吳潛追復光祿大夫。 壬寅, 賞知房州李鑑調遣路將夏喜、

馮興等均州武陽垻戰功。

復元官觀文殿學士、提舉洞霄宮皮龍榮貪私傾險,肾朋附丁大全,乞寢新命。 月丙辰, 呂文煥依舊帶行御器械, 改知襄陽府兼京西安 撫副使。 丁卯, 韶子祠祿 臺臣言敍

臣 非 制 副 淮都統張世傑申嚴備禦。 呂文煥、荆鄂都統制唐永堅蠟書報白河口、萬山、鹿門山北帥興築城堡,檄知郢州翟貴、 置 一之情也,然獨三宿出畫,庶幾改之。 義 使咎萬壽,特升右武大夫、帶行左驍衞大將軍,賜金帶。己酉,印應雷改知慶元府兼沿 也。 使。 四 年春正月癸未, 亦由一二大臣嘗勇去以爲衆望,相踵至今。 庚戌、詔曰:「邇年近臣無謂引去以爲高,勉留再三,弗近益遠,往往相尙,不 賜呂師夔紫章服、金帶。 癸巳,故守合州王堅,賜廟額日 儒者家法、無亦取此乎。 己 山; 孟子於齊王不遇,故去,是未嘗 呂文德言知襄陽府兼京西安撫副 口報忠。 **股於諸賢** 癸卯, 沔州駐箚潼川安撫 允謂無負 有 知 其 使 海

本

紀

第

덴

六

度

宗

000

高尙,使人疑於負朕。」

閏月庚午,賜夏貴金帶。

賀。 **歪錄丼繫跋眞本來上。丙申,右正言黃鏞言:「今守邊急務,非兵農合一不可。一曰屯田,二** 民,今又違制擅進,削一秩罰輕。詔削四秩,奪觀文殿大學士、惠國公,罷宰臣恩數,仍追寶 帝行事爲己功,殊失大臣體,宜鐫一秩。」於是盧鉞等相繼論列方叔昨蜀、廣敗事,誤國殄 丁酉、詔故修武郎姚濟死節、立廟、賜額曰忠壯。 日民兵。 上曰:「謝方叔託名進香,擅進金器諸物,且以先帝手澤,每繫之跋,率多包藏,至以先 夏四月壬午,湯漢三辭兎刑部侍郎、福建安撫使。 庚寅,乾會節,帝御紫宸殿,羣臣稱 川蜀屯田爲先,民兵次之,淮、襄民兵爲先,屯田次之,此足食足兵良策也。」不報。

龍以下六百六十四人進士及第、出身。丙子,賈似道乞骸骨,不允。 五月辛酉、樞密都承旨高達再辭侍衞都虞候、乞歸田里、命孫虎臣代之。 壬申,賜陳文

六月辛巳,葉夢鼎再乞歸田里,不允。詔罷浙西諸州公田莊官,募民自耕輸租,租減什

二,毋私相易田,違制以盜賣官田論。

三十四人推恩進秩。 秋七月戊午,有星出氐宿,西北急流入騎官星沒。己未,淑妃楊氏親屬楊幼節以下百 戰

功。

本紀第四

-

六

度

呼延德領諸將張喜等,遇北兵戰于蠻河。 福 州 五 個 年春正月丁未, 建安撫使, 封信國公。以馬廷鸞參知政事兼同知樞密院事。 以李庭芝爲兩准安撫制置大使兼知揚州。 癸亥,葉夢鼎累章請老,留之,固辭,依前少保、判 壬子, 甲戌, 京湖策應司參謀 以江萬里參知

二月戊子,江萬里辭冤參知政事,不允。

政

酉, 允。 爲 全氏以下三十二人各特封 右丞相 京湖都統張世傑率馬步舟師援襄、獎,戰于赤灘圃。 乙卯,皇后歸寧,族姻 三月丙午,北帥阿朮自白河以兵圍樊城。 兼 樞 密使。 己巳,以馬光祖 有差。 推恩、保信軍節度使全清夫以下五十六人各進一秩,咸安郡夫人 大元兵城鹿門。 知樞密院事兼參知政事,吳革沿江制置使。 甲寅,葉夢鼎辭觅判福州、福建安撫使,詔不 己未、詔浙西六郡公田設官督租 戊辰,以江萬里爲左丞相,馬廷鸞 有差。辛

兵護錢栗餉 **兼常德、澧、辰、沅、靖五郡鎭撫使。** 蓬州 夏 界白 几 月丙子,賞張世傑戰功。 土、神山、蒲渡等處今年春戰功。 寧西軍,還至水磑頭,戰有 辛巳,江萬里、馬廷鸞辭免, 癸巳,李庭芝特進一秩。 功, 詔推賞。 丙戌 以安西都統張朝寶、利東路 己丑 一、劉雄飛依舊 高郵縣夏世賢七世義居,詔署 詔不允。 樞密都 壬午, 承旨、知 安撫張 知 渠州 張資 沅州 珏

撫徐宗武沒于王事,乞優加贈恤。 煥、呼延德戰福山,楊青、李忠戰石湫,俱有勞效,推賞有差。 星自斗宿距星東北急流向牛宿,至濁沒。壬戌, 五 月己 一酉,馬光祖依舊觀文殿學士、 提舉洞霄宮。 韶:信陽諸將婁安邦、朱興戰千石 乙卯, 程元鳳薨、 壬申, 京湖制司言: 故變路安 贈少師。 畈 庚 申, 呂文 有

家鉉翁辭免新命、詔別授職。 六月庚辰,以呂文福爲復州團練使、知濠州兼淮西安撫副使。 庚子,李庭芝辭免兼淮東提舉,不允。 甲申,皇子昰生。 字卯

韶致仕恩外,特官其一子承節郎

星 自 河鼓距星西北急流,至濁沒。 秋 七月己酉,觀文殿學士馬光祖乞守本官致仕,詔允所請。庚申,祈雨。 壬戌,東南有

上 戰 「禦宣力,以錢二百萬犒師,趣上其立功姓名補轉官資 八月戊寅、詔郡縣收民田租,毋巧計取贏,毋厚直折納,轉運司申嚴按劾。 詔襄、樊將

寶 太師、判大宗正事、福王、主榮王祀事與芮加食邑一千戶。 九 月 丙 午,祈晴。 辛酉、祀明堂、大赦。丙寅、明堂禮成、 加上壽和聖福皇太后尊號册、

加 食邑七 冬十 ·月 百 戶。 甲申,子憲授檢校太尉、武安軍節度使,封益國公。己丑, 以湯漢爲 顯文閣直學士、提舉玉隆萬壽宮兼象山書院 呂文德進封崇國公 Ш

紀 第 四 + 六 度 宗

本

十 一 月戊辰,少傅文德乞致仕,詔特授少師,進封衞國公,依所請致仕

以 晃並加食邑一千戶。 福 ·錢二百萬命|京湖帥臣給犒襄、即等處水陸戍士。 戊子, 皇太后尊號册、寶禮成,姪謝堂、姪孫光孫等二十八人各轉一官,餘姻推恩有差。 月癸酉,文德卒,贈太傅,賜諡武忠。 大元兵築南新城。 己卯,以范文虎爲殿前副都指揮使。 詔安南國王父陳日煛、國王陳威 壽和聖 甲申

使。 戊辰,以江萬里爲福建安撫使。 臣起復淮東安撫副使、知淮安州。 己酉,以錢二百萬賜夔路策應司備禦賞給。 六年春正月壬寅, 以李庭芝爲京湖安撫制置使兼變路策應使, 辛酉,行成天曆。丁卯,上製字民、牧民二訓,以戒百官。 庚戌,以高達爲湖北安撫使、知鄂州, 印應雷 兩准安撫制置 孫虎

終篇,賜象簡、金御仙花帶、鞍馬。 孫權兵部尚書,仍四川安撫制置、總領變路轉運、知 二月辛未,檢校少保、安德軍節度使興萊加食邑五百戶。丁亥, 丁酉,以呂文福爲淮西安撫副使兼知廬州。 重慶府。 陳宜中經筵進講春秋 己亥,朱禩

壅於上聞歟?其令侍從、卿監、郎官,各舉廉吏,將顯擢焉。」 癸亥,詔:「贛、吉、南安境數被 三月庚子 ,朔,日有食之。 癸丑,詔曰:「吏以廉稱, 自古有之,今絕不聞,豈不 自章 顯而

寇 雖有砦卒,寇出沒無時,莫能相救。 宜即要衝立四砦, 砦屯兵百, 使地勢聯絡 禦寇爲

便,從三郡擇將官領之。」

夏四月戊寅,以文天祥兼崇政殿說書。

五月辛丑,以吳革爲沿江制置宣撫使。

疾辭退,疏十數上,上留益堅,禮異之,曰師 連 章請留 六月庚午,詔太極圖 似道。 庚辰,子憲薨。 [說、西銘、易傳序、春秋傳序,天下士子宜肄其文。 庚寅, 詔以襄、郢水陸屯戍將士隆暑露處, 相而 不名。 馬廷鸞洎省、部、臺諫、學、館、諸司, 出錢二百萬, 戊寅 賈 似道託

京湖制司給賜

秋七月,復開州,己亥,更鑄印給之。

縣 戶 令 田 租 八 置籍考覈 月甲申 害民 為 了歲終第其治狀來上。 瑞安府樂清縣嘉禾 甚,其令各路監 司詢訪,亟 生,詔 癸巳,以 薦士增四名。 除 其 弊。 夏貴 能舉 詔 精擇監 壬辰, 詔:郡縣行推排法, 職 事 工,進 司、守令, 一秩。 監司 詔 似道 察郡 十日 守, 虚 郡 加 寡弱 守察 朝。

九月庚戌,以黃萬石爲沿海制置使。壬子,台州大水

己 卯 冬十月丁 韶台州 發 丑: 義 倉米 遣范文 四 1千石 虎總統 幷發豐儲倉米三萬石,振遭水家。 殿 司 兩 准 諸 軍 往 襄 樊 會 合備 甲申 以 賜錢 陳宗禮 百 五 + 趙 萬犒 順 孫 兼

本

紀

第

匹

+

六

度

宗

權參知政事,依舊同提舉編修敕令、經武要略。

閏十月己酉,安吉州水,免公田租四萬四千八十石。 戊午,詔:殿、步、馬諸軍貧乏陣沒

孤遺者多,方此隆寒,其賜錢二十萬、米萬石振之。

詔陳宗禮進一秩,爲資政殿學士,依所請守兼參知政事致仕。 辰,詔:襄、郢屯戍將士隆寒可閔,其賜錢二百萬犒師。己丑,都統張世傑領兵江防。乙未, 十一月丁丑,嘉興、華亭兩縣水,免公田租五萬一千石,民田租四千八百一十石。 庚

各補轉三官,賜錢二千緡。大元兵築萬山城。 十二月戊戌,陳宗禮卒,贈七秩。己亥,詔:唐全、張興祖等齎蠟書入襄陽,往復甚艱

辛未,紹興府諸暨縣湖田水,冤租二千八百石有奇。 七年春正月乙丑,子昰授左衞上將軍,進封建國公。 詔揚漢、洪天錫赴闕。 韶戒貪吏。

內外百司 匝。 乙酉,平江府饑,發官倉米六萬石,吉州饑,發和糴米十萬石,皆減直振糶。丙戌,詔減 三月戊寅,發屯田租穀十萬石,振和州、無爲、鎭巢、安慶諸州饑。辛巳,日暈,赤黃周 更額。 戊子,發米一萬石,往建德府濟耀。詔臨江軍宣聖四十七代孫延之子孫,

與放國子監試。

夏四 一月辛 亥, 免廣 東提舉 司 鹽籬 銀 叁萬 兩。 甲寅 禮部侍郎陳宜 中 ·再乞補 外, 以 顯文

閣待制出知福州銀福建路安撫使。

五 月 Z 酉 賜 禮 部 進 張鎭孫以下五百二人及第、出身。 壬辰, 發米二萬石, 計 衢州

振糶。

浩繁, 臺亞 帶 罪。」 乏食,發義倉米一萬八千石 黃 轉 粮 輸 萬 震言:「本州 行 詔 米十 御 勃朱善孫督綱運受贓 六 賜錢二百萬給用。 器 月癸巳,以錢百萬、 饒立 萬 己未 械 石 削 知 於 兩 振 兩 江安州 秩 荒 五 淮 武 泂 勸 五 新城積 **分**, 岡 河 兼 丙申, 築城具完,賜名安准軍 軍 前穀 潼 銀五 四萬 居住 `,滅直 川 貯。 城縣尉 東路 千兩命 諸暨縣大 五 癸 千,韶特貸死, 振 洪天錫三辭召 安撫 丑, 糶。 競立 知嘉定府昝萬壽修城浚壕, 副 以隆暑給錢二百萬 、雨、暴 已亥, 積米二百 使 馬堃 風、雷電,發米振 韶以陸九 配三千里,禁錮 命,韶守臣 大元會兵圍 帶行御器 萬, 靳不發廩, 淵 孫 「賜襄、 勉 械 溥 諭 襄 不赦。 補 遭 陽 赴 郢 知 繕 水家。瑞州 闕。 咸 雖 屯 州 甲兵,備禦遏。 ~ 淳府, 嘗 戍 乙未, 文學。 戊 監 將 午 士。 貸 民及流 節 詔 己酉 紹 낈 制 宜 丙辰 興府饑 蜀 涪、 ΙE 鎭 以 遏 徙 閫 萬州 韓震 者 調 江 撫 州 府 飢 度 振

南 轉 秋 運 七 一 月辛 訪 求 先儒 未, 樞 張栻後 密院言吳信、周旺 人義倫以聞,詔補將仕郎。 齎蠟書入襄城 往 壬午,四 一復效勞, 四川 制置使朱禩孫言:「夏五 詔 各 補 官三 轉 1 丑 湖

九〇八

罷,上答天譴。」詔不允。癸未,詔:城五河,淮東制置印應雷具有勞績,進一秩,宣勞官屬 來,江水凡三泛溢,自嘉而渝,漂蕩城壁,樓櫓圮壞;又嘉定地震者再,被災害爲甚,乞賜黜

未,命沿江制置副使夏貴會合策應,以錢二百萬隨軍給用。 八月壬辰朔,日有食之。甲午,以錢三百萬,遣京湖制置李庭芝詣郢州調遣犒師。

將士皆推恩。

九月乙亥,顯文閣直學士湯漢、顯文閣直學士洪天錫各五辭召命,詔並升華文閣學士,

仍予祠祿。己丑,子濕生。

羣經要略。 多十月丙申,少傅、嗣秀王與澤薨,詔贈少師,追封臨海郡王。 己未、詔殿、步、馬諸軍貧乏陣沒孤遺者,方此隆寒,其賜錢二十萬、米萬石振 癸丑, 從政郎朱鑒孫進

官一 轉,端明殿學士,依所請致仕。 十一月癸亥,詔民有以孝弟聞于鄉者,守、令其具名上聞,將旌異勞賜焉。己已,詔楊漢

命四川 加 禄不允。 4-制司 二月甲午, 詔:諸路監司循按刑獄, 傔從擾民, 御史臺申嚴覺察。 下渠洋開州、寧西鎭撫使張朝寶創司犒師。 謝方叔特敍復元官職,惠國公致仕。 辛亥,初置士籍。 己亥,淮東統領兼知鎭江府趙溍乞 戊午, 韶舉廉能材堪縣 丙午,以錢三十萬

令者,侍從、臺諫、給舍各舉十人,卿監、郞官各舉五人,制帥、監司各舉六人,知州、軍、監各

考績,三考黜陟幽明。 守以上,更不數易,其有治狀昭著,自宜獎異。」辛未,子昺生。己丑,湯漢卒,賜諡文清 遷,事未克究,又望而之他。 吏胥狎玩,竊弄官政,吾民奚賴焉。 罰無貸。 八年春正月庚申,詔:「朕惟崇儉必自宮禁始,自今宮禁敢以珠翠銷金爲首飾服用, 臣庶之家,咸宜體悉。 漢之爲吏者長子孫,則其遺意也。 工匠犯者,亦如景祐制,必從重典。」又詔:「有虞之世,三載 比年更習媮薄,人懷一切,計日待 繼自今內之郞曹,外之牧 必

區、田三百畝,養其孤遺,以旌廉吏。丙午,以錢二百萬給犒襄、郢水陸戰戍將士。 二月癸巳,謝方叔卒,贈少師。 前知台州趙子寅歿、無所歸、特贈直 祕閣,給沒官宅

三月丙子,同知樞密院事兼權參知政事趙順孫授中大夫。

夏四月戊子,知合州、利路安撫張珏創築宜勝山城

克進、詔荆、襄將帥移駐新郢、遣部轄張順、張貴將死士三千人自上流夜半輕舟轉戰。 五月己巳,王爚除觀文殿學士,提舉萬壽觀兼侍讀。 大元兵久圍襄、樊,援兵阨關險不 比明

達襄城,收軍閱視,失張順。

洱 運 臺臣言江 府、浙東安撫提舉司事,以唐震爲浙西提點刑獄。 元 [i] 銀 六月 場病民。 以錢 .西推排田結局已久,舊設都官、團長等虛名尙在,占恡常役,爲害無窮; 丙 中, 千萬命京湖制司糴米百萬石, 皮龍榮徙衡州。 詔俱罷之。 · 癸 丑, 丁酉,以章鑑爲端明殿學士、同簽書樞密院事、同提舉經武 以錢五百萬緡命四川制司詣湖北糴運上峽入變米五 轉輸 襄陽府積貯。 王爚乞寢新命,不允, 乙巳; 以家鉉翁兼權 ,勉諭赴闕。 又言廣東 知紹興 辛亥, +

秋 七月辛未,知靜江府、廣西經略安撫使兼計度轉運使胡顥乞祠祿,詔勳一轉,依所乞

宮觀。

壬子,王爚辭觅明堂大禮陪祠。 八月丙戌朔, 日有食之。 辛丑,詔家鉉翁赴闕。 乙卯,詔:福建安撫陳宜中克舉厥職 丁未,紹興府六邑水,發米振遭水家。 ,升寶謨閣待制。

雨 ,改乘逍遙輦入和寧門,肆赦。 九月丁卯,詔洪天錫 轉端明殿學士,允所請致仕。 庚辰, 韶以朱禩孫兼四川屯田使。 辛未,明堂禮成,祀景靈宮,還遇大 乙酉, 洪天錫 卒, 贈 $\pm i$

官,諡文毅。

丁未,以章鑑兼權參知政事。 紹興府言八月一日會稽、餘姚、上虞、 右丞相馬廷鸞十疏乞骸骨,詔不允。 諸暨、蕭山 五縣 大水, 庚戌,以秋雨水溢 詔減 田租有

給 詔 事 减 中。 錢 塘、 仁和 兩縣民田 租什二, 會稽湖 田 租什三, 諸暨湖 田租盡除之。 陳宜 中 惫

戌, 戶,賜鞭 司 諸 命 ,馬廷鸞辭冤知饒州,乞祠祿, 軍 十一月乙卯,右丞相馬廷鸞累疏乞骸骨,授觀文殿學士、知饒州。 阮 貧窶 、鞍、馬等物。 思聰 赴 樞密院稟議。 己巳, 韶允所請, 詔 明堂 丙辰, 禮 陳奕以殿前都指揮 成 以觀文殿 安南 國王 大學士、鄱陽 陳 日 使攝 煚、 陳威 郡 侍 詔以隆寒,殿、步、馬 衞 公 見各 提 步 軍 舉 洞 司 加食邑一 霄宮。 馬馬 軍 司。 千 于

十二月甲寅,以葉夢鼎爲少傅、右丞相兼樞密使。

王文 顯 九年春正月乙丑, 、盛全波 河、 古河、 樊城 泉河、 破, 珉河等處戰 范天順、牛富 功 死之。 行 賞 癸未, 詔定安豐統制 金文彪、 朱文廣

喜等將士 少保。 立 一廟京湖 月 庚 甲申, 千五 戌 賜額 呂文煥以 百 日 -6 忠顯 十 餘 襄陽 左水軍 甲午二 府 歸大元。 朱禩 統制 孫 張順 撫綏備 癸 <u>北</u> 沒 禦,義 身 以朱澗寺戰功推賞來歸人馬宣 戦 陣 不 , 辭 贈 難 寧遠軍 敕書獎諭 承宣使, _l. 官其二子承信 未, 、沿江都 以夏貴 統汪 檢校 鄓,

本

午,詔建機速房,以革樞密院漏泄兵事、稽違邊報之弊。 賈似道累疏請身督師,詔勉留 降大元。 勇、楊林、胡互川補保義郎,劉全補承信郎。 由 定,其二日清口、桃源,河、潍要衝,宜先城其地,屯山 司往淸口 平江、鎭江及黃州行視城池,凡合繕修增易者亟條奏。丙子,來歸人方德秀補成忠郎,栗 劉整故吏羅鑑自北復還,上整書稟一帙,有取江南二策:其一日先取全圖,圖平, 一月庚 ,擇利城築以備之。 己卯 ,賈似道 加昝萬壽寧遠軍承宣使,職任仍舊。 言邊遽日聞,請身督師以勵將帥。 葉夢鼎辭冤右丞相,詔不允。 戊寅,賈似道始奏李庭芝表言襄帥呂文煥以城 庚辰,夏貴辭冤檢校少保,不允。 東軍以圖 韶不允。 庚午, 遣金吾衞上將軍阮思聰 進取。」帝覽奏,亟詔淮東 四川 制司言:「近出師 江南 成 壬

詔黃 其免集英殿宴,以錢六十萬給沿江制置趙溍江防捍禦。」癸巳,知招信軍陳嚴乞祠祿。詔曰: 葉夢鼎乞致仕, 湖安撫制置使、知江陵府、虁路策應使、湖廣總領,不許辭免,以錢二百萬給立信開閩犒師。 牛富贈金州觀察使,各官其二子承信郎,賜土田、金幣恤其家。甲申,汪立信權兵部尚書、京 迺者邊吏弗戒,致有襄難,將士頻歲暴露,邊民蕩析雜居,衋傷股心。 萬 夏四月,詔褒襄城死節,右領衞將軍范天順贈靜江軍〔三承宣使,右武大夫、馬司統 石赴闕。 遣官勉諭赴都堂治事。 壬辰,詔:「襄陽六年之守,一旦而失,軍民離散,痛切股心。今年乾會節 辛卯,以趙潛爲准西總領兼沿江制置、 爾閩臣專征方面,宜 建康留守。 制

命, 降, 信賞 蕭 使、 壬寅 常 洞。 宜 將 身 成 一、懷 尙 率 臣 功 (罰調用悉聽便宜 己酉 迪 諸 知 聞之隕 多有 侯喜、 攻守之略者,密具 詔復置 峽 將 歸省偏 州 宣 厚賞 詔:「南歸 越 丁甫 揚 樞密院都 一乃心力,各以 詔 親,誓當趨事 無 ()爾不 國 忠州 地, 威 劉鑄、 以賞 人復有戰 ·克用 不能 行 潛藩已升咸淳 統 事。 以 制、 鄭歸各補承信 聞 勸 頃 戮用命 赴功、毀家紓 辛亥,呂師變言:「比賈似道得李庭芝書 ,罰固 其兵,敵王 刻 副 功者予優賞, 自安。 如端 都 不用命。 統制 不得 府 拱 請以經略 各一 三年 所 私 郎。」以 刺 難 也。 愾 史王達改授 爾守臣有 楊春、 ,以贖門 員。 制書 今股 又如中外小大臣僚 安撫 夏貴兼 丁未, 「, 股當 薛聚 多誥 戶 土有民,宜 轉運、靜江府印委次官護之, 高州 之愆,以報君父之造。」詔 成、 虚 侍 以高達爲寧江 爾 心以聽。」李庭芝乞解罷 衞 陳君謨、 刺 其悉聽 馬 史。 軍 声版 都 周海 李庭芝辭 指 明 有 1,報臣 國人,保固 訓 材 揮 軍節度使、 使。 識 周 毋 叔 超卓、 興各補 懈 父文焕 召赴 庚 毋 封 戌, 恢,習 湖北 闕 明控御之 成 詔 席 以 詔 忠鄓 赴 藁俟 襄城 安撫 子故 汪 詔 爾 興 渚

丙 諸 辰 縣 除正 五 知 月乙 呂師 廬 辟文臣外 州 卯 夔 呂文福 五 以黄 疏乞罷任,詔赴闕。 言:「從兄文煥以 萬 諸 石 郡 權 屬 邑, 戶 部份 許令本司 書兼 襄陽 丁卯,申禁奸民妄立經會,私創 知 降 臨 不 爲 拘 安 府、 外縣一 其玷 浙 辱 西安撫使。 體 選 何顏以 辟 文臣 任 几 , 邊寄、乞放 Ш 以幸蜀之士民。」 庵舍, 制 司朱 以避 靇 醒孫言: 所部 征徭 歸 田 里 奏可

武當 容芘 今復來 諸人上書凡言請以丞相似道督視者不允,餘付機 不 軍 歸 覺察坐 節 ,特與官五 度 推 官兼 乏。 辛未 司 轉,充殿前 法 京湖制 劉 雄飛乞致仕。 司 司 正 量 一額統制 材任使。 戊寅 ,賜錢 庚辰,馬軍 孝感縣丞關應 萬。 布 司統 衣林椿年等上書言邊防 制王仙昔在襄、 庚上書言邊防 <u>_</u>+ ||樊緣 事 + 戦 數 陷 陣

速

房

煥旣 郢州 京湖 聞。 遣 名 都 張夢發詣 階 司 統 以 審 而 未 降、均城受敵 聞 制司言:「去年 制 度 ,請自爲 庭芝表:「向在 下聯置堡砦, 六月 ·愜輿 楊 可 呂文 國 否,事竟不行。 賈似道上 情 刑部 寶領兵至雅州 先鋒 福言文焕爲人扶擁 尚書兼給事 詔 Y, 言人 以保聚流民, 加 京湖 多間 知郡劉懋偕劉儀等扞禦宣勞。」詔懋升右武大夫、帶行左衞大將軍 一書陳危急三策, 贈富寧遠 深司 人同, ,來歸人吳旺 成都安撫使昝萬壽去多調將士 中陳宜中言, 統領趙忠領兵至眉州 總管劉 軍 制司案辭 且守且耕, (四)承宣使,仍賜土 日鎭漢江 以襄陽降非由己心。 儀、 一等備言文煥父子降狀, 可徵,非敢加 盛 樊城之潰 聰 幷圖上城築形勢。 一口岸, 總制趙 ,牛富死節尤著,以職卑贈恤下范天順 日城 兩路捍禦有勞, 田 祕 鐸 人罪。」詔文福 利門軍 金幣恤其家。 ·, 領 文毁成都 韶與李庭芝元陳異同, 精 先納筦鑰,旋獻襄城 銳 當陽 賈似道不以 至 大城, 均州 界之玉 韶具將士宣 前四 勉力捍禦,毋墜家聲。 文龍 今春 Ш 上 泉 崖 宣 聞 戰 Ш 立 撫 力等第、 碉 平。 光。 下 且陳策攻 其審覈 F 日 司 京湖 多議 峽 呂文 五 州 以 姓 月 制 宜

除 材望上 雖 器 文虎以三衙長聞難怯 援 銀 湖 職 名 寸 立. 襄 制 儀 褊 斬,未足以快天下之忿,乞置重典, 信言:「臣奉命 萬 司 循州 淺,務復 書言 請 兩 ",願以 給器械,詔內軍器庫選犀 拘管。 詔文 荆 邊 湖 事 虎降一官, 犒 私 北 大可 又言守闕進義副尉(至)童明 讎,激成劉整之禍,流毒至今,其子大忠挾多資爲父行 路 師,向後月冤請。 分閩, 兵馬鈐 戦 憂者七, ,僅從薄罰,猶子天順守節 延見吏民, 依舊知安慶府 轄 急當 聰添 .利者賜之,仍贈 爲者五 差野州 皆痛哭流 詔常祿 則人心興起,事功可圖。」詔俞大忠追毀出身文字, 勿辭。 兵馬鈴轄 安南 不報 , 涕 襄陽破拔身來歸, 而言襄、樊之禍, 國 不 己丑: 錢百萬 進方物, 丙 ·屈,猶或可以少贖 各官 戌 給 備 劉 事 特賜 修 中陳 轉 雄 、將士 疵 金五 皆由 且嘗立功開州,乞補 卒, 宜中言,乞正范文虎不力 几 百兩、 川 官 特 范文虎 其 賄, 制置 M 贈 愆 轉。 且自 帛 朱禩 官。 及 興 目 左 (奴僕 俞 疋。 希榮進 孫言 藏 戊子 興 東 父子 癸卯 庸 月 庫 ', |京 材 謇

郎 張進、張春、張德林、向德成、王全、婁德、王興各補承 里 月辛亥, 命殿前 戊辰,知敍州郭漢傑言, 前臨安府司法梁炎午陳攻守之要五 指揮使陳奕總統舟師備鄂州、黃州 馬湖蠻王汝作、鹿巫蠻王沐丘,帥蠻兵五 不報。 信 命大 江防。 郎。 理寺丞 丙辰, 癸丑 朝散郎 鍾蜚英點 來歸人郭珍 百餘助官軍民義阻 師 視沿 顯行 進 江 補 堡隘 涟 成 皇 忠

詔特與官兩

轉

本

紀

第

깯

+

六

度

宗

險馬 湖 , 捍 **:**禦有: 功。 韶賞汝作、沐丘金帛及其部兵有差, **敍州總管曹順** 軍, 凡在戰陣者

趣具立功等第來上。

川、 羅宜、王繁等九人,成都之役沒于兵,各追 秋 七月丁亥,權紹興府節制紫城軍義文榮鼎及將校趙居敬、丁福、孟青、蒲祥、 贈官秩, 仍官其子。 癸巳、知達州趙章、知開 白貴、 史

州 鮮汝忠、知渠州張資等復洋州。戊戌、張珏等復馬騣 Ш

山縣王國材、統制熊權、總轄馬宗明,戰落馬坪、白羊山,詔有司各以勞效論賞。 八月癸丑,權知均州徐鼎、總管盛聰, 戰房州胡師峪、板倉。 乙卯, 知房州李鑑調權竹

萬壽城嘉定烏尤山。乙未,以洪燾爲浙 九月辛巳,以章鑑簽書樞密院事兼參知政 東安撫使。 事 陳宜中同簽書樞密院 丙申,以黃萬石爲湖南安撫使。 事。 成都安撫使咎

檄統 安撫制置使,賜錢二百萬激犒備禦。 攝 文用、 制司言何炎向失洋州 事 守臣 轄謝 冬十月己酉,來歸人汪福、許文政各官五 孟浩等十一人,以射湖岡、萬歲嶺、後港及焦湖北岸戰功,咸賜爵賞。 請 益 知洋州 命于朝 詔 總制趙桂楫知巴州,俾任責吳勝堡戰守之事。至是以功來上,且以二州 興正 調知達州趙章等率諸部軍義復之,七月又復洋州、吳勝堡兩城, 授。 丁丑,兩准制置使印應雷告老,進二秩致仕。 一轉。 癸丑,鎮巢軍、和州、太平州諸將查文、李 癸亥,雷。 李庭芝兩淮 四 權 JII

置爲 禦水砦· 城 置 萬激犒 湾,遇 使 兩 兼 + 北兵力戰, 備禦。 知 有 司 廬州 月壬午,子濕授左衞上將軍 ,就命庭芝交割准東,仍兼 功 了,又獲俘民以還, 李庭芝辭免淮西策應使, 陳奕沿江 詔旌其勞。 |制置: 詔 |使棄. 水 步 知黄州 淮 兩 ,封嘉國公。 西 軍將 不允。 策應使。 校凡用命者賞激有 呂文 知安豐軍 福 戊子,知泰州 乙未,以夏貴爲淮 知閣 門 陳萬以舟師自 事 0 差。 襲集的遺其將王大顯等捍 詔 從李庭芝請分准東、 甲午,以夏貴 西 安撫制置 城 西大澗 使,賜 爲 淮 抵 正 錢 西 西 制 百 制

不允。 十二月甲子 丁丑、沿江制置使所轄 ,以馬廷鸞爲浙東安撫使、 几 郡 夏秋旱澇, 知紹 冤 屯 興府。 田租 丙寅,權參知政 一十五萬 石 事 章鑑 再乞解機政

家。 橫 言襄 洞 11 陽 零宮。 丙 十年 秦潼湖、青蒲 申 勇信中軍鈴轄吳信隨呂文煥 春正 江東沙圩租米,以咸淳 乙丑, 月壬 以留夢炎 午,城鄂 口等處戰 州 知潭州 功 漢 推 口 九年 賞。 堡。 北往,今丼妻子 兼 戊子 水 湖 權總制施忠、 南安撫 災, , 江 詔滅 萬里 使。 什四。 冒險來歸。 以疾辭職 庚寅, 部將熊伯明、 乙巳,二 城鄂州 任, 雨 韶吳信赴 土 詔依舊觀文殿大學士、 沌 知泰州龔進以天長縣 西岸堡。 闕 制 司 京湖 仍存 恤 制 提 其 東 司

月己酉,以趙 本. 紀 第 四 + 六 順 孫爲 度 宗 福建安撫使。 辛酉,詔諸制閩就任升除恩數, 九一七 其告命、 衣帶、

鞍

馬, 閤門勿差人給賜,往要厚路,以失優寵制臣之意,違者有刑。

三月己卯,免郡縣侵負義倉米七十四萬八千餘石

戊午,以呂文福爲常德、辰、沅、澧、靖 夏四月乙卯,子昺授左衞上將 軍,進封永國 五郡鎮 (撫使) 公。詔賞沿江都統王達、黃俁戰黃連寺之功。 知沅州。 辛酉 「,詔賞 光州 守陳岩、路分本

全許彥德、總管何成、路鈴仰子虎等牛

市畈、

丁家莊

戦功。

烏蘇蠻王詣雲南

軍前納款大元。

文殿大學士、 五月丁亥,以高 知紹興府、浙東安撫使、詔 世傑為湖北安撫 副使兼 不允。 知 岳州 壬寅、張珏表請城馬騣、虎頭 總統 出戍軍馬。 辛 丑; 兩 馬廷鸞辭免觀 Ш ,或先築其

一,以據險要。

六月戊午,以銀二萬兩命壽春府措置邊防。

秋七月壬 午, 汪立信乞致仕 不允。 癸未, 帝崩于 福寧殿, 遺詔 太子濕卽皇帝位。 FI

申 - ,臺臣劾內醫蔡幼習 ,詔奪五秩,送五 白 里州 軍居住 二子並罷 閣門 職

八月己酉,上大行皇帝諡曰端文明武景孝皇帝 廟號度宗。 德祐元年正月壬午,

永紹陵。

贊曰 宋至理宗,疆宇日蹙, 賈似道執國命。 度宗繼統,雖無大失德,而拱手權奸,衰敝 本

宋史卷四十七

本紀第四十七

瀛國公 二王附

牟 十一月授左衞上將軍,封嘉國公。 瀛 國 公名濕,度宗皇帝子也,母日全皇后,咸淳七年九月己丑二了,生於臨安府之大內。

九

是保 尊號 民。 三司 l',進封 除 辛 日壽 康 十年 浙 卯 軍節度使、開府儀同三司,進封 ,以朱禩孫爲京湖、 和聖福太皇太后,皇后日皇太后。 七月癸未,度宗崩,奉遺詔卽皇帝位于柩前,年四歲, 西 信王,加食邑一千戶。 安 抓 司、 |兩浙 轉運 四川宣撫使銀 司 命平章賈似道依文彥博故事 臨安府見追贓賞錢 (吉王,加食邑一 又詔以生日爲天瑞節。 知江陵府。 千戶,弟昺保寧軍節度使、 韶求言。 壬 寅, ,獨班起居。 韶撫三邊將士。 謝太后臨朝稱詔。 戊子, 命臨 内戌,上 安府 命州郡 開 甲申 府儀 皂 振 舉遺 太 贍 后 兄 細 间

本

紀

第

四

+

七

窳

國公

保 衙 州 霖 河 孟 城 雨 謝垕 命 了以圖 之縉尚書兵部員外郎, 八 暫以 天 月 保 目 甲 慈元殿爲後殿。 Ш 來上 康 辰 厨 軍 節 一,詔庭芝進 詔乞言於老臣江萬里、葉夢鼎、馬廷鸞、 水涌流 慢使。 馬 安吉、 辛酉 廷鸞乞骸骨歸田 知江 秩,宣勞將士, ,作度宗廟。 臨安、 州錢眞孫直寶章閣 餘杭 具名推賞。 里,詔 民溺死者亡算。 戊辰,以全淸夫爲昭信軍節度使,謝堂檢校 趣之任。 , 知鎮 留夢炎、趙順 加 知鄂州 江 軍 甲 寅, 洪 李雷應 起畏直敷文閣。 太皇太后以老不能 孫、 王爚。 宇軍 器 李庭芝築清 監 癸丑 知 太本 御 少 Ī.

激 復州 甲 都 壬 縣 賞 午 水災。 午 將 ·,覆試文武 奇 九月丁 副 初開 軍入准 功。 將 餘杭 翟 經筵。 已亥 或 丑: 災甚 榮 翟 ,資政殿大學士、光祿大夫王爚乞致仕 舉士人。 遇大元兵,戰 試正 招討 T ,再給米二 酉 奏名 將 ,天瑞節 癸未,大元兵大會于襄陽。 軍 進士,賜王龍澤以下出 千石。 爛 **御荆南**。 泥 **死微臨安府公私** 湖 死之。 己卯 T 似道 亥,大元 閩 中 乞 発答拜, 房賃錢十 身有 軍 薄郢州。 丙戌, 詔不允。 差。 丞 日 從之。 壬 相伯 0 寅, 戊子 以 戊寅, 金符 颜 辛巳, 有 ,免被 將 星見西 發米振餘杭 十三、銀符百給夏貴 覆試 軍越 水州縣今年 方, 門州 文武 委曲 元帥唆 舉上人。 臨安兩 如 H

資 自殺。 月 未 丙 午 競州布衣董聲應進諸史纂約、兵鑑 知達州趙章 | 復洋州 加 右 驍 騎 尉 (刑鑑 中 郞 將。 韶聲應充史館編校文字。 大元兵破渠州 禮義 城 知州 癸丑,

湖 漢 鑑 子 1 從 赴 元 T 人 陸 宮 百 Ė 兵 , 度 秀 萬 火 言 百 立 如 宗 至 戊 夫 死 知 鲤 激 撫 内 + 廟 友龍 上 樞 午 以 賞 新 諡 爲 戌 趙 司 復 覆 月癸 張 准 遣 密 文 戰 城 知 以 州 郢 以 試 院 復 總 廣 晏 義 東 功 下 州 王 管 州 然 安 凊 四 戊 車 西 爚 諸 副 甲 壬 兼 經 撫 辰 遠 戊 翟 王 兼 以 戌 將 爲 都 午 貴 京 寅 虎 權 略 制 軍 朱 各 總 統 左 以 節 以 參 湖 臣 司 置 括 趙 轉 馬 禩 制 丞 援 權 城 錢 即 司 度 知 黄 文 官 相 红 孫 之。 第 參 參 使 降 政 百 刀口 順 義 鸑 爲 有 議 事 萬 章 議 戚 Ш 差 與 京湖 力 追 出 官官 官。 鑑 閩 丙 給 畹 宣 解 陳 降。 戰 其 ;寅 邢 中 郢 及 爲 撫 宜 全子 大元 兄 浙 城 友 几 地 御 右 壬 司 威 中 東 城 龍 午 JII 屯 前 參 丞 Ē 簽 湖 武 兵 安 破 成 壑 宣 寺 議 相 書 攻 撫 死 軍 將 削 虎 潮 觀 撫 副 官 樞 郢 節 並 使、 州 使。 恤 總 臣 士 田 諸 密 州 度 兼 與守 其 制 己 班 知 院 使 潭 令 樞 家 甲子 直 仁 都 紹 11: T 文亮 州 密 事 輸 統 溢 H: 寧 隘 至 興 兘 兼 使。 租 府 官 出 庚 制 庚 額 命 共 權 詔 寅 人。 降 王 申 張 破 似 沿 Ψ. 參 以 丁 詔 大用 之。 $\stackrel{\cdot}{=}$ 世 道 明 廟 知 贈 依 江 四 癸 傑 覆 自 制 o Z 年 翟 揚 舊 政 皆被 力戰 未 試 加 九 卯 置 州 觀 都 事 爲 國 至 安 特 月 榮 使 o 德 文 統 禦之, 令 南 執 乙 奏 乞命 賜 殿 趙 制 大 祐 復 酉 州 名 或 名 州 大 溍 邊 元 元 熒 縣 王 + 左 傳 學 巡 居 兵 年 團 遂 惑 覆 行 陳 人。 忠。 右 誼 去 士 江 征 練 試 叢 日 犯 丞 策 Z 使 力 沙 特 提 鎭 由 田 賬 千. 相 庚 戦 洋 應 11: 官 奏 舉 星 藤 寧 辰 辰 城 以 義 其二 名 湖 遠 至 洞 賜 城 至 以 京 章 入 是 癸 士 鋑 破 大 功

本

紀

臣,其子威晃奉正功臣。

城降。 辛未, 失期 七十 比 諸軍 府。 以 重創 定軍 江 司 定海 州 覈 制 其租 詔知 甲辰, 至九十已上者,賜帛及酒 己未,權 歸 ,所辟官屬皆先 都統制 置 十二月癸 命州郡節制駐戍經從兵。 鄂州 幕僚張 水軍 H |使兼安撫、 晡 稅 韶准 州 收 不 ·戰死,貴敗 王達戰死。乙卯,大元兵夜以 ,都統高 錢眞孫同募, 知漢陽 至。 山翁 之」。贈王達清 卯朔,命建康府、太平州、池州 西 知江 程 不屈、諸將欲殺之、丞相伯顏 四郡水旱,去年屯田未輸之租其勿徵。 邦憲屯 命 軍王儀以城降。 鵬 陵府。 後 ,沿江縱兵大掠,歸廬州。 飛 奏。 以 尚書省以錢米給之。 馬家渡,棄舟走被執。 北兵徇黃州 遠軍 米。 詔天下勤王。 詔:「邊費浩繁,吾民重困,貴戚 承 癸亥, 詔似道 宣使。 呂文煥以北兵攻鄂州 (偏師 知州陳奕遣人請降于壽昌軍 庚午, 度宗梓宮發引 甲子 振 避 乘雪渡青山 癸丑, 大元兵攻陽邏堡, 曰:「義士也, 都督諸路 兵准 朱禩孫將兵至鄂州, 起李芾 大元兵復攻夏貴于陽邏堡, 民。 爲 軍 磯。 以 丁未 湖南 ·馬,以步軍指揮 深釋道 釋之。」韶錢塘、仁和 庚申 隆寒,勞賜京湖 丙辰, 至 ,提舉興 提刑。 ,程鵬飛及權守張 浙江 , 田連 聞鄂 都統程鵬 Ė, 國宮呂師夔請募 阡 乙丑 夏貴以兵力守,武 李庭芝以兵勤王 陌 兵敗, 俟 使孫 及沿 ,安居暇食 潮漲 , 以 都 飛鏖戰, 夜奔 虎臣 高達爲 闷 統 江 絕江 縣 戍守 制 晏然以 劉 總 民 江 陵 兵 湖 統 年 成 被 將

兵徇 永紹 州 其將弋德攻開州 知 神主于新宮。 南 酉 丑 江州 陵。 ,以陳宜 康 大元兵入安慶,范文虎降,通判夏椅仰藥死。 知蘄州管景模遣人請降于黃州 站 軍 葉間遺人請降于江州。 大元兵入蘄州。 元年春正月癸酉朔,大元兵入黄州。 知安東州 中同知樞密院事兼 以孫虎臣爲寧武軍節度使。 ,復取之。己丑, 陳嚴夜遁。 癸未,似道以呂師夔權刑部尚書、都督府參贊軍 參知政事。 似道 邳州 知安慶府范文虎遣人以酒饌如江州迎師 降。 出師。 戊寅、韶浙東邸第出米, 戊戌, 知壽昌軍胡夢麟寓治于江州 呂師夔、錢眞孫遣人請降于蘄州。 甲戌,陳奕遣人下 知德安府來興國以城降。 是月,知達州 赦京畿罪。 池州都統張林遣人請降于江 · 蘄州 鮮汝忠以城降 減價糶民。 井招其子嚴于安 ,丁亥,自殺。 夔路安撫張 事,任中流 壬 乙未, 午,葬度宗于 丙戌, 大元 起嚴與 附 調遣 東 度宗

軍中 遣所部准兵入衞,降詔褒之。 置 加 張 使, 、起巖 - ,請稱臣、奉歲幣,不得 二月癸卯,似道以宋京爲都督府計議官,使大元軍中。 加湖北制置副使高達 福州 觀察使, 弋德以下各轉五官。 請而還。辛亥,贈劉成淸遠軍承宣使。 檢校少保。 丙辰,韶勞賈似道, 庚戌, 大元兵入池州, 庚申,虎臣與大元兵戰于丁家洲敗績,奔魯港 命都督府歲舉改官如史嵩之故事。 甲辰,以黃萬石爲江南 權守趙卯發自經死。 乙卯 五. 郡鎭撫呂文福 宋京 西 己未 路制 如

本

紀第

四十

七

源

武

公

使 將 火 部 統 改 大 都 陰 謝 西 Z 知 元 者 使 安 貴 兵 兼 軍 鎭 兵 TF. 統 戽 謝 北 翁 魚無 入衞 鄭 並 元 福 江 徇 不 知 侯 使 放 餘 戰 府 臨 嬬 出 饒 興 檢 副 居京 ·公卿 參親氏。 王海、李旺 悉 安府 棄城 使、 戰 校 迎 洪 州 而 縱 、起畏、 令長 少保。 死。 大元兵。 去。 如雜議, 知贛州 師 知 之。 遁 文及 州 以備容訪。 似道 吏給 以 唐震 知寧國府 加張珏寧遠軍節度使, 知 戊辰, 放 陳宜中知樞密 、袁恩、 王爚 無爲 翁簽書 免 甲子, 經 趣 虎臣以單舸奔揚州 死之,故相江萬 浙 過兵 言 入 微 軍 西 己不能 衞。 呂再 劉權 兩 趙與可、 . 公田 樞密院事 大元兵至臨江 、民錢米, 遣 浙、 韶募兵。 大元 興皆戰 逋 院 福 與大計, 知 米及 國 事 太 知 建 信使 **华州** 里赴 倪普 隆 諸 兼 死。 以謝堂爲 切 (諸處) , 昝萬壽保康軍節度使,張世傑和州防禦使, 令將兵 參 郡 興 勿征 遂去。 軍 、府吳益皆棄城 水死 が郝經 知 孟 廂禁兵之半 諸軍盡潰、翁應龍以都督府 同簽書 江 見監 之縉 政 西 民盡 稅。 通通 等 事 提 張 兩 臧, 皆以城 歸。 樞密 刑文天祥起兵勤王。 浙 去, 會 世 判萬道同 應 諸文 一傑將兵 淵子 鎭撫使,謝至保寧軍節度使, 編 院 庚午 文 配、 知軍 降。 遁 事 衞 公武官 同 拘鎖 Ĭ, 湖南 以 入衞 鮑廉 召 知 加 己已,大元 知 在謫 人城降。 夏貴 王爚 樞 和州 人, 密院事 臨安, 死之。 提刑李芾以兵 籍 除傷 開 爲 王喜以城降。 者 府儀 沿 印 浙 道饒州 丙寅 似道 奔 造關 西 , 兩 兵攻嘉定 江 並 臨安。 制置大使趙 同三 放 江 浙 E 會、強 東宣 自 以天祥為江 安 一書請 司 勤 復取之,其 無制置 便 九頂 王。 全永堅、 壬 建康都 令以 與 撫 刼 元戌,大 遷都。 知江 敍 盜 招 復 放 所 撫

入 衞 陳 宜. 中 乞 談 似 道 詔 鼅 似 道 平 都 督 予 洞 趙 與 可除 名, 令臨 安 府 捕案之。 招 似

道潰兵。辛未,右丞相章鑑遁。

急 獨 租 使 發 觀 命 爚 從 責 洞 一 使 計 發 Fi 兵 松 浙 洪 调 陳 兵 爲 起 所 侍 間 成 議 뢺 西 宜中 月 大元 畏 獨 官 提 捕 兵 中 請 御 Щ 吳繼 之, "乃命 1 鎭 刑 史 地 松 陰縣丞徐垓、 並 殿 嶺 申 陳 兵 江 復 司 皆散 都 至 明 前 準備差遣 朔 自效 過 大 銅嶺。 督諸: 捕 攻通 無錫 震。 請竄 指 走。 應龍 詔 揮 三 復 路 使韓震 城 丙子 賈 縣 癸酉 茶鹽 軍 下 詔 似道 劉 縣 正 臨安 諭 馬 T 知 經 將 市 復 縣 呂文 丑: 下 倂 戍 都 請 郁 取之, 舶 府 阮 加 詔 吳江 治其 遷都 統 天 煥、 知滁 應得 獄 法 呂文 罪 興 徐 己。 近榮迎 黨 戍四安鎮 州 陳奕、 執縣令以 陳宜 兩 似 福 罷 出 E 人翁 浙 道 福州 戰 廖 以 應龍 諸 轉運 中殺之。 坐 陳 范文虎 大元兵 應 中、 不 觀察使 宜 軍 龍 歸 以 ·恤民 司 起 中 等 皆沒,應得 王 城 趙淮 準備差遣 爲特 庭、 入建 降。 使 遣 之政 震 不 通 使召章鑑 爲 所 庚申 俟 劉 進 康 和 部 良貴 太 報 一、右 府 卯 議 次第除之,以公田 赴水 府寺 羅 兵 , 而 ,杖翁 鎭 贈唐震 息兵。 丞 叛 去。 林 還朝 游 相 攻 丞 江 死 浙 汝、 兼 一,成 統 監 應 嘉會門, 華文 以王 西 樞 察御 制 詔 龍 朱浚 銀 安 甲戌 密使。 一發兵 石 閣待 爚 撫 樹 刺 史 加 爲 東 吧 司 給 人成吳江 潘 忠 射 陳 以 參 壩 吉 左 制 龍 請 文 火 佃 伯 議官 似道 丞 陽 降于 箭 主 卿 大 相 湖 削 軍 鑑官 ,令率其 至 張濡 爲 萬 季可 北 兼 董 建 大 醴泉 道 安 命 樞 樸 康 之 密 撫 戍

本

紀

第

79

+

+

灦

國

公

降。 州,殺使者,入江州降大元。庚寅,左司諫潘文卿、右正言季可、同知樞密院曾淵子、兩浙轉 江 以 之,復一州者予知州,復一縣者予知縣,所部僚吏將卒及土豪立功者同賞。 未,免安吉縣今年夏田租,有戰沒者,縣令、丞恤之。 丙申,顧順 于獨松關,執廉希賢至臨安,重創死。 畔官而遁者,令御史臺覺察以聞。 己,章未上,亟出關遁。 運副使許自、浙東安撫王霖龍相繼皆遁。 通判胡玉、林鏜以城降。 大元兵至西海州, 同簽書樞密院事。 三官,罷之。 一星隕。己丑,滁人執王應龍歸於揚州,殺之。加呂文福保康軍承宣使,趣入衞。文福至饒 城降。 李山進軍常州。 癸巳,攻岳州,總制孟之紹以城降。 徙浙西提點刑獄司于平江府。 壬午,復吳潛、向士璧官。 丁酉, 安撫丁順降。 丁亥、張德以下各轉官有差。 知安東州孫嗣武以城降。 加張世傑保康軍承宣使,總都督府諸軍。 贈邊居誼利州觀察使。 乙酉, 閻順戰安吉縣,復取鳳平。 壬辰,岳州安撫高世傑軍洞庭中,大元兵攻之,世傑 知東海州施居文乞降于西海州。 知常州趙與鑒聞兵至遁,常民錢貴以城降。 '簽書樞密院文及翁、同簽書樞密院倪普諷臺臣劾 甲午, 詔褒諭張世傑、閻順, 諸將各轉官有差。 張世傑遣其將閻順、李存進軍廣德,謝洪永進軍平 戊戌,赦邊城降將罪,能自拔 雨土。辛卯,命在京文武官並轉兩官,其 謝元等贈十官。 張濡部曲害大元行人嚴忠範 攻廣德軍,復取之。 有星二關於中天,頃之, 丙戌, 知廣德軍令狐 知平江府潛說友 罷章鑑祠官井 而歸者,錄 以陳合 甲申, 本 紀 第 四 + 灦 國

變 奪 宰 追 輔 兩 官 恩 靇 數 之, 曾淵子削兩官 遇赦 永不收 奪 敍。 執政 鼅 許 恩數 自 王霖龍。 陳過 陳堅、 令 淮東制置 徐卿 孫 各削 司 用 兩 標 官 由 奪 侍從 庚子 恩 , 徙淮 數 東 趙 興 總

頟

所

于

江

保飛 家。 子。 攻溧 戊 令如文彦 斯得簽書樞 趙 甲 王 官 申 一虎 時 辰 陽縣 阮應 晦 ,奪執政 Ш 臣 知 金 ,京湖宣撫朱禩孫、湖北制置副使高達以江 ,贈江萬里 儿 贈兩官,官其二子。丙午,大元兵破沙市城, 率義兵戰斗山 月壬寅朔,贈趙卯發華文閣 復取 博 壇 得 己酉 陰 故事 密院 贈 縣 軍 恩數 李 一,命劉 十官。 之。 |太師,諡文忠, 成大率義局官含山縣尉胡傳心、 ,自朝參起居外並 事 加吳繼明閣門宣贊舍人。 兼權參知政 潛 戊午 師勇戍平江府。 乙卯 , 說 路分孟唐老與其二子皆死,汝翼被執至建康 ,贈張資 友削三官 以福王 **輟視朝二日。** 事。 眉州 免拜。 待 與芮爲武 總統張 奪 辛亥, 制。 侍 防 禦使 從 以樞 貶陳過 敏與 顧順 恩 乙巳 康、 數。 密 侯 (大元兵戰豐城死之,癸丑, 諸將各轉三官,孟唐 陵降,京湖北路 寧江軍 陽春主 副使召夏貴提兵 平江府。 興 庚 大元兵入廣德縣 都統 復州 申 節度使、 令 簿潘大同、 孟 專 雄江 狐 一練使。 紀死之, 相繼 軍統制洪福 判紹 入衞。 乙未, 皆下 監鎭 死之。 老 豪梁主簿潘大楍 興府。 配 知縣王汝翼 贈三官。 鬱林 文及翁、 ·(E)° T 司 贈五 王大用贈三官 Ė 馬 率衆復鎭巢軍 丙 州 一,總 夢求 辰 張起巖提兵 牢 官,官其 壬子,以高 倪普 制 與寓居官 城 王爚來 自經死。 霍 籍 進士 並 旭

觜。 午,大元兵至揚子橋,揚州都撥發官雷大震出戰死。 是月,常德、鼎、禮皆降。 入濁沒。乙丑,熒惑犯天江。提舉太平興國宮常楙請立濟王後。丁卯, 同等皆死 潘文孫潘應奎攻金壇縣取之。 戊辰,詔宜興、溧陽民兵助戰有功,特冤今年田租;江陰民被兵,其租亦勿收責。 癸亥 加知思州田謹賢、知播州楊邦憲並復州團練使,趣兵入衞。 執成大以歸。壬戌,大元兵攻眞州,知州苗再成、宗子趙孟錦率兵大戰于老鸛 鎭江統制侯岩、縣尉趙嗣濱復助大元兵來戰,成大二子及大 有大星自心東北流 加李庭芝參知政 庚

縉、陳奕、范文虎家。 轉兩官。 辛已,加劉師勇濠州團練使,其將劉圭以下各轉官有差。 柏承事郎。 寅,淮東兵馬鈐轄阮克己將兵來勤王,加左驍騎中郎將。 統軍民紅屯江陰。 乙亥,加苗再成濠州團練使,趙孟錦揚州都統司計議官。以洪福知鎭巢軍。 兵至寧國縣,知縣趙與糖出戰死。甲戌,淮安總制李宗榮、知慶遠府仇子眞將兵來勤王。 五月辛未朔,命宰執日赴朝堂治事。 辛卯、貶潛說友南安軍,吳益汀州,並籍其家。 加張珏檢校少保、四川制置副使、 劉師勇攻常州,復取之,執安撫戴之泰,司戶趙必倫、總管陸春戰死。 甲午 [饒、 | 信州饑,令民入粟補官。 旌德縣城守有功,免其民今年田租。癸酉,大元 知重慶府。 罷李珏, 送婺州。 戊子,贈潘大同等官,餘有功 己卯,賜婺州處士何基諡文定,王 罷市舶分司,令通判任舶事。 潍 庚辰,贈雷大震保康軍節度使。 籍呂文煥、孟之 丁丑, 韶趙溍 戊

本紀第四十七 藻國公

廟、 康 社 西 官 稷 民 諸陵、 兵各 宮 轉 觀 ____ 官。 己亥 丙 申 ,勞軍 詔 張 吳 世 繼 傑 明 張彦 復 蒲 圻 阮 克已、 通 城 仇 崇陽 子 眞 _ 四 縣 道 加 出 帶 兵 行 帶 遣 使 御 器 告 楲 天 地 權 宗 知

毋藉 州 剔 金以 繳還 朝 辰 大全之黨, 爊 諸 了餘廷臣 疏 中 李 州 天 章鑑 詩語 路 遁 此 戒 演 六月 令擇 決 兵 將 永 甲 在 涉不 、
曾淵 復魏 庚子朔, 閒 寅 庚 兵援嘉定 京罪 一險爲 在 各舉三人, 夢炎 戌 留 謫 道 以爚 克 夢 命 寓 籍 子 , 右 愚 削 炎 削 錄 者 百 有 治 官 府 爲 丞 一官送徽州 黄 觅 入朝 鑑 皆勿宥。」從之。 平 相 雖 , 遂解 引 食 贈 一官,放 太學生蕭 言韓震 章 兼 在 之, 王, 見。 鮑 軍 謪 樞 歸, 廉 爚 國 籍 密 旣 戊午, 直 戦羊 使 請 爲逆 , 重 歸 ,畫晦如 華 亦聽舉之。 規 事 相 徐 田 文閣,官 都 夢炎 ,二人實芘之;且淵子芘翁 卿 雅 里 知瀘州 唐棣 己酉 督 孫 淵 江 月 諸 夜。 一,兵敗 削 学 並 乞以 路 ,死廣德 兩 其 一官貶 補 梅 再 兵。 赴 丙午,王 昝萬 二子; 應 承信 經 被 削 經 春以城降。 執。 筵 乙卯 筵 一官,徙吉 壽 吉州 軍 備 鄓 , 以嘉 子今年田 趙與 應 五 辛丑 顧 麟 詔 日 知嘉 問 定 命侍 言:「開慶之禍 糖 求 ,太皇太后 及三龜 州 陳宜 租 直 言 己未 朝 興 |華文 及諸 , 從官已上各舉才堪文武 、府余安裕 ; 應龍 誅 中 知 宜 翁 郡 閣 以李庭芝 敍 請 中 九頂 致有逸罰 應 縣 詔 州 相 左 龍 ,始於 夢 未 削 郭 丞 坐 紫雲城降。 炎,乞祠 漢 納 尊 相 聞 籍 號 知 傑 綗 兵 兼 其家 丁大全 叉嘗 解。 聖 樞 以 求 樞 密院 城 去 密 碿 竊 降 詔 王 使 辛亥 字以 請 府 事 應 者 貽 知 相 庫 書 棄 丙 都 麟 凡 五 叙

參知 州 丙寅,吳繼明諸將各轉官有差。丁卯,朱禩孫除名,籍其家。 政 事 庚申,知富順監王宗義以城降。 王應麟復繳還會淵子貶吉州錄黃,癸亥,貶韶

|揚||州| 常州 泗州 卯 寺觀田米十之三。追復皮龍榮官。監司、 未,拘內司局錢餉兵。丙戌,令權糴公田今年租,每石以錢十貫給佃主,十貫給種戶,其鎭江、 楊義忠率義兵出戰死,乙亥,贈武功大夫。丁丑,徙似道建寧府。太白入東井。 敗績。 交通關節,其誤國將甚於似道。 兵,令免今年田租。路鈐劉用調兵入靖州,知州康玉扨之,通判張起岩入殺玉,復靖州。 知高 ·王爚子嗾京學生劉九皐等伏闕上書言:宜中擅權,黨似道,芘趙曆、潛說友,使門客子弟 |郵軍褚一正 (E) 閣門宣贊舍人,知懷遠軍金之才帶御器械,知安淮軍高福閣門祗候,知 張世傑乞濟師,不報。 譚興閣門宣贊舍人,知濠州孫立右衞大將軍,賞守邊功。 秋 朱焕知廬州。 江陰被兵者勿糴。庚寅,謫似道爲高州團練副使兵,貶循州,籍其家。糴浙西邸第、 甲戌,徙似道居婺州,廖瑩中除名貶昭州,王庭除名貶梅州,徙曾淵子雷州。 七月庚午朔,江西制置黃萬石移治撫州,詔還隆興府。辛未,張世傑諸軍戰焦山下 甲午,遣使召宜中還朝。 壬辰,下劉九皐等臨安獄,罷王爚爲醴泉觀使。癸巳,以夏貴知 宜中去,遣使四輩召之,皆不至。謝堂乞罷兩浙鎭撫司,不 郡守避事不卽到官者,令御史臺覺察以聞。 乙未,以陳文龍同簽書樞密院事兼權參知政 壬午,太白晝見。詔饒州被 庚申, 寧國吏

本紀第四十七 瀛國公

闪 通 申 圳 削 州 李 張 珏 鎭 兩 孫 官 聞 貶 兵 潮 遁 州 馧 以 其官 開 慶 貶 兵 胡 福 玉 連 追 罪 州 史 林 嵩 鏜 之 韶 奪 州 其 並 諡 除 戊 名 戌 沿 遣 江 使 招 計 召 宜 大 使 中 澴 汪 77 朝 信

招 子 除 神 所 方 加 計 繼 張 龍 遁 大 以 使 理 庚 明 起 衞 八 文 岩 小 几 戌 復 月 加 朱 天 卿 廂 平 太 夏 祥 旺 劉 江 貴 亥 府 都 諸 爲 師 王 指 朔 縣 寺 樞 將 浙 勇 爊 揮 丞 密 各 攻 西 麟 總 使 戊 副 呂 轉 封 知 制 申 使 江 城 三官 還 靖 毛 總 東 試 兩 州 錄 獻 都 破 制 太學 淮 黃 忠 乏。 督 置 劉 宣 將 府 使 言 上 用 撫 衢 諸 癸 兼 昔 舍 以 大 州 兵 II: 知 生 內 使 下 兵 平 外 復 江 入 戊 李 江 嘉 以 己 功 衞 午 带 府 寶 定 四 人 湖 各轉官 玉 七 辛 南 拘 加 Z 司 獻 丑 劉 閻 鎭 丑: {法 似 貴 師 撫 有 道 疏 揚 勇 妃 大 T 差 決 集 使 州 和 洪 已 臨 慶 文 州 兄 安 大元 寺 武 防 遣 總 弟 府 官 禦 使 制 爲 賈 兵 罪 使 轉 召 戴 甚 貴 駐 宜 虎 兩 , 妃 巴 熒 中 官 破 己未 演 陵 壬: 惑 還 大 縣 寅 福 南 加 犯 朝 , 黃 寺 砦 吳 遂 右 南 沙 H 繼 罷 斗 加 JE. 轉 還 之。 阴 張 言 乙巳 徐 湖 艄 # 安 直 邊 北 淇 傑 甲

爲 海 宿 都 防 直 督 九 從 不 府 月己 允。 之。 参 贅 巳 辛 辛 官 巳 未 陳 總 官 有 加 中 事 田 路 授 于 謹 觀 兵 賢 明 文 堂. 腷 殿 會 州 稽 赦 大 觀 學 縣 察使 尉 李 鄭 成 醴 虎 大 楊 泉 臣 被 邦 觀 部 執 憲 使 送似道之 利 兼 不 州 侍 屈 觀 讀 死 察 足所 使 **I**: 左 午, 司 趣 至 諫 入 鮰 |潭 陳 衞 Ħ. 景 州 官 殺 行 己 請 卯 丙 令 戌 陳 講 大元 官. 官 命 兵 义 中 44 至 天 乞 講 泰 祥 任 密

州 再削兩官,貶信州。 知 州孫 虎臣 自殺 ,庚寅,贈太尉。 張彥與大兵戰敗被執,以 免靖州今年田 城降 租。 辛卯, 徙李珏梧州。 乙未, 劉良貴

戰遁。 以爲淮東制置副使。 癸亥、張全、尹玉、麻士龍援常州、士龍戰虞橋死、全奔五牧。 部以用常楙至了、中書舍人王應麟請立濟王後。 亥,以張世傑爲沿江制置副使、兼知江陰軍兼浙西策應使。丁巳,太白會填星。 癸卯,玉牒殿災。 世脩以江陰降。 松關,參政董文炳、范文虎將左軍出江入江陰軍,丞相伯顏將中軍入常州。 館編校文字。壬戌,大元兵發建康,參政阿剌罕、四萬戶總管奧魯赤將右軍出 冬十月已亥,加張世傑沿江 丙寅,越趙溍、趙與可、鄭嬬所募兵。 丁未,以夢炎爲左丞相,宜中爲右丞相,並兼樞密使、 陳合坐匿廖瑩中家資,奪執政恩數。 招討使, 劉師勇福州觀察使, 韶中外官有習兵略者,各以書來上。 贈夏椅直祕閣。 甲子, 朱煥至廬州,貴不內,煥歸,復 總統出戍兵。 徴紹 尹玉戰五牧死之,張全不 興府處土陸應月爲 都督。 熒惑犯壘壁陣。 壬寅, 几 城臨安。 戊午,領戶 一安鎭 是月, 官中: 趣獨

韶 偏 稗士卒,如不隸軍中者,許投匱自薦。 μÏ 知樞 十一月丁 密院 事 卯朔,銅關將貝寶、胡岩起攻溧水死,贈寶武翼郎,岩起朝奉郎。庚午,以 兼權參知政 事 ず, 黄鏞! 同簽書樞密院 辛未,起居舍人曾唯辭官不允,去。 命諸制司各舉才堪將帥者 癸酉, 十人,不限 贈尹玉 陳文

本紀第四十七 灁國公

耳

自

便

己

亥

鮰

王

汝

翼

朝

奉

郎

庚

子

以

吳堅

簽

書

樞

密

院

事

黄

鏞

兼

權

參

知

政

遣

+

月

Ţ

四

朔

詔

許

似

道

鼠

黏

以

其

祖

田

廬

還

之。

戊

戌

復

趙

與

口

爲

都

督

府

參

議

放

濠 縣 軍 杭 尙 密 府 子 封 聽 王 書 佑 鎭 4 鄭 맬 州 武 以 調 知 嚋 己 典 王 浙 民 改 縣 康 大元 戰 卯 練 膲 遁 數 兵 宜 胡 諡 日 使 長 燧 F 補 Ш 庚 昭 興 拱 破 兵 壁 興 遁 破 守 縣 寅 肅 辰 几 官 至 麻 邪 黄 縣 餘 自 爲 安 隆 土 令 通 能 民 鎭 兵 杭 南 殺 萬 龍 胍 屠 錢 纠 福 水. 敗 興 石 府 高 錢 其 IE 功 王 干 軍 甲 井 提 夕 城 州 塘 與 矩 將 者 之。 黄 申 死 兵 刺 芮 之、 7 胡 萬 禮 今 走 史 擇後 中 明 節 己 知 癸 都 部 建 年 石 曹 等 Н. 州 鉞 已 浪 侍 死 統 昌 田 舍 奉 姚 死 , 撫 張 制 獨 郎 租 軍 計 之。 祀 諸 以 全、 陳 州 松 王 王 園 張 邦 景 遁 鄭 Z 翮 賜 通 應 以 召 朱 世 未 傑 破 田 行 圳 文 麟 下 傑 嚹 菙 降 遣 萬 辭 陳 辭 天 官 馮 左 渾 臨 爲 畝 官 人 炤 颹 祥 冤 丞 判 以 陣 浙 官 迎 不 相 死 兼 入 官 西 降于 退 允 都 所 罷 給 衞 夢 劉 制 師 亥 招 統 炎 去 事 通 槃 罪 置 脹 常 王 人 辛 中 判 遁 以 獨 多 副 濡 安 州 丙 巳 松 隆 T 使 節 寡 不 遁 丙 戌 撫 幂 興 兼 丑 皆 曾 行 辛 允 申 州 鄰 降 知 告 賞 贈 唯 卯 死 施 邑 詔 遣 平 急 濟 大元 削 望 被 至 使 癸 大 江 戊 劉 王 道 趣 俘 風 元 府 召 官 寅 兵 太 師 皆 將 以 文 夢 兵 師 至 冤 勇 大元 天 城 + 遁 炎 趨 甲 常 潰 降 祥 能 元 還 尙 午 撫 太 重 州 兵 入 兵 猝 通 州 書 朝 白 奔 绑 衞 招 破 破 衆 權 令 平 犯 平 廣 禮 興 來 賜 都 降 化 進 德 部 統 江 戊 餘 歸

密院 燕祈請。 好。 江府。 縣。 柳 亥,遣使召夢炎不至。 癸丑,遣宗正少卿陸秀夫、刑部尚書夏士林、兵部侍郎呂師孟使軍前。 衞,加檢校少保,降詔獎諭 復季可官, 陳炤直寶章閣,馮驥集英殿修撰。 岳 己未,方興、丁廣、趙文禮兵皆敗歸。 事 奉書詣大元軍中 丙午,追封呂文德和義郡王。 , 賜謝堂同進士出身, 同知樞密院事。 起吳君擢爲太府少卿,提點臨平民兵。 大元兵破大洪山 令如龍泉縣募兵。 - ,稱盜殺廉尙書,乞班師修好。 王爚薨,輟視朝二日。乙酉,括臨安府州縣馬。 知隨州朱端履降。 乙巳,以陳景行爲浙東安撫副使,戍處州。 丁未,出安邊封樁庫金付浙東諸郡爲兵備。 嘉興府告急,給封椿庫錢爲兵備。 庚申, 以柳岳爲工部侍郎, 洪雷震爲右正 甲辰, 遣使召夢炎、應麟、皆不至。 權吏部尙書丁應奎、 贈姚訔龍圖閣待制,其父希得贈太師 癸卯,以陳文龍爲參知政事兼權 左侍郎徐宗仁遁。 韶呂文煥、趙孟桂通 命趙與仮戍縉 起方逢辰戍淳安 戊申 庚戌,柳岳還。 大元兵入平 ·,張世傑入 雲縣。 知樞 使

億孫、顏應焱等皆從 市死。 、小戰數十合,力盡將破,芾闔門死 |德祐二年春正月丁卯朔,|大元兵自元年十月圍潭州 守將吳繼明、 ,郡人知衡州尹穀亦舉家自焚,帥司參議楊霆及幕屬陳 劉孝忠以城降。 寶慶降, 通判曾如驥死之。 湖南安撫兼知州李芾拒守三月,

政 祭御 |帝 避,以 舉吉王 湖南、 死。 太尉 撫 夫 比 判 知 嘉 事 **※大使** 臨 等 興 宣 啒 守 至 月暈 安 號 史 撫 百 州 水苟全,今天命有 一大元 府 劉 參知 孔 大使。 府 ,文天祥 拜 日 日 福 仁明 漢 東井。 午宣麻 奉表言,臣 應 行 建 兩准 傑 政事 得 軍 事 丙 安撫大使; 以 神 中 遁。 甲 ; 子 知臨安府 • ; 城 ٠, 常楙遁。 武 慈元殿,文班 申 庚辰、簽書樞密院 俞 四川 求 命吉王昰、 降。 熒惑犯木星。 皇帝,歲奉銀 如 稱 眇然幼沖 大元 珪為環衛官 姪 見存州郡,悉上聖朝,爲宗社生靈祈哀請命。 庚午, 歸,臣將 兵至 信王 全永 納 三學生誓 幣 信王 阜亭山 止六 不不 同簽書樞密院事 、堅浙東 遭家多 活往。 絹二十 昺出 從; 甲戌,大元兵至瑞州 廣王 人。 夏士林遁。 提舉信王 死 難 鎭。 諸關 稱 不去,特與放釋 撫諭使。 遣監 五萬 謹 判泉州 薩權 姪 奉 孫 丁丑,以夏 察御 兵盡潰。 太 奸 ,乞存境土以奉蒸嘗。 府行事。 不 辛未, 似道 黄 辛巳,祀太乙宮。 皇 兼 史楊 鏞 從。 太后 判 背盟誤國 多知政 南 遣監察御史劉岊奉 應奎上傳國 ,褐出 命吳堅爲左丞 戊辰 士林簽書樞密院 命 外宗正 大元兵入安吉州, 知州 削 身。 , 事 還 去 姚岩棄城去。 , 陳文龍 ,太皇太后 帝 事 至 以楊亮節 。以留夢炎爲 號 勤 癸未,升 璽 癸酉, 以 興 降, 相兼 伏望 師 遁。 事 兩 其表曰:「宋國主 問 為福州 表稱臣,上大元皇 0 左司 命 浙 聖慈垂念,不忍臣 封吉王是爲益王 樞密使 罪。 以謝堂爲 知州趙良淳自經 乙亥, 用 己卯, 福 諫 臣 江 臣 常楙 禮 陳孟 東 觀察使 以賈餘慶 非 加 西 江東西 不 全永 兩 己巳, 虎、 參 浙 湖 能 提 堅 監 知 鎭

戌,命天祥同吳堅使大元軍。 遁 臨江軍滕岩瞻遁。 知臨安府。戊子,知建德軍方回、知婺州劉怡、知處州梁椅、知台州楊必大皆降。 三百餘年宗社遽至隕絕,曲賜存全,則趙氏子孫,世世有賴,不敢弭忘。」是夜,丞相陳宜中 張世傑、蘇劉義、劉師勇各以所部兵去。乙酉,以文天祥爲右丞相兼樞密使、都督。 賜家鉉翁進士出身,簽書樞密院事,賈餘慶同簽書樞密院 是月,知 丙

循遣買餘慶、吳堅、謝堂、劉岊、家鉉翁充祈請使。是日,大元軍軍錢塘江沙上,潮三日不至。 大元使者入臨安府,封府庫,收史館、禮寺圖書及百司符印、告敕,罷官府及侍衞軍。 二月丁酉朔, 三月丁丑,入朝。 日中有黑子相盪, 如鵝卵。 辛丑, 率百官拜表祥曦殿, 是月,陳宜中等立是于福州,後一 詔諭郡縣使降。 壬寅,

年四月是姐于碉洲,陸秀夫等復立衞王昺,後三年始平之。 五月內申,朝于上都。 降封開府儀同三司、瀛國公。

亦係其功德之厚薄焉。 之敝失於弱,即文之敝失於僿也。 赞曰:司馬遷論秦、趙世系同出伯益。 趙宋雖起於用武,功成治定之後,以仁傳家,視秦宜有間矣。 中世有欲自強,以革其敝,用乖其方,馴致棼擾。 夫稷、契、伯益其子孫皆有天下,至於運祚 短長, 然仁 建炎

『殷士膚敏,屧將于京。』喟然嘆曰:大哉天命,善不可不傳於後嗣,是以富貴無常。」至哉言 而後,土宇分裂,猶能六主百五十年而後亡,豈非禮義足以維持君子之志,恩惠足以 乎!我皇元之平床也,吳越之民,市不易肆。 庶之心歟? 之言訓之。 瀛國 澐日:「大哉王言,一哉王心。」我|元一天下之本,其在于茲。 四歲卽位, 而天兵渡江,六歲而羣臣奉之入朝。 世祖皇帝命征南之帥, 漢劉向言:「孔子論詩至 輒以宋祖戒曹彬勿殺 固結黎

信王。 臨安,宗親復以請,乃徙封昰爲益王、判福州、福建安撫大使,昺爲廣王、判泉州兼判南外宗 謝太后召賈似道等入宮議所立,衆以爲昰長當立,似道主立嫡,乃立濕而封昰爲吉王,昺 正,以駙馬都尉楊鎭及楊亮節、俞如珪爲提舉。 二王者,度宗庶子也。 德祐二年正月,文|天祥尹臨安,請以二王鎭閩、廣,不從,始命二王出閣。 長建國公昰,母淑妃楊氏,季永國公昺,母修容俞氏。 大元兵迫 度宗崩

全以兵數十人始追及之,遂同走温州,陸秀夫、蘇劉義繼追及於道。 遣人召陳宜 宜中來謁,復召張世傑于定海,世傑亦以所部兵來温之江心寺。高宗南奔時嘗至是,有御 王還,鎭得報卽去,曰:「我將就死於彼,以緩追兵。」」亮節等遂負王徒步匿山中七日,其將張 大元兵至高亭山云了鎮等奉之走婺州。丞相伯顏入臨安,遣范文虎將兵趣婺,召鎭以 中于清澳,

本紀

第

四十

七

灦 國

公

州 爲 座 同 方欲 姓 在 福 一寺中 建 察 太 從黃萬 皇 訪 衆 太后 使 相 兼 石 率哭座下,奉是為天下兵馬都元帥 公安撫、 降 [尋遣二宦者以兵八人召王 聞是將至, 知 西外宗正 卽 朗 ,趙吉甫 城,却使者,萬石將劉俊、宋彰、周文英輩亦 于温 知 南 外宗正 宜中等沉其兵江 房副之。 兼福 建 乃發兵除吏, 一同提刑 中, 先入閩 遂入閩。 以 中無 秀王與睪(元) 多來歸。 吏民 建 諭 諸

聞是 信 棄城 鎭江 爲 兵。 福 州 樞 Ξ 遁 爲 密 立 廣 五 月 歸 東經略使徐直諒遣梁雄飛 福 副 命 安府 衛王。 使, 乙未朔,宜中等乃立昰于福州 權通 庚辰,以爲右丞相 陸秀夫爲簽書樞密院 :((0) 判李性道、推鋒軍 宜中爲左丞相兼都督,李庭芝爲右丞相,陳文龍、 温州爲瑞安府。 兼知 將黃俊等拒雄飛 請降于 樞密院事。 事。 郊赦。 ,以爲宋主,改元景炎,册楊淑妃爲太后 命吳浚、趙溍、傅卓、李珏、 隆 興 是日 (帥府 遣其將 :黎明,有大聲出府中 于 乃 石門, 呂武 假 雄 性道 入江 统 招 一、淮 不戰, 討使 劉黻爲參知政 翟國秀等分道出 招 **-**,衆皆驚仆。 使徇 温豪傑, 俊戦 廣州 敗奔廣州 杜滸 ,同聽政。封 事 文天祥 如 旣 ,張世 兵。 而 温 直 州 白 募 改 諒

取 、南豐、 六月丙子 宜黃、 雄飛 寧都一 入廣 一縣。 州 翟 國秀 諸降 取秀山 將皆授以官 傅卓至衢、信諸縣,民多應之者。命文天祥爲同 俊獨 不受, 遂爲衆所殺。 吳浚聚兵于廣昌

都督

七 月丁 酉,進兵南 劍州, 欲取江西。 是月, 吳浚兵敗於 、南豐, 翟 國秀 聞 兵 遂 引

傅卓兵敗, 詣 江 一西元帥 府降。 平章 阿里海 牙破 嚴關,馬暨退保靜江 府

手軍 兵至 捕使,知漳州, 一,遂解 八月,潭州亂, 歸。 備禦下三郡。 以王積翁爲福建提刑、招捕使, 命陳文龍爲閩、廣宣撫使以討之。 張世傑遣兵助吳浚與元帥李恆戰兜零,兵敗奔寧都。 知南劍州, 甲戌,秀王與睪圍婺州。 備禦上三郡; 黄恮 為同 丙子, .提刑、 興化石 聞 招 大

討也的迷失會東省兵于福州。 迎謁,飛與逢龍執而殺之。衢州守將魏 之,攻雄飛于 九月,復以陳文龍知興化軍。 廣州。 壬寅,雄飛遁,熊飛遂復韶州。 元帥呂師夔、張榮 東莞人熊飛爲黃世傑守潮、惠二州,聞趙溍至, 福 興 出 戰 實將兵 福 星 新會令曾逢龍亦帥兵至廣州 橋 入梅 死。 領 壬子, 趙溍入廣州。 李性道 即以 是月 兵 招 出 應

|韶||州 + 月壬戌朔,文天祥 大軍圍韶州 ,守將劉自立以 入汀州。 城降,飛率兵巷戰,兵敗赴 趙溍遣曾逢龍就熊飛 禦 大軍于南雄 水 处 逢龍戰死, 熊飛奔

刺罕 安, 觀察使李世達死之。 兵至建寧府,執守臣趙崇鐖,知邵武軍趙時賞、知南劍州王積緣皆棄城去。 十有一月, 參政阿 刺 與睪及其弟與慮、子 罕、董文炳將兵至處州,李珏以城降。 孟備 監 軍 趙由萬、察訪使林温被 甲辰,秀王 與睪逆戰 執皆死。 乙巳,昰入 于瑞 阳

本

紀

第

四

十七

灦

國公

世傑留 壽庚提 海。 臣 **庚乃怒殺諸宗室及士大夫** 凌 彌 癸丑 壽 (舉泉州舶司,擅蕃舶利者三十年。 堅、徐夢得等亦降。 庚,則凡海舶不令自隨,世傑不從,縱之歸。 大軍至福安府, 與淮兵之在泉者。 知府王剛中以城降台。 是舟至泉 是移潮州。 是欲入泉州 壽庚 繼而舟不足, 是月, 《來謁,請駐蹕,張世傑不可。 福、 招撫蒲壽庚有異志。 乃掠其舟并沒其貲, 興化皆降 (三)。 英德守 或勸 初,

及 不屈死。 知泉州 + = 是 田眞子以城降。 月辛酉朔,趙 次甲子門。 潛棄廣州遁。 知興化軍陳文龍嬰城不下,乙酉,通判曹澄孫以城降,文龍被執, 乙丑,制置方興亦遁,吳浚退走入瑞金。 戊辰, 蒲壽庚

入瑞金 至元 一、文天祥走潭州 十四年正月, ,後尋還汀州 大軍破汀關。 降。 癸巳, 戊 申,知潮州馬發及其通 知循州劉興降。 壬寅, 判戚繼 吳浚棄瑞金遁、鎭撫孔遵 祖降, 癸丑 一,復來

歸。丁巳,權知梅州錢榮之以城降。

月, 大 軍 至 廣 州 縣 人趙若岡 以城降。 廣 東諸郡皆降。

三月, 文天 が 坂 梅州 陳文龍從子瓚舉兵殺守將林華,據 興化 軍

几 月, 文天祥取 興國縣,廣東制置使張鎮孫襲廣州 取之,梁雄飛等棄城走韶州。

太湖 縣 五 月 丞 張 王 德 世 顋 傑將兵取 據 司 空山 潮州 攻 下黄 文天祥提兵自梅州 州、 壽昌 軍 丁 出江 已,遇宜 西入會昌縣, 一慰鄭鼎戦 樊口 准民張德興亦起兵殺 |鼎 墜水 死。

六月辛酉,文天祥取雩都。己卯,入興國縣。

傑 圍 泉州 七月,遣兵 造將 高 取吉、贛諸縣, 日新復邵 武。 圍贛 淮兵在 州。 福 衡 州 Ш 者 人趙璠、 欲殺 撫州人何時皆起兵應之。 王 一積翁以 應 世 傑 皆爲積翁所戮 乙巳, 張 江

西宣慰李恆遣兵援贛州,而自將兵入興國。

壬申,文天祥兵 八月,文天祥諸將兵皆敗 、敗于興國 己卯、大軍 ,乃引兵 卽 破 司空山 鄒 順 于永豐, 一,張德 興敗 源兵亦潰。 、亡走。 己巳,熒惑掩月,天 甲申 ·,天祥至空坑 了,兵盡 色赤

潰,遂挺身走循州,諸將皆被執。

九月,元帥唆都援泉州 戊 申, 張世 傑歸淺灣。 左丞塔出將兵 、入大庾嶺, 參政 也的

<u>失將兵復取邵武入福州。</u>

+ 月 甲辰 唆都破 興化 軍 陳瓚死之。 進攻 |潮 州 馬發拒之,乃去攻 惠州

月, 塔出 圍廣 州 庚寅 , 張鎭 孫以 城 降 元帥 劉深以舟師攻是 于 淺灣 是

秀山。陳宜中入占城,遂不反。

本

紀

第

四

+

-Li

灦

國

公

二月丙 子 是 至 井澳 八,颶 風 、壞舟幾溺死,遂成疾。 旬餘, 諸兵 、土始稍稍 來集, 死者

四五。丁丑,劉深追是至七州洋,執俞如珪以歸。

十 五年正月,大軍夷廣州城。 張世傑遣兵攻雷州,不克。 己酉,大軍克涪州 執守將王

明。

二月,大軍破潮州,馬發死之。

三月,文天祥取惠州,廣州都統凌震、轉運判官王道夫取廣州。 是欲往居占城不果,遂

駐 一個洲。 遣兵取雷州。 曾淵子自雷州來,以爲參知政事、廣西宣諭使。

几 月戊辰,是殂于碙洲 ,其臣號之日端宗。 庚午,衆又立衞王昺爲主,以陸秀夫爲左丞

相。是月,有黃龍見海中。

五月癸未朔, 改元祥興。 **乙**酉、升碙洲爲翔龍縣。 遺張應科、王用取雷州,應科三戰皆

不利,用因降。

龍 府。 六月丁巳,應科再戰雷州,遂死之。 己巳,有大星東南流,墜海中,小星千餘隨之,聲如雷,數刻乃已。 知高州李象祖降。 己未,昺徙居厓山 己卯,都 ,升廣州爲翔 元帥 張弘

範、李恆征厓山。

十月, 趙與珞與謝明、謝富守瓊州,阿里海牙遣馬成旺招之,與珞率兵拒于白沙口 本 紀 第 四 + 七 灦 國 公 校 勘 記

九四五

十一月癸巳,州民執興珞以降。

閨 月庚戌、王道夫棄廣州遁。 壬戌,凌震遁。 癸亥,大軍入廣州

于五 坡嶺。 震兵又敗于芰塘。 大軍破南安縣,守將李梓發死之。

十二月壬午,王道夫攻廣州,兵敗被執。

凌震兵繼至亦敗。文天祥走海豐,壬寅

()被執

又以舟載茅,沃以膏脂,乘風縱火焚之。艦皆塗泥,縛長木以拒火舟,火不能褻。 巨艦 千餘艘、中艫外舳,貫以大索、四周起樓棚 十六年正月壬戌,張弘範兵至厓山。 庚午, 李恆兵亦來會。 如城堞,居昺其中。 世傑以舟師碇海中,棊結 大軍攻之,艦堅不動。

度不得出走,乃負昺投海中,後宮及諸臣多從死者,七日,浮尸出 相辨。 軍。 敵,兵士皆疲不能戰。俄有一舟檣旗仆,諸舟之檣旗遂皆仆。 氣出山西。 諸軍潰,翟國秀及團練使劉俊等解甲降。大軍至中軍,會暮且 二月戊寅朔,世傑部將陳寶降。己卯,都統張達以夜襲大軍營,亡失甚衆。 世傑乃與蘇劉義斷維 李恆乘早潮退攻其北,世傑以准兵殊死戰。至午潮上,張弘範攻其南,南北受 ,以十餘舟奪港而去,陸秀夫走衞王舟,王舟大,且諸舟環結, 世傑知事去,乃抽精兵入中 于海十餘萬人。 風雨,昏霧四塞,咫尺不 癸未,有黑 楊太后聞

葬之海濱,已而世傑亦自溺死。宋遂亡。

謀,可謂不知天命也已。然人臣忠於所事而至於斯,其亦可悲也夫! 贊曰: 宋之亡徵,已非一日。曆數有歸,眞主御世,而宋之遺臣,區區奉二王爲海上之

校勘記

- (1) 咸淳七年九月己丑 年卽皇帝位,「年四歲」,可見趙㬎實生于咸淳七年,據改。 生」,宋史全文附錄宋季朝事實也載咸淳七年九月已丑「皇后誕生皇子」,本卷下文又說咸淳十 「七年」,原作「六年」。按本書卷四六度宗紀載咸淳 七年九月己丑「子累
- 3 副總制仁寧出降 「仁寧」,平宋錄卷上、元史卷一二七伯顏傳都作「任寧」。
- 責洪起畏鎮江自效 「責」,原作「貴」。按南宋對黜降的武官有責令其在某處自效的制度,「貴」
- 當爲「責」的形訛,因改。

「西」字。

京湖北路相繼皆下

按宋無

「京湖北路」,京湖宣撫原轄湖北和京西部分地區,

京」

下疑脫

5 至 褚一正 原作「楮一正」,據本書卷四二一李庭芝傳、卷四五四本傳改。

- (公) 謪 似 道 爲 高 州폐 練 副 使 副 字 原脫,據宋季三朝政 要卷五、宋史全文後附宋季 朝 事 實 補
- (七) 按 領 本書卷 戶 部 財 用 六三職官志、朝野雜記甲集卷一七, 常 林 「財」,原作「材」, 本書卷二四六鎮王竑傳 都說建炎 初年開始設置「提領 作「提領戶 部 財 用 措 邪 置 修 戶 阈 部 史 財 當 Ш 林。

據改。

- **S** 高亭山 法,宋寧宗御書三字爲扁。 四五 一徐道隆傳、平宋錄卷中都作「臯亭山」。 宋季三朝政要卷五、宋史全文後附宋季朝 疑作「臯亭山」是。 按咸淳臨安志卷二四有皐亭山、幷說見唐書地 事實同,上文德耐 二年正月甲 中條、 本書卷 **理**
- (元) 秀王 與睪 「睪」,據本書卷四 五〇、昭忠錄本傳作「懌」,宋季三朝政要附錄廣王本末作 擇」。
- 8 登極 改 福 。」本卷下文十一 於福 州 爲 州 福 安府 升福州 「福安府」, 為福安府。」宋史全文後附宋季朝事實:「升福州 月癸丑條,亦作「福安」。據改 原作「安福 府。 。按宋季三朝政要附錄廣王本末:「五 魚 福安府,以司 馬 月 F. 日廣王 剛 1 知

府

事

- =大軍 政要附錄廣王本末、宋史全文後附宋季 至 福 安 府 知府 王 剛 中 以 城 降 福 上朝事實: 安府」 原作「福安州」, 「知府」原作「知州」, 據宋季三
- <u>=</u> 後附 是月 宋季 福 興化 朝 :皆降 事 實 同 此句有誤。 據下文, 興化降在下月, 朱季三朝政要附錄廣王本末、宋史全文

九四七

本

紀

第

75

+

-1:

校

勘

記

宋所載, 元兵圍攻廣州乃十一月事,據改。

